

5641

243

8-80

11 OCT 2009

21838

Ա. Ղ. ՕԹՒԻ
ՆՇԱՆԱԿՈՒԹԻՒՆԸ

ՀԻՐ ԷՄԵՐԱՆ ՖՈՍԻԻ

ՀԱՅՏԵՆ ԳԵՐԱՅԻՆ

Փրոֆ. ՅԱԳՂ. Ք. ԳՅՍՍՅԱՆ



ՀՐԱՅՈՐԱԿՈՒԹԻՒՆ

ԱՄԵՐԻԿԱՆ ՊՈՐՏ ԸՆԿԵՐՈՒԹԻՒՆ

Կ. ՊՈԼԻՍ

1930

243
- 80

Handwritten notes in Armenian script on the green cover.

243
8-80

Handwritten in red ink:
Shaykhanlyan
1944

ԱՂՕԹՔԻ
ՆՇԱՆԱԿՈՒԹԻՒՆԸ

ՀԵՐ ԷՄԸՐԱՆ ՁՈՍՏԻՎ

ՀԱՅԵՐԷՆԻ ՎԵՐԱԾՈՒԱԾ



ՀՐԱՏԱՐԱԿՈՒԹՒՒՆ
ԱՄԵՐԻԿԱՆ ՊՈՐՏ ԸՆԿԵՐՈՒՄԸ
Կ. ՊՈԼԻՍ
1930

ՏՊԱՐԱՆ ՍԵՂԱՄԷՐ

Handwritten scribble or signature in black ink.

06.09.2013

5691

ՆԵՐԱԾՈՒԹԻՒՆ

Աղօթքի վրայ այս խորհրդածուծիւնները եւ ուսումնասիրութիւնները խիստ ժամանակայարմար են: Մարդկութեան բարօրութեան նպաստող մարդկային միջոցներու եւ գործօններու խեղճութեան եւ անյարմարութեան այսքան ընդարձակ եւ այսքան համոզիչ ապացոյցներ երբեք եղած չեն: Գերմարդկային օգնութեան պէտքի այսքան լայնածաւալ զգացում երբեք եղած չէ: Քրիստոնեաներու երբեք այսպիսի հրաւերներ ուղղուած չեն աստուածային գործակցութիւն պահանջող գործեր ստանձնելու, եւ երբեք այսքան բացորոշ բաղձանք եղած չէ Աստուծոյ զօրութեան պահպանիչ եւ փրկարար գաղտնիքը գտնելու: Աղօթքի համար լայնատարած շահագրգռութիւն կայ: Այս կ'ապացուցուի այն աւագ կարեւորութեամբ որ խնդրին կ'ընծայուի ամէն երկրի ուղերձներով եւ քարոզներով, ինչպէս նաեւ այլազան լեզուներով զիրքի եւ տետրակի գրականութեան յարանուն զանգուածով: Աղօթքի Կոչերու եւ Աղօթքի Ակումբներու բազմացումն ու Աղօթքի Խումբերու եւ Բարեխօսական Ընկերակցութեանց կազմութիւնը եւս նոյնանման վկայութիւն կը հայթայթեն: Քրիստոնեաներու մէջ ամէն տեղ, նոյն իսկ իրենց անձերը հաւատացեալ քրիստոնեայ չի կոչող շատերու մէջ, անկեղծ բաղձանք մը երեւան գալու վրայ է հասկնալու թէ աղօթքը ի՛նչ է, եւ աւելի խորապէս զբաղելու անոր կիրառումով:



151573-651

93-90 1

1345-91

Աղօթքի մասին բազմաթիւ նորագոյն գրութեանց մէջ հաւանօրէն ոչ մէկը աւելի կը յաջողի ցուցնել անոր բանաւորութիւնը քան հետագայ գլուխները: Անոնք կը պատասխանեն շատ մը պարկեշտ տարակուսողներու հարցումներուն որ անպատասխանի թողուած են: Նիւթին ամենօրեայ կարգաւորումը աղօթքի թանկագին դպրոց մը պիտի դարձնէ ուսումնասիրութիւններու այս շարքը: Այս կը ցուցնէ նիւթին շուրջ Փրոֆ. Ֆոստիքի երկասիրութեան զլխաւոր արժանիքներէն մէկը: Ի յայտ կը բերէ յստակ ճանաչումը այն պարզ եւ կեդրոնական իրողութեան — որ ըստ երեւութիւն դեռ չէ ճանչցուած այնքան — թէ աղօթքը բան մըն է, որուն իրականութիւնն ու զօրութիւնը աղօթելով միայն հնար է ստուգել: Քրիստոնեաներու մէջ վրդովիչ տկարութիւն մը կայ թէ մենք աւելի արագ յառաջ կը բերենք Քրիստոնէական գործունէութիւն քան Քրիստոնէական փորձառութիւն ու Քրիստոնէական հաւատք, թէ մեր հոգիներուն հրահանգումը եւ Աստուծոյ հետ մեր ծանօթութեան խորացումը անբաւական կը հանդիսանան մեզ պատրաստել ընդ առաջ երթալու համար մեր սերունդին պատեհութեան ու պատասխանատուութեան աննախընթաց ընդարձակման: Այս ուսումնասիրութիւնները եւ հոգեւոր հրահանգները, մարդոց օգնելով կազմել ամենէն փոխակերպող, սըրտապնդող եւ արդիւնաւոր այն ունակութիւնը — Քրիստոնէական աղօթքի ունակութիւնը — շատ բան ըրած պիտի ըլլան յաղթահարելու համար այս վտանգը:

ՃՈՆ Բ. ՄՈԹ

ԲՈՎԱՆԴԱԿՈՒԹԻՒՆ

| | |
|--|-----|
| | Էջ |
| Ներածութիւն | 4 |
| Բովանդակութիւն | 6 |
| Յառաջաբան | 2 |
| Թե Ի՛նչպէս Գործածելու և Այս Գիրքը | 5 |
| ✓ Ա. Աղօթքի Բնակութիւնը | 1 |
| ✓ Բ. Աղօթք Որպէս Հաղորդակցութիւն Աստուծոյ Հետ | 31 |
| Գ. Աստուծոյ Հոգածութիւնը Անկասկե չաւար | 61 |
| ✓ Դ. Աղօթք և Աստուծոյ Բարութիւնը | 86 |
| ✓ Ե. Արգելիներ և Դժուարութիւններ | 111 |
| 2. Աղօթք և Օրհնիկի Իշխանութիւնը | 143 |
| Է. Զի Պատասխանուած Աղօթք | 177 |
| Ը. Աղօթք Որպէս Տիրական Բարձրագոյն | 208 |
| Թ. Աղօթք Որպէս Ռազմադրոյց | 239 |
| Ժ. Աղօթքի Մեջ Անշահախնդրութիւն | 272 |

ՅԱՌԱՋԱԲԱՆ

Այս գրքոյկը գրուած է այն յոյսով որ օգնէ շատ մտքեր շփոթեցնող նիւթ մը պարզելու: Աղօթքը կրօնքի հոգին է, եւ անոր մէջ թերացումը մակերեսային պակտութիւն մը չէ, զոր լեցնելու համար հոգեւոր կեանքը կարենայ հանդարտօրէն սպասել: Աղօթքի մէջ թերացումը նոյն ինքն կրօնքի կորուստն է՝ Յաւիտենականին հետ յարաբերութեան իր ներքին եւ ուժային երեւոյթին մէջ: Աստուծոյ հետ հաղորդակցութիւնը դադրեցուցած ոեւէ մարդու կը մնայ միայն տեսական աստուածութիւն մը, եւ տեսական աստուածութիւն մը ոչ մէկ մարդ կը փրկէ մեղքէ եւ վիստումէ, եւ ոչ մէկ կեանք կը լեցնէ աստուածային խնամակալութեան զգացումով: Այսպիսի կենսական հետեւանքներ կենդանի Աստուած մը կը պահանջեն, որ իրապէս կ'գրադի մարդոցմով:

Ներկայ գիրքը, այս կենդանի Աստուծոյ հետ յարաբերութեան արգելք եղող դժուարութիւնները բառնալ ջանալու պահուն, Սուրբ Գիրքը գործածած է իբր հիմ իր խորհուրդին: Բայց Սր. Գիրքէն մէջ բերուած հաստուածները զաղափար մը հաստատելու իբր փաստ չեն գործածուիր, այլ միշտ իբր նկարագրութիւն փորձառութեան մը զոր մարդիկ իրապէս ունեցած են Աստուծոյ հետ: Ասոր նման ուսումնասիրութեան մը մէջ Սր. Գիրքը աշխատանոցային դասագիրք մըն է, որ կ'արձանագրէ բոլոր երեւոյթները Աստուծոյ հետ մարդու կեանքի եւ մարդու հետ Աստուծոյ յարաբերութեան:

Հ. Է. Ֆ.

ԹԷ ԻՆՉՊԷՍ ԳՈՐԾԱԾԵԼՈՒ Է ԱՅՍ ԳԻՐՔԸ

Տր. Ֆոստիքի այս աշխատասիրութիւնը կրնայ առանձինն ուսումնասիրուիլ անհատներու կողմէ, կրնայ ալ կարգերու կամ խմբակներու իբր դասագիրք ծառայել մասնաւոր անձի մը առաջնորդութեամբ, Գիրքը կը բաժնուի տասը շարքներու, եւ իւրաքանչիւր շարք՝ մէն մի օրուայ յատուկ խորհրդածութիւններու: Ամէն շարք կը նուիրուի Աղօթքի Նշանակութեան առնչակից մասնաւոր նիւթի մը քննութեան, եւ շարքուան աւօրեայ ընթերցումներուն նպատակն է այն նիւթը պարզաբանել մանրամասնօրէն: Շարքաւոր ուսումնասիրութիւններուն կը յաջորդէ մեկնաբանութիւն մը շարքուան համար, յետոյ հարցումներու շարք մը իբրեւ թելադրութիւններ մտածումի եւ քննութեան:

Այս գիրքը գործածելու լաւագոյն կերպն է առաջին շարքէն սկսիլ ու օրէ օր կարգաւ կարդալ աւօրեայ ընթերցուածներն ու բացատրութիւնները: Կարելի է շարքաւոր մեկնութիւններն ուսումնասիրել աւօրեայ խորհրդածութիւններուն հետ, զոր օրինակ, շարքուան առաջին օրուան ընթերցումէն ետքը նոյն շարքուան մեկնութեան առաջին մասն ուսումնասիրել խնամով: Կարելի է նաեւ շարքուան աւօրեայ ընթերցումներն աւարտել եւ յետոյ ուրիշ շարք մը նուիրելով մեկնութիւններուն՝ մաս մաս ուսումնասիրել զանոնք աւօրեայ խորհրդածութիւններուն հետ:

Վերջապէս աւօրեայ ընթերցումներուն ու մեկնութիւններուն խնամով ուսումնասիրուելէն ետքը, պէտք է անցնիլ մտածման եւ քննութեան յատուկ թելադրութիւններուն: Այս գրքոյկն առանձին ուսումնասիրողին համար լաւագոյն կերպն է զգուշու-

թեամբ քննել թելադրութիւնները եւ իւրաքանչիւր հարցման համար գրաւոր պատասխան մը պատրաստել: Եթէ զիրքը խմբովին կ'ուսումնասիրուի, բուսական է բերանացի քննել հարցումները: Բայց հող իսկ ուսանողը շատ բան պիտի շահի իր պատասխանները գրի առնելով դասարանի վիճարանութենէն առաջ կամ ետքը:

Այս կերպով կ'ուսումնասիրուի լման տասը շաբաթի վրայ տարածուող ամբողջ զիրքը: Շատ անձեր եւ խմբակներ աւելի օգտակար պիտի գտնեն զիրքը քսան եւ ոչ թէ տասը շաբաթէն լմնցնել, որպէս զի կարենան աւելի ժամանակ տալ իւրաքանչիւր շաբթուան ուսումնասիրութիւններուն, մեկնութիւններուն ու թելադրութիւններուն:

Լաւագոյն արդիւնքը ձեռք բերելու համար պէտք է շարունակ Աստուծոյ օգնութիւնն հայցել՝ զիրքն ուսումնասիրելու պահուն:

ԳԼՈՒԽ Ա

ԱՂՕԹՔԻ ԲՆԱԿԱՆՈՒԹԻՒՆԸ

Օրակսն ընթերցուածք

Առաջին Շաբաթ, Առաջին Օր

Անդամ մը Սամուէլ ձոնսընի հարցուցին թէ աղօթքի համար ամենազօրաւոր ապացոյցն ի՞նչ էր, և ան պատասխանեց. «Պարոն, աղօթքի համար ապացոյց չի կայ»: Մարդ կարդալու է միայն ձոնսընի խնդիրքները, ինչպէս ստորեւ տրուածը, տեսնելու համար թէ ան ասով աղօթքը անբանաւոր հռչակել չէր ուզեր. ան կ'ուզէր միայն չեչտել այն իրողութիւնը թէ աղօթելը ամէն բանէ առաջ բնածին հակում մըն է: Անիկա չնչելու և ուտելու նման գործողութիւն մըն է այն տեսակէտով՝ որ մարդիկ անոր անձնատուր կ'ըլլան մարդկային ըլլալուն համար, և յետոյ կը պատճառաբանեն զայն ըստ կարելոյն: «Աղօթքը,» ինչպէս Քարլայլ կ'ըսէ բարեկամի մը ուղղած նամակի մը մէջ, «է և կը մնայ մարդուն հոգիին բնածին և ամենախորին մղումը»: Նկատեցէք աղօթելու այս տիեզերական ձգտումը, որ կը յայտնուի տաճարին նաւակատիքին առթիւ «Սողոմոնի աղօթքին» մէջ.

«Ու քու ժողովուրդէդ Իսրայէլէ չեղող, և հետաւոր երկրէ մը քու մեծ անուանդ համար և զօրաւոր ձեռքիդ համար ու բարձր բազուկիդ համար եկող օտա-

րականն ալ եթէ գայ ու այս տան մէջ աղօթք ընէ , Դուն երկինքէն , քու բնակութեանդ տեղէն , լսես , և օտարականին քեզի ըրած ամէն խնդրուածքը կատարես , որպէս զի երկրիս ամէն ժողովուրդները քու անունդ ճանչնան , և քու ժողովուրդիդ Իսրայէլի պէս վախնան , և գիտնան թէ այս իմ շինած տանս վրայ քու անունդ կոչուած է :» Բ Մնաց . Զ . 32 , 33 :

Դիտելի է որ այս աղօթքը կ'ընդունի թէ աշխարհի ոեւէ մէկ ծայրէն եկող օտարական մը հաւանօրէն աղօթող մարդ մըն է : Մեր ուսման այս առաջին օրը մենք մեզի ըսինք թէ աղօթքի մասին խօսած ատեն մենք կը խօսինք , ինչպէս Սրբազան Մատեանը կը թելադրէ , մարդկային կեանքի բնական մէկ պաշտօնին մասին :

«Պայքար մըղող , տենչացող հողիները բոցավառ եւ աղօթող սիրտերը Բու լոյսովըզ կը վառին ,

եւ հըրեղէն լեզուներդ՝ կիսափայլուն կամ պայծառ՝ Մութ ցեղերու և աղօտ դարերու վրայ կը թառին :»

Աղօթք . Ով Տէր , Բու ձեռքերուդ մէջ են կեանքն ու մահը , Բու զօրութեամբդ կը պահուիմ ես , և Բու շնորհքդ է որ ինձի կը խնայէ . գթութեամբ նայէ իմ վրաս : Ներէ ինձի որ մինչեւ հիմա ա՛յնքան զանցառու գտնուած եմ՝ Բու ինձի համար նշանակած պարտականութեան մէջ , և թող տուած եմ որ օրերն ու ժամերը , որոնց հաշիւը տալու եմ Քեզի , սահին անցնին առանց կամքդ կատարելու ճիգի մը : Յիշեցուր ինձի , ով Աստուած , որ ամէն մէկ օր Բու պարգեւդ է , և պէտք է որ գործածուի Բու պատուէրիդ համաձայն : Ուստի շնորհէ ինձի այնպիսի զղջում մը իմ զանցառութեանս վրայ , որ կարենամ շնորհք գտնել Քեզմէ , և Բու զեռ ինձի պարգեւելիք ժամանակը անցընել՝ Բու պատուի-

րանքներդ աշխուժիւ կատարելով , Յիսուս Քրիստոսի ժիշոցաւ : Ամէն : Սամուէլ ճոնսըն (1709-1784) :

Առաջին Ծարար , Երկուրդ Օր

Եպիփտեա ոչ-քրիստոնեայ իմաստասէր մըն էր , և սակայն լսեցէք թէ ի՛նչ կ'ըսէ : «Երբ դուռդ գոցած ու սենեակդ մթնցուցած ես , ինքնիրենդ մի ըսեր թէ առանձին ես : Աստուած սենեակիդ մէջ է :» Հիմա կարգաւ և տես՝ թէ Պօղոս ի՛նչպէս կը գնահատէ Աստուծոյ համար յայտնուած այս ծարարը և Անոր ներկայութեան այս զգացումը , որոնց կը հանդիպինք բոլոր ժողովուրդներուն մէջ :

«Ով Աթենացի մարդիկ , ամէն կողմանէ խիստ կրօնասէր կը տեսնեմ ձեզ : Քանզի ես պտըտելով ու ձեր պաշտամունքը զննելով՝ սեղան մը գտայ , որուն վրայ գրուած էր , ԱՆԾԱՆՕԹ ԱՍՏՈՒԾՈՅՆ . ուստի զանիկա զոր դուք ճճանչնայով կը պաշտէք , ես նոյնը ձեզի կը քարոզեմ : Աստուած , որ աշխարհը ստեղծեց և անոր մէջի բոլոր բաները , անիկա երկնից ու երկրի Տէրը ըլլալով , ո՛չ ձեռագործ տաճարներու մէջ կը բնակի , ո՛չ ալ մարդոց ձեռքով կը պաշտուի՝ բանի մը կարօտի պէս . քանզի ինքը կու տայ ամէնուն կեանք ու շունչ և ամէն բան . ու բոլոր մարդոց ազգերը մէկ արիւնէ ըրաւ , որ բոլոր երկրի երեսին վրայ բնակին , և որոշուած ժամանակներ հաստատեց , ու անոնց բնակութեան սահմանները՝ զԱստուած փնտռելու : Որ ըլլայ թէ խարխափելով զինք գտնեն , թէպէտեւ մեր ամէն մէկէն ալ հեռու չէ . վասն զի անով կ'ապրինք և կը շարժինք ու կանք , ինչպէս ձեր բանաստեղծներէն մէկ քանիններն ալ ըսին , Քանզի մենք անոր ցեղէն ալ ենք :» Դործ . Ժէ . 22-28 :

Նկատեցէք նշանակութիւնն այն իրողութեան թէ

աղօթք և երկրպագութիւն, ինչպէս տեսանք, տիեզերական են, թէ բոլոր ժողովուրդները «զԱստուած կը փնտռեն, որ ըլլայ թէ խարխափելով զինք գտնեն» կը պատմուի թէ տգէտ Ափրիկեցի կին մը, առաջին քրիստոնէական քարոզը լսելէ յետոյ, ըսաւ իր զրացիին. «Ահա, քեզի միշտ կ'ըսէի թէ ասոր նման Աստուած մը ըլլալու է» Ամէն մարդու անձին մէջ կայ տեղ մը ընդունակ՝ երկրպագելու և աղօթելու, ինչպէս նաեւ ըմբռնելու զԱստուած և Անոր սէրը: Ասիկա արդեօք մարդուն որոշիչ մէկ յատկութիւնը և անոր տիրացած ամենաազնիւ կարողութիւնը չէ՞: Հարց է սակայն թէ մենք ինչպէս կը վարուինք մեր ձիրքերուն այս ամենալաւին հետ:

Աղօթք. Ով Տէր Աստուած, շնորհք տուր մեզի որ Քեզ բաղձանք բոլոր սրտով, և որ այսպէս բաղձալով՝ կարենանք փնտռել և գտնել Քեզ, և այսպէս գտնելով Քեզ՝ կարենանք սիրել Քեզ, և Քեզ սիրելով՝ կարենանք ատել այն մեղքերը որոնցմէ Դուն ազատեցիր մեզ: Ամէն: Անսելմոս (1033-1109):

Առաջին Ծարաք, Երրորդ Օր

Աղօթքը շատերու մտքին մէջ մեծապէս վարկաբեկուեցաւ՝ պատերազմի միջոցին գործածուած ըլլալուն հետեւանքով: Մարդիկ զգացին որ անհեթեթ բան էր կռիւի դաշտին հակընդդէմ կողմերուն վրայ աղօթել և զԱստուած ցեղապետ մը ընել երկնից մէջ՝ յաղթութիւն շնորհելու համար, ինչպէս Արամազդ և Ապոզոն կը շնորհէին իրենց սիրականներուն: Ընդունինք բոլոր նեղմիտ, դառն և անբանաւոր տարերքը որ այսպէս նրեւան կու գան պատերազմի մը միջոցին աղօթելու մէջ, բայց կոյր չըլլանք սա ծանրակշիռ իրողութեան նշանակութեանը առջեւ. Ուրեւ ասեմ որ ազգային կեանքի մեջ

մեծ անվերաբեւե շրջան մը գաց, մարդիկ, որքան ալ սկեպսիկ լըլան, աղօթելու մշտնադր կ'ըզան իրենց ներսիդին: Ո՛րքան բնական է եղեկիէլի ազազակը երուսազէմի պաշարման միջոցին.

«Ով Տէր Աստուած Իսրայէլի, որ քերովէններուն վրայ կը նստիս, երկրիս ամէն թագաւորութիւններուն վրայ Աստուած միայն դուն ես. երկինքը ու երկիրը դուն ստեղծեցիր: Ով Տէր, ականջդ խոնարհեցուր ու լսէ. ով Տէր, աչքերդ բաց ու նայէ, և լսէ Սենեքերի մի խօսքերը, որ զրկեց կենդանի Աստուածը նախատելու համար: Ով Տէր, իրաւցնէ Ասորեստանի թագաւորները ազգերը և անոնց երկիրը աւրէջին, և անոնց աստուածները կրակի տուին, վասն զի անոնք Աստուած չէին, հապա մարդու ձեռագործ, փայտ ու քար էին. անոր համար զանոնք կորսնցուցին: Եւ հիմա դուն, ով Տէր Աստուած մեր, ազատէ մեզ անոր ձեռքէն, որպէս զի երկրիս բոլոր թագաւորութիւնները զիտնան, որ Տէր Աստուած միայն դուն ես:» Դ թագ. ԺԹ. 15-19:

Հիմա նկատեցէք ձգնաժամի մը մէջ աղօթելու նոյն հակումը, որ երեւան կու գար Եւրոպական պատերազմի ընթացքին: Անաւասիկ հատուած մը Սկովտացիի մը նամակէն, որ կը նկարագրէ իր քաղաքին մէկ անհաւատը, որ երբեք եկեղեցի չէր երթար, և որ սակայն հիմա կը նստի եկեղեցիին մէջ և արցունք կը թափէ, երբ կը լսէ քարոզիչին աղօթելը թագաւորին զինուորներուն և տունը մնացող զրկուածներուն համար: «Ահա ա՛յդ ատեն էր որ իմ բարեկամս հեկեկանք մը կ'ըլլեց: Կար վերջապէս բան մը, տիեզերական ուժերէն աւելի մեծ բան մը, օրէնքէն աւելի մեծ բան մը գլխացող աչքով և փրկարար բազուկով: Աստուած կար: Բարեկամիս որդին հոգակաւոր զօրագունդին մէջ էր, որ ասդին անդին նուաճումներ կ'ընէր, սգորելով ճակատագրին

հետ : Խեղճ հայրը անօգնական էր , և Աստուած միայն կար՝ որուն կրնար դիմել : Կեանքի մէջ երբեմն կու գայ պահ մը՝ ուր մարդ կ'զգայ թէ բնագոյն աւելի հզօր է քան տրամաբանութիւնը : Սկովտիոյ թեմական եկեղեցիներուն մէջ մեծ բանը քարոզն է , բայց այսօր տարբեր է . հիմա մեծ բանը աղօթքն է :» Ճգնաժամ մը այսպէս կը ցնցէ միշտ աղօթելու հակումը :

Աղօթք . Ով Տէր Աստուած Զօրութեանց , անոնց որոնք գացին մեզի համար պատերազմելու ցամաքի կամ ծովու վրայ , շնորհէ պաշտպանութիւն՝ վտանգի մէջ , համբերութիւն՝ նեղութեան մէջ , և չափաւորութիւն՝ յաղթութեան մէջ : Գթալից աչքով նայէ հիւանդներուն , վիրաւորուածներուն և գերեալներուն , անոնց վիշտերը նուիրագործէ իրենց համար , և անոնց սրտերը Քեզի դարձուր : Քու սիրելի Որդիիդ սիրոյն համար , ով Տէր , ներէ մեռնողներուն և ընդունէ զանոնք . զթա այրիներուն և հայրազուրկներուն , և մխիթարէ բոլոր սգացողները : Ով ողորմած Հայր , որ պատերազմները կը դադրեցնես ամբողջ աշխարհի մէջ , մեզի՝ Քու ժողովուրդիդ՝ շուտով վերագարձուր խաղաղութեան օրհնութիւնը , և շնորհէ որ ներկայ տագնապները Քու փառքիդ ծառայեն Փրկչին թագաւորութիւնը տարածելու և բոլոր ազգերուն միութիւնը գործելու . Քու խօսքիդ , երկիւղիդ և սիրոյդ մէջ : Լսէ , ով Տէր , և պատասխանէ մեզի , Յիսուս Քրիստոսի սիրոյն համար : Ամէն :» Է . Հօքինս (1789-1882) :

Առաջին Ծարար , Զորույ Օր

Հ . Քլէյ Թրըմպըլ կը պատմէ թէ Ամերիկայի Քաղաքային Պատերազմի ընթացքին , Ֆորթ Վալենբերի մէջ տեղի ունեցած անարկու ճակատամարտի մը միջոցին վիրաւորուած զինուորի մը հարցուց բանակին քարո-

զիչը . «Երբեք կ'աղօթէ՞ք :» «Երբեմն ,» եղաւ պատասխանը . «անցեալ շաբաթ գիշեր աղօթեցի՝ երբ Վալենբերի մէջ կուուելու վրայ էինք : Կարծեմ ամէն մարդ կ'աղօթէր ինն :» Դիտելի է թէ ի'նչպէս աղօթելու մղումը անխուսափելիօրէն ինքզինք կը հարկադրէ՝ երբ յանկարծ ճգնաժամային վտանգ մը կու գայ կեանքի մը վրայ : Այս նպատակին համար կարգացէք ծովային փոթորիկի մը նկարագրութիւնը Սաղմոսերգունին կողմէ :

«Նաւերով ծով իջնողները , ու մեծ ջուրերու մէջ գործողները , անոնք Տէրոջը գործերը ու անոր հրաշքները կը տեսնեն անդունդին մէջ : Վասն զի ան կ'ըսէ , ու մրրկալից հովը կը հանէ , որ անոր ալիքները կը բարձրացնէ : Երկինք կ'իլլեն ու անդունդը կ'իջնեն . անոնց անձերը նեղութենէ կը հալին . գինով մարդու պէս կը դողդղան ու կ'երերան , և անոնց բոլոր իմաստութիւնը կը հատնի : Այն ատեն Տէրոջ կ'աղաղակեն իրենց նեղութեան մէջ :» Սաղ . ձէ . 23-28 :

Յիչեցէք ձեր կեանքի փորձառութեան կամ դիտողութեան մէջ այն պահերը՝ ուր դուք կամ ուրիշ մէկը , ճգնաժամի մը մէջ , անակնկալ դէպքէ մը մղուած է աղօթելու այս բնական հակումին : Նկատեցէք թէ ի'նչ կը նշանակէ որ աղօթելու այս մղումը լոկ դարաւոր և տիեզերական չէ , որ կը յայտնուի նաև մեզմէ իւրաքանչիւրին մէջ . — գոնէ ատեն ատեն : Ո՛րքան բնական և ո՛րքան ազնուական է Րիտլէ Եպիսկոպոսին հետեւեալ աղօթքը իր բանտարկութեան միջոցին , որուն յաջորդեց իր ողջակիզումը մարտիրոսութեան սիւնին վրայ :

Աղօթք . Ով երկնաւոր Հայր ամէն գիտութեան , իմաստութեան և ճշմարիտ գօրութեան , Քու միածին Որդիիդ՝ մեր Փրկչի Յիսուսի սիրոյն համար կ'աղաչեմ Քեզի , զթութեամբ նայէ թշուառ արարածիս վրայ , և Քու Սուրբ Հոգիդ զրկէ իմ մէջս , որպէս զի ոչ միայն Քու

իմաստութեանդ համաձայն հասկնամ թէ այս փորձու-
թիւնը ի՛նչպէս պէտք է կրել, և ի՛նչ պատասխանով
ետ պիտի մղուի, այլ նաեւ՝ երբ ես պարտաւոր ըլլամ
Քու անուանդ փառքին համար կոիւին մասնակցելու,
այն ատեն, Քու աջ բաղուկիդ պաշտպանութեամբը
զօրացած, կարող ըլլամ արիարար դաւանիլ զՔեզ և Քու
ճշմարտութիւնդ, և իմ հաւատքիս մէջ շարունակել
մինչև կեանքիս վերջը, մեր Տէր Յիսուս Քրիստոսի
անունով: Ամէն: Բիալէ Եպիսկոպոս (1500-1555):

Առաջին Ծարար, Հինգերորդ Օր

Սրտին բնազդական դարձը դէպի «մեզմէ դուրս
զօրութիւն» մը յաճախ կ'զգացուի՝ ո՛չ միայն վտանգի
տագնապներու մէջ, այլ նաև մեծ պսսսսսսսսսսսսսսսս-
թեանց առջեւ, որոնց համար անօգնական մէկը ինք-
զինքը անյարմար կ'զգայ: Հակառակ Սողոմոնի թեթե-
ւամիտ կեանքին՝ ան կ'ուեննար պահեր, ուր անոր մէջ
կը յայտնուէր բան մը՝ աւելի ազնիւ, աւելի խոր քան
որ իր արարքները ենթադրել կու տային: Երբ ան ա-
ռաջին անգամ կ'զգար թէ թագաւորութեան նոր պա-
տասխանատուութիւն մը կը ծանրանար իր վրայ, ի՛նչ-
պէս կը բարձրանար անոր բնազդական աղօթքի ոգին:

«Եւ հիմա, ով Տէր Աստուած իմ, դուն քու ծա-
ռադ իմ հօրս Դաւիթի տեղ թագաւոր ըրիր. բայց ես
պզտիկ տղայ մըն եմ, ելլել ու մտնել չեմ գիտեր. ու
քու ծառագ քու ընտրած ժողովուրդիդ մէջ է, որ շատ-
ուոր, անթիւ ու անհամար ժողովուրդ մըն է: Ուստի
քու ծառայիդ իմաստուն սիրտ մը տուր, որպէս զի քու
ժողովուրդդ դատէ, ու բարին ու չարը որոշէ. քանզի
այս քու մեծ ժողովուրդդ ո՛վ կրնայ դատել:» Գ Թագ.
Գ. 7-9:

Սողոմոնի այս աղաչանքին հետ կը զուգընթանան

Նախագահ Լինքընի արտայայտիչ խօսքերը. «Շատ ան-
գամներ ծուռկի գալ մղուեցայ այն ճնշող համոզումով որ
դիմելիք ուրիշ տեղ մը չունէի: Իմ սեփական գիտութիւ-
նըս, ինչպէս նաև բոլոր շուրջս գտնուողներունը, ինծի
անբաւական կը թուէին օրուան համար:» Երբ մէկը իր
առջեւ ունի գործեր՝ որոնց համար ինքզինք անյար-
մար կ'զգայ, և որոնց կատարումէն շատ բան կախում
ունի, աղօթքի կը դիմէ բնականաբար: Երեւակայնք
որ Լուտերի տեղն ենք, նոր և ճնշող պատասխանա-
տուութիւններով ծանրաբեռնուած, մեր դէմ ալ ունե-
նալով հօր թշնամիներ, երբ ան կ'աղաղակէր.

Աղօթք. Ով Դուն, իմ Աստուածս, Դուն, իմ Աստ-
ուածս, իմ քովս կեցիր, հակառակ աշխարհի գիտութեան
և իմաստութեան: Ո՛չ, քովս կեցիր, անպատճառ կեցիր,
Դուն միայն իմ քովս կեցիր. որովհետեւ դատը Քուկդ
է և ոչ իմս: Իմ անձիս համար ես ընելիք մը չունիմ
այս մեծ, աշխարհային իշխանաւորներուն հետ: Ես
պիտի նախընտրէի խաղաղ օրեր ունենալ և այս իրա-
րանցումէն դուրս մնալ: Բայց, ով Տէր, Քուկդ է այս
դատը, որ արդար է և յաւիտենական: Իմ քովս կեցիր,
ով ճշմարիտ յաւիտենական Աստուած: Ոչ մէկ մարդու
վրայ չեմ վստահիր: Այն ամէնը, որ մարմնեղէն է, և
մարմինի բոլոր փրկիչները, հոս արժէք մը չունին: Ով
իմ Աստուածս, զիս չե՞ս լսեր. Դուն միթէ մեռա՞ր: Ոչ,
Դուն չես կրնար մեռնիլ. Դուն երեսդ կը պահես
միայն: Դուն զիս այս գործին համար ընտրա՞ծ ես: Կը
խնդրեմ Քեզմէ յայտնել ինծի թէ ի՛նչպէս կրնամ վըս-
տահ ըլլալ թէ այդ է կամքդ. ինչու որ ես իմ ամբողջ
կեանքիս մէջ բնաւ պիտի չի խորհէի բանի մը ձեռնար-
կել այսպիսի մեծ իշխանաւորներու դէմ: Իմ քովս կե-
ցիր, ով Աստուած, յանուն Քու սիրելի Որդւոյդ Յիսուս
Քրիստոսի, որ իմ պաշտպանս ու ապաւէնս պիտի

ըլլայ, այո, իմ հաստատուն բերդս, Քու Սուրբ Հոգ-
ւոյդ զօրութեամբն ու կարողութեամբ: Աստուած օգնէ
ինձի: Ամէն: Մարտինոս Լուտեր (1483-1545):

Առաջին Գարար, Վեցերորդ Օր

«Ու երբ Դանիէլ իմացաւ թէ հրովարտակը ստու-
րագրուեցաւ, իր տունը գնաց, ու իր սենեակին մէջ
պատահանները դէպ ի Երուսաղէմ բաց էին. ու օրը
երեք անգամ ծունկի վրայ գալով աղօթք կ'ընէր, ու
իր Աստուծոյն գոհութիւն կը մատուցանէր իր առջի
սովորութեան պէս:» Դան. 2. 10:

Մենք հոս յայտնապէս գործ ունինք աղօթքի մէջ
նոր տարրի մը հետ, որ մեր նախորդ խօսակցութեան
մէջ երեւան չէր եկած: Աղօթքը, Դանիէլի հաւատ, պէտքի
մը բնագրական աղաղակը չէր միայն, յանկարծակիս սագ-
նապնեռու կամ ձևոյդ պատասխանատուութեանց միջոցով
իրեն կորուսած: Դանիէլ աղօթելու բնագրով ըրած էր
ինչ որ բոլոր ուշիմ մարդիկ կ'ընեն ուտելու բնագրով:
Անոնք զանց չեն ընելու ուտել, եթէ ստիպողական անօ-
թութիւնը չի պահանջէ այդ զանցառումը՝ իրենց կեան-
քը փրկելու, կամ մասնաւոր գործ մը բացարձակապէս
չստիպէ զիրենք չուտել: Անոնք յաւէտ կը ճանչնան ու-
տելը իբր մարդկային արարածներու բնականոն պէտք
մը, որուն պէտք է գոհացում տալ կանոնաւոր կերպով:
Այսպէս Դանիէլ ոչ միայն կ'աղօթէր վտանգի կամ պա-
տասխանատուութեան պարագաներու մէջ, այլ օրը ե-
րեք անգամ կ'աղօթէր: Մեզմէ քանինն՞ արդեօք աղօ-
թելու բնագրը քնացած կը պահեն՝ մինչեւ որ տագնապ
մը գործունէութեան կանչէ զայն: «Ով Տէր, ներդա-
րեալ մեզ Քեզ փնտոցին. Քու պատիժը ակնոց վրայ ե-
ղած ասե՛ն ազգանք ըրին:» Ես. 1. 2. 16: Դիտեցէք թէ

ո՛րքան անպատշաճ է աղօթքի այս տեսակ գործա-
ծում մը:

Աղօթք. Ով բարութեան Հայր, ես հարկադրուած
եմ Քեզ փնտոել ամէն օր, և դուն թոյլ կու տաս որ ամէն
օր Քեզ գտնեմ: Ուր որ փնտոեմ Քեզ կը գտնեմ, տանս
մէջ, դաշտերուն մէջ, տաճարին մէջ և ճամբաներուն
վրայ: Ինչ որ ընեմ՝ Դուն իմ հետս ես, ուտեմ թէ խմեմ,
գրեմ թէ գործեմ, ձիով պտըտիմ թէ կարդամ, խորհր-
դածեմ թէ աղօթեմ, Դուն միշտ իմ հետս ես: Ուր որ ալ
ըլլամ կամ ինչ որ ալ ընեմ՝ չափով մը կ'զգամ Քու
չնորհքը ու սէրը: Եթէ նեղութեան ենթարկուիմ՝ Դուն
կը պաշտպանես զիս. եթէ ինձի նախանձին՝ Դուն կը
պահպանես զիս. եթէ անօթեմ՝ Դուն կը կերակրես
զիս, ինչ բանի որ պէտք ունենամ՝ Դուն կը շնորհես
ինձի: Ո՛հ, Տէր, ինձի հանդէպ այս բարեարտութիւնդ
չարունակէ անդադար, որ բոլոր աշխարհ տեսնէ Քու
զօրութիւնդ, Քու շնորհքը և Քու սէրը, որոնց մէջ եր-
բեք չի լքեցիր զիս, և թշնամիներս անգամ տեսնեն որ
Քու շնորհքներդ յաւիտեան կը տեսնեն: Ճ. Նորտըն
(1548-1625):

Առաջին Գարար, Եօթներորդ Օր

«Ասոր համար ծունկի վրայ գալով մեր Տէր Յիսուս
Քրիստոսի Հօրը առջեւ, ուրիշ ամէն ազգատոհմ երկին-
քի մէջ ու երկրի վրայ անուն կ'առնէ, կ'ազգայեմ որ տայ
ձեզի իր փառաց ձոխութեան չափով՝ զօրութիւնով հաս-
տատուիլ իր Հոգիով ներսի մարդուն մէջ. որպէս զի
Քրիստոս հաւատքով ձեր սիրտերուն մէջ բնակի, և դուք
սիրով արմատացած ու հաստատուած ըլլաք, որ կարե-
նաք հասկնալ բոլոր սուրբերուն հետ մէկտեղ, թէ ի՛նչ է
լայնութիւնը ու երկայնութիւնը, եւ խորութիւնը ու
բարձրութիւնը. այսինքն ճանչնալ Քրիստոսի սէրը՝ որ

գիտութենէ գերազանց է, որպէս զի լցուիք Աստուծոյ ամէն լրութիւնով:» Եփես. Գ. 14-19:

Բաղդատեցէք այս տեսակ աղօթքը՝ պատահական նեղութեան մը մէջ արձակուած ջղաձգական ազազակի հետ, և տեսէք թէ ո՛րքան մեծ է տարբերութիւնը: Հոս աղօթքը կը բարձրանայ, կը դառնայ՝ անչափախընդիր և հաստատ կեանքի ազնուական պահանջ մը: Անիկա հոգիին ուժերը կը հաւաքէ աղօթողին և բոլոր մարդոց վրայ Աստուծոյ օրհնութեան ստիպողական բաղձանքին մէջ: Ինչ որ հեթանոսին մէջ կը խլրտայ իբր անկարգ, անկանոն մղում մը, Պօղոսի մէջ եղած է խելացի, յարատեւող և լաւ ուղղուած սովորութիւն մը: Ինչպէս որ Աւստրալիացի բնիկի մը մօտ չփոթ և տկար խորհուրդի մը զօրութիւնը նեւտոնի մը մէջ ընդունակ կը դառնայ ըմբռնելու աստղերը՝ բռնող օրէնքները, այնպէս ալ աղօթքը ցեղին կամ անհատին մէջ կրնայ սկսիլ իբր անկանոն և ապաղզեցիկ մղում մը, բայց կրնայ մեծնալ ու դառնալ վստահելի և պահպանիչ զօրութիւն մը: Խորհեցէք թէ դուք ո՛րքան կ'ըմբռնէք ձեր կեանքին մէջ այս թաքուն ոյժը և ի՛նչ աստիճան արդիւնաւոր կերպով կը գործածէք զայն:

Աղօթք. Ով Աստուած, Դուն կեանք, գիտութիւն, բարեբարութիւն և երանութիւն ես, յաւետեանական միակ ճշմարիտ Աստուած: Աստուած իմ և Տէր, Դուն իմ յոյս ես եւ իմ սրտիս ուրախութիւնը: Շնորհակալութեամբ կը խոստովանիմ որ Դուն զիս Քու պատկերովք ստեղծեցիր, որպէս զի իմ բոլոր խորհուրդներս Քեզի ուղղեմ և Քեզ սիրեմ: Ով Տէր, շնորհէ որ լաւ ճանչնամ Քեզ, որ կարենամ միշտ աւելի սիրել, աւելի ունենալ, աւելի վայելել քեզ: Եւ որովհետեւ հոս՝ այս կեանքի մէջ չեմ կրնար լիութի հասնիլ այս երանութեան, շնորհէ որ այն գոնէ օր քան զօր ածի իմ մէջս, մինչեւ

որ իր կատարումին հասնի վերջապէս հանդերձեալ կեանքին մէջ: Թող Քու մասին գիտութիւնս ածի հոս և կատարեալգործուի հոն: Քեզի համար ունեցած սէրս թող մեծնայ հոս և հասունայ հոն. թող իմ ուրախութիւնս, որ յոյսով մեծ է հոս, վայելքի մէջ կատարեալ ըլլայ հոն: Ամէն: Անսելմոս (1033-1109):

Մեկնարանուրիւն Գաբրուան համար

Ա.

Երբ մէկը կը ձեռնարկէ ուսումնասիրել աղօթքին նշանակութիւնը և մշակել աղօթելու սովորութիւնը, իրեն համար լաւ է որ սկիզբէն հասկնայ թէ ինք գործ ունի իր կեանքի մէկ պաշտօնին հետ և ոչ թէ արհեստական յաւելուածի մը հետ: Կրէօնականի մէջ արմաւենիներ հասցնել անբնական գործ մը պիտի ըլլար: Անոնք երբեք սահմանուած չեն հոն ածելու, և բնաւ չեն կրնար ածիլ հոն, ի բաց առեալ արհեստական ստիպումի ներքեւ: Աղօթքի մշակումը նոյնպէս ստիպումի գործ մը պիտի ըլլար, եթէ ճշմարիտ չըլլար թէ աղօթելու ձգտումը ընդածին է մեր մէջ, և այնքան բնական որ մենք, մէկ կամ միւս կերպով, իսկապէս կ'աղօթենք, թերեւս անկանոն կերպով և առանց ազդեցութեան, և թէ մարդիկ միշտ աղօթած են ու պիտի աղօթեն հանապազ: Մարդը իբր «աղօթող կենդանի» մը սահմանել թէեւ ամէն ինչ չի պարփակեր, բայց ուղիղ է ստուգիլ: Հետեւաբար աղօթքի մշակումը osur մը ներս չի բերեր, այլ հոգիին բնիկ մեկ ֆալսացի կը կրթի: Հարվըրտի Փրոֆ. Ուելլեմ Չէյմս այս մասին կը խորհէր երբ կը գրէր. «Գիտական լուսաւորութեան այս օրերուն մէջ մենք շատ վիճաբանութիւններ կը լսենք աղօթքի ազդեցութեան վրայ, և շատ մը պատճառներ

կը տրուին մեղի թէ ինչո՛ւ աղօթելու չենք, մինչդեռ ուրիշ պատճառներ ալ կը տրուին թէ ինչո՛ւ աղօթելու ենք: Բայց այս բոլորին մէջ քիչ բան միայն կ'ըսուի մեր աղօթելու պատճառին վրայ...: Պատճառը թէ ինչո՛ւ կ'աղօթենք՝ պարզապէս այն է որ չենք կրնար չաղօթել:»

Աղօթքը բնական կոչելու մեր արդարացումը մասամբ կը գտնուի անոր ընդհանրակազմով: Անիկա, մէկ կամ միւս ձեւով, կը գտնուի ամէն տեղ, ամէն դարու և բոլոր ժողովուրդներու մէջ: Ամենավճատեցուցիչ պարագաներն անգամ չեն նուաճեր զայն, ոչ ալ աշխարհի բաց է բաց թշնամական տեսութիւնները կը խախտեն զայն: Պուտոյականութիւնը, տեսականօրէն առանց Աստուծոյ կրօնք մը, տրամաբանօրէն արտաքսելու էր աղօթքը. բայց Պուտոյականութեան գերազօր գտնուած երկիրներու մէջ աղօթքը գոյութիւն ունի: Կոմբուկիոս, բաւական շեշտուած տգիտական մը, կ'ստիպէր իր աշակերտները շատ գործ չունենալ աստուածներուն հետ: Եւ այսօր Կոմբուկիոսինքը աստուած մըն է, և միլիոնաւոր մարդիկ կը պաշտեն զայն: Աղօթքը ձգտումիս առջեւ ամեն խոյրերուներ կը փշուրի:

Ուղեւորը կը մագլցի Հիմալայայի նախաբլուրները և Հիւսիսային Հնդկաստանի Խոնդերուն մէջ կը լսէ հետեւեալ աղօթքը. «Ով տէր, մենք չենք գիտեր թէ ի՛նչ է մեզի համար բարին, բայց դուն գիտես. և անոր համար է որ կ'աղօթենք:» Հնագէտը կ'երթայ Ազատէկի աւերակներուն մէջ և կը կարգայ նեղութեան մէջ անոնց մատուցած աղօթքը. «Ով բարեգութ Տէր, շնորհէ որ այս պատիժը, որով պատժեցիր մեզ, չարութեան և յիմարութեան ազատ պահէ մեզ:» Պատմաբանը Յունաց երկիրը կը գտնէ բոլոր հին քաղաքակրթու-

թեանց նախատիպը, նախատիպ գոնէ ասոր մէջ՝ որ աղօթքը ամենուրեք է: Քսենոփոն իւրաքանչիւր օրուան արշաւանքը կ'սկսի աղօթքով: Պերիկլէս իր ամէն մէկ ուղերձը կ'սկսի աղօթքով: Յոյն ատենախօսութեանց մեծագոյնը՝ Դեմոսթենէսի «Պատկին վրայ», և յունական բանաստեղծութեանց բարձրագոյնը՝ Հոմերոսի «Իլիականը», աղօթքով կը բացուին: Երբ մէկը ամբոխին աւելորդապաշտական սովորութիւններէն կը դառնայ ամենաբարձր իմաստասիրական հոգիներուն, տեսնելու թէ անոնք ի՛նչ կ'ըսեն, կը լսէ Պլատոնի ձայնը. «Ամէն դատողութեան տէր մարդ կարելոր գործի մը ձեռնարկելէ առաջ օգնութիւն պիտի խնդրէ աստուածներէն:» Եւ Պլատոնի խօսքէն դառնալով անոր գործին՝ պիտի գտնէք սա գեղեցիկ աղաչանքը, «Ով արքայ Արամազդ, շնորհէ մեզի բարին, անոր համար աղօթենք կամ ոչ. բայց մեզմէ հեռու պահէ չարը, թէեւ անոր համար աղօթենք:»

Եթէ մէկը այսօր Քրիստոնէութեան սահմաններէն անցնի Մանեթականութեան, ոչ միայն պիտի գտնէ օրական հինգ անգամ ձեւական աղօթք, երբ միւլեզգիւղ կը հրաւիրէ, այլ պիտի կարգայ նաեւ հետեւեալին նման աղօթքի սահմանումներ Սուֆիի մը կողմէն. «Աղօթքի մէջ երեք աստիճաններ կան: Առաջինն այն է որ շըրթներով միայն կ'արտասանուի: Երկրորդն այն է երբ հոգին դժուարութեամբ, հաստատական ճիգով մը կը յաջողի իր խորհուրդները հաստատել աստուածային բաներու վրայ: Երրորդն այն է երբ հոգին դժուար կը գտնէ Աստուծոյ քովէն հեռանալ:» Եւ եթէ մէկը միւս բոլորէն դառնայ ու Երբայեցի ժողովուրդին նայի, պիտի տեսնէ թէ ի՛նչ միաձայն պնդումով մը կ'ըսեն անոնք. «Ով աղօթքի լսող, Քեզի պիտի գայ ամէն մարմին:» Սաղ. ԿԵ. 2: Ա՛հ, որ կ'ուրանայ իր մէջ

աղօթելու ձգտումը, ինքզինք կ'անջատէ մարդկային կեանքի տարրական գործողութեանց մէկէն:

Բ

Ասկէ զատ, աղօթքը բնական կոչելու ուրիշ արդարացում մը կը գտնուի այն իրողութեան մէջ թէ մարդկային ցեղը աղօթքէն աւելի բարձր պիտի չեղի երբեք: Աղօթքին թէ՛ տեսական և թէ՛ գործնական կողմերն ապացուցած են որ անիկա անսահմանօրէն կիրարկելի է մշակոյթի բոլոր աստիճաններուն: Անոր ամենախոնարհ ձեւերուն մէջ, ամենավայրի ժողովուրդներու ծոցը, աղօթքը և կախարչութիւնը իրարմէ չէին զանազանուեր: Աղօթել, ուրեմն, կը նշանակէր գործածել դիւթութիւններ՝ որոնք բունի ձեռք կը բերէին աստուածներուն հաւանութիւնը: Եւ այս կարգի հեթանոսական սկիզբներէն մինչեւ Յիսուս՝ Գեթսեմանիի պարտէզին մէջ, և կամ մինչեւ ծունկի եկած արդի դիտնականը, աղօթքը, բոլոր ուրիշ տարրական գործերու պէս, ընդունակ հանդիսացած է անսահման զարգացումի: Անիկա ջախջախուած չէ, այլ բարձրացած և ազնուագոյն ձեւեր զգեցած է հողեւոր և մտաւոր յառաջացումներու միջոցով: Անիկա իր ընթացքը ձեւաւորած է գեաի մը պէս, մինչեւ իւրաքանչիւր սերունդի մը տաւորական ափունքը: Բայց շարունակած է յառաջ ընթանալ, իր սնունդը ստանալով այն ակերէն որոնք փոփոխուող ափերէն չեն աղբուիր: Եւ ասիկա ոչ մէկ տեղ աւելի պարզ է քան Սրբազան Մատեանին մէջ: Բաղդատէ Սամիսոնի ողեւար աղօթքը երբ ան իր բազուկները փաթթեց Փղշտացիներուն ճաշարանին զլխաւոր սիւներուն շուրջ և աղաղակեց. «Ով Տէր Ննովա, կ'աղաչեմ, զիս յիշէ՛ ով Աստուած, միայն

այս անգամ ալ զիս ուժովցուր, որ Փղշտացիներէն իմ երկու աչքերուս վրէժը մէկէն առնեմ» (Դատ. Ժ. 2. 28), Ստեփանոսի ողեւար աղօթքին հետ, մինչ քարկոծուելու վրայ էր. «Տէր, այս մեղքը մի սեպեր առնոց:» Գործ. է. 59: Երկուքն ալ աղօթք են, բայց անոնք կու գան երկու տարբեր դարաշրջաններէ, որոնց միջեւ Աստուծոյ յայտնութիւնը և աղօթքին նշանակութիւնը անհունօրէն ընդարձակուած էին:

Թէ՛ Սուրբ Գրոց մէջ և թէ՛ անկէ դուրս աղօթքին յատկութիւնը կը պատշաճի սերունդին կամ անհատին ունեցած տեսակէտին լայնութեան կամ անձկութեան, և հոգիին վեհանձնութեան կամ դառնութեան: Սապաթիէ կ'ըսէ. «Աղօթիս պատկերներ կրօնիս պատկերներն են:» Կշիռքին մէկ նժարին մէջ զիւր հետեւեալը.

«Նոյն իսկ վայրագ
Կուրծքերուն տակ
Կան կարօտներ, իղձեր, ճիգեր
Բարւոյն համար, զոր չեն գիտեր.
Խարխափեն ծոցն աղջամուղջին
Անոնց ձեռքերն անօգնական,
Եւ Աստուծոյ հպմամբ Աջին՝
Վեր կը բերուին, կը զօրանան:»

Եւ միւս նժարին մէջ դրէք Գոլործի խօսքը. «Աղօթելու գործը ամենաբարձր կորովն է որուն երբեք ընդունակ է մարդկային միտքը:» Եւ Շիզակոյի Համարանին նախագահ Հարփըր իր մահուան անկողինին մէջ կ'աղօթէ. «Երանի՛ թէ ինձի համար այս կեանքէն անդին կեանք մը ըլլայ, և այդ կեանքին մէջ՝ ինձի համար ընելիք գործ և կատարելիք պարտականութիւններ: Եթէ ուէ կերպով նախատուած հոգի մը կայ և վիրաւորուած բարեկամ մը, երանի՛ թէ վնասը վերցուի, եթէ կարելի է:» Մարդկային հոգին երբեք

2233 զԷ
1395 = 91
[93-90] 151573-65 / 106-86



աղօթքէն աւելի վեր չի բարձրանար: Խոնարհագոյն մակարդակի վրայ մարդիկ կ'աղօթեն հարեւանցիօրէն, տգիտաբար և դառնապէս. բարձրագոյն մակարդակի վրայ մարդիկ կ'աղօթեն մտացիօրէն, հոգեւորապէս և վեհանձնաբար: Աղօթքը ոչ միայն տեղեկական է իր բովանդակութեամբ, այլ նաեւ ակնուն՝ իր յատկութեամբ: Մէկը կրնայ անձնատուր ըլլալ իր աղօթքին խորացումին և սրբագործումին, ինչու որ անիկա մարդկային կեանքին մէջ այնքան բնական է որքան մտածումը:

•

Աղօթքին բնականութիւնը դարձեալ կը տեսնուի այն իրողութեան մէջ որ ակնկալ անգրե իւրաքանչիւրին կեանքին մեջ քաջութիւն գոյութիւն ունի: Առաջին ակնարկով կրնայ ըլլալ որ ոմանց փորձառութիւնը ասիկա ժխտել թուի: Անոնք աղօթքը դադարեցուցած են, առանց անոր շատ լաւ կ'զգան ու, երբ բոլորովին անկեղծ են, կը խոստովանին թէ աղօթքի չեն հաւատար: Բայց անոնք խոստովանելու են նաև թէ իրենց թերահաւատութիւնը իրենց գաղափարներուն մէջ միայն գոյութիւն ունի և ոչ իրենց հակառակներուն մէջ: Երբ ճնշիչ նեղութիւն կը հասնի անոնց վրայ, իրենց բնազդը լռիկ կ'աղօթէ:

Արդի սկեպտականութիւնը իր բոլոր կարելին ըրած է աղօթքը անբանաւոր դարձնելու համար: Անիկա դիտած է աշխարհը իբր մեքենայ մը, կանոնաւոր ինչպէս ինքնաշարժ մը, և անհակակչելի՝ որպէս արեւի ելքը: Անիկա ինչ Աստուած որ կայ՝ դարձուցած է բանտարկեալ մը իր իսկ տիեզերքին օրէնքներուն մէջ, իր զաւակներուն օգնելու անկարող: Անիկա ուրացած է այն ամէնը որ աղօթքը հնարաւոր կ'ընծայէ: Եւ սակայն

մարդիկ սկեպտիկ մտքին բոլոր խօսքերուն հաւատալով հանդերձ ունին դեռ իրենց աղօթքի պահերը: Արդիական հաստատեցող կոտորակով պարսպուած Արտէզեան ջրհորի մը ջուրին նման, աղօթքը դարձեալ կը ծորի և յանկարծ երեւան կու գայ: Բնութիւնն աւելի զօրաւոր է քան արուեստը, և մեր կեանքերուն մէջ սահող ստորերկրեայ հոսանքներ ելք մը կը պահանջեն ստիպողաբար: Երբեմն անձնական վտանգի ճգնաժամ մը ազատ կ'արձակէ այս թաքուն մղումը: «Ճասը տարի չէի աղօթած», լսեց այս գրքին հեղինակը երկաթուղիի գործաւորի մը բացազանչելը, կրբ անոր շոգեկառքը դեռ նոր ազատած էր դժբախտութենէ մը. «բայց ա՛յն ասե՛ն աղօթեցի»: Երբեմն ճնշող պատասխանատուութիւն մը աղօթել կու տայ մարդոց գրեթէ իրենց կամքին հակառակ: Ռուսական պատերազմին միջոցին ճարտարական բանակին մէկ զօրավարը, Քոտոմա, սովոր էր ամէն առտու առանձնանալ՝ ժամ մը աղօթելու համար: Երբ պատճառը հարցուեցաւ, պատասխանեց. «Երբ մարդ մը իր բոլոր կարելին ըրած է, ա՛լ ուրիշ բան չի մնար՝ այլ միայն աստուածներուն օգնութիւնը»: Ուէ բան — վշտանգ, պատասխանատուութիւն, անձկութիւն, վիշտ — որ մեր գաղափարներէն մերկացնելով մեզ կը տանի մեր բնիկ հակումներուն, հաւանօրէն աղօթել պիտի տայ մեզի:

Ասիկա ճշմարիտ է ինչպէս բոլոր ժողովուրդներու, նոյնպէս անհատներու համար: Միթէ պատերազմ մը, Եւրոպայի զարհուրելի ընդհարումին նման, չի՞ պիտի մղէ մարդիկը Աստուծոյ մասին տարակուսելու և Անոր նկատմամբ իրենց լսած պատգամներուն չի հաւատալու: Սյուպիսի հակազդեցութիւն մը հեռուն գտնուող հանգիստտեսներու մասին միայն ճշմարիտ է: Բուն տագնապին մէջ, ուր զոհարելութեան ծանր բեռներ կը

կրուին և ուր համբերութիւն , քաջութիւն և անձնու-
րացում կը պահանջուին , մարդոց վրայ հակազդեցու-
թիւնը , ինչպէս դիտողներ նկատած են , ճշգրտօրէն
նկարագրուած է Կարգինալ Մերսիէի հռչակաւոր հով-
ուական նամակին մէջ . « Երկար ատեն աղօթքի անվարժ
մարդիկ դարձեալ Աստուծոյ կը դառնան : Բանակին մէջ ,
քաղաքային աշխարհին մէջ , հասարակութեան մէջ և
անհատական խիղճին խորը աղօթք գոյութիւն ունի :
Այդ աղօթքը այսօր բառակոյտ մը չէ ունակութեամբ
տրվում , թեթեւօրէն շրթներով արտասանուած . ա-
նիկա կ'ուռի , կը բարձրանայ խռոված սրտէն , և Աս-
տուծոյ ուրբերուն առջեւ կեանքի ճշմարիտ զոհի մը ձևը
կ'առնէ : » Թէ՛ անհատին և թէ՛ ընկերութեան մէջ մեծ
մեծ ցնցումներ , որոնք մարդկային կեանքին հիմունքը
կը սարսեն և նախկին հակումները վեր կը հանեն , միշտ
ազատ կ'արձակեն աղօթքի փակուած աղբերակունքը :
Աորփը ամենասկեպտիկ մարդու կամ սերունդիկի մեջ միշտ
ստորերկրեայ է , սպասողական դիրքի մեջ : Հենրի Ուարտ
Պիչըր մեզի անգամ մը արտառոց օրինակէ աւելի բան
մը տուաւ , երբ ըսաւ , « Ես կ'աղօթեմ այն սկզբունքով՝
որով գինին շիշին բերնէն դուրս կը նետէ խիցը : Ներքին
խմորում մը կայ և պէտք է որ անոր համար բացուածք
մը կենայ : » Մինչեւ անգամ Գոնթ , Աստուած , հոգի և
անմահութիւն վտարող իր կրօնական դրութեամբ ,
իր աշակերտներուն կը պատուիրէր օրական երկու ժամ
աղօթք , ինչու որ ինք աղօթելու գործը կ'ընդունէր իբր
մին մարդկային բնութեան տարրական գործերէն :

Հետեւաբար , երբ նկատի առնենք աղօթքին ընդ-
հանրականութիւնը կամ անոր՝ մշակոյթի և իմացակա-
նութեան ամէն աստիճաններուն կիրարկելիութիւնը ,
և կամ այն իրողութիւնը թէ անիկա մեզմէ իւրաքան-
չիւրին մէջ թաքուն գոյութիւն ունի , կը հասնինք նոյն

եզրակացութեան . աղօթելը մարդկային կեանքին բնա-
կան մէկ գործունէութիւնն է : Հոս անցողակի միայն
կրնանք նկատի առնել սա յայտնի պատճառաբանու-
թիւնը կրօնքի ճշմարտութեան համար : Կրեւո՞յ ըրրալ
որ արեւն մարդիկ , արեւն դարու եւ երկրի մեջ , անմահուար
եղած ըրրալ « շարունակ խօսելու յառ աշխարհի մը՝ ու-
կից պատահասն չի գար : » Եթէ կրնանք բանի մը մասին
վստահ ըլլալ , արդեօք ատիկա այս պարագան չէ՞ թէ
ուր որ մարդկային գործ մը յարատեւած է , ժամանա-
կէն առանց յոգնելու և վճատումէ առանց ընկճուելու ,
վեհագոյն և ազնուագոյն հոգիներու մէջ բարձրանալով
միշտ նրբագոյն ձեւերու և ազնուագոյն գործածութեան ,
այն գործը կը համապատասխանէ Իրականութեան մը :
Անօթութիւնը երբեք պիտի չի կրնար յարատեւած ըլ-
լալ առանց կերակուրի , ո՛չ ալ շնչառութիւնը՝ առանց
օդի , ո՛չ ալ մտաւորական կեանքը՝ առանց ճշմարտու-
թեան , և ո՛չ ալ աղօթքը՝ առանց Աստուծոյ : Պըրք ան-
գամ մը ըսաւ թէ դժուար է ազգի մը դէմ բռնի ամբաս-
տանագիր մը հանել : Շատ աւելի դժուար է ամբողջ
մարդկութեան դէմ ամբաստանութիւն մը պաշտպանել :



Աղօթքին բնականութեան թելադրած այս պատ-
ճառաբանութիւններէն կը փութանք անցնիլ հիմա մեր
նպատակին աւելի մօտ նիւթի մը : Այն իրողութիւնը թէ
աղօթքը մեր բնական հակումներէն մէկն է , վտանգ մը
կը ցուցնէ անոր գործածութեան մէջ : Մեկ կը քողովեմ
որ աորփն ըրրալ լոկ հսկում մը , հետեւաբար՝ ջղածակրակ ,
պատահական , անընթաց : Մարդկային բնութեան ունէ ազ-
նուական մէկ գործին մէջ , որ անմշակ կը թողուի , միշտ
ողբերգութիւն մը գոյութիւն ունի : Սիրելու մղումն
ընդհանրական է . բայց երբ թող տրուի որ անիկա լոկ

մղում մնայ, կը դառնայ վայրագ և հեշտական: Սէրը որ մեր ազնուագոյն քերթուածները կը ներշնչէ և մեր բարձրագոյն երաժշտութեան մէջ կը փառաբանուի, որ կը յօրինէ մեր Քրիստոնէական տուները և կը գեղեցկացնէ մեր ընտանեկան կեանքը, նախնական մղում մըն է մշակուած, ազնուացած, խոհեմացած, բարեկարգ և նուիրագործուած: Մտածելու ձգտումն ընդհանրական է. բայց եթէ այդպէս թողուի, անիկա կ'ըլլայ վայրենիներու կամակոր և անպէտ միտքը միայն: Անոնց խորհելու կարողութիւնները լճացած են, դիպուածով միայն գործունէութեան կը կոչուին, լաւ չեն հասկցուիր, խնամքով չեն կրթուիր, ոչ ալ բանաւոր կերպով կը մշակուին: Այնպէս ալ ազօթքը ջղաձգական գործածութեան թողուելով կը մնայ անպէտ բան մը: Հարիւր եօթներորդ Սաղմոսին մէջ ծովային փոթորիկի մը ըզմայլելի նկարագրութիւնը կը վերջանայ համարով մը, որ գիւրայոյզ ազօթքի բնութիւնը ի յայտ կը բերէ.

«...Անոնց բոլոր իմաստութիւնը կը հատնի: Այն ատեն Տէրոջ կ'աղաղակեն:» Սաղ. ճէ. 27, 28: Եթէ ազօթքն անմշակ թողուի, մարդիկ կ'ազօթեն ա'յն ատեն միայն երբ իրենց իմաստութիւնը կ'սպառի: Ֆիզիկական ծայրագոյն վտանգի պահերուն մարդիկ, որոնք զԱստուած իրենց ամենօրեայ բարեկամը չեն ընել երբեք, իրենց նեղութեան մէջ Անոր կ'աղաղակեն: «Ան որ ազօթել սորվիլ կ'ուզէ,» կ'ըսէ Ճորձ Հըրպըրդ ազգուօրէն, «ծովային ճամբորդութիւն մը թող ընէ:» Եւ Շէյքսպիրը, Սաղմոսերգուին պէս գիտնալով մարդկային բնութիւնը, իր «Փոթորիկ»ին մէջ, երբ փոթորիկը կը պայթի, նաւաստիներուն աղաղակել կու տայ. «Ամէ'ն ինչ կորսուած է. ազօթքի', ազօթքի'. ամէ'ն ինչ կորսուած է:» Բարոյական ծայրագոյն վտանգի մէջ ալ, ուր չարին հանդէպ գգուական վերաբերումը չար ունակու-

թեան մը յանգած է, մարդիկ գրեթէ միշտ կ'ազօթեն: Եւ մահուան ատեն մարդիկ ո՛րքան բնականօրէն կը խորհին Աստուծոյ մասին: Այսպէս Տիկին Բուիքլի կ'ըսէ մահամերձ Ֆալօթաֆի մասին. «Եւ ես, զայն սփոփելու համար, ըսի որ Աստուծոյ մասին չի խորհի: Կը կարծէի որ դեռ պէտք չի կար ինքզինքը այս կարգի խորհուրդներով նեղելու:»

Ազօթքը անբարեկարգ մղում մը մնալով՝ անխուսափելիօրէն կը դառնայ ջղաձգական և մոլեգին ունակութիւն մը: «Երբ հոգիս իմ ներսիդիս մարեցաւ, Տէրը յիշեցի:» Յովն. Բ. 7: Մարդիկ, վաղեմի Յոյն թատերագակներուն պէս, յուսահատօրէն կը կնճռոտեն իրենց կեանքին ծրագրերը, մինչեւ որ վերջը, մարդկային ճարտարմտութեամբ և զօրութեամբ անլուծելի մեծ տագնապի մը մէջ, մեքենականութեամբ մը աստուած մը ճօճացնեն յուսահատական կացութիւնը փրկելու համար: Անոնք ազօթքը կը գործածեն իբրեւ վերջին ապաւէն, երբ ծայրագոյն տագնապի մը մէջ են: Մեզմէ քանինն' ր արդեօք այս կամ այն կերպով մեր անձերը մեղադրելու ենք՝ ազօթքի այս անկարգ անկանոն գործածութեան համար: Մեր կեանքին գերագոյն զօրութիւններէն մէկը այսպէս կը թողուի մղումի և պատահարի իշխանութեան, առանց ուսումնասիրուած ըլլալու անոր բնութիւնը և մշակուած՝ անոր գործածութիւնը:

Ե

Ազօթքի այս ձղաձգական գործածութեան ազետաւոր ազդեցութիւնը դիւրաւ կը տեսնուի: Նախ, անիկա բողոքովի կ'անհետն Աստուծոյ մասին Քրիստոնէական անհետ ընկնում, եւ ետ կ'երթայ Անոր մասին հեքստոնտական մտածումի: Աստուած ուրիշ բան չըլլար, երբ ոչ՝ մեզի օգնե-

յու համար ասե՛ն ասե՛ն կսակցուե՞լիք զօրոքիս ձեր: Ասիկա կուռքի մը խորանին սուջեւ խոնարհող Հնդիկ կնոջ մը ըմբռնումն է: Անոր աստուածը զօրութիւն է, խորհրդաւոր և տիրական, որուն օգնութիւնը կը փնտռէ իր նեղ պարագաներուն մէջ: Հետեւաբար, երբ անոր պէս կ'աղօթենք, անկանոն կերպով Աստուծոյ զիմելով պատահական տագնապներու մէջ, մենք՝ ըստ էութեան, եթէ ոչ՝ ըստ ձեւին, դէպ ի հեթանոսութիւն ետ գացած կ'ըլլանք, և ասով կ'արժանանանք Լուտերի կըշտամբանքին, որ կը գտնուի սուրբերու աղօթելու մասին գրած իր քարոզին մէջ. «Մենք կը յարգենք զանոնք և կը դիմենք անոնց ա՛յն ատեն միայն, երբ մեր սրունքներուն և ձեռքերուն մէջ ցաւ մը ունինք կամ երբ մեր գրպանները թափուր են:» Բայց մարդկութեան լաւագոյն մասը Աստուածութեան նկատմամբ այս կարգի գազափարէ մը բաւական հեռացած է արդէն: Քրիստոնեաներու Աստուածը կը փափաքի ամէն մէկուն ըլլալ ներքին և մնայուն բարեկամ մը, ամենօրեայ կեանքի մէջ մաքրագործող ներկայութիւն մը, Ա՛յն որուն բարոյական նպատակը շարունակ կը զսպէ և որուն սէրը կը պաշտպանէ: Մարդկային կեանքի մէջ կատարուած բոլոր յառաջացումներէն վեր ոչ մէկն այնքան նշանակալից է որքան Աստուծոյ շուրջ զարձող խորհուրդին յառաջացումը: Մենք ձոնչող եզնաքարչ սայլերէն եկանք հասանք սահմանաւոր ձեպընթաց կառախումբերու, ցեխաչէն խրճիթներէ՝ մայր եկեղեցիներու, մեծ թմբուկներէ՝ նուագախումբերու: Եթէ այս զարգացումները զանց ընէինք, տարօրինակ ժամանակագրական վրիպակներ պիտի նկատուէինք արդարացիօրէն: Եւ, սակայն, Աստուծոյ հանդէպ մեր վերաբերումին մէջ ո՞րքան յաճախ հին հեթանոսներ ենք մենք, մեր ժամանակէն ետքը ծնած: Մենք դէպ ի նախատիպ կրօնա-

կան յետաշրջութեան օրինակներ ենք: «Յամի Տեառն» թուականը կը գործածենք սխալմամբ, փոխանակ «Քրիստոսէ առաջ» գրելու, քանի որ զԱստուած կը գործածենք իբր մեզի օգնելու համար ատեն ատեն կանչուելիք զօրութիւն մը:

Նկատի ունեցէք նոր առակ մը հօր մը և իր երկու որդիներուն մասին: Որդիներէն մէկը իր հայրը կը համարէր իբր վերջին ապաստանարան մը իր ճգնաժամային պահերուն մէջ: Ան երբեք անոր չէր գար մտերմական խորհրդակցութեան համար. երբեք չէր փնտռեր անոր խրատը. իր փոքր դժուարութեանց մէջ երբեք չէր սփոփուեր անոր օժանդակութեամբ: Անիկա իր հայրը իր մտերիմը չըրաւ: Գոլէճ գնաց և իր հօրը կը գրէր միայն՝ երբ դրամի պէտք ունենար: Վարկաբեկ եղաւ և իր հօրը դիմեց այն ատեն միայն, երբ օրինական օգնութեան պէտք ունեցաւ: Իր կեանքը կ'անցընէր՝ հօրը նկարագիրը կամ նպատակը բոլորովին առ ոչինչ գրելով, և անոր կը դառնար միայն, երբ ծայրայեղ անձկութեան մէջ իյնար: Միւս որդին իր կեանքին գերագոյն շարժառիթը կը տեսնէր իր հօրը սիրոյն մէջ: Ան ամենօրեայ երախտագիտութեամբ կը շարժէր, այնպէս որ անոր ուրախութիւնն ու գաղափարականն էր իր հօրը հաճելի ըլլալ: Ան իր հօրը մէջ մտերիմ մը ունէր, անոր կը վստահէր, անկէ խրատներ կ'ընդունէր, անոր մօտ կը մնար, և իր տագնապներուն մէջ իր հօրը կը դիմէր՝ երկար ունակութենէ մը ծնած բնականութեամբ նման Յիսուսի, որ անդադար աղօթելէ յետոյ վերջապէս ծունկի կու գայ Գեթսեմանիի մէջ: Կա՞յ արդեօք ուրեք կասկած քե քե ո՛րե ք ազնուագոյն որդիքիսը. և արդեօք առաջին Տիպոլիսի պատկերը չե՞ Աստուծոյ հետ մեր յարաբերութեան, երբ քոյ կու սակի որ աղօթքը ըլլայ պարզապէս պէսքի բնագրական և անձնակալ աղօթակ մը:

Երկրորդ, աղօթքի այս գործածութիւնը, իբր լոկ ջղա-
ձգական աղաղակ մը պատահական չազնապի մեջ արձակ-
ուած, զայն բոլորովին ետասիրական կը դարձնէ: Մենք
Աստուծոյ մասին կը խորհինք մի միայն մեր անձնական
նեղութիւններն աչքի առջեւ ունենալով: Մենք Բարձ-
րեալը երբեք չենք յիշեր՝ ի բաց առեալ երբ ուղենք
գործ մը կատարել տալ անոր: Մեր աղօթքը չի
դառնար երբեք մեր մէջ և աշխարհի մէջ Անոր մեծ
նպատակներուն կատարումին շուրջ, ոչ ալ կը վերաբերի
Անոր կամքին նուիրուած կեանքի մը: Մենք ծայրա-
գոյն ետասիրութեան մը մէջ զԱստուած կը մոռնանք,
մինչեւ որ մեր միտքը գայ թէ կրնանք անկէ բան մը
փրցնել:

Ոմանք Աստուծոյ հետ կը վարուին այս տեսակե-
տով ինչպէս ուրիշներ՝ իրենց հայրենիքին հետ: Հայ-
րենի երկրին հանդէպ այն վերաբերումը, որ դիւցազ-
նական և զոհաբերական գործեր ներշնչած է ոմանց,
ուրիշներու մէջ երեւան կու գայ բոլորովին ետասիրու-
թեան դիմակով: Աչքի առջեւ ունեցէք մարդ մը որ իր
հայրենիքին համար ուէ բան չընէր, անոր խնդիրնե-
րով չի հետաքրքրուիր, քուէի իրաւունքի մասին ան-
փոյթ է, ամէն հասարակական պատասխանատուութենէ
փախուստ կու տայ, և մինչեւ անգամ տուրքերէ կը խու-
սափի: Մէկը պիտի կարծէր թէ այս մարդը երբեք չի
խորհիր իր հայրենիքի մասին: Ընդհակառակը, առիթ-
ներ կան, ուր ան յանկարծ կը խորհի անոր մասին. օրի-
նակ՝ երբ իր անձը կամ ինչքը յարձակումի ենթար-
կուի կամ իր իրաւունքները բռնաբարուին, այս
նոյն մարդը կառավարութեան մօտ շոնդալից դիմում
կը կատարէ պաշտպանութեան համար: Ան իր հայ-

րենիքի մասին ամէն մտածում իր անձնական մէկ տազ-
նապի պահուն կը վերապահէ: Անոր յարաբերութիւնը
իր կառավարութեան հետ օգնութեան համար արձակ-
կուած ջղաձգական աղաղակներու մէջ կ'սպառի: Ան կը
հայրայրե ճշմարիտ զուգահեռական մը կրօնի այն ակարգ
սխալն, որուն մեջ աղօթքը, ակնակոն եւ ակնշակ թող-
ուած, ուրիշ բան չի երէ ոչ՝ պատահական եւ ետասիրա-
կան խնդիրք մը Աստուծոյ ուղղուած:

Է

Մարդուն հոգիին ազնուագոյն գործերէն մէկը այս-
պէս անմշակ թողելու ամօթը կը շեշտուի, երբ աչքի
առջեւ ունենանք աղօթքի մէջ վարպետներուն վկայու-
թիւնը ի մասին անոր կարելիութեանց: Թէ ի՛նչ կրնայ
նշանակել խորհուրդին զօրութիւնը՝ պէտք է տեսնել
խորհողներուն մէջ: Թէ ի՛նչ կրնայ ընել աղօթքը՝
պէտք է տեսնել աղօթողներուն մէջ: Երբ ակնով կը խո-
սին, լեզուն անոնց համար անկարող կը թուի նկա-
րագրել ունակական աղօթքին փրկարար և զօրացուցիչ
ազդեցութիւնները: Ինչպէս մեր հոգեւոր երգերուն
մէջ, ուր մենք կ'անտեսենք զաղափարներու աւելի
մակերեսային տարբերութիւնները և պաշտամունքի
էական ոգիին խորը կ'երթանք, Հայեր, կաթողիկէներ,
Բողոքականներ, Հրեաներ և հեթանոսներ, մասնաւոր
դաւանանքի և յարանուանական միութեան ամէն երան-
գէ մարդիկ՝ հեղինակներն են բոլորիս երգած երգե-
րուն, այնպէս ալ աղօթքի մէջ միանամուռ կը համա-
ձայնին հակընդդէմ զաղափարներու տէր մարդիկ: Բո-
ղօքական Լուտերը ո՛րքան կէտերու մէջ կը տարբերի
կաթողիկ Սուրբ Բեռնարդոսէ, և սակայն Լուտեր կ'ը-
սէ. «Այն հաւատքով որով Սուրբ Բեռնարդոս կ'աղօ-

թէ, կ'աղօթեմ նաև ես:» Ոչ միայն ազատական իմաստասէր մը, Սապաթիէ, կ'ըսէ. «Աղօթքը կրօնք է իրականութեան մէջ, այսինքն՝ աղօթքը իրական կրօնք է.» այլ և պահպանողական աստուածաբան մը Հարթման կ'ըսէ. «Աստուած ճշմարիտ աղօթքին շնորհած է մարդոց և աշխարհի համար ապագան կազմելու զօրութիւնը:» Եւ Կաթողիկէ բանաստեղծ մը Ֆրանսիզ Թոմիսըն կ'ըսէ. «Աղօթքը սուրբերուն բուն սուրն է:» Նոյն իսկ բնագէտն Փրոֆ. Թինտալ, որ իր դարուն Քրիստոնեաներէն կը նկատուէր իբր աղօթքի ամենաոխերիմ հակառակորդը, կ'ըսէ. «Իմ մտքի սովորութիւնս է լրջօրէն միայն խորհիլ մարդիկը աղօթքի գրգռող գագացումներուն մասին: Աղօթքը յաճախ անբանաւոր, նոյն իսկ արհամարհելի, իր մաքրագոյն ձեւերուն մէջ ցոյց կու տայ այնպիսի կարգեր կանոններ, զորս մեզմէ քիչեր կրնան անտեսել առանց բարոյական կորուստի:» Եթէ մարդկային կեանքին մէջ կայ տարր մը, որուն անգնահատելի արժէքին համար ճոխ վկայութիւններ ունինք, այդ ալ աղօթքն է: Եւ այսպիսի բարձր գործածութեանց ընդունակ զօրութիւն մը թիւրիմաց և անմշակ թողուլ հոգեկան ողբերգութիւն մըն է արդարեւ:

Ահա, ուրեմն, մեր նիւթին ամփոփումը: Մեզմէ իւրաքանչիւրին խորքին մէջ կը գտնուի աղօթելու ձգտումը: Եթէ թոյլ տանք որ անիկա լոկ ձգտում մնայ, պարզապէս նեղութեան մէջ արձակուած անձնասիրական, անուշիմ և պատահական ազդակ մը կը դառնայ: Բայց երբ հասկցուի և մշակուի, անիկա երեւան կը բերէ անսահման կարելիութիւններ:

ՄՏԱԾՈՒՄԻ ԵՒ ՔՆՆՈՒՔԻ ԱՄՄԱՐ ԹԵԿԱԿՐՈՒՄԻՆԵՐ

Աղօթքը միեւնո՞ր աստիճան կրնայ բնական և կասուիղ ամեն դարու ժողովուրդներու:

Հետեւեալ մարդանքները աղօթքի ձեւեր են.
Երբ Ափրիկեցի մը ուխտավայր ճանչցուած շեղջակոյտին վրայ քար մը կը նետէ:
Երբ Պուտոյական մը աղօթանիւ մը կը դարձնէ:
Երբ Թիպէթցի մը աղօթքի դրօշակ մը կը կապէ ծառի մը:

Երբ Ամերիկացի մը դրան վրայ ձիու պայտ մը կը գամէ իբր բախտաբեր:

Տգիտութենէ և խորհրդաւոր պատահարներէ յառաջ եկած աղօթքներ և անծանօթ մեծ զօրութիւն մը ողբելու փորձեր սօր աստիճան կրնան փաստ նկատուիլ աղօթքի ընդհանրականութեան:

Աթենացիներուն շատ կրօնասէր ըլլալուն նկատմամբ Պողոսի յայտարարութիւնը այսօր ո՞ր աստիճան կրնայ կրկնուիլ ոչ-քրիստոնեայ երկիրներու մէջ:

Մեծ տագնապի մը միջոցին օգնութեան համար արձակուած ազդակը մինչեւ ո՞ր աստիճան ապացոյց մըն է աղօթքի բնականութեան: Ստեփանոսի աղօթքը Սամիսոնի աղօթքին չափ բնական էր: Երուսաղէմի պաշարումին առեն Եգեկիայի աղօթքը բազմաթիւք արդի պատերազմներու միջոցին մատուցուած աղօթքներու հետ: Աղօթքի բնականութեան համար փաստ մըն է արդեօք Սաղմոսերգուին նկարագրութիւնը ծովային փոթորիկի մէջ աղօթող մարդու մը մասին:

Աղօթքը աւելի՞ բնական է կարգ մը անհատներու և ցեղերու քան ուրիշներու: Անիկա աւելի՞ բնական է կիներու քան այրերու:

«Աղօթք» բառին ձեր գործածած իմաստով կ'աղօթեն բոլոր մարդիկ:

Աղօթքին ընդհանրականութիւնը ո՞ր աստիճան փաստ մըն է անոր իրականութեան:

Հակակշիռի եւ մշակումի պակասը ի՞նչ սպրեցուրիւն ունի բնական ճշմարտութեան դէմ:

Սէրը կամքէ անկա՞խ է թէ ոչ, մարդ կրնա՞յ հասկանալ և զարգացնել սիրոյ իր բնազդը:

Աղօթելու բնազդը մինչեւ ո՞ր աստիճան ընդունակ է զարգացումի և ուղղութեան:

Ի՞նչ բանի մէջ է որ կը թերանան բնական աղօթքի անմշակ բնազդներ: Ինչո՞ւ Քրիստոսեայի մը աղօթքները յաճախ ըստ էութեան հեթանոսական են ստուգիլ:

Ի՞նչ էին որոշիչ տարրերը Դանիէլի աղօթքին մէջ (Դան. 2. 10), Պողոսի աղօթքին մէջ (Եփեսո Գ. 14-19):

Ջրածղական և անմշակ աղօթքը կրնա՞յ անշահախնդիր ըլլալ:

Աղօթքը ի՞նչպէս կրնայ մշակուիլ: Ի՞նչ բան կ'որոշէ աղօթքի զարգացումին սահմանը ունէ անհատի մէջ: Օրինակի համար, ի՞նչ գործողութիւն հարկ է աղօթանիւի մը գործածութիւնը Ստեփանոսի աղօթքին նման աղօթքի մը հասցնելու համար:

ԳԼՈՒԻ Բ

ԱՂՕԹՔ ՈՐՊԷՍ ՀԱՂՈՐԴԱԿՑՈՒԹԻՒՆ

ԱՍՏՈՒԾՈՅ ՀԵՏ

Օրական ընթերցումով

Երկրորդ Ծարաք, Առաջին Օր

Մարդկային կեանքի մէջ բնական պաշտօն նկատուած աղօթքին խորհուրդը պէտք է որ հետեւեալ գործնական օգտակարութիւնն ունենայ մեզի համար. պէտք է որ պահէ մեզ անհաւատութեան կամ վնասութեան շատ զիւրաւ տեղի տալէ, երբ աղօթքի նկատմամբ դժուարութիւն ունենանք մեր անհատական փորձառութեան մէջ: Սաղմոսերգուներէն գոնէ մէկը կ'զգար ասիկա:

«Աստուած իմ, Աստուած իմ, զիս ինչո՞ւ թողուցիր. զիս փրկելէն ու պողալուս խօսքերէն հեռու եղար: Ով իմ Աստուածս, ցորեկը քեզի կը կանչեմ, ու չես պատասխաներ. և գիշերը կը կանչեմ ու չեմ գաղաբիր: Բայց դուն սուրբ ես, ով Իսրայէլի դովաբանութեանց մէջ բնակող: Մեր հայրերը քեզի յուսացան. յուսացան, ու փրկեցիր զանոնք: Բեզի աղաղակեցին ու ազատեցան. քեզի յուսացան ու չամչցան» Սաղ. ԻԲ. 1-5:

Դիտելի է որ այս սաղմոսերգուն աղօթքի նկատմամբ երեք դժուարութիւններ ունի: Ան չի կրնար

զԱստուած իրական տեսնել, անոր աղօթքը իր դժուարութեանց մէջ իրեն օգնութիւն չի բերեր. եւ նոյն իսկ աղօթքի մէջ յարատեւումը բանի մը չի ծառայեր: Այն ատեն կը յիշէ որ աղօթքը այնպիսի բան մը չէ, որով ինք պատմութեան մէջ առաջին անգամն ըլլալով՝ փորձարկութիւններ կ'ընէ: «Մեր հայրերը քեզի յուսացան... ու փրկեցիր զանոնք:» Կը տեսնէ որ իր հայրերուն զիջուած վկայութիւնները ամէն դարու մէջ ապացոյց են աղօթքի զօրութեան: Հետեւաբար, բանաւորապէս կ'եզրակացնէ թէ լաւ կ'ըլլայ որ աղօթելու մէջ իր քանի մը ամսուան անհատական թերացումը ցեղին ընդհանուր փորձառութեան դէմ չի հանէ: Աչքի առջեւ ունենալով աղօթքին նշանակութիւնը բոլոր ժողովուրդներուն համար՝ կը տեսնէ որ դժուարութիւնն հաւանութեան իր անձին շուրջ եւ եւ ոչ թէ աղօթքին: Եւ հետեւաբար պարտք կը համարի աղօթքը հասկնալ, եթէ կրնայ, եւ նոյն գլխուն 22րդ համարին մէջ կ'սկսի յաղթական արդիւնքին պատմութիւնը. «Քու անունդ եղբայրներուս պիտի պատմեմ, ժողովին մէջ քեզ պիտի գովեմ:» Երանի՜ թէ Աստուած մեզ սաղմոսերգուին չափ իմաստուն ընէ և նոյնքան իրական յաղթանակ մը շնորհէ մեզի:

Աղօթք. Ով Աստուած, որ ես, որ էիք և որ պիտի գաս, և որուն սերունդներ կ'ելլեն ու կ'անցնին. ամէն դարու մէջ ապրողները Քեզ կը փնտռեն և կը տեսնեն որ Քու հաւատարմութիւնդ վախճան չունի: Մեր հայրերը իրենց պանդխտութեան մէջ Քու առաջնորդութեամբ քալեցին և գութիդ վրայ կոթնեցան: Դուն անոնց զաւակներուն ալ ցորեկը ամպ և զիշերը հրեղէն սիւն եղիր: Մեր բազմադիմի փորձութեանց մէջ Դուն միշտ մեզի մօտ ես. վիշտերու մէջ Դուն գութովդ կ'օգեւորես նուազած հողին. մեր յաջողութեան և հան-

զըստութեան մէջ Քու Հողիդ է միայն որ կրնայ մեզ հպարտութենէ հեռու և խոնարհ պահել: Ով Դուն, միակ աղբիւր խաղաղութեան և արդարութեան, վերցուր հիմա քողը ամէն սրտէ, և մէկ հաղորդակցութեան մէջ միացուր մեզ մարդարէներուդ և սուրբերուդ հետ, որոնք Քեզի յուսացին ու չամչցան: Ոչ թէ մեր արժանաւորութեան, այլ շնորհքիդ համար լսէ մեր աղօթքը: Ամէն: Ճէյմս Մարթինս (1805-1900):

Երկրորդ Շաբաթ, Երկրորդ Օր

Այս շաբաթ ֆլինեմք գործնական պատճառներէն մեկ ֆլինի թէ աղօթքը մեր գործիքն էր յիս օգտագործելու մեջ ինչո՞ւ կը թերանանք: Այդ նպատակին համար կարգացէք մեր Տէրոջը կեանքին երկու երեւոյթները ներկայացնող հետեւեալ համարները. «Քանի որ ցորեկ է, պէտք է որ զիս շրջապահողները գործեմ. զիշերը կուգայ, երբ մէկը չկրնար գործել:» Յովհ. Թ. 4. «Եւ առաւօտուն շատ կանուխ ելլելով դեռ չի լուսցած՝ ելաւ ու գնաց անապատ տեղ մը, և հոն աղօթք կ'ընէր:» Մարկ. Ա. 35:

Քրիստոնէական կեանքի մէջ այս երկու ազդեցութիւններէն ո՞րը աւելի կը գնահատենք: Յայտնի չէ՞ որ մեր օրուան ամբողջ յատկանշական եռանդը գործի շուրջ կը գառնայ: Եկեղեցիներու մէջ տիրող սովորական շեշտը ծառայութիւնն է, իսկ սիրական երգերն են «Աստուածորդին պատերազմի կ'երթայ,» «Ով զինուորներ Քրիստոսի, սոքի ելէք,» և ասոնց նման ուրիշներ: Աղօթքի մէջ մեր թերացումը վերադրելի է մասամբ ընդհանուր արամադրութեանը մեր սերունդին, որ գործի համար ունեցած իր սքանչելի եռանդին մէջ զանց ըրած է աղօթքի այն մշակումը, որմէ պէտք է որ վերջի վերջոյ կախում ունենան հողին ազնուագոյն յատկութիւններն

ու զօրութեան խորագոյն աղբիւրները: Ո՞չ ապաքէն ա- սիկա է մէկ պատճառը որ սրատես դիտողներ կը նկա- տեն թէ ներկայ սերունդը նշանաւոր է գործնական ար- դիւնաւորութեամբ և հոգեւոր ծանծաղութեամբ: Չե՞նք կրնար արդեօք յուսալ մեր մէջ պահել այս գործօն դա- րուն լաւագոյն շահերը և նոյն ատեն ձեռք բերել «Աս- տուծոյ ներկայութեան վարժութիւնը»:

Աղօթքի Ամենակարող Հայր, մեր սրտերէն ներս մտիք և մեզ այնպէս լեցուր Քու սիրովդ որ ամէն չար բաղձանք լքելով կարենանք Քեզի փարիլ, մեր միակ բարւոյն: Ով Տէր Աստուած մեր, Քու շնորհքիդ հա- մար ցուցուր մեզի թէ Դուն ի՛նչ ես մեզի, ըսէ մեր հոգիներուն, «ես քու փրկութիւնդ եմ»: Մեզի խօսէ այնպէս՝ որ կարենանք լսել: Մեր սրտերը Քու առջևդ են: Բայ մեր ականջները որ ձայնիդ վազենք և Քեզի կառչինք: Կ'աղաչենք, ով Տէր, Քու երեսդ մեզմէ մի ծածկեր: Մեր նեղ հոգիները լայնցուր որ կարենաս ներս մտնել, և վերանորոգէ աւերակ տաճարները որ կարենաս բնակիլ անոնց մէջ: Ով երկնաւոր Հայր, ըսէ մեզ, Քու միածին Որդւոյդ՝ Յիսուսի Քրիստոսի՝ մեր Տէրոջ սիրոյն համար, որ կ'ապրի և կ'իշխէ Քեզի և Սուրբ Հոգւոյն հետ հիմա և յաւիտեանս: Ամէն: Սուրբ Օգոստինոս (354-430)

Յեկուոյ Ծարաք, Երուոյ Օր

Աղօթքի մեր կարողութիւնը մշակելու մէջ թերա- ցումը շատերու մօտ կ'երթայ կը յանդի՝ աղօթքի նշա- նակութեան մասին մանկական գաղափարներու, որոնք բոլորովին ջնջուած չըլլալով կը կաշկանդեն մեզ, և մեր աղօթքներուն անբանաւոր և անպէտ երեւոյթ մը կու տան: Մարդիկ կան որոնք դեռ աղօթքի մասին կը խոր- հին՝ երկնային Կազանդ-Պապայի մը ուղղուած մանկա-

կան խնդրուածքներու իմաստով: Նկատի առնենք հե- տեւեալ երկու հատուածներու մէջ յառաջ բերուած ճշմարտութեան երկու երեւոյթները:

«Ու երբ նստաւ, կանչեց տասներկուքը ու ըսաւ անոնց. եթէ մէկը կ'ուզէ առաջին ըլլալ, ամէնուն յետինը պիտի ըլլայ և ամէնուն սպասաւորը: Ու տղայ մը առաւ կայնեցոց անոնց մէջ, և իր դիրկը առնելով զանիկա՝ ըսաւ անոնց, Ով որ այսպիսի տղոյմէ մէկը ընդունի իմ անունովս, զիս կ'ընդունի. և ով որ զիս ընդունի, չէ թէ զիս կ'ընդունի, հապա զիս զրկողը»: Մարկ. Թ. 34-36:

«Երբ տղայ էի, տղայի պէս կը խօսէի, տղայի պէս կը խորհէի, տղայի պէս համարում ունէի. բայց երբ այր եղայ, տղայութեան բաները մէկդի ձգեցի»: Ա. Կոր. ԺԳ. 11:

Երբ Քրիստոս անկեղծութեան և հեղութեան ման- կակամ բարեմասնութիւնները մեզի իբր գաղափարական կը ներկայացնէ, մեզմէ չի պահանջեր տղայանիտ ըլլալ: Շատ ախմար աղօթքներ կը մատուցուին բարեմիտ բայց ոչ-մտացի մարդոց կողմէ՝ այն չքմեղանքով որ անոնք իրենց պարզամիտ վստահութեան մէջ մանուկներու նման են: Բայց մենք մեծցած մանուկներ ենք, և պար- տաւոր ենք մեր խելքը գործածել, աղօթքը պզտիկ- ցնող մանկական գաղափարներէն վեր ելլել, և ընդար- ձակել մեր ըմբռնումներն այն նշանակութեան մասին զոր Աստուծոյ հետ հազորդակցութիւնը կրնայ ունենալ կեանքի համար: Աղօթել Աստուծոյ իբր թէ ան Կա- ղանդ-Պապա մը ըլլար, մանկական է անշուշտ. բայց մէկը կրնայ տակաւին մեծուկի նման ըլլալ իր հաւատքին մէջ և սակայն աղօթելու տարբեր տեսակ մը ընդգրկել:

«Իմ կեանքիս մէջ կեանք մըն ես Դուն,

Իմ հոգիիս աւելի մօտ.

քաղցրութենէ ու հանգիստէ վեր, ամէն յոյսէ և խոստումէ վեր, Քու մեղի բաշխել կրցած բոլոր պարգեւներէն ու շնորհքներէն վեր, մարդկային մտքին ընդունիլ և զգալ կրցած բոլոր ցնծութիւններէն վեր, հրեշտակներէն և հրեշտակապետներէն վեր, երկնային բոլոր զօրութիւններէն վեր, տեսանելի և անտեսանելի բաներէն վեր, Քեզմէ զատ ամէն բանէ վեր, ով իմ Աստուածս: Ինչ որ ալ Դուն Քեզմէ զատ շնորհս ինձի, կամ յայտնես, կամ խոստանաս, շատ պղտիկ ու շատ անբաւարար է, որչափ ատեն որ Դուն չես տեսնուիր և լիովին ձեռք չես բերուիր: Ինչու որ իմ սիրտս ստուգիւ չի կրնար ըստ արժանւոյն հանգչիլ, ոչ ալ բոլորովին գոհանալ, մինչեւ որ անիկա չի հանգչի Քու ծոցը: Ամէն: Թովմաս Քեմիացի (1379-1471):

Երկուրդ Ծաբար, Հինգերորդ Օր

Աղօթքը ոմանց մէջ ձախողած է անոր համար որ անիկա աւելի պարսակնութիւն ւնր թուած է անոնց քան արսօնութիւն ւնր: Երբ անոնք անոր մասին մտածեն, կը մտածեն կատարուելիք պարտականութեան մը մասին: Ասոր հակապակերը կու տան վաթսուներեքերորդ Սաղմոսին խանդավառ խօսքերը.

«Ով Աստուած, Դուն ես իմ Աստուածս. ես ատուանց քեզ կը փնտռեմ... Որովհետեւ քու ողորմութիւնդ կեանքէն աղէկ է, իմ շրթունքներս քեզ պիտի գովեն... Իբր թէ ձարսով ու պարարտութիւնով պիտի կշտանայ իմ անձս, ու ցնծութեան շրթունքներով պիտի գովէ քեզ իմ բերանս: Երբ անկողինիս վրայ քեզ կը յիշեմ, գիշերուան պահերուն մէջ քու վրայ քեզ կը յիշեմ, վասն զի ինձի օգնական եղար, վրայովդ կը մտածեմ, վասն զի ինձի օգնական եղար, ու քու թեւերուդ հովանաւորութեան տակ պիտի ցընու-

ծամ: Իմ անձս քեզի հետեւելով կը յարի. քու աջ ձեռքդ զիս պիտի պահէ:» Սաղ. ԿԳ. 1, 3, 5 — 8:

Աղօթքը հոս կրելի բեռ մը չէ, ոչ ալ կատարուելիք պարտականութիւն մը կամ Աստուծոյ վճարուելիք պարտք մը: Աղօթքը արսօնութիւն մըն է. անիկա բարեկամութեան, ընտանեկան սիրոյ, զուարթութեան, մեծ գիրքերու, բարձր երաժշտութեան և նուրբ արուեստի նման՝ կեանքի պատեհութիւններէն մէկն է, զոր պէտք է երախտագիտութեամբ բռնել և ուրախութեամբ գործածել: Այն մարդը, որ կ'անտեսէ աղօթքին խոր նշանակութիւնը, ոչ այնքան մերժած կ'ըլլայ պարտականութիւն մը, որքան ինքզինք զրկած՝ կեանքի զերագոյն պատեհութենէն, այսինքն՝ Աստուծոյ հետ բարեկամութենէ:

Աղօթք. Ով Դուն աստուածային Հոգի, որ կեանքի բոլոր պատահարներուն մէջ կը զարնես դրանս, օգնէ ինձի որ կարենամ Քեզի պատասխանել: Ես չի պիտի ուզէի կուրորէն քչուիլ ինչպէս աստղերն իրենց ընթացքին մէջ: Չի պիտի ուզէի որ հարկադրուէի Քու կամքդ կատարել ակամայ, Քու կանոններդ գործադրել տգիտաբար և Քու պատուէրներուդ հնազանդիլ անհամակիր ոգիով: Կ'ուզէի կեանքիս դէպքերն ընդունիլ իբր լաւ և կատարեալ պարգեւներ Քեզմէ: Նոյն իսկ լեանքի վիշտերը կ'ուզէի ընդունիլ իբրեւ քողարկուած շնորհքներ զարձեալ Քեզմէ: Կ'ուզէի որ սիրտս միշտ բաց ըլլար ընդունելու — առտու, կէսօր, գիշեր, գարնան, ամրան, աշնան և ձմրան մէջ: Դուն ինձի ճանապարհով գաս թէ անձրեւով, Քեզ ցնծութեամբ պիտի ընդունիս սրտիս մէջ: Դուն ինքզ աւելի ես քան ճանապարհը. Դուն ինքզ անձրեւին տեղը կը բռնես. ես Քեզ կը խնդրեմ և ոչ՝ պարգեւներդ: Չարկ դրանս և ես պիտի բանամ Քեզի: Ամէն: Ճորճ Մէթիսըն:

Երկրորդ Ծարաք, Վեցերորդ Օր

«Արդ, կ'աղաչեմ, ամէն բանէ առաջ աղօթք ընել, խնդրուածք, աղաչանք, գոհութիւն ամէն մարդոց համար, մանաւանդ թագաւորներուն և բոլոր իշխանաւորներուն համար, որպէս զի խաղաղ ու հանդարտ կեանք վարենք բոլորովին աստուածպաշտութիւնով ու պարկեշտութիւնով: Վասն զի այն է աղէկը և ընդունելին մեր Փրկիչ Աստուծոյն առջեւ, որ կ'ուզէ որ ամէն մարդիկ փրկուին ու ճշմարտութիւնը ճանչնալու զան: Քանզի մէկ Աստուած կայ, ու մէկ միջնորդ Աստուծոյ ու մարդոց մէջտեղ, Քրիստոս Յիսուս մարդը...: Արդ, կ'ուզեմ որ այր մարդիկ ամէն տեղ աղօթք ընեն՝ սուրբ ձեռքեր վերցնելով, առանց բարկութեան ու երկմտութեան:»
Ս. Տիմ. Բ. 1-5, 8:

Աղօթքն իբր արտօնութիւն համարելու թերացումը մասամբ վերադրելի է այն իրողութեան թէ կրնանք աղօթել ուրէ ատեն, «ուէ տեղ» Աղօթքի դուռն այնքան անընդհատ բաց է որ մշտնապատրաստ պատենութեանէ մը օգտուելու կը թերանանք: Լոնտոնի մէջ բազմաթիւ մարդիկ կան, որոնք Ուեսթմինսթըրի Աբբայարանին ներքնակողմը երբեք տեսած չեն, մասամբ անոր համար որ կրնային զայն տեսնել ուէ օր: Այս առթիւ նկատի առէք Օսթին Ֆելիսի հետեւեալ պատկերին յարմարութիւնը. «Հոռմի Սբ. Պետրոս մայր եկեղեցիին գաւիթին մէջ անցք մը կայ, որ պատով գոցուած է և վրան խաչանշուած: Անիկա հարիւր տարուան մէջ չորս անգամ միայն կը բացուի: Քսանընդհանգ տարին անգամ մը, Սբ. Ծննդեան Խթումին, Պապը կը մօտենայ անոր իշխանական շուքով, սպասաւորող բազմաթիւ կարդինալներով, և ոսկեայ մուրճի երեք հարուածով կ'սկսի խորտակել դուռը: Երբ անցքը կը բացուի, բազմութիւնը մայր եկեղեցիէն ներս կը մտնէ մինչեւ խո-

րանը, անցքէ մը՝ որմէ անոնց մեծամասնութիւնը երբեք այսպէս մտած չէր և անգամ մըն ալ պիտի չի մտնէ նոյն կերպով: Երեւակայեցէք որ Շնորհաց Գահին տանող ճամբան Սուրբ Դրան նման ըլլար անմատչելի, ի բաց առեալ քառորդ դարն անգամ մը: Ենթադրեցէք որ դուք կամ ես, կամ ուրիշ ուրիշ մեղաւոր տասը տարի առաջ արտօնուած ըլլայինք աղօթել և դեռ պէտք ըլլար որ տասընինգ երկար տարիներ սահէին մինչեւ որ դարձեալ Աստուծոյ մօտենալ համարձակէինք, և որ առ առաւելն երկու երեք անգամ միայն աղօթել կարենալու յոյսն ունենայինք մեր ամբողջ կեանքին մէջ: Արդեօք ի՞նչ անձկութեամբ պիտի սպասէինք այդ Սուրբ Օրուան գալուստին» կրնայ ըլլալ որ պարզ անիութեան թեամբ և բարի բայց տկար տրամադրութեանց խաբուսիկ աղեցութեամբ կը կորսնցնենք կեանքի մեծ արտօնութիւններէն մէկը, ինչու որ անիկա շատ հասարակ բան մըն է:

Աղօթքի Ով Տէր, տուր որ զիս պարփակող շնորհքը զգամ: Թող ընտանի դարձածը զանցառութեան չի մատնուի: Թող Քու բարութիւնդ տեսնեմ իմ ամենօրեայ հացիս մէջ, և իմ տանս հանդիստը Քու շնորհաց գահիդ տանի իմ խորհուրդներս: Ճ. Հ. Ճօուեթ:

Երկրորդ Ծարաք, Եօթերորդ Օր

Աղօթելու մէջ թերացումի ուրիշ մէկ իրական պատճառը կը գտնուի անհաւերելութեան մէջ: Քանի մը ջղաձգական և շտապոտ խոյանքներ կատարեցինք աղօթքի վրայ, բայց բարի հետեւանք մը չի տեսնելով անհամբերութեամբ անարժէք կոչեցինք գործը և լքեցինք զայն: Ենթադրեցէք որ մարդ մը նոյնպէս խոյանայ բարեկամութեան վրայ, և փորձի համար եղած քանի մը խօսակցութիւններ մէկդի դնելէ յետոյ վճռա-

կան կերպով եզրակացնէ թէ բարեկամութեան մէջ բան մը չի կայ վերջապէս: Բայց բարեկամութիւնը այսպիսի յախուռն և պատահական եղանակով չի փորձուիր իրապէս: Բարեկամութիւնը սովորութեամբ և յարատեւութեամբ ավրելիք կեանք մըն է յաւէտ, և անոր հետեւանքները տարիներու ընթացքին կը կուտակուին: Նոյնպէս աղօթքը Աստուծոյ հետ քարեկաւոնքեան կուսակառոյց կեանք մըն է:

«Եւ եղաւ որ տեղ մը աղօթք կ'ընէր. ու երբ դադարեցաւ, իր աշակերտներէն մէկը ըսաւ իրեն, Տէր, մեզի աղօթք ընել սորվեցուր, ինչպէս Յովնաննէս ալ իր աշակերտներուն սորվեցուց: Եւ ըսաւ անոնց, Երբ աղօթք կ'ընէք, ըսէք, Ով Հայր մեր, որ երկինքն ես, քու անունդ սուրբ ըլլայ. քու թագաւորութիւնդ գայ. քու կամքդ ըլլայ ըլլայ, ինչպէս երկինքը՝ այնպէս ալ երկրիս վրայ. մեր ամէն օրուան հացը օրէ օր մեզի տուր. և մեզի ներէ մեր մեղքերը, քանզի մենք ալ կը ներենք այն ամենուն որ մեզի պարտական են. ու մեզ փորձութեան մի տանիր, հապա չարէն մեզ ազատէ:» Դուկ. ԺԱ. 1-4:

Դիտեցէք որ երբ աշակերտները Յիսուսի աղօթելը լսեցին, հասկցան թէ անոր նման աղօթելը իրենց հանգիպելիք կամ քշուելով մէջը տարուելիք և կամ մասնաւոր ներշնչումի մը պահուն ակնթարթի մը մէջ պատահելիք բան մը չէր: Այնպէս աղօթելը յարատեւ վարժութեամբ սորվելիք դաս մըն էր: «Աստուծոյ հետ հարգակցիլը մեծ արուեստ մըն է,» կ'ըսէր Թովմաս Քեմփացի: Մենք պիտի չսպասէինք որ ջուրակի վրայ ատենն անգամ մը փորձ ընելով շատ բան սորվէինք: Բայց տեսէք թէ ինչպէս կը գործածենք այս նրբագոյն գործիքը:

Շարժուանս ընթացքին քննութեան ենթարկուած

թերացումի այս եօթն իրական պատճառներէն ո՞րը ձեզի կը յարմարի: Անհատական թերացումը ցեղային փորձատուութեան դէմ հանելը. գործին կարեւորութիւնը աղօթքի կարեւորութեան նախադասելը. աղօթքի մասին գայն անբանաւոր գտնելու աստիճան մանկամտօրէն խորհիլը. զԱստուած իր պարգեւել կրցած բաներէն նուազ գնահատելը՝ աղօթքը խոտան համարելու աստիճան. աղօթքը արտօնութենէ աւելի պարտականութիւն նկատելը. շատ սովորական պատեհութիւն մը ըլլալուն համար աղօթքը բանի տեղ չդնելը. քանի մը ջրածղական փորձերէ յետոյ աղօթելու մէջ անհամբեր գտնուելը:

Աղօթք. Ով Տէր, Քու առատ շնորհքովդ իջիր հոգիիս մէջ, գայն գրաւէ և հոն ընակէ: Կ'ընդունիմ թէ անիկա պարզուկ ընակարան մըն է այնքան փառայել վեհափառութեան մը համար, բայց այնպիսի ընակարան մը դոր Դուն Քու ընդունելութեանդ համար կը զարդարես Քու խոյ ներշնչած սուրբ և ջերմեռանդ փափաքներով: Մտիր, ուրեմն, հոն. զարդարէ և ընակութեանդ յարմար ըրէ գայն, քանի որ անիկա Քու ձեռքերուդ գործն է: Պարգեւէ ինձի Քու անձդ խոյ, առանց որուն Քու բոլոր ստեղծածներդ ինձի տալու ալ ըլլայիր՝ իմ բաղձանքներս տակաւին չէին կրնար յագեցնալ: Տուր որ իմ հոգիս շարունակ փնտռէ Քեզ, և ես յարատեւեմ փնտռելու մէջ մինչեւ որ Քեզ գտնեմ և լիովին իմս ընեմ: Ամէն: Սը. Օգոստինոս (354 — 430):

Մէկնարանուրիւն Շարժուան Համար

Ա.

Երբ մարդ կ'սկսի աղօթքը լուրջի առնել, փափաքելով տեսնել թէ անով ինչ կարելի է ընել կեանքի մէջ,

պիտի գտնէ որ իր առաջին պէտքերէն մէկն է աղօթքի նշանակութեան մասին բաւականաչափ յստակ գաղափար մը: Շատ կեանքերու մէջ, այս խնդրին շուրջ բոլոր տեսական շփոթութեանց ետին կը գտնուի աղօթքի մասին իրական փորձառութիւն մը, որ շատ վրդու վիչ է:

Երբ մենք պղտիկ տղաք էինք, աղօթքը կենդանի կերպով իրական էր: Մենք կ'աղօթէինք այն պարզամիտ վստահութեամբ թէ մեր խնդրած բաները պիտի ունենայինք: Շատ տարբերութիւն չէր ընդ թէ ի՞նչ էին այդ բաները. ինչու որ աղօթքը Ալատինի լամբարն էր, զոր շփելով Աստուծոյ հրեշտակները վար կը կանչէինք որ մեր հրամանը կատարեն: Աղօթքը բաց վճարագիր (յեթ) մըն էր Ամենակարողին կողմէ ստորագրուած, զոր կրնայինք ըստ կամս լեցնել և աշխարհի ներկայացնել գանձուելու համար: Աղօթքի մասին այսպիսի ըմբռնում մը նկարագրել կերպով կը յայտնուի այն խոստովանութեան մէջ, զոր Պրայթընցի Բոպերթսըն, Անգլիացի մեծ քարոզիչը, մեզի կու տայ իր մանկութեան վերաբերող հատուածի մը մէջ. «Երբ ես շատ դեռատի պատանի մըն էի,» կ'ըսէ ան, «կը յիշեմ հորս հետ սրսի երթալս և աղօթելս որ ամէն անգամ որ շուները որոշ կէտ մը հասնէին՝ հայրս կարենար դարնել թոչունը: Եւ որովհետեւ ան միշտ չէր յաջողեր զարնել, և երբեմն սխալ հարուածներ ալ կը պատահէին, իմ սիրտս կը խռովէր: Կարծեմ ես սկսեր էի երբեմն ցարակուսիլ աղօթքի ազդեցութեան վրայ, երբեմն ալ դաշտային զբօսանքներու օրինաւորութեան վրայ: Անգամ մըն ալ, կը յիշեմ, աղօթեցի ամօթահարութենէ խոյս տալու համար ա՛յն վայրկեանին՝ որ վարժարանին մէջ ուրիշ ինը տղոց հետ ես ալ բռնուեցայ անիրաւ տեղը պատժուելու համար: Ուսուցիչը, միւս ամէնքը խարազանելէ առաջ,

ըսաւ ինծի, մեծ շփոթութեան մատնելով ամբողջ աշակերտութիւնը. «Փոքրիկ տղայ, կը ներեմ քեզի մասնաւոր պատճառներով»: Եւ արդարեւ այդ վարժարանը գտնուած երեք տարիներու միջոցին երբեք չի խարազանուեցայ: Այս միջադէպը երկար ատեն հանդարտեցուց միտքս: Կը կասկածիմ միայն՝ թէ ուէ օգուտ մը ըրա՛ւ ինծի, ինչու որ աղօթքը հմայեակ մը դարձեր էր: Ես Անտեսանելիին սիրականն ըլլալ կ'երեւակայէի: Գիտէի թէ հետս կը կրէի ուրիշներուն անծանօթ յուսուածութիւնը մը, որ զիս պիտի ազատէր ամէն վտանգէ: Բայց անիկա աւելի լաւ չըրաւ զիս. անիկա պարզապէս ապահովութիւն տուաւ ինծի, ինչպէս Հրեան ապահով կ'ղգար Աբրահամի սերունդը ըլլալուն համար, և կամ պատերազմի կ'երթար Տապանակին պաշտպանութեանը տակ, ոչ նուազ մեղանչելով հանդերձ բոլոր ատենս:»

Մեզմէ շատեր կրնան անցեալի մէջ ասոր նման փորձառութիւն ունեցած ըլլալ աղօթքի մասին: Բայց, ինչպէս Բոպերթսընի պատահեցաւ, լուրջ կասկածներ չուտով կը խանգարէին մեր միամիտ վստահութիւնը: Արդեօք ո՛րքան յաճախ կը շփէինք այս մոգական լամբարը, և հրեշտակներ չէին գար: Աղօթքի ազդեցութեան մասին մեր հաւատքը ո՛րքան ստեպ տեղի կու տար կասկածի և հուսկ գաղտնի ուրացումի: Եւ մինչ փորձառութիւնը կ'աւելնար, մենք վստահութիւն կ'ընծայէինք ոչ թէ աղօթքի, այլ նախատեսութեան, զործի, դրամի, և մեր բաղձացած բաները ձեռք բերելու նրբամտութեան: Յրետերիք Տըկլաս կ'ըսէր թէ իր գերութեան օրերուն սովոր էր ինք յաճախ աղօթել ազատութեան համար, բայց իր աղօթքին պատասխան չըստացաւ մինչեւ որ անիկա իր գարշապարներուն մէջ իջաւ և զինք փախուստի դրդեց: Մենք երթալով աւե-

լի կը հաւատանք այս տեսակ աղօթքի: Բայց այն ատեն
ո՞ւր կը մնայ այն հին վստահութիւնը որ պարզեւներ
կ'սպասէր երկինքէն: Եւ արդարեւ, երբ անձկութեան
մէջ աղաղակէինք այնպիսի բաներու համար որոնցմէ
ամբողջապէս կախում ունենալ կը թուէին կեանքի ար-
ժէքն և ուրախութիւնը, մեր հաւատքը կը տատամսէր
մեր աղաչանքին զօրութեան և Աստուծոյ առերեսոյթ
անտարբերութեան պատճառաւ: Ու մէնք կ'ենթար-
կուէինք թե՛նիստընի ճնշող կասկածին:

«Ով մայր, քու աղօթքը այնքան հաւատարի
Պիտի աղատէ որդիդ նաւաստի,
Նոյն իսկ կ'աղօթես երբ հոս գլխիկոր
Եւ ծանր կախորրան-պատանք մ'անսովոր
Մարմինը անոր կը յանձնէ անդին
Տամուկ, ընդարձակ ծոցը անդունդին:»



Աղօթքի իբր բաներ ստանալու միջոցի մը մասին
ծագող իրական յուսավրիպումը շատերու մէջ կը տանի
երկու եզրակացութեանց մէկին կամ միւսին: Մարդ
կա՛մ բոլորովին կը հրաժարի աղօթելէ, և կա՛մ աղօթել
չարունակելով հանդերձ՝ նոր շարժառիթ մը կ'որոնէ
այսպէս ընելու, բանելու համար տեղը իր հին ակնկա-
լութեան, որով որոշ արդիւնքներ կ'սպասէր Աստուծմէ:
Մարդիկ սովոր էին ծագելներ գնել գերեզմաններու
վրայ, ինչու որ կը կարծէին թէ մեկնող հոգիները կը
վայելէին անոնց բուրմունքը: Այս նախապաշարումը
թէեւ վաղուց թողուած է, սակայն մենք տակաւին ծա-
ղիկներ կը գնենք գերեզմաններու վրայ: Սակայն հին
իրապաշտական պատճառին տեղ զգացողական շարժա-
ռիթով մը կը գնենք:

Այսպէս մարդիկ, որոնք ճիշդ իրենց խնդրածը
ստանալու մանկական ակնկալութեամբ աղօթել սորված
էին, յուսավրիպումով կ'իմանան իրենց պատրանքը:
Բայց կը շարունակեն աղօթել նոր շարժառիթով մը:
«Փոյթ մի ըներ, եթէ խնդրած բաներդ չստանաս»,
կ'ըսեն անոնք աղօթքի մասին իրենց փորձառութեան
այս երկրորդ աստիճանին մէջ: «Յիշէ որ ֆեզի հաւատ
լաւ է աղօթել: Գործը ինքնին կ'ընդարձակէ համակ-
րանքներդ, կը հանդարտեցնէ միտքդ, կը քաղցրացնէ
տրամադրութիւններդ և կ'ընդլայնէ խորհուրդիդ հե-
ռանկարը: Հրաժարէ այն մտածումէն թէ ուրէ մէկը
քեզի համար բան մը կ'ընէ երբ աղօթես, բայց յիշէ որ
դուն չատ բան կրնաս ընել քու անձիդ համար: Մենք
աղօթքի մէջ կը մեղմենք մեր նկարագիրը, կը հան-
դարտեցնենք մեր անձկութիւնները, և կը մաքրադոր-
ծենք մեր խորհուրդները: Աղօթքը օգտակար ինքնա-
խօսութիւն մըն է, կազմուրիչ մենախօսութիւն մը,
ինքնաթելազրուութեան ազնիւ մէկ ձևը:» Ահա այս
կերպով մարդիկ, աղօթքէն յուսավրէպ դառնալով իբր
որոշ խնդրանքներ ստանալու միջոցէ մը, կը ջանան
գոհանալ աղօթքով իբր իրենց մտքերուն անդրադարձ գոր-
ծունեութեանը: Ըստ իրենց՝ ասիկա է աղօթքին նշանա-
կութիւնը հին առակով մը բացատրուած: Երկու տղաք
դաշտ զրկուեցան՝ փորելով գտնելու համար պահուած
դանձ մը: Հոն անոնք ամբողջ օրը աշխատեցան, բայց
ի գուր: Եւ իրիկունը, յոգնած և յուսախաբ, տուն գա-
լով հանդիպեցան իրենց հօրը: «Բայց յամենայն դէպս»,
ըսաւ ան զանոնք մխիթարելու համար, «գուք անշուշտ
բան մը շահեցաք — փորելը ինքնին շաւ փարձուքիւն
ւրն եր:»

Բանինե՛ր արգեօք այսօր աղօթքի մասին կը խոր-
հին իբր հոգեւոր մարզանքի ձևի մը մասին, ինչ որ

Հորէյս Պուչնել կ'անուանէր «ուժաշափ ծանրութիւններով մարզանք»։ Անոնք բարեխօսական աղօթքի ուժաշափը կը վերցնեն ոչ թէ անոր համար որ կը խորհին թէ անիկա կ'օգնէ իրենց բարեկամներուն, այլ անոր համար որ անիկա իրենց համակրանքին կապերը կը զօրացնէ։ Անոնք փորձութեան մէջ զօրութեան համար աղօթքի ուժաշափը կը վերցնեն՝ ոչ թէ անոր համար որ Աստուած օգնէ իրենց, այլ անոր համար որ գործը ինքնին կ'ուժովցնէ զիրենք։ Աղօթքը անոնց համար մտածակութեան մէկ ձեւն է։ Բայց այս կարգի աղօթքը հաւանական չէ որ երկար տեւէ։ Խոնական մարդ մը յանկարծ կանգ կ'առնէ «Ով Աստուած» աղաղակելէ, պարզապէս իր ձայնին յատկութիւնը բարուքելու համար։ Ան կը խորշի այն եղանակէն, զոր Չարլս Բինկսլէ նամակի մը մէջ կը նկարագրէ իբր «ինքնիրեն աղօթել ինքզինք փոխելու համար։ Ասով կ'ուզեմ ակնարկել՝ աղօթքով ինքզինք բռնի վիճակի մը, ձեւի մը, փորձառութեան մը մղել ջանալու հին դրութեան»։ Եւ կամ եթէ ան այս կարգի հոգեւոր մարզանքի անձնատուր կ'ըլլայ, պարտի իր իսկական անունով կոչել ինչ որ կ'ընէ։ Անոր ըրածը մտածութիւն է, ինքնախօսութիւն է, բայց ոչ աղօթք։ Երբ մէկը հոգեւոր հրահանգի համար անձնատուր կ'ըլլայ այս պարբերական ինքնահարգակցութեան, երբ իր ինքնախօսութեան մէջ Աստուծոյ հետ հարգակցութեան իմաստ մը չի գտնուիր յիշեցնելու Յիսուսի մեծ խոստովանութիւնը, «Ես մինակ չեմ, հապա ես եւ հայրը» (Յովհ. Ը. 16), անոր մտածութիւնը կրնայ աղօթք կոչուիլ միայն մասնաւոր իմաստով առակներէն մէկուն, ուր մարդ մը «կայներ էր ու... առանձին աղօթք կ'ընէր» (Ղուկ. ԺԸ. 11)։

Ասիկա միթէ արդի մարդոց մէկ տիպարական փոր-

փորձառութիւնը չէ։ Անոնք իրենց անձերը, ինչպէս կը կարծեն, ցցապատնէշով ամրացած կ'զգան երկսայրաբանութեան մը եզրերուն վրայ։ «Կա՛մ այն է», կ'ըսեն անոնք, «որ աղօթքը իրական միջոց մըն է խրատաւորութեան քանակէն ստանալու, եւ կա՛մ այն է որ ակնկալ պարզապէս մարդուն մէջին ակնդարձ մեկ գործունեութիւնն է»։ Բայց երկսայրաբանութիւնը սխալ է։ Աղօթքը կրնայ երկուքէն ալ բան մը պարունակել։ Բայց աղօթքի ոգին ոչ մէկն է, ոչ ալ միւսը։ Անոր իսկական բնութիւնը կը գտնուի երկուքէն ալ աւելի բարձր մարդի մը մէջ, ուր երկուքին ալ մէջ եղած սխալը կը լքուի, կը զլուի և ճշմարիտը կը չեչտուի։

Աղօթքին նշանակութիւնը, զոր օրինակ, Յիսուսի համար այն չէր՝ թէ բոլոր խնդրածը պիտի չնորհէր Աստուած։ Աստուած չի չնորհեց։ Այն յարատեւող և խանդաղին աղաչանքը, ուր մեր Տէրը երեք անգամ դարձաւ արիւնաներկ դէմքով աղաղակելու, «Թող այս բաժակը ինձմէ անցնի» (Մատ. ԻԶ. 39), «Ոչ» ունէր իբրև պատասխան։ Ասկէ զատ աղօթքը Յիսուսի համար պարզապէս իր մտքին անդրադարձ գործունեութիւնը չէր նշանակեր։ Յիսուս կ'աղօթէր այնպիսի զօրութեամբ մը որ աշակերտները իրմէ խնդրեցին սորվեցնել իրենց թէ ի՛նչպէս աղօթելու է (Ղուկ. ԺԱ. 1)։ Ան կ'աղօթէր այնպիսի գիտակից ուրախութեամբ մը որ երբեմն իր դէմքին բուն տեսքը կ'այլափոխուէր անոր փառքովը (Ղուկ. Թ. 28, 29)։ Կրնա՞ք արդեօք երեւակայել զայն ծունկի վրայ ինքնիրեն խօսող վիճակի մեջ։ Իր խօսքերուն արձագանքը միայն կը լսէր միթէ։ Երբ մեր Տէրը կ'աղօթէր, ակնկալեցորեկ մեկուն կը հանդիպէր։ Անոր կեանքը ուրիշ կեանքի մը կը բախէր։ Ան կ'զգար ներկայութիւն մը որ կը յուզէր զինք վեհ խորհուրդներու ուրախութեամբ։ Անոր աղօթքը մենախօսութիւն չէր,

այլ խօսակցութիւն, ինքնախօսութիւն չէր, այլ բարեկամութիւն: Ինչու որ աղօթքը ո՛չ գլխաւորաբար բաներ խնդրել է, ոչ ալ պարզապէս ինքնահարորդակցութիւն է, այլ ռեւե հոգիի մասշնչի ակեւնաբարձր փորձաւորութիւն, Աստուծոյ հետ հարորդակցութիւն է:

Ճօխկա, ի հարկէ, աղօթքի մասին բոլոր հարցումներուն չի պատասխաներ, ոչ ալ անոր ամբողջ նշանակութիւնը կ'սպասէ: Որոշ խնդիրքը իր կարեւոր տեղն ունի, ինչ որ յետոյ պիտի քննենք: Բայց մեր ուսման ակիզքը աղօթքի՝ իբր Աստուծոյ հետ հարորդակցութեան խորհուրդը խնդիրի կեդրոնը կը դնէ հոն, ուր պիտի երբ ըլլար: Աղօթքի մէջ Աստուծոյ մեծ պարգեւը ինքն իսկ է, և ասկէ զուրս ան ինչ որ ալ տայ, պատահական և երկրորդական է: Քննենք, ուրեմն, ի մասնաւորի այն նշանակութիւնը զոր այս ճշմարտութիւնն ունի աղօթքի մասին մեր գաղափարին համար:



Նախ, աղօթքի՝ իբր Աստուծոյ հետ հարորդակցութեան՝ խորհուրդը կը դարձնէ աղօթելը ունակութիւն վիճակ մը, և ոչ սոսկ պատահական գործ մը: Անիկա յարատեւ յարաբերութիւն մըն է Աստուծոյ հետ, և ոչ ջղաձգական խնդրուածք մը անոր պարգեւներուն համար: Շատեր աղօթքը տարամերժօրէն կը միացնեն ծընրազրուութեան նման մասնաւոր դիրքի մը և իրենց առանձնական պէտքերուն բառացի արտայայտման հետ: Անոնք յաճախ կը վրդովին որ այս գործողութիւնը իրենց օգուտ մը չի բերեր, որ անիկա ուէ շօշափելի արդիւնքի չի յանդիր երբեք: Բայց աղօթող մարդոց կենսագրականներուն դիպուածական ծանօթութիւն մը իսկ յստակ կերպով ցոյց կու տայ թէ անոնց համար ա-

ղօթելը աղօթք ըսելէն շատ տարբեր բան էր: Կին մը, որ իր բովանդակ կեանքին մէջ աղօթքի հետ նոյնացուցած էր բարեպաշտութեան որոշ նշանակուած գործեր յատկապէս ժամանակացուցուած և պատշաճօրէն կատարուած, կը բացազանչէր. «Աղօթքը բոլորովին լքեց իմ կեանքս»: Սակայն երբ իրեն հարցուեցաւ թէ արդեօք ինք երբեք դիտակից չէ՞ր անտեսանելի ներկայութեան մը, որուն ընկերակցութեան մէջ ինք խաղաղութիւն և զօրութիւն զգար, պատասխանեց. «Ես առանց ասոր չէի կրնար ապրիլ»: Անա առիկա աղօթք է, «ոչ թէ մեքենական կրկնութիւն մը բանաձեւերու», ինչպէս Ա. Ս. Պետսըն կ'ըսէ, «այլ սրտի ներքին, հզօր վերացում մը դէպի Հայրն ամէնքին»: »

Հոգեւոր տեսանողներէն ուէ մէկը թող նկարագրէ աղօթքի ներքին նշանակութիւնը իրեն համար, և պիտի տեսնուի թէ ներքին հարորդակցութեան այս ունակական կացութիւնը կայ միշտ խնդրին խորքին մէջ: Անոնք կը փնտռեն զԱստուած ինքն յաւէտ քան անոր արտաքին շնորհները: Ինչպէս Հորէյս Պուշնել կ'ըսէ. «Սովորութիւն ըրի Աստուծոյ հետ խօսիլ ամէն առիթով: Ես ինքնիրենս կը խօսիմ գիշերը քնացած առանց, և առտուն կ'արթննամ իրեն հետ խօսելով»: Եւ ձերեմի Թէյլըր իր աղօթելը կը նկարագրէ իբր «յաճախական խօսակցութիւն և հակիրճ զրուցատրութիւն մը Աստուծոյ և իր հոգիին միջեւ»: Եւ Սըր Թոմաս Պրատուն, հռչակաւոր բժիշկը, կ'ըսէ. «Ես որոշած եմ աւելի աղօթել, միշտ աղօթել, աղօթել ամէն տեղ ուր հանգարտութիւնը կը թելադրէ, տան մէջ, պողոտաներուն վրայ, փողոցներուն մէջ, և այս քաղաքին մէջ չի թողուլ փողոց մը կամ նրբանցք մը, որ կարենայ վկայել թէ ես զԱստուած մոռցած եմ»: Եղբայր Լորէնսի նման արեղայի մը հարցուցէք թէ աղօթքը ինչ կը նշա-

նակէ իրեն համար. և ան կը պատասխանէ թէ «Մենք պարտինք Աստուծոյ ներկայութեան զգացումը մը մէջ՝ հաստատուիլ՝ անդադար Անոր հետ խօսակցելով:» Նոյն հարցումն ըրէ Քարլ Եյլի նման բոլորովին տարբեր մարդու մը, և պատասխանը կը բխի միեւնոյն գաղափարէն. «Աղօթքը մեր խեղճ, պայքարող, ծանրաբեռնեալ հոգիին տենչանքն է իր յաւիտենական Հօրը ուղղուած, և բառերով կամ առանց բառի անհնար ըլլալու չէ, ոչ ալ, ըստ իս, պէտք ունի երբեք ըլլալու:»

Այս ունակական կացութիւնը, ապահովաբար, բարեպաշտական պարբերական գործերէն կ'օգտուի, չի խափանուիր: Հայրենասիրութիւնը պէտք է որ ամբողջ տարուան վրայ տարածուի: Բայց այդ նպատակը կը քաջալերուի և Անկախութեան Օրուան նման մասնաւոր տարեդարձներով դադար չառնելու: Երախտագիտութիւնը տեւական վիճակ մը ըլլալու է: Բայց բոլոր ամիսները աւելի երախտագէտ ընելու են մեզ Ամերիկացիներու Շնորհակալութեան Տօնին պատճառաւ: «Յիշէ հանգրստեան օրը, զայն սուրբ պահելու համար» մեծ պատուէր է, բայց ցեղին փորձառութենէն կը յայտնուի թէ ամէն շաբաթ մէկ օր միայն սուրբ պահելը աւելի սուրբ կ'ընէ բոլոր օրերը: Այսպէս եթէ բոլոր ժամերը աստիճան մը աստուածազգած ըլլալու են, պէտք է որ քանի մը ժամեր վճռապէս այդպէս ըլլան: Աղօթող մարդոց կենսագրութիւնները ի յայտ կը բերեն այնքան կանոնաւորութիւն որքան ինքնաբերութիւն: Պիտի ակնկալուէր անշուշտ որ ճոն Ուէսլէ մեթոտաւոր կերպով ձեռնարկէր ուէ բանի, և աղօթքը բացառութիւն մը չէր: Ուէսլէ Journal անուն իր ստուար երկէն դուրս կը բռնէր նաև օրագրութիւններ, որոնցմէ շատեր պահուած են, և իւրաքանչիւրին առաջին էջին վրայ կը գտնուի այս ուխտը. «Կ'որոշեմ Աստուծոյ օգնութեամբ ա) առաւօտ

և երեկոյ ժամ մը նուիրել աղօթքի, առանց պատուակի, առանց ուէէ չքմեղանքի, և բ) խօսակցիլ Աստուծոյ հետ երես առ երես, առանց թեթեւամտութեան, առանց սրաբանութեան:» Ամենամեծ աղօթքը ընդհանրապէս նշանակած է Աստուծոյ հետ հաղորդակցութիւն, որ յայտնուած է պատահական գործերու մէջ, և պատահական գործեր որոնք կը խորացնէին ունակական հաղորդակցութիւնը: Բայց ինչ որ ալ ըլլար մեթոտը, ամենքին հիմն ու նպատակն էր նմանապէս մնայուն յարաբերութիւն Աստուծոյ հետ:

«Սըցիկ մը կայ հոն մենաւոր, անտես,
Բարձրը՝ երկնից չափ, պայծառ՝ օրուան պէս,
Ուր հոգեով մտնել, աղօթել կրնամ,
Թէեւ զիս պատեն մարդիկ խուռներամ:

Մըտիկ ընող մ'իսկ չի գիտնար բընաւ
Թէ հոգիս դըռնէն ի'նչպէս ներս մըտաւ.
Բայց լոկ աղօթքիս Լըսողը վերէն
Դըրան գոցուիլը լըսած էր արդէն:»



Երկրորդ, աղօթքի իբր Աստուծոյ հետ հաղորդակցութեան՝ մտածումը կ'ազատէ մեզ կարգ մը մտաւոր դժուարութեանց ճնշումէն: Աստուծոյ մանրամասն չնորհքներ ստանալու համար աղօթել, անկէ խնդրել որ բնական օրէնքներու իշխանութեան սահմաններուն մէջ մեզի ծառայէ այս ինչ մասնաւոր բանին մէջ կամ ետ կենայ այն ինչ բանին մէջ. — ահա այս տեսակ խնդրքն է որ միտքը հեզնող չփոթեցուցիչ հարցեր կը յարուցանէ: Աստուծոյ հետ հաղորդակցիլը, սակայն, ոչ միայն աղօթք է իր ամենախոր իմաստով, այլ նաև աղօթք է իր ամենապարզ և ամենադիւրիմաց ձեւով:

Հոս առ նուազն կրնանք վստահաբար գործ ունենալ աղօթքի մէջ կեցող իրականութեան հետ, առանց խանգարուելու մեզ յաճախ շփոթեցնող խնդիրներէն: Որովհետեւ աղօթքի դէմ եղած բուն առարկութիւնները — բնական օրէնքին իշխանութիւնը, որ անկարելի կը դարձնէ պատասխանը, Աստուծոյ բարութիւնն ու զիտութիւնը, որոնք անոր ծրագրին մէջ փոփոխութիւններ անբաղձալի կ'ընեն — պէտք չունին մեզ հոս խանգարելու: Երբ մէկը իր բարեկամին հետ կը նստի ընկերաբար, առանց բաներ խնդրելու անկէ, առանց խօսակցութեամբ զուարճանալ ջանալու, այլ ստանալով ներշնչում, տեսիլ, խաղաղութիւն և ուրախութիւն, զորս բարեկամութիւնը կը բերէ փոխադարձ յարաբերութեան միջոցաւ, ան օրէնքին իշխանութենէն չի վախնար: Բարեկանութեան օրհեկը հաղորդակցութիւնն է, եւ աղօթքը յոռն է օրհեկին: Այսպէս հոգեկան յարաբերութիւնը կրնայ ըլլալ ազատ և անխափան, և տեսական դժուարութիւնները կրնան բոլորովին ետ թողուիլ, և մենք կրնանք կրել աստուածային բարեկամութեան տարբեր մէկ այլափոխիչ փորձառութիւնը, երբ հասկնանք թէ աղօթքը մուրացկանութիւն չէ, այլ Աստուծոյ հետ հաղորդակցութիւն:

Այս մեկնութիւնը, որ կը տրուի աղօթքի ամենաներքին բնութեան, այսինքն թէ այն է մանաւանդ զԱստուած խնդրել քան անոր պարզեցնելը, ոմանց զԱստուած խնդրել քան անոր պարզեցնելը, ոմանց համար արդիական չեշտ մը ունի, իբր թէ նոր ըլլար, թերեւս հնարածոյ, աղօթելու հնարաւորութիւնը այս սերունդին յատուկ դժուարութիւններէն զերծ պահելու համար: Բայց այս տեսութիւնը արդիական անուանել մատնել է տգիտութիւն մը այն նշանակութեան մասին, զոր Աստուծոյ ընտրեալ ժողովուրդը ամէն դարու մէջ տուած է աղօթքին: Յիշեցէք Սբ. Օգոստինոսի աղա-

չանքը չորրորդ դարուն մէջ. «Պարզեւէ ինծի Բու անձդ իսկ, առանց որուն՝ Բու բոլոր ստեղծածներդ ինծի տալու ալ ըլլայիր, իմ բաղձանքներս տակաւին չէին կրնար յագենալ:» Միտք բերէք տասնըփնդերորդ դարուն մէջ ապրող Թովմաս Գեմիացին, երբ կ'աղօթէր. «Ինչ որ ալ Դուն քեզմէ գատ շնորհես ինծի, պզտիկ, շատ անբաւարար է:» Եւ յետոյ յիշեցէք ձորձ Մէթիսընը տասնըփնդերորդ դարուն մէջ. «Դուն ինծի ճառագայթով գաս թէ անձրեւով, Բեզ սրտիս մէջ պիտի ընդունիմ ցնծութեամբ: Դուն ինքդ աւելի ես քան ճառագայթը. Դուն ինքդ անձրեւին տեղը կը բռնես. ես Բեզ կը խընդրեմ և ո՛չ պարզեցնելդ:» Աղօթքի այս տեսակէտը ոչ մասնաւորապէս նոր է, ոչ ալ հին: Անիկա հասարակաց սեփականութիւնն է բոլոր Քրիստոնեայ տեսանողներուն, որոնք աղօթքի խորքին թափանցած են: Մտաւոր շփոթութիւններն աղօթքի եզրերուն մէջ կը զըտնուին. աղօթքը իր կեդրոնին մէջ այնքան պարզ է և այնքան խոր որքան բարեկամութիւնը:

Ե

Աստուծոյ հետ այս տեսակ հաղորդակցութեան անխուսափելի արդիւնքն այն կ'ըլլայ որ Աստուած իրական կը դառնայ: Աստուած ինկզիմ աղօթողին միայն կը յայտնուի: Պրայթընցի Բոպերթսըն մեզի համար արդէն նկարագրեց աղօթքի մասին իր մանկութեան տնայազատ փարները: Մտիկ ըրէք, սակայն, երբ ան իր քսանըհինգին մէջ կը գրէ. «Հիմա ինծի այնպէս կ'երեւի թէ ես անստուգութեան մէջ միշտ կրնամ Աստուծոյ առաջնորդող ձեռքը տեսնել աղօթքէ վերջ, երբ ամէն բան կարծես աչքի առջեւ յստակ և որոշ կը պարզուի: Երկու կամ երեք անգամ ունեցայ ասոր ապացոյցը, որուն

վրայ պահիկ մը իսկ չեմ կրնար տարակուսիլ: Ասոր նման փորձառութիւն մը զԱստուած իրական, կենդանի կ'երեւցնէ: Բայց շատերու համար անորոշ էակ է Ան, որուն տարտամ կերպով կը հաւատան, և որուն հետ յարաբերութիւն չունին: Անոնք անոր մասին լսած են տունը մանուկ հասակէն, և երբեք բոլորովին ճողոպրած չեն անոր մասին իրենց կանխագոյն գիտութեան ազդեցութենէն: Անոնք անոր մասին լսած են եկեղեցիին մէջ, և դժուար կը գտնեն կասկածի տակ առնել ինչ որ ամէն տեղ, ամէն ատեն և ամէնքը հաւատացած են անոր մասին: Անոնք անոր մասին լսած են իմաստասէրներէ, և երբ Աբր Օլիվըր Լոճի նման գիտնական մը կ'ըսէ, «Անաստուածութիւնն այնքան արտառոց է որ չեմ գիտեր ի՛նչ բառերով բացատրեմ», անոնք վիճարանելու պատճառ մը չեն գտներ: Բայց այս բոլորը կը նմանի բազմաթիւ աստեղագէտներու ձայնին, որ կ'ըսեն թէ Երեւակի շուրջ օղակներ կան: Մարդիկ, որոնք երբեք տեսած չեն օղակները, կը հաւատան ասոր: Կը հաւատան, բայց այդ օղակները անոնց կեանքին վրայ ոեւէ ազդեցութիւն չունին: Կը հաւատան, բայց ոեւէ անձնական յարաբերութիւն չունին իրենց հաւատքին առարկային հետ: Այսպէս ալ մարդիկ կը խորհին թէ Աստուած կայ, բայց երբեք հսկայիսպս չեն Անոր: Երբեք եկած չեն Աստուծոյ հետ հաղորդակցութեան այն անձնական փորձառութեան, որ կ'ըսէ. «Ես Քու վրայովդ ակնյի լրով լսած եի, բայց հիշես այժս կը տեսնե՞ս Քեզ: Յոր. ԽԲ. 5:

Մեզի համար ոչ մէկ բան իրական է ի բաց առեալ այն բաները, որոնց հետ գործ ունինք սովորաբար: Մարդիկ կ'ըսեն թէ չեն աղօթեր, որովհետեւ ըստ իրենց՝ Աստուած իրական չէ: Բայց աւելի ճիշտ պիտի ըլլար ըսել ընդհանրապէս թէ Աստուած իրական չէ,

որովհետեւ իրենք չեն աղօթեր: Ընդունելով հանդերձ Աստուծոյ գոյութեան հաւաստի, աղօթի վարժութիւնը դարձեալ անհրաժեշտ է ոչ միայն զԱստուած մտի մեջ պահուած գաղափար մը ընկող, այլ կեանքի մեջ ձևակերպուած կերպարան մը դարձնելու համար: Անձնական հաւատքի խորերէն եկած բացազանչութեան մը մէջ Սաղմոսերգուն կ'աղաղակէր. «Ով Աստուած, Դուն ես իմ Աստուածս»: Սաղ. ԿԳ. 1: Հետուն կենալ և «Ով Աստուած» ըսել ոչ դժուար է, ոչ ալ խորաթափանց: Մենք այդպէս կ'ըսենք, երբ մտաւոր հաւանութիւն կու տանք դաւանանքի մը, որ զԱստուած կը կոչէ «էութեամբ և կատարելութեամբ անսահման, ամենակարող, ամենագէտ, ամենասուրբ, ամենազատ, ամենաբացարձակ, որ կը յորինէ ամէն բաները իր անսասան և արդար կամքին որոշման համաձայն»: Այս կերպով «Ով Աստուած» ըսել դիւրին է: Բայց ներքին և խորաթափանց բան է ըսել, «Ով Աստուած, Դուն ես իմ Աստուածս»: Առաջինը աստուածաբանութիւն է, երկրորդը՝ կրօնք. առաջինը գաղափար միայն կը պարունակէ, երկրորդը՝ կենդանի փորձառութիւն. առաջինին կարելի է հասնիլ խորհուրդով, երկրորդին պէտք է հասնիլ աղօթքով. առաջինը զԱստուած հեռուն կը թողու, երկրորդը միայն իրական կ'ընէ զԱյն: Եւ արդարեւ ամէն Քրիստոնէական ծառայութիւն, ուր մենք գիտակցաբար կը լծուինք Աստուծոյ նպատակին, և պատմութեան ամէն ներհայեցութիւն, ուր մենք Աստուծոյ նախախնամութիւնը գործի վրայ կը տեսնենք, կ'օգնեն զԱստուած իրական ընելու մեզի: Բայց Աստուծոյ մասին ներքին ստուգութիւն մը կայ, որ Աստուծոյ հետ անձնական հաղորդակցութենէ միայն կրնայ բխիլ: Էմբրսըն կ'ըսէր, «Աստուած առանձին դո՛ւք մը կը մտնէ ամեն անհասի մեջ»:»

Օր մը Փարիզի մէջ խաչելութեան պատկեր մը

կրող կրօնական թափօր մը կ'անցնէր Վոլթէրի և անոր մէկ բարեկամին մօտէն: Վոլթէր, որ ընդհանրապէս անկրօն ճանչցուած էր, իր գլխարկը հանեց: «Ի՞նչ», բացազանչեց անոր բարեկամը, «միթէ հաշտուեցա՞ք Աստուծոյ հետ»:» Եւ Վոլթէր նուրբ հեզնութեամբ մը պատասխանեց. «Ձերար կը բարեւեմեմ, բայց չեմք խօսիր:» Այս խօսքը ճշգրիտ նկարագրութիւնն է շատերուն Աստուծոյ հետ ունեցած յարաբերութեան: Անոնք կը հաւատան թէ Աստուած կայ, չեն կրնար բացատրել տիեզերքը առանց Անոր, աստուածեաններ են, բայց Անոր հետ անձնական յարաբերութիւն չեն պահեր: Կը բարեւեն, բայց չեն խօսիր: Կը հաւատան եկեղեցիին, և մասնաւորաբար զգայնիկ վայրկեաններու մէջ, երբ փորձառութիւն մը զիբենք յարզանքի հարկադրէ, եկեղեցիի պաշտամունքին վեհութենէն ու փառաւորութենէն յուզմունքի կը մատնուին: Բայց Աստուծոյ հետ անձնական յարաբերութիւն չունին: Կը բարեւեն, բայց չեն խօսիր:

Ուրեմն, երբ մարդիկ կը գանգատին թէ Աստուած իրենց աչքին իրական չէ, պատասխանը պարզ է. Աստուած ի՞նչպէս կրնայ իրական ըլլալ մեզմէ ոմանց համար: Ի՞նչ պայմաններ լրացուցինք որ սեւէ մէկը իրական դարձնէին: Մեզի համար ամենակենդանի իրականութիւն և ամենախոր նշանակութիւն ունին այն երկրային բարեկամութիւնները, ուր հոգեկան բարեկամութեան յարատեւ զգացում մը ատեն ատեն կը թարմանայ մասնաւոր հանդիպումներով: Մեզ մեր բարեկամին մտածումէն բաժնող վարագոյրը երբեք ամբողջովին չի գոցուիր, այլ երբեմն հոգի հոգիի հետ կը խօսի գիտակից յարաբերութեամբ, և այսպէս բարեկամը կը դառնայ իրական: Մենք կ'ունենանք անոր համար նոր շնորհակալութիւն, նոր գնահատում և անոր հետ նոր մտեր-

մութիւն: Ոչ մէկ բարեկամութիւն կրնայ դիմանալ այս կարգի հաղորդակցութեան դանցառումին: Նոյն իսկ Աստուած անիրական կը դառնայ, մեր Անտեսանելի Բարեկամն ըլլալէ կը դադրի, և աշխարհը բացատրելուցուրտ վարկածի մը կը վերածուի, երբ մենք զանց ընենք անոր հետ հաղորդակցիլ:

Տեառնեղբայր Յուզա հոգեւոր կեանքի պէտքերուն մասին խոր ծանօթութիւն մը յայտնեց, երբ ըսաւ, «Ձեր ակնները Աստուծոյ սիրոյն մեջ պահեցիք» (համար 21):

Մտածումի եւ Գնութեան Համար Թեկադուրիւններ

Ի՞նչ են աղօթի մեջ առաջին իրական դժուարութիւնները:

Ինչո՞ւ համար մանուկ մը աղօթքի վրայ վստահութիւնը կը կորսնցնէ, եթէ անոր բառ առ բառ չի պատասխանուի:

Ո՞րքան ատեն կը շարունակեն աղօթել մարդիկ, որոնք աղօթքի կը հաւատան իբր հոգեւոր մարզանքի:

Աղօթելու ի՞նչ դժուարութիւններ յառաջ կը բերուին Սաղ. ԻԲ. 1-5 համարներուն մէջ: Ասոնք ո՞ր աստիճան կրնան օրինակ ըլլալ:

Գու փորձառութեանդ մէջ ի՞նչ եղած են աղօթելու գլխաւոր իրական դժուարութիւնները:

Եթէ խնդիրքի մը երբեք պատասխան չտրուէր, պիտի արժէ՞ր տակաւին աղօթել:

Սուրբ Գիորգ ի՞նչ լոյս կը ւնիտե այս իրական դժուարութեանց վրայ:

Ի՞նչ էր անառակ օրդիին տունէն մեկնած և վերադարձած ատեն ըրած աղօթքին տարբերութիւնը:

Ի՞նչ էր Յիսուսի փորձառութեան մէջ աղօթքին էական տարրը: Յիսուս աղօթքով խնդրած ամէն բանը ստացա՞ւ: Յիսուս ինչո՞ւ կ'աղօթէր:

Ինչո՞ւ աշակերտները Յիսուսէ խնդրեցին աղօթել սօրվեցնել իրենց:

Ինչո՞ւ Աստուծոյ հետ հաղորդակցութիւնը կեդրոնական գաղափարն է աղօթքին:

Ի՞նչ է ամենամեծ պարզեւր զոր ուէ բարեկամ կու տա. ուրիշին: Ի՞նչ է ուէ անձնական յարաբերութեան էութիւնը: Նոյնը ճշմարի՞տ է նաեւ Աստուծոյ հետ յարաբերութեան մասին:

Աստուծոյ հետ յարաբերութիւնը ի՞նչպէս կը տարբերի մարդկային բարեկամութեան փորձառութենէն:

Աղօթքի փորձառութիւնը իբր հաղորդակցութիւն Աստուծոյ հետ՝ ի՞նչ ազդեցութիւն ունի աղօթքի կեանքին վրայ:

Աստուծոյ հետ հաղորդակցութիւնը պահելու համար ի՞նչ պէ՞տ է:

ԳԼՈՒԽ Գ

ԱՍՏՈՒԾՈՅ ՆՈԳԱԾՈՒԹԻՒՆԸ

ԱՆՀԱՏԻՆ ՆԱՄԱՐ

Օրական ընթերցում

Երրորդ Շաբաթ, Առաջին Օր

Աղօթելու սովորութիւնը անխախտ պահելու միակ մեծագոյն դժուարութիւնն է թերեւս աղօթքը բարեպաշտական ձեւ մը և ոչ թէ կենսական գործ մը համարելու մեր հակումը: Մենք կ'սկսինք աղօթել փորձելով և կը վերջացնենք աղօթքը ըսելով: Անօգուտ բան է մեր անձերը ստիպել վարժութեան մը, որ այսպէս ձուլածոյ, անկենդան ձեւ մը դարձած է: Ոչ մէկը երբեք կը յաջողի աղօթելու մէջ իբր արտասովոր փորձի մը մէջ: Բայց եթէ աղօթքի գործը կրնայ տեսնուիլ ինչպէս զայն տեսան մեծ Քրիստոնեաները, իբր կենդանի և կազդուրիչ բարեկամութիւն մը մեզմէ իւրաքանչիւրին համար հոգացող Աստուծոյ մը հետ, աղօթքը կը դադրի ձեւ ըլլալէ և կը դառնայ զօրութիւն մը, արտօնութիւն մը: Դիտեցէք աղօթքին կենսունակութիւնը, ինչպէս զգացած է Սաղմոսերգուն.

«Ով իմ անձս, միայն Աստուծոյ սպասէ, վասն զի անկէ է իմ յոյսս: Յիրաւի ան է իմ վէմս ու փրկութիւնս. իմ ապաւէնս է, պիտի չսասանիմ: Աստուծմէ

է իմ փրկութիւնս ու փառքս . իմ զօրութեանս վէճը ու իմ ապաւէնս Աստուած է : Ամէն ժամանակ անոր յուսացէք , ով ժողովուրդ . անոր առջեւ թափեցէք ձեր սիրտը . Աստուած ապաւէն է մեզի :» Սաղ . ԿԲ . 5-8 :

Ի հաստատութիւն այս նոյն փորձառութեան մեր օրերուն մէջ , նկատի առէք Սըր Ուիլֆրիտ Կրէնֆելի վկայութիւնը . «Աղօթքի արտօնութիւնն ինծի համար ամենասիրելի ստացումներէս մէկն է , ինչու որ հաւատք և փորձառութիւն հաւասարապէս կը համոզեն զիս թէ Աստուած ինքը կը տեսնէ ու կը պատասխանէ , և ես երբեք չեմ յանդգնիր քննադատել Անոր պատասխանները : Իմ գործս է միայն խնդրել , բոլորովին Անոր գործն է տալ կամ չի տալ , ինչպէս որ յարմար կը դատէ : Եթէ այսպէս չըլլար , ես բնաւ չի պիտի համարձակէի աղօթել : Տան հանդարտութեան մէջ , կեանքի և պայքարի տաք պահերուն , և մահուան դէմ , Աստուծոյ հետ խօսելու արտօնութիւնը անգնահատելի է : Ես անոր աւելի արժէք կու տամ , անոր համար որ անիկա չի պահանջեր բան մը , զոր թափառական մը , թէեւ յիմար , չի կարենայ տալ , այսինքն՝ ամենապարզ արտայայտութիւնը իր ամենապարզ բաղձանքին : Երբ ես ոչ կրնամ տեսնել , ոչ լսել , ոչ ալ խօսիլ , կրնամ դարձեալ աղօթել , որպէս զի Աստուած կարենայ լսել : Երբ ես վերջապէս անցնիմ մահուան չուքի ձորէն , կը յուսամ անցնիլ Անոր հետ խօսակցելով :»

Աղօթքի Ով Տէր , նորոգէ մեր հոգիները և մեր սրտերը Քեզի քաջէ , որպէս զի մեր գործը մեզի բեռ մը չըլլայ , այլ բերկրութիւն մը . և տուր մեզի դէպ ի Քեզ այնպիսի հօգօր սէր մը , որ կարենայ քաղցրացնել մեր հնազանդութիւնը : Ոհ , մի թողուր որ Քեզի ծառայենք գերիներու ստրկական ոգիով , այլ մանուկներու զուարթութեամբ և ցնծութեամբ , ուրախանալով Քեզմով և

ցնծալով Քու գործիդ վրայ : Ամէն : Բենիամին Ճէնքս (1646-1724) :

Երբորդ Եարար , Երբորդ Օր

Աղօթքին լոկ բարեպաշտական ձեւ մը դառնալուն խոր պատճառներէն մէկն այն է որ , մինչ մարդիկ ընդհանուր և աղօտ կերպով մը կը հաւատան Աստուծոյ , ետևանող չեն կսոչիտ այն զարախարիս թե Աստուած մեզմե ակեև մեկուև հաւատ կը հոգայ եւ կը գործե :

«Ի՞նչպէս կ'երեւնայ ձեզի . եթէ մարդ մը հարիւր ոչխար ունենայ , և անոնցմէ մէկը մոլորի , իննըսունըինը ոչխարը լեռները չի՞ ձգեր ու երթար մոլորածը փնտռեր : Եւ եթէ գտնելու ըլլայ զանիկա , ճշմարիտ կ'ըսեմ ձեզի որ աւելի ուրախ կ'ըլլայ անոր վրայ , քան թէ իննըսունըիննին՝ որոնք մոլորած չեն : Այսպէս ձեր երկնաւոր Հայրը չհաճիր որ այս պղտիկներէն մէկը կորսուի :» Մատ . ԺԼ . 12-14 :

Մէկը կրնայ Աստուծոյ այս անհատական խնամքը ճշմարիտ ընդունիլ իր գաւակներէն իւրաքանչիւրին համար և տակաւին չաղօթել սովորաբար : Բայց դժուար է ըմբռնել թէ ի՞նչպէս ունէ մէկը կրնայ սովորաբար աղօթել , եթէ ճշմարիտ չընդունի Աստուծոյ սէրը մեր ամէն մէկուն համար : Ո՞վ կրնայ Քրիստոնէական սեւէ իմաստով շարունակել աղօթել Աստուծոյ մը , որ հոգ չի տանիր : Գոնե աղօթիս հաւատ հոգ չընող Աստուած մը Աստուած չի հաւատարիտ : Նիւթապաշտն Հեքել Արարիչին տեղը բազմեցուց նախանիւթ մը , զոր հանդիսաւոր կերպով իբր Կայսր Տիբեզերքի պսակեց «Տիբեզերական Շարժուն Եթեր» տիտղոսով : Կրնա՞նք երեւակայել մէկը , որ այսպիսի առարկայի մը ուզողամ աղերսանքներու մէջ կենսական , կազրուրիչ օգնութիւն մը գտնէ , և կամ կը գտնուի՞ն արդեօք մեծ ժողովներ

որ երբեք երկրպագութեան դրդուն չազդեցողով, «Ով Տիեզերական Շարժուն Եթեր, քու անունդ սուրբ ըլլայ:» Հարկաւ ոչ: Չէ՞ որ պատճառը այս է որ Աստուածը, որուն իրական ազդեցութիւնը կ'ուղղուի, պէտք է որ հոգայ մեզ իբր ցեղ և իբր անհատներ:

Աղօթք. Ամենակարող Աստուած, բոլոր նեղութեան մէջ գտնուողներուն ապաւէնը, շնորհէ մեզի որ այս մահականացու կեանքին բոլոր նեղութեանց մէջ ապաստանինք Քու բարութեանդ և գթութեանդ գիտութեան ծոցը, որպէս զի հոն պատասպարուինք և կեանքի փոթորիկները մեր վրայէն անցնին և չի սարսեն մեր մէջ բնակող աստուածային խաղաղութիւնը: Այս կեանքը, ինչ ալ տալու ըլլայ մեզի, շնորհէ որ մեզմէ չառնէ այն լեցուն հաւատքը թէ Դուն մեր Հայրն ես: Պարգեւէ մեզի Քու լոյսը, որ կեանք ունենանք մեր Տէրոջ Յիսուս Քրիստոսի միջոցաւ: Ամէն: Ճորճ Տոսըն (1821-1876):

Երրորդ Ծափար, Երրորդ Օր

«Չէ՞ որ երկու ճնճղուկ մէկ դանկի կը ծախուին, և անոնցմէ մէկը գետինը չիյնար առանց ձեր Հօրը: Բայց ձեր գլխուն բոլոր մազերն ալ համրուած են: Ուրեմն մի վախնաք, վասն զի շատ ճնճղուկներէ լաւ էք դուք:» Մատ. Ժ. 29-31:

Տեսնենք, դարձեալ, ազդեցողութեան այն ձևակերպութիւնը որ Աստուծոյ անհատական սէրը ըմբռնելու թերացումէն կու գայ: Մտքին համար դիմադրաւելի իրական դժուարութիւններ կան, երբ ան կը ջանայ հաւատալ թէ Աստուած մեզմէ իւրաքանչիւրին համար կը հոգայ: Բայց շատերու համար թերեւս աւելի մեծ է այն դժուարութիւնը զոր երեւակայութիւնը կը դիմադրաւէ: Այս ընդարձակ տիեզերքին մէջ ի՞նչպէս կրնանք երեւակայել զԱստուած իբր ամէն մէկ առարկայի հոգ տա-

նող, նոյն իսկ զարնուած ճնճղուկներու և մեր գլխուն մազերուն: Նկատեցէք, սակայն, ձգողութեան գիտական ճշմարտութիւնը թէ ամբողջ երկիրը վեր կ'ելլէ մանուկին գնդակը դիմաւորելու այնքան իրականօրէն որքան գնդակը վար կ'իյնայ երկիրը դիմաւորելու, և թէ մեր գործիքներուն զգայնութեան պակասն է միայն որ մեզ կ'արգիլէ չափելէ երկրին բարձրացումը, մինչ ան կը պատասխանէ մանուկին խաղաղիկին քաջողութեան: Ասիկա աներեւակայելի չէ՞, թէեւ պարզապէս ճշմարիտ: Եւ եթէ ձգողական դրութեան մը մէջ ամբողջ մոլորակ մը կը շարժի վեր նետուած գնդակ մը դիմաւորելու, տկար երեւակայութեան պատճառներով պէտք չէ որ մերժէք սա ճշմարտութիւնը թէ անձերու սիրոյ դրութեան մը մէջ Յաւիտենական Աստուած կը պատասխանէ իւրաքանչիւր զաւակի մերձեցումին: Ինչպէս կ'երգէ Քիլիլնկ.

«Ան է որ իսպառ կը փչրէ լեռներն,

Ան կ'առաջնորդէ փխրուն սառնալեռն.

Ու կը լսէ ճիչն աղուեսի ձագին,

Հիւսիսի ձիւնին տակ հեծող մուկին:»

Աղօթք. Ով Դուն բարի Ամենակարող, որ մեզմէ իւրաքանչիւրին համար այնպէս կը հոգաս, իբր թէ միայն անոր համար հոգացած ըլլայիր, նոյնպէս ամէնուն համար, իբր թէ ամէնքը մէկ եղած ըլլային: Երանի՛ այն մարդուն որ կը սիրէ Քեզ և Քու մէջդ իր բարեկամը, և կը սիրէ իր թշնամին Քու սիրոյդ համար: Կը տեսնեմ թէ ի՞նչպէս կարգ մը բաներ կ'անցնին, որպէս զի ուրիշներ անոնց տեղը բռնեն. բայց Դուն երբեք չես անցնիր: Ով Աստուած, իմ Հայրս, գերազանցօրէն բարի, բոլոր գեղեցիկ բաներուն գեղեցիկութիւնը, Քեզի կ'ուզեմ վստահիլ ինչ որ Քեզմէ ընդունած եմ, և

այսպէս ոչինչ պիտի կորսնցնեմ: Դուն զիս ստեղծեցիր Քեզի համար, և իմ սիրտս անհանգիստ է մինչեւ որ Քու ծոցիդ մէջ չի հանգստանայ: Ամէն: Աբ. Օգոստինոս (354-430):

Երրորդ Ծարար, Չորրորդ Օր

«Բայց ոչ թէ միայն անոնց համար կ'աղաչեմ, հազա անոնց խօսքով բոլոր ինձի հաւատացողներուն համար ալ. որպէս զի ամէնն ալ մէկ ըլլան ինչպէս դուն, ով Հայր, իմ մէջս ու ես քու մէջդ, որպէս զի անոնք ալ մեր մէջ մէկ ըլլան, որպէս զի աշխարհ հաւատայ թէ դուն զրկեցիր զիս: Եւ այն փառքը զոր դուն ինձի տուիր՝ ես անոնց տուի, որպէս զի մէկ ըլլան, ինչպէս մենք մէկ ենք. ես անոնց մէջ, և դուն իմ մէջս, որպէս զի իրենք կատարեալ ըլլան միութեան մէջ. ու աշխարհ գիտնայ թէ դուն զրկեցիր զիս, ու սիրեցիր զանոնք ինչպէս զիս սիրեցիր:» Յովն. Ժ. 20-23:

Դիւրին է մտածել թէ Աստուծոյ սէրը կը կեդրոնացնար մեր Տէրով վրայ. բայց նկատեցէք թէ աղօթքի համար էականապէս ի՞նչ պիտի նշանակէր հաւատալ թէ Աստուած այնքան կը հոգայ մեզմէ իւրաքանչիւրին համար — «սիրեցիր զանոնք՝ ինչպէս զիս սիրեցիր:» Ինչպէս Սիլվեսթրը Հորն կ'ըսէ Եէյլի բանախօսութեանց մէջ. «Ի՞նչ է Աւետարանը: — Պատասխանն ամբողջութեամբ է Քրիստոնէական ամենամեծ երգերէն մէկուն հետեւեալ տողերուն մէջ.

՝ Եթէ Բընութիւնն ամբողջ ինձ տրուէր,

Կ'ըլլար ատիկա փոքրիկ մէկ նուէր.

Լոկ աստուածային սէրը հիասքանչ

Կրնայ զոհացնել իմ հոգւոյս պահանջ —՝

Ասիկա կը նշանակէ թէ հոգիս աւելի ընդարձակ է, աւելի մեծ է քան Բնութեան ամբողջ տարածութիւնը:

Դուք կը հաւատա՞ք ասոր: Կ'ընդունի՞մ թէ բոլոր դաւանանքներուն ամենավիպականն է այս: Անիկա կը հաստատէ թէ Ամազոնի վրայ իւրաքանչիւր բռնադատեալ աշխատաւորի հոգին աւելի արժէք ունի քան եռհանգստուրկի բոլոր հանքերը, Քիմպըլիի բոլոր ազամանները և Ամերիկայի մեծահարուստներուն բոլոր միլիոնները: Կը հաստատէ թէ Աստուծոյ աչքին առջեւ անհուն անջրպետը լեցնող բոլոր արեւներն ու աստղերն աւելի պակաս արժէք ունին քան մարդկային հոգի մը, որ հաւանորէն կը բնակի ոգելից ըմպելիքի կամ մոլութեան զո՞ի մը մարմինին մէջ, մեծ քաղաքի մը գոհիներու բնակչութեան անդամի մը մէջ, որ այս վիճակին մատնուած է շնորհիւ բազմազիմի փորձութեանց որոնցմով կը շրջապատէ զայն կարծեցեալ մեր ընկերութիւնը: Այո, վիպական դաւանանք մըն է այն: Բայց եթէ ճշմարիտ չէ, Քրիստոնէութիւնը ինքնին կեղծ է:» Աղոթքի մեջ քու քերականի արդիոք Աւեստրաւի այս ոգիւսն ինձի կ'ստանար լեզուներու քերականի՞դ վերագրելի է:

Աղոթք. Ով Աստուած, ողորմութեամբդ շնորհէ մնգի որ Քու սիրոյդ կրակը այրէ մեր մէջ ամէն ինչ որ անհաճոյ է Քեզի և մեզ յարմար ընէ երկնային թագաւորութեանդ: Հումմէական Աղօթագիրք:

Երրորդ Ծարար, Հինգերորդ Օր

«Քանզի՞ ոչ թէ այնպիսի քանանայապետ մը ունինք՝ որ կարող չըլլայ մեր տկարութիւններուն կարեկից ըլլալ. հապա ինք ամէն կերպով փորձը առած է մեզի նման, բայց առանց մեղքի: Ուստի ա՛լ համարձակութիւնով մօտենանք շնորհաց աթոռին առջեւ, որպէս զի ողորմութիւն ընդունինք և շնորհք գտնենք պէտք եղած ատենը մեզի օգնելու:» Եբր. Դ. 15, 16:

Նկատեցէք խորհուրդի յաջորդութիւնն այս համար.

ներուն մէջ. նախ՝ հողացող Աստուծոյ մը յայտնութիւնը Յիսուսի մէջ, եւ երկրորդ՝ անկէ բխող վստահութիւնը աղօթքի իրականութեան վրայ: Աստուծոյ անձնական սէրը ըմբռնողներուն աչքին աղօթքի այս իրականութեան հակառակ՝ ո՛րքան մարդիկ աղօթքը կը նկատեն լոկ իբր ժառանգուած կտոր մը usueցուածք: Աղօթքը անոնց համար ձեւակերպութիւն է, ինչու որ անիկա վարժութիւն մըն է՝ մանկութեան մէջ ձեռք բերուած և սովորութեան շնորհիւ իբր աւանդութիւն պահուած: Անիկա կենսունակ չէ: Չի նշանակեր «շնորհք՝ պէտք եղած տոնը մեզի օգնելու»: Անոնք նման են ճիշդ Հեթիի, զոր ձորձ էլիբթ կը նկարագրէ իր էջըմ Պիտեր կին մէջ: «Հեթի մէկն էր այն բազմաթիւ մարդոցմէն ուրոնք ունեցած են կնքահայրեր, կնքամայրեր, սորված են իրենց Քրիստոնէական վարդապետութիւնը, հաղորդուած են և ամէն կիրակի եկեղեցի գացած, և սակայն Քրիստոնէական ուսուցողական կամ Քրիստոնէական ուսուցողական զգացում իւրացուցած չեն, կեանքի մէջ իբր գործնական ոյժ կամ մահուան մէջ իբր ապաւէն ծառայող:» Կրօնքի այսպիսի չնչին ձեւի մը դիմաց դրէք կենսունակ աղօթք մը, թովմաս Քեմփացիի հետեւեալ աղօթքին նման, Աստուծոյ անհատական սիրոյն խորհուրդին վրայ հաստատուած.

Աղօթք. Ով Տէր Աստուած, իմ հոգիիս սուրբ Սիրողը, երբ Դուն իմ հոգիիս մէջ գաս, իմ բովանդակներքինս պիտի ցնծայ: Դուն իմ փառքս ես և իմ սրտիս բերկրութիւնը: Դուն իմ յոյսս ու ապաւէնս ես իմ ներգութեանս օրուան մէջ: Ազատէ զիս չար կիրքերէ, և իմ հոգիս բժշկէ բոլոր չարագանցուած սէրերէն, որպէս զի ներքնապէս բուժուած և բոլորովին մաքրուած ըլլալով յարմար գտնուիմ սիրելու, քաջ՝ տառապելու, և անյողողող՝ յարատեւելու: Ոչինչ աւելի քաջցր է քան

Մէրը, ոչինչ աւելի քաջ, աւելի լեցուն և աւելի լաւ՝ երկնից մէջ և երկրի վրայ. ինչու որ Մէրը Քեզմէ ծնած է, և Քու ծոցը միայն կրնայ հանգչիլ բոլոր արարածներէն վեր: Ենորհէ որ Քեզ սիրեմ անձէս աւելի, և անձս ալ Քեզի համար միայն: Ամէն: Թովմաս Քեմփացի (1379-1471):

Սուրբ Գաբրիէլ, Անգրոսի Օր

Շատերու համար աղօթքը բարեպաշտական վարժութիւն մըն է յաւէտ քան կենսական գործ մը, և այս ոչ այնքան անոր համար որ անիկա ժառանգուած ստացուածք մըն է, այլ անոր համար՝ որ կը նկատուի բարի գործ մը, որ Աստուծոյ առջեւ շնորհի կը գտնուի: Մարդիկ կը խորհին աղօթքի մասին իբր յանձն առնելիք ապահով գործի մը, եթէ կ'ուզեն Աստուծոյ հետ հաշտ ապրիլ: Կը կատարեն զայն, ինչպէս պալատական մը կը կատարէ մեծարանքի այն արարողութիւնները որոնք թագաւորին հաճոյք կը պատճառեն, և որոնց զանցառումը կրնայ անհոգ մէկը նեղութեան մատնել: Աղօթքը շատերու համար ապահովութեան միջոց մըն է շանթարգելի մը պէս դէպ ի վեր բարձրացած, որ չըլլայ թէ Յաւիտենականը, անոնց զանցառութիւնը տեսնելով, ուժգին կերպով անոնց վրայ իյնայ: Այս տեսակ աղօթքը վախի վրայ հաստատուած է: Անոնք կ'երեւակայեն թէ աղօթքը ըսելը պաշտպանութեան միջոց մըն է, որուն պիտի ուզէին հոգ տանիլ: Ի՛նչ ողբալի քիտիանացոյցիան աղօթքի մասին: Աղօթքը «բարի գործ» մըն չէ, որուն փոխարէն օրհնութիւն մը կը տրուի, ինչպէս մարդիկ կը ծախեն ու կը գնեն իրենց մէջ: Մեր բարեպաշտական վարժութիւններն այնքան անպէտ են որքան թիպեթցիի մը աղօթանիւր, մինչեւ որ անոնց խորքին մէջ չի կենայ հողացող Հօր հետ գիտակից յարաբերութիւն:

Մտիկ ըրէք թէ ի՛նչպէս կ'արտայայտէ Եսայի Աստուծոյ արհամարհանքը հոգեւոր իմաստէ զուրկ ձեւական պաշտամունքի համար .

«Ի՞նչ պէտք է ինձի ձեր զոհերուն շատութիւնը , կ'ըսէ Տէրը . ձեր խոյերուն ողջակէզներէն ու պարարտ անասուններուն ճարպէն կշտացած եմ , և զուարակներուն ու զառներուն և նոխազներուն արիւններէն չեմ ախորժիր : Երբ կու գաք իմ առջեւ երեւնալ , ո՞վ պահանջեց ձեզմէ , որ այսպէս իմ սրահներս կոխէք : Ալ ինձի ունայն ընծաներ մի բերէք . ձեր խունկը ինձի պիղծ է : Ամապղլուխներուն ու շաբաթներուն և ժողովներու գումարուելուն չեմ կրնար տանիլ . ձեր տօնախմբութիւնն անգամ անօրէնութիւն է : Չեր ամապղլուխներէն ու տօներէն կը զզուի իմ հոգիս . անոնք իմ վրաս ծանր բռն եղան . վերցնելէն յոգնեցայ : Ուստի երբ ձեր ձեռքերը կը տարածէք , աչքերս ձեզմէ պիտի ծածկեմ . նաև երբ ձեր աղօթքը կը շատցնէք , պիտի չլսեմ . վասն զի ձեր ձեռքերը արիւնոյ վեցուն են :» Ես . Ա . 11-15 :

Աղօթք . Ով սիրալի Տէր , չնորհէ ինձի Քեզի հանդէպ մանկական սէր մը , որ բոլոր երկիւզներս փարատէ : Ամէն : Է . Պ . Փիւսէ (1800-1882) :

Երբոր Եարար, Եօրնեոր Եր

«Վասն զի որոնք որ Աստուծոյ Հոգիով կ'առաջնորդուին , անոնք Աստուծոյ որդիներն են : Քանզի զուր ծառայութեան հոգին չառիք կրկին վախնալու , հապա որդեգրութեան հոգին առիք , որով կը կանչենք Աբբա Հայր : Նոյն ինքն Հոգին վկայութիւն կու տայ մեր հոգիին հետ , թէ մենք Աստուծոյ որդիներն ենք . եւ եթէ որդիներ , ուրեմն ժառանգներ , Աստուծոյ ժառանգներ ու Քրիստոսի ժառանգակիցներ :» Հոով . Ը . 14-17 :

Այս հատուածին լոյսին տակ ո՛րքան անհնար կը

դառնայ աղօթասացութիւնը պարզապէս բարեպաշտական գործ մը նկատել : Աղօթքը , այս Քրիստոնէական ճշմարտութեան լոյսին ներքեւ գիտուած , յանկարծ կը դառնայ պահանջում մը մեր որդիութեան , իւրացում մը մեր ժառանգութեան : Ամբողջ Նոր կտակարանին մէջ ընթերցողը կը ծանօթանայ թէ հարստութիւնը կ'սպասէ պահանջուելու : «Քրիստոսի անքննելի գանձերը ,» «Աստուծոյ հարուստ ,» «Աստուծոյ ժառանգներ ,» և ուրիշ ասոնց նման ասացուածներ մեր միտքը կը բերեն իմաստը այն հոգեւոր հարստութեան , որով կ'ուրախանային նախկին Քրիստոնեաները : Անոնք առատութեան երկիր մը գտած էին սա Աւետիսին մէջ թէ Աստուած ամէն մարդ կը սիրէ : Արդ , աղօթքը այս հարստութեան գործնական իւրացումն է : Արդեօք մեզմէ քանիներուն համար ճշմարիտ է թէ Աստուծոյ հետ բարեկամութիւնը չի պահանջում ժառանգութիւն մըն է : Մենք սեփականութեամբ ստացած ենք եկեղեցիին միանալով , բայց մեր կեանքին մէջ չենք սեփականներ հոգեւոր հարստութիւն : Մեր աղօթքներու մեջ չեմք գործածեր մեր հաւաստիքի թէ Աստուած իրապէս ինքզինքն է :

Աղօթք . Ծնորհէ ինձի ալ , ով սիրելի Տէր , ճանչնալ Քեզ , սիրել Քեզ , և ցնծալ Քեզմով : Եւ եթէ այս կեանքին մէջ կատարելապէս չի կարենամ ընել ասոնք , տուր որ դոնէ աւելի բարձր աստիճաններու բարձրանամ ամէն օր , մինչեւ որ յաջողիմ զանոնք ընել կատարեալ կերպով : Տուր որ Քու անձիդ գիտութիւնը իմ մէջս աճի հոս , որ ասկէ վերջ իր լրումին հասնի : Ծնորհէ որ Քեզի հանդէպ սէրը օր քան զօր զարգանայ հոս , որպէս զի ասկէ վերջ կատարեալ ըլլայ , որպէս զի իմ ուրախութիւնս մեծ ըլլայ անով , և լեցուն՝ Քեզմով : Գիտեմ , ով Աստուած , որ Դուն ճշմարտութեան Աստուած ես : Ոհ , կատարէ ինձի ըրած չնորհալից խոստումներդ , որ-

պէս զի լման ըլլայ իմ ուրախութիւնս: Ամէն: Սբ. Օգոստինոս (354-430):

Մեկնաբանութիւն Գաբրիելի Համար

Ա.

Երբ աղօթքը լուրջի առնող մարդ մը յանձն կ'առնէ Աստուծոյ հետ հաղորդակցութիւն հաստատել, հաւանական է որ օր մը ընդոտտ արթննայ վրդովիչ մտածութեամբ մը: «Այս բանը որ ես կ'ընեմ», կրնայ ըսել ան, «ենթադրել կու տայ թէ Աստուած անձնապէս կը հետաքրքրուի ինձմով: Աղօթած ասեմս կ'ընդունիմ թէ Աստուած ինձի համար մասնաւոր կերպով հոգածու է: Աղօթելը կրնայ պարզ խնդիր մը թուիլ. բայց ի՞նչ ահագին յանձնառութեան վրայ կը յենու:» Արդ, այս խորհրդածութիւնը բոլորովին համաձայն է իրողութեանց հետ: Աղօթքը արդէն կ'ենթադրէ վստահութիւն մը թէ Աստուած կը հետաքրքրուի աղօթող անհատով: Օրինակի համար, այն իրողութիւնը թէ Սուրբ Գիրքը գերազանցօրէն աղօթքի գիրք է, հարկաւ ենթադրել կու տայ այն միւս յարակից իրողութիւնը թէ Սուրբ Գրոց Աստուածը կը հոգայ անհատներու համար: Ան բոլոր աստղերը կը ճանչնայ իրենց անուններով (Մաղ. Ճնէ. 4): Ան համրած է մեր գլուխներուն մազերը (Մատ. Ժ. 30). բոլոր ճնճղուկներէն «ոչ մէկը մոռցուած է Աստուծոյ առջեւ» (Ղուկ. ԺԲ. 6): Յովհաննէս Աստուծոյ մասին իր կարծիքը, ինչպէս նաեւ Յիսուսի նկատմամբ իր ըմբռնումը, կ'արտայայտէ երբ կ'ըսէ. «Ան իր ոչխարները իրենց անուններով կը կանչէ» (Յովհ. Ժ. 3): Աստուած կը նմանի հովիւի մը որ իր հօտէն պակասած նոյն իսկ մէ'կ հատին կարօտը կը քաշէ, այն կնոջ՝ որ գետինն ինկած դրամը կը փնտռէ, այն հօր՝ որ մոլորած

զաւկի մը համար կը սխրի (Ղուկ. ԺԵ.): Աշխարհի բոլոր մանուկներուն համար կ'ըսէ Յիսուս. «Ձեր երկնաւոր Հայրը չհաճիր որ այս պոսիկներէն մեկը կորսուի» (Մատ. ԺԸ. 14): Ամբողջ Սուրբ Գրոց մէջ, բայց մանաւանդ Նոր Կտակարանին մէջ, Աստուած մարդոց զանգուածներով զբաղող թագաւոր մը չէ: Ան Նաբոլէոն չէ, որ լսելով Մեթերնիքի ազդարարութիւնը թէ պատերազմ մը մէկ միլիոն մարդ պիտի արժէր, ըսաւ. «Միլիոն մը մարդիկ ի՞նչ են որ աչքիս:» Աստուած հայր մըն է, և հայրութեան էութիւնն իսկ է անհատական հոգածութիւն զաւակներու համար: Թէև մեզի նման շատեր կան, բայց, ինչպէս Սբ. Օգոստինոս կ'ըսէր, «Ան կը սիրէ մեզմե ամեն մեկը, իբր քե մեզմե մեկը միայն զտեսնէ սիրելով»: Այս է Սուրբ Մատեանին պատգամը, որ իբր հիմ կը ծառայէ կենսունակ աղօթքի հնարաւորութեան:

Այս ճշմարտութիւնը, թէ Աստուած մեզմէ ամէն մէկուն համար կը հոգայ, դիւրին է խօսքի նիւթ ընել, զեղեցիկ՝ իբր խորհրդածութեան առարկայ, բայց դժուար՝ հաւատալու համար: Աստուած ի՞նչպէս կրնայ հոգալ մեզմէ իւրաքանչիւրին համար: Մենք Յիսուսի սիրտը կը ճանչնանք՝ հասկնալու չափ թէ ան ամէն իր դէմ ելլողը կը սիրէր: Բայց Աստուած: Ի՞նչպէս կրնանք մեզի համար իրական դարձնել թէ Ան որ կանգուն կը պահէ կաթնածիրը, որ կապով մը կը բռնէ Հայկ և Բոյլք համասեղծութիւնները, մեզ մեր անուններովը կը ճանչնայ:

Ե.

Նախ որ մեկի պոսիկ եւ ամենասն կը քուխիկ Անկի անկեցուեջու հրաւար: Եթէ Աստուած մեզմէ իւրաքանչիւրին համար կը հոգայ, ատիկա կ'ենթադրէ մեր մէջ

աներեւակայելի արժէք ու կարեւորութիւն: Եւ երբ մարդ նկատէ նիւթական տիեզերքին ընդարձակութիւնը, գրեթէ անհաւատալի կը թուի որ անհատական մարդիկ կարենան այսքան արժէք ունենալ: Նոյն իսկ Սաղմոսերգուն այսպիսի տիեզերքի մը մէջ մարդուն ունեցած արժէքին սքանչելիքը կ'զգար երբ կ'ըսէր. «Երբ տեսնեմ երկինքդ, քու մատերուդ գործը, լուսինն ու աստղերը, զորոնք դուն հաստատեցիր, մարդը ի՞նչ է որ զայն կը յիշես, կամ մարդու որդին, որ անոր այցելութիւն կ'ընես» (Սաղ. Ը. 3, 4): Եւ սակայն Սաղմոսերգուն ամենալինջ գիշերուան մէջ 6000է աւելի աստղ չէր տեսներ երբեք, երբ Սիօնի բարձունքներէն երկինքը կը դիտէր: Մենք այսօր մեր հեռագիտակներով կրնանք 100,000,000 տեսնել, և եթէ մեր աչքերուն տեղ լուսանկարչական ապակի մը դնենք զործիքին բերանը, աւելի մեծ բաղմութեան մը նշանները կը տեսնենք: Ուրեմն, երբ Թենիսընի նման նոր սաղմոսերգու մը այսքան մեծ տիեզերքի մը մէջ մարդուն հաւանական արժէքին վրայ խորհի, կասկածի անարկու ստիպում մը կ'զգայ. կը հաւաքէ մարդկութեան բովանդակ գործունէութիւնը, մեր պատերազմները, քաղաքականութիւնները, արուեստներն ու գիտութիւնները, և կը գոչէ. «Ի՞նչ է այս ամէնը, եթէ ոչ մեծոքներու իրարանցում մը միայն միլիոնաւոր արեւներու լոյսին մէջ»: Տիեզերքի մասին նոր գիտութեան առջեւ ի՞նչ վստահութեամբ կրնանք աղօթել թէ Աստուած մեզմէ իւրաքանչիւրը կը ճանչնայ և կը խնամէ:

Շատերուն հաւատքը կը քանդուի և աղօթքը կանգ կ'առնէ տիեզերքի մեծութեան և մարդու փոքրութեան միջեւ կեցող այս ահաւոր հակադրութեան առջեւ: Մանրադիտակը, սակայն, պէտք է որ քիչ մը հակազդէր նեոադիսակը, սակայն, պէտք է որ քիչ մը հակազդէր նեոադիսակին վհատեցուցիչ ազդեցութեան: Յայտնի է թէ

այն Զօրութիւնը, որ աստղերը կը հոգայ, կը հոգայ նաեւ ամէն բան, առանց երբեք նկատելու անոնց մեծութիւնը: Ուրեք հասարակ գնդասեղի մէջ տեղի կ'ունենայ ա՛յնքան սքանչելի գործունէութիւն մը որքան երբեք գոյութիւն ունէր աստղերուն մէջ: Հոս այնքան բազմութիւն և այնքան մանր ելեկտրոններ կան որ մարդկութիւնը միլիոն տարիներու մէջ չէր կրնար համրել զանոնք, և սակայն ոչ մէկ ելեկտրոն կը դպչի միւսին: Իրենց մեծութեան հետ բաղդատմամբ անոնք իրարմէ այնքան անջատ են որքան արեգակնային գրութեան մը մոլորակները: Անվերջօրէն իրարու շուրջ կը դառնան, և ոչ մէկը ոչ իսկ անհուներորդ աստիճան մը կը սպրդի երբեք օրէնքին հակակշիռէն: Ոչ թէ հզօր միտք մը, այլ տկար երեւակայութիւն մը կը դրդէ մեզ՝ տիեզերքի մեծութեանէն միայն սարսափած՝ խորհիլ թէ Աստուած չի կրնար մեզի համար հոգալ: Որքան որ Բնութիւնը այս խնդիրին մասին տալիք վկայութիւն մը ունենայ, պիտի ըսէ. «Չի կայ բան մը զոր Արարիչը չատ մեծ գտնէ կատարելու, ոչ ալ բան մը՝ զոր չատ փօքը գտնէ խնամելու: Մանրագիտական աշխարհը իրն է, ինչպէս աստղերը:»

Եւ սակայն մեր կասկածին բուն պատասխանը երբեք Բնութեանէն չէ որ կու գայ, այլ հոգեւոր տեսութեանէ: Միթէ մենք ա՞յնքան փոքր ենք որ Աստուած չի կարենայ մեզմէ իւրաքանչիւրին համար հոգալ: Բայց այսոյց եւ որ մեկ իսկ վաճառած չեմք մեծօրքեաւք չարիւղ բաղդատակը սրժեքը: Մենք, մանուկներու պէս, կրնայինք պղինձ քեմքին արծաթ սայլին (5 բենս) գերադասել բեննիին խոշորութեան պատճառաւ: Բայց երբ չափահասութիւնը գայ, ընտրութեան այդ հիմը կ'անհետանայ: Մարդկային ցեղին թանկարժէք ստացումըները — ազամանդներն ու մանուկները, զոր օրինակ —

աւելի ուշագրաւ են իրենց բաղդատական փոքրութեանը համար: Մօր մը սէրը իր մանկիկին համար քաշի կամ տրամի խնդիր մը չէ: Երբ մէկը կը հաւատայ Աստուծոյ, հետեւանքը պարզ է: Պէտք է որ Աստուած ունենայ առ նուազն մեր հոգեկան տեսութիւնը՝ մեծօրքեակն և արժեքի միջեւ տարբերութիւնն ըմբռնելու: Չանգուածը չի կրնար խաբել զԱյն: Պէտք է որ Ան գիտնայ թէ իր ամբողջ տիեզերքին մէջ ո՛ւր կը գտնուին իրական արժէքները:

Թէ ո՛ւր կը գտնուին իրական արժէքները՝ բոլոր ցեղերուն խոհուն մարդիկը միաբան համաձայնած են որ անոնք անձնական նկարագրէն ներս կը գտնուին և ոչ անկէ դուրս: Թենիսընի հետեւեալ հատուածը ամփոփումն է ամէն դարու լաւագոյն մտածումին.

«Թէեւ հըսկայ դարեր բըլըին նեցուկ կ'ըլլան,
 Եւ կը փշրեն ծովեզերքը, ու միահեծան
 Հոս կը շինեն, հոն կը քանդեն գիշեր ու տիւ,
 Թէեւ մեր շուրջ կը թաւալին աստղեր անթիւ,
 Իւրաքանչիւր գօրութիւնով մ'իսպառ տարբեր,
 Եւ մեզմէ դուրս կան դեռ ուրիշ կեանքի ձեւեր,
 Բայց մենք արդեօք կրնա՞նք գտնել այս ամէնքին
 Ծոցը բան մը աւելի մեծ քան թէ հոգին»:

Սորհոյն աւելի բարձր արժէք ունի քան արտաքին ռեւէ առարկայ, որուն վրայ ան կրնայ խորհիլ: Տեսնողն աւելի հիանալի է քան անոր բոլոր տեսած բաները: Եւ արդարութիւն, բարեկամութիւն, վեհանձնութիւն, քաջութիւն, գիտութիւն, սէր, նկարագրի գործեր, ասոնց ամէնքը, արժէքի տեսակետով աւելի կ'արժեն քան աստղերու անհուն հոյլեր: Ոչ մէկ աստղ երբեք գիտցաւ թէ իրեն յառող աչքեր կան: Ոչ մէկ աստղ երբեք զգաց իր վրայ Աստուծոյ ձեռքը, ոչ ալ երախտագիտութեան մղուեցաւ իր ստեղծումին,

պահպանումին և այս կեանքի բոլոր բարիքներուն համար: Երբ աստղագէտ մը անգիտակից երկինքը կը դիտէ, միթէ մեզի պէս չի՞ գիտեր Աստուած թէ անտեսողութեան, իմացողութեան, կամեցողութեան և նկարագրի իր կարողութիւններով շատ աւելի սքանչելի է քան բոլոր իր տեսած աստղերը: Միեւնոյն բանն է Աստուծոյ գոյութիւնը բոլորովին ուրանալ և կամ ընդունելով հանդերձ պնդել թէ Ան մեծութենէ կը հրապուրուի, ծանրութեան կարեւորութիւն կ'ընծայէ և հոգեկան արժէքներու հանգէպ կոյր է: Ամբողջ աշխարհը շահիլ և հոգի մը կորսնցնել ողորմելի առուծախ մը պիտի ըլլար որքան մարդուն՝ նոյնքան Աստուծոյ համար: Անձնեւ անհոռուօրէն քանկազիւ միակ գաւնը սիեզերքի մեք: Եթէ Աստուած կայ, կը հոգայ. եթէ կը հոգայ, անձի համար կը հոգայ: «Քանզի Տէրօջը բաժինը իր ժողովուրդն է» (Բ Օր. ԼԲ. 9):



Աստուծոյ անհատական հոգածութիւնն ըմբռնելու ջանքին մէջ շատերուն զգացած դժուարութիւնն աւելի կը բարդուի այն իրողութեամբ թէ մենք ոչ միայն փոքր ենք, այլ մեզի նեխս անհատաւոր քաղաքիսնեկեր կան: Այս քան մեծ բազմութիւն կենալով Աստուած ի՞նչպէս կըրնայ գիտնալ մեզ ամէնքս մեր անուններով: Այս դժուարութիւնը աղօթքի համար ամենահասարակ գայթակղութիւններէն մէկն է, և սակայն անոր յիշատակութիւնը միայն պէտք է որ անոր բաւարար հերքումն ըլլայ: Կրնա՞ր արդեօք ռեւէ բան աւելի պարզօրէն փորձ մը ըլլալ զԱստուած մարդուն պատկերովն ընելու քան այս թեւադրութիւնը թէ Անոր կարողութիւնները կրնան անյարմար ըլլալ Անոր պատասխանատուութեանց: «Մե-

դի համար դժուար է անհատական շահագրգռութիւն տածել այսքան շատ մարդոց մասին,» կ'ըսենք: «Հետեւաբար դժուար ըլլալու է նոյնը Աստուծոյ համար:» Աստուծոյ մասին մարդկային սահմանումներու այս խակ և տղայական յայտարարութիւնը և այն երկիւղը թէ Ան տաժանելի պիտի գտնէ այսքան բազմութիւն յիշել, ոչ թէ առողջ դատողութենէ կը բխի, այլ խակ անխոհականութենէ:

«Կար առենօք խեղձ կին մը ծեր,

Որ կօշիկի մը մէջ կ'ապրէր.

Ունէր այնքան զաւակներ շատ

Որ չըւարած էր անընդհատ:»

Մանկանոցի այս առասպելը միթէ պիտի ներկայացնէ Աստուծոյ մասին մեր գաղափարը:

Մենք կրնանք դիւրաւ ըմբռնել Աստուծոյ անհատական հոգածութիւնը, որ անհրաժեշտ է ամէն կենսունակ և լուրջ աղօթքի, նկատի առնելով թէ գիտութիւնը, երբ ամենագիտութեան կը ձգտի, միշտ անորոշ զանգուածները անհատական միութեանց կը բաժնէ և անոնց իւրաքանչիւրին հոգ կը տանի: Երբ անուս մէկը գրատուն մը կ'երթայ, կրնայ տեսնել միայն գիրքերու երկայն շարքեր: Բայց երբ կու գայ մատենադարանապետը, գիրքերու ուսանողն ու սիրողը, ան գիտէ իւրաքանչիւրն անունովը: Իւրաքանչիւր հատոր ունի իր մասնաւոր զուգորդութիւնները: Ան գիտէ անոր տղազրութիւնը, արժէքը, բովանդակութիւնը, հեղինակը, նպատակը: Գիրքերը վար կ'առնէ մէկը միւսին ետեւէն, յայտնելով իւրաքանչիւրի մասին իր անհատական գնահատումը: Իբր մատենադարանապետ, որչափ աւելի գիտնայ, այնքան քակար կը տեսնէ գիրքերը մեկմեկ, և այնքան աւելի կը անկնայ զանոնք մեկիկ մեկիկ:

Յարածուն գիտութիւնը, այսպէս, միայն սարածուն

չէ միշտ, այլ նաև ներոյժ: Հասարակ մարդը նիակարայի շահանքները դիտելէն կը վերադառնայ, իր հետ տանելով տարտամ տղաւորութիւն մը սարսափելի արագութեամբ շարժող վիթխարի զանգուածներու մասին: Բայց ճարտարագէտը: Ան կը ճանչնայ ամէն մէկ բոյթ և պտուտակ, իւրաքանչիւր լծակ և միտոց. գիտէ ներքին տարողութեան և կշռուած ճնշումին առանձին մանրամասնութիւնները: Ան իր բանալին մութ անկիւններու մէջ կը տանի պահուած բոյթերուն, որոնց գոյութիւնը ոչ մէկ հասարակ գիտող մտքէն կ'անցընէր երբեք: Ինք, իբր ճարտարագէտ, որքան աւելի գիտնայ, այնքան աւելի կը տեսնէ մանրամասնութիւնները և ոչ ամբողջական զանգուածը: Տգիտութիւնը առարկաները կը տեսնէ միասնադրեալ. գիտութիւնը բոլոր զանգուածները կը բաժնէ միասնադրեալ և կը անկնայ անոնց իւրաքանչիւրը: Անկնայ գիտութիւնը կիսաբարեկար հասկացողութիւն և հոգածութիւն ունի իւրաքանչիւր անկնայեցիկ մանրամասնութեան համար:

Եւ արդ, նկատեցէք մարդոց մասին Աստուծոյ գիտութեան նշանակութիւնը: Երբ օտարական մը Չինաստանի մասին կը խորհի, կ'երեւակայէ անորոշ բազմութիւն մը, բոլորն ալ իրարու նմանող գէմքերով: Երբ միսիոնար մը Չինաստանի մասին կը խորհի, անորոշ բազմութիւնը կը փչրուի մէկ կէտի վրայ, և հոն երեւան կու գան անհատներ, առանձին առանձին ճանչցուած և սիրուած: Երբ Աստուած Չինաստանի մասին կը խորհի, Չինացիներէն ամէն մէկը անունովը կը ճանչնայ: Մարդկութեան համար կ'ընէ ինչ որ գրադարանապետ մը կ'ընէ իր գիրքերուն և ճարտարագէտ մը իր շահանքներուն համար: Ան մեզ մեր փոքրութեան անշուքութենէն վեր կը հանէ, մեզ կ'ընտրէ մեր ընկեր արարածներուն բազմութենէն, և մեր կեանք

քին կ'ընծայէ իր անհատական հոգածութեան բարձրութիւնը: Յաւիտենականն Աստուած մեզմէ ամէն մէկը անունովը կը կանչէ: Ինք մարդկութեան Աստուածը չէ միահաղոյն: Աբրահամին, Իսահակին և Յակոբին Աստուածն է: Բոլոր մեծ աղօթողները Աստուծոյ հետ անհատական յարաբերութեան զօրութեան մէջ ապրած են: Անոնք Սաղմոսերգուին պէս ըսին.

«Մեծ ժողովի մէջ Բեզ պիտի գովեմ»

Եւս ժողովուրդի մէջ Բեզ պիտի օրհնեմ:»

Սաղ. ԼԵ. 18:



Այս ճշմարտութեան կենսական ըմբռնումն այնքան կարեւոր է որ կրնանք ուրիշ կէտէ մը մօտենալ անոր: Եթէ երբեք մէկը կը հաւատայ Աստուծոյ, պէտք է նաև հաւատայ որ Աստուած նպատակ մը ունի տիեզերքին համար իբր ամբողջութիւն: Տեսանողներն այս հաւատքն արտայայտած են բազմաթիւ պատկերներով, բայց անոնցմէ ոչ մէկը յարմար է բացատրելու ամբողջական նշանակութիւնն այն վստահութեան թէ արարչագործութիւնը բան մը կը նշանակէ, նպատակ մը ունի, կոյր գիպուած մը չէ, այլ իմաստուն ծրագիր մը: «Ոչինչ կը քայլէ աննպատակ ոտքերով,» կ'ըսէ Թենիսըն: «Աստուծոյ համար պատահար չի կայ,» կ'ըսէ Լոնկֆելլոյ: Ամէն անոնք որոնք Աստուծոյ կը հաւատան՝ կերպով մը մասնակցելու են այս հաւատքին: Անոնց համար աստուածային նպատակ մը կայ, որ «ամբողջ տիեզերքին ցրուած թերթերը մէկ գիրքի մէջ կը կազմէ:» Իրաւ է որ շատ մարդիկ ասոր կը հաւատան: Ասոր հակառակ կեցուածք մը կեանքը կը դարձնէ շատ դատարկ բան մը և գիւրատար ոչնչութիւն մը: Եթէ երբեք

ստեղծագործութեան մէջ բնաւ նպատակ չի կայ, եթէ անիկա ոչինչէն եկաւ և դէպ ի ոչինչ կ'երթայ և ոչինչ կը նշանակէ, ուրեմն աշխարհ կը նմանի ժիր կարուհիի մը, որ մէջը թել չունցող մեքենայի մը վրայ կը կարէ: Դարերը կը յառաջանան ծակող ասեղին տակ գանուող կտաւներուն նման, բայց ոչ մէկ թել զանոնք իրարու կը կցէ: Եւ ոչինչ կը կատարուի: Տարիները պիտի անցնին, մեքենան պիտի մաշի. թափթփուքներուն դէզը կը պահանջէ ատիկա. բայց, հակառակ այդ բոլոր աշխատանքին՝ ցուցնելիք ոչինչ պիտի արտադրուի: Անա աշխարհն առանց աստուածային նպատակի: Եւ որովհետեւ կեանքի վրայ այսպիսի տեսութիւն մը փոլորովին փուճ և ունայն կը դարձնէ զայն, շատ մարդիկ կը հաւատան «հեռաւոր աստուածային դէպքի մը, դէպ ուր կը դիմեն բոլոր արարածները:» Կը հաւատան թէ տիեզերքի այս մեքենային մէջ նպատակի թել մը կայ, որ անշատ դարերը իրարու կը կցէ:

Սակայն երբ Աստուծոյ այս ընդհանուր նպատակին վրայ կը խօսինք, անմիջապէս մեր դէմ կ'ելլէ անխուսափելի հետեւութիւն մը. Աստուած կրնա՞յ միթէ արեւորդիկ հարստակ մը կրնա՞յ տուն մը ամբողջովին ուրուագծել առանց ուրուագծելու անոր մանր մասերը: Պէ՞տք է որ ան տեղւոյն վրայ կայնելով անորոչ ու համապարփակ կերպով մը ըսէ. «Թող տուն մը ըլլայ:» Բայց երբ իրեն հարցնելու ըլլաք ծիսնելոյզին անկիւններուն և պատուհանի շրջանակներու մասին, պէ՞տք է որ պատասխանէ, «Անոնց համար ուրուագիծ չի կայ:» Տուն մը ուրուագծելը յաւէտ անոր մասերը կարգադրելու մէջ կը կայանայ: Ու երբ առարկաներու վրայ խօսելէ զանոնք անձերու վրայ խօսիլ, իւրաքանչիւրն այնքան անհատական և առանձին, ո՞րքան արեւի յստակ

բութեան մը Աստուծոյ հետ : Հաւատքը , ըստ ինք-
քեան , Աստուծոյ հոգածութեան անկոխ երկիրներուն
մէկ քարտէսն է . աղօթքը երկրիս վրայ ճամբորդու-
թիւն է իրապէս : Եկեղեցիին աղէտն է գոնուիլ հա-
զարաւորներու մէջ որոնք կը վայփայեն իրենց դա-
ւանական քարտէսը , որուն վրայ նշանակուած են
Աստուծոյ բարեկամութեան պողոտաները , և որոնք
սակայն չեն ճամբորդեր : Անոնք իւրաքանչիւր անհա-
տի համար Աստուծոյ սիրոյն նկատմամբ սեւէ սկեպտա-
կան կասկածանքի վրայ պիտի ցաւին . բայց ունակա-
կան վստահութեամբ և հազորդակցութեամբ չեն օգ-
տուիր իրենց հաւատքէն : Անոնց դեռ կը պակսին ամե-
նօրեայ առաջնորդութիւն , աստուածային օժանդակու-
թեան գիտակցութիւն և Աստուծոյ ներկայութեան կաղ-
զուրիչ զգացում , որոնք կրնան զալ անոնց միայն ո-
րոնք թէ՛ կը հաւատան իւրաքանչիւրին համար Աստու-
ծոյ հոգածութեան , և թէ՛ Անոր հետ իրենց սովորա-
կան յարաբերութեան մէջ ստուգութիւն կը զարձանեն
իրենց հաւատքը :

Ուրեմն , երբ Աստուծոյ անհատական հոգածութեան
մասին գոհացնենք մեր մտքերը , հասած կ'ըլլանք
խնդիրին սկիզբը և ոչ վախճանը : Հիմա կու գայ կեն-
սական և արմատական գործը , որ է ձեռք բերել փոր-
ձառութիւնն այդ հոգածութեան , որուն գոյութեան կը
հաւատանք : Պէտք է որ մենք խորհուրդէն անցնինք
հոգեւոր գործունէութեան , «ուղեղի ժրջան գործու-
նէութենէն» հոգիի արկածախնդրական գործունէու-
թեան՝ աղօթքի գործածութեան մէջ : Աւետարանը մեծ
արտօնութիւն մը կը մատուցանէ , աղօթքը կ'իւրացնէ
զայն : Կալվինի կենդանի մէկ պատկերով , «Աղօթքը
դուրս կը բերէ թաղուած այն գանձերը զորս մեր Տէ-
րօջ Աւետարանը կը յայտնէ մեր հաւատքին :»

ՄՏԱԾՈՒՄԻ ԵՒ ՔՆՆՈՒԹԵԱՆ ՀԱՄԱՐ
ԹԵՂԱԳՐՈՒԹԻՒՆՆԵՐ

Ի՞նչ բան աղօթքը բարեպաշտական ձեւ մը կը դարձնէ
յաւէտ քան կենսական գործ մը :

Ի՞նչ բան կենդանութիւն կու տար Սաղմոսերգուն
աղօթքին :

Ի՞նչ է տարբերութիւնը աղօթանիւ դարձնող Պուտ-
տայականին և աղօթող Բրիտոնեային միջեւ :

Ի՞նչ արժանիք կայ աղօթելու մէջ :

Ի՞նչ է Բրիտանական կեանքի մէջ անհասի արժե-
քի կարեւորութիւնը :

Ի՞նչ է այս մասին Յիսուսի տեսութիւնը , ամենօ-
րեայ ընթերցուածքներու մէջ յառաջ բերուած :

Ի՞նչ տեղ ունեցած է անհատը Եկեղեցիին պատ-
մութեանը մէջ :

Բրիտանական կրօնքը ուրիշ կրօնքներէ ի՞նչպէս
կը տարբերի՝ անհատին արժէքը գնահատելու մասին :

Բրիտանականները աղօթքի վրայ իրենց վստահութիւնը
ն՞րբան իրաւունք ունին հաստատելու այն հոգածութեան
վրայ զոր Աստուած ունի անհասի հաւատ :

Աղօթքի հնարաւորութիւնը կախում ունի՞ արդեօք
անհատի վրայ Աստուծոյ հոգածութենէն :

Ո՞րչափ ունայն է աղօթքը , եթէ Աստուած մեզի
համար չի հոգար :

Ի՞նչ են ձեր գլխաւոր դժուարութիւնները հաւա-
տարու համար թէ Աստուած իւրաքանչիւր անհատի հա-
մար կը հոգայ : Այս դժուարութիւնները ձեր կարծիքով
ի՞նչ աստիճան անհնար կը զարձանեն աղօթքը :

Ո՞րքան բանաւոր է խորհիլ թէ Աստուած մեզի
համար կը հոգայ :

Ի՞նչ տարբերութիւն պիտի ընէ աղօթքներու մէջ , երբ ես
իրապէս հաւատամ քե Աստուած կը հոգայ զիս անհասի պէս :

ԳԼՈՒԽ Դ

ԱՂՕԹՔ ԵՒ ԱՍՏՈՒԾՈՅ ԲԱՐՈՒԹԻՒՆԸ

Օրակսն ընթերցուածք

Չարորդ Ծաբար, Առաջին Օր

«Եւ անոր քով գացին Յակոբոս և Յովհաննէս, Չեբեղէոսի որդիները, ու ըսին. Վարդապետ, կ'ուզենք որ քեզմէ ինչ որ խնդրենք, մեզի ընես: Ան ալ ըսաւ անոնց. Ի՞նչ կ'ուզէք որ ձեզի ընեմ: Ու անոնք ըսին իրեն. Ծնորհէ մեզի որ նստինք մեզմէ մէկը աջ կողմդ, և միւսը ձախ կողմդ քու փառքիդ մէջ: Եւ Յիսուս ըսաւ անոնց. Չէք գիտեր ի՞նչ կը խնդրէք. կրնա՞ք խմել այն գաւաթը զոր ես կը խմեմ, և այն մկրտութիւնով մկրտուիլ որով ես կը մկրտուիմ:» Մարկ. Ժ. 35-38:

Աղօթքի բոլոր սխալ ըմբռնումներէն ոչ մէկը աւելի հասարակ է քան սա գաղափարը թէ անիկա մեր կաթիլը Աստուծոյ կասարեղ սալո միջոց մըն է: Նկատեցէք թէ Յակոբոս և Յովհաննէս մեր Տէրոջմէն ի՞նչ խնդրեցին: Անոնք ուզեցին որ ան ինքզինքը իրենց տրամադրութեան տակ գնէ: Փափաքեցան որ իրենց կամքը՝ իրենց համար՝ բացարձակ իշխանութիւն հազնի, Տէրն ունենալով անոր օգնական կամ պաշտպան: Աստուծոյ ուզուած այսպիսի աղօթք մը պարզապէս կամապաշտութիւն է, ակնկալելով որ Ամենակալը պաշտպանէ զայն և անոր անցքի իրաւունք տայ: Նկատեցէք թէ ո՞րքան

յաճախ մեր աղօթքը Աստուծոյ ուղղուած պահանջ է որ Ան մեր ուզածը կատարէ ճշգիւ: Յետոյ ասոր հակառակ՝ նկատի առէք Տ. Լ. Մուտիի հետեւեալ իրական աղօթքը.

Աղօթք. Ով իմ փրկիչս, գործածէ զիս ի՛նչ նպատակի համար և ի՛նչ կերպով որ կ'ուզես: Ահա իմ խեղճ սիրտս թափուր անօթ մը. Բու շնորհքովդ լեցուր զայն: Ահա իմ մեղսալից խոտոված հոգիս. Բու սիրովդ ոգեւորէ և կազդուրէ զայն: Առ սիրտս Բեզի բնակարան ըլլալու, բերանս՝ քու անուանդ փառքը տարածելու, սէրս և բովանդակ կարողութիւններս՝ Բու հաւատացեալ ժողովուրդդ բարձրացնելու. եւ մի թողուր որ հաւատքիս հաստատութիւնն ու վստահութիւնը նուազին, որպէս զի ամէն ատեն կարենամ սրտանց ըսել, «Յիսուս ինձի պէտք ունի, և ես՝ Իրեն»: Տ. Լ. Մուտի:

Չարորդ Ծաբար, Երկրորդ Օր

Շատերուն դժուարութիւնը սա է որ Աստուծոյ մեկ մասին միայն կը հաւատան: Կը հաւատան Անոր սիրոյն, և ատոր վրայ միայն խորհելով կը տարուին զԱյն ողորջել, իբր թէ Ան կարենար շոյուիլ, փաղաքշուիլ իրենց ուզածը տալու համար: Կը պատճառաբանեն թէ, որովհետեւ ան գթած է և բարեսէր, տեղի պիտի տայ գաւակի մը աղերսանքին և պիտի շնորհէ ինչ որ մանուկը փափաքելու ըլլայ: Իսկապէս չեն հաւատար Աստուծոյ ինասուրբեակը, մեր ամէնքին համար լաւագոյնի մասին Անոր գիտութեանը: Չեն հաւատար Անոր կաթիլն, մեզմէ իւրաքանչիւրին նկարագրին և ընթացքին համար Անոր ծրագրին: Երբ ուեէ մէկը Աստուծոյ ամբողջութեանը կը հաւատայ, վստահ է թէ Ան իր ամէն մէկ զաւակին և ամբողջ աշխարհի համար իմաստուն և բարի նպատակ մը ունի. և այն ատեն աղօթքը կը դառ-

նայ ոչ թէ մեր կամքը Աստուծոյ կատարել տալու ջանք մը , այլ մեր կեանքերն Աստուծոյ առջեւ բանալու ճիգ մը , որպէս զի Աստուած կարենայ իր ուզածն ընել մեր մեջ: Այս ճշմարտութեան լոյսով նկատեցէք մեր Տէրոջ աղօթքը Գեթսեմանիի մէջ.

«Այն ատեն Յիսուս անոնց հետ տեղ մը եկաւ , որուն անունը Գեթսեմանի էր , ու ըսաւ աշակերտներուն . Հոս նստեցէք մինչեւ որ ես երթամ հոն աղօթք ընեմ: Եւ իր հետ առնելով Պետրոսը և Չեբեղէոսի երկու որդիները , սկսաւ տրտմիլ և վշտանալ: Այն ատեն ըսաւ անոնց . Իմ անձս մեռնելու չափ տրտում է . հոս կեցէք և ինձի հետ արթուն մնացէք: Ու քիչ մը առաջ երթալով՝ իր երեսին վրայ ինկաւ , և աղօթք ըրաւ՝ ըսելով , Ով Հայր իմ , եթէ կարելի է , թող այս գաւաթը ինձմէ անցնի . բայց չէ թէ ինչպէս ես կ'ուզեմ , հապա ինչպէս դուն կ'ուզես: Եւ եկաւ աշակերտներուն ու զանոնք քնացած գտաւ , և ըսաւ Պետրոսի . Այդպէս մէկ ժամ ալ չկրցա՞ք ինձի հետ արթուն կենալ: Արթուն կեցէք և աղօթք ըրէք , որպէս զի փորձութեան մէջ չմտնէք . հողին յօժար է , բայց մարմինը տկար: Դարձեալ երկրորդ անգամ աղօթք ըրաւ՝ ըսելով , Ով Հայր իմ , եթէ անկարելի է որ այս գաւաթը ինձմէ անցնի առանց անկէ խմելուս , թող քու կամքդ ըլլայ: Եւ եկաւ զանոնք նորէն քնացած գտաւ , վասն զի իրենց աչքերը ծանրացած էին: Եւ թողուց զանոնք , ու նորէն գնաց երրորդ անգամ աղօթք ըրաւ՝ նոյն խօսքը ըսելով:» Մատ . ԻԶ . 36-44:

Աղօթք. Ով Տէր , Դուն մեզի համար լաւագոյնը զիտես . թող ա՛յս ըլլայ կամ այն , ինչպէս որ կը հաճիս : Տուր ինչ որ կ'ուզես , որքան որ կ'ուզես և ե՛րբ որ կ'ուզես : Ըրէ ինձի ինչ որ բարի կը համարիս , և ինչ որ լաւագոյնս կը հաճեցնէ Գեղ : Դիր զիս ուր որ կ'ուզես ,

և ամէն բանի մէջ զործածէ զիս ինչպէս որ կ'ուզես : Ահա ես Քու ծառայ եմ , ամէն բանի պատրաստ , ինչու որ ես չեմ բաղձար անձիս համար ապրիլ , այլ Քեզի համար . և իցի՛ւ թէ ատիկա կարենայի ընել արժանաբար և կատարելապէս : Ամէն : Թովմաս Քեմփացի (1379-1471):

Չորրորդ Ծարար, Երրորդ Օր

Այս շաբաթ մասնաւոր կերպով ֆնկեմք այն եղանակները , որոնցով աղօթքի վարժարանը մեր կեանքերը կը բաժնայ Աստուծոյ առջեւ , որպէս զի Աստուծոյ կամքը կատարուի մեր մեջ եւ մեր միջոցաւ: Ինչու որ աղօթքը , ինչպէս անոր մասին կը խորհինք հիմա , կ'ենթադրէ առանձնութիւն , ուր յոյս կայ որ Աստուծոյ ձայնը լսուի :

«Ու երբ աղօթք կ'ընես , կեղծաւորներուն նման չըլլաս որոնք կը սիրեն ժողովարաններուն մէջ և հրապարակներուն անկիւնները կայնելով աղօթք ընել , որպէս զի մարդոց երեւնան . ճշմարիտ կ'ըսեմ ձեզի , Անոնք իրենց վարձքը առած կ'ըլլան : Իսկ դուն երբ աղօթք կ'ընես , մտիր քու ներքին սենեակդ ու գուռդ գոցէ , և աղօթք ըրէ քու Հօրդ որ գաղտուկ տեղ կը գտնուի և քու Հայրդ որ գաղտուկը կը տեսնէ , քեզի յայտնապէս հատուցում պիտի ընէ:» Մատ . Զ . 5 , 6:

Նայեցէք թէ զանազան կարգի մարդիկ ի՛նչ վկայութիւն կու տան բազմազբաղ կեանքի մէջ պարբերական առանձնութեան արժէքին մասին : Բանաստեղծ Ուալթըր Սէվէյճ Լէնտոր կ'ըսէ . «Առանձնութիւնը Աստուծոյ նախասենեակն է , քայլ մը եւս , և ահա անոր անմիջական ներկայութեան կը գտնուիս:» Կէօթէ կ'ըսէ . «Ոչ մէկը կրնայ կարեւոր բան մը արտագրել առանց մեկուսանալու:» «Զինացի» Կորտան կը գրէ իր քրոջ .

«Հանդարտութիւնն օգտակար է մարդուն. անկարելի բան է Աստուծոյ ձայնը լսել այցելութեանց ժխորի մը մէջ. առաւել կամ նուազ 'անապատին' մէջ գտնուելու ես սրբարանին կշիռքը գործածելու և տեսնելու և կշռելու համար իրերու և խօսքերու ճշգրիտ արժէքը:» Անանուն վերտառութիւն մը ևս ճշգորէն կը պատկերացնէ այս կարեւոր ճշմարտութիւնը. «Չարմանալի մարդ է ան որ կը յաջողի բազմութեան մէջ մէկ կողմէ ծեծ ուտել և միւս կողմէ ասեղին դերձան անցընել:» Չքաղղալի մտազոյններէն եւ յեզուններու պայքարէ հետո՝ ո՞րքան ժամանակ կու սակ մտորքի բեղմնաւոր գործածութեան:

Աղօթք. Ով Աստուած, Դուն որ կ'առաջնորդես հեզերը գատաստանի մէջ և խաւարին մէջ լոյս կը ծագեցնես աստուածավայրերուն համար, մեր բոլոր տարակոյտներուն և անստուգութեանց մէջ մեզի շնորհք պարգեւէ Քեզի հարցնելու թէ ի՞նչ կ'ուզես որ ընենք, որպէս զի գիտութեան հոգին ազատէ մեզ սխալ ընտրութիւններէ և կարենանք լոյս տեսնել Քու լոյսիդ մէջ և չի սայթաքիլ Քու շիտակ ճամբուդ մէջ, յանուն մեր Տէր Յիսուս Քրիստոսի: Ամէն: Ուրիշը՝ Պրայթ:

Չորրորդ Գարաք, Չորրորդ Օր

Աղօթք մեր կեանքերը կը բանայ Աստուծոյ առաջնորդութեան առջև, ինչու որ անիկա իր բնութեամբն իսկ կը խրատուսէ ընդունակակ սրբանադրութիւնը: Տիրական տրամադրութիւնը գործի վրայ է այսօր. բայց կարգ մը բաներ երբեք գոյութեան չեն գար մինչեւ որ մարդ ընդունական չի գառնայ: Մեծ կարեւորութիւն ունի անշուշտ որ որդի մը իր հօրը համար շատ մը ծառայութիւններ ընէ և անոնց մէջ հաւատարիմ և աշխոյժ գրտնուի: Բայց այդ մանուկին կեանքին մէջ ամենախորհետեւանքները պիտի հաւանօրէն գան հանդարտ ժամէ

մը, երբ ան իր հօրը հետ կը նստի և աչքերը կը բանայ կեանքի նոր գաղափարի մը, ինչ որ հայրը երբեք չէր կրնար տալ անոր իր աշխոյժ տրամադրութեան պահերուն: Ութսունըմէկերորդ Սաղմոսին մէջ երեւան կու գայ այն գժուարութիւնը, զոր Աստուած կ'ունենայ իր ձայնը ժողովուրդին մտիկ ընել տալու մէջ:

«Ասէ, ով իմ ժողովուրդս, ու վկայեմ քեզի...: Բայց իմ ժողովուրդս մտիկ չըրաւ իմ ձայնս, և իսրայէլ զիս չուզեց: Ուստի զանոնք իրենց սրտին կամակորութեան թողուցի, որպէս զի իրենց խորհուրդներուն համեմատ քալեն: Երանի՛ թէ իմ ժողովուրդս ինծի մտիկ ընէր:» Սաղ. 20. 8, 11-13:

Աղօթք. Տէր, ես չեմ գիտեր թէ ի՞նչ խնդրելու եմ Քեզմէ. Դուն միայն գիտես թէ ի՞նչ բանի պէտք ունիմ: Դուն զիս աւելի կը սիրես քան որ ես անձս սիրել գիտեմ: Ով Տէր, շնորհէ զաւակիդ ինչ որ ինք խնդրել չի գիտեր: Ես չեմ համարձակիր խաչեր կամ սիրտանք խնդրել, ես պարզապէս անձս կը ներկայացնեմ Քու առջեւդ, և սիրտս կը բանամ Քեզի: Տես իմ պէտքերս, զորս ես ինքս չեմ գիտեր, տես և ըրէ շնորհքիդ համաձայն: Հարուածէ զիս կամ բուժէ, ընկճէ զիս կամ բարձրացուր, կը պաշտեմ Քու բոլոր նպատակներդ առանց զանոնք գիտնալու: Ես կը լռեմ եւ անձս զոհուելու կը մատուցանեմ. Քեզի անձնատուր կ'ըլլամ. Քու կամքդ կատարելէ զատ ուրիշ բազմանք չունիմ: Ինծի աղօթք ընել սորվեցուր: Դուն աղօթէ ինձմով: Ամէն: Յենեկոն (1651-1715):

Չորրորդ Գարաք, Հինգերորդ Օր

«Յիսուս պատասխան տուաւ անոնց ու ըսաւ. իմ վարդապետութիւնս իմն չէ, հապա զիս զրկողինն է: Եթէ մէկը ուզէ անոր կամքը ընել, պիտի գիտնայ այս

վարդապետութեան համար թէ արդեօք Աստուծմէ՞ է՝
թէ ես ինքիրմէս կը խօսիմ: Ան որ ինքիրմէն կը խօսի,
իր անձին փառքը կը փնտռէ. բայց ան որ զինք զրկո-
ղին փառքը կը փնտռէ, ան ճշմարիտ է, և անոր քով
անիրաւութիւն չկայ:» Յովհ. է. 16-18:

Աղօթքը մեր կեանքերն Աստուծոյ առջեւ կը բա-
նայ, որպէս զի անոր կամքը կատարուի մեր մէջ և մեր
միջոցաւ, ինչու որ մենք ճշմարիտ աղօթքի պահուն
Աստուծոյ ամէն ուզածն ընկրու յօժար զիրքի մէջ կը
գնենք մեր անձերը: Եթէ երիտասարդ մը ըսէ, «Ես կը
յօժարիմ բժիշկ ըլլալ, բայց ոչ միտիտնայ», երբեք չի
պիտի գիտնայ թէ Աստուած իսկապէս ի՞նչ կ'ուզէ որ
ըլլայ ինք: Ան պէտք է որ Աստուծոյ շիւղորոտքեան քողոր
մը տայ՝ մէջը գրելու համար Աստուծոյ ուզածը, և հոն
պէտք չէ որ թէական պայմաններ և վերապահումներ
գտնուին սահմանափակելու համար Աստուծոյ առաջնոր-
դութիւնը: Եթէ մարդ մը, որուն իմաստութեան և
չարժաօթներուն վրայ կասկած ունինք, մեզմէ ինդրէ
իր ուզելիքը կատարել, կրնանք անշուշտ ըսել. «Ըսէ
նախ թէ ի՞նչ կ'ակնկալես, և ես քեզի կ'ըսեմ թէ
ինդիրքը կը կատարե՞մ թէ ոչ»: Բայց մենք չենք կրնար
այդ զիրքը բռնել Աստուծոյ հանդէպ: Մենք չենք կրնար
չի վստահիլ Անոր իմաստութեան կամ սիրոյն, ոչ
ալ իր ուզած բանին միջոցաւ մեզ տեսնելու Անոր կա-
րողութեան վրայ: Մենք պարտինք յօժարիլ ընել ինչ
որ Ան կ'ուզէ: Ճշմարիտ աղօթքը մեր անձերը վճռա-
պէս Աստուծոյ տրամադրութեան տակ գնել է:

Աղօթք. Տէր, մի թողուր, որ այսուհետեւ առողջու-
թիւն կամ կեանք բաղձամ՝ առանց գործածելու զանոնք
Քեզի համար, Քեզի հետ և Քեզմով: Դուն միայն զի-
տես թէ ի՞նչ է ինձի համար բարի. ըրէ ուրեմն ինչ որ
Քեզի լաւագոյն կը թուի: Ինձի տուր կամ ինձմէ առ.

կամքս Քուկինիդ նմանցուր. և շնորհէ որ խոնարհ և
կատարեալ հնազանդութեամբ և սուրբ վստահութեամբ
ընդունիմ Քու յաւիտենական նախախնամութեանդ հրա-
մանները և սիրեմ ինչ որ Քեզմէ կու գայ ինձի. յանուճ
մեր Տէր Յիսուս Քրիստոսի: Ամէն: Պ. Փասգալ (1623-
1662):

Չարորդ Շաքար, Վեցերորդ Օր

«Եւ Տէրը կը խօսէր Մովսէսի հետ դէմ առ դէմ,
ինչպէս մարդ մը իր բարեկամին հետ կը խօսի:» Ել. 19.
11: «Եւ զիրքին խօսքը կատարուեցաւ, որ կ'ըսէ, Ար-
բահամ Աստուծոյ հաւատաց, և այն իրեն արդարութիւն
սեպուեցաւ. և ինք Աստուծոյ բարեկամ ըսուեցաւ:»
Յակ. Բ. 23:

Կեանքի մէջ ամենէն աւելի փոխակերպիչ ազդե-
ցութիւններն են ակնկալեալ բարեկամքի ակնկալը: Մեզի
ամէն հանդիպողը ազդեցութիւն մը կը գործէ մեր վրայ.
Բայց բարեկամութիւնը մեր սիրտը կը բանայ ուրիշ
կեանքի մը զազափարներուն, զազափարականներուն և
հոգեկան յատկութեան, մինչեւ որ մենք զգայուն կը
գառնանք մեր բարեկամին ամէն եղածին ու խորհածին:
Տեղտեմոնա կը նկարագրէ սերտ բարեկամութեան բնա-
կան ազդեցութիւնը. «Իմ սիրտս կը կրէ դրոշմը Տէրոջս
բուն նկարագրին:»

Նկատեցէք ուրեմն թէ Աստուծոյ հետ հաստատ յա-
րաբերութիւն մը ի՞նչ պիտի նշանակէ կեանքին որակն
ու եղանակը փոխելու մասին: Հենրի Տրըմընտ կ'ըսէր.
«Ամէն օր Քրիստոսի ընկերակցութեամբ անցած տասը
վարկեան, այո, երկու վայրկեան, եթէ այն ըլլայ երես
առ երես և սրտէ սիրտ, ամբողջ կեանքը տարբեր բան
մը պիտի ընէ:» Արդեօք քանի՞ մարդոց մէջ կը գլու-
նուի ամէնուն զգացած բայց ոչ մէկուն նկարագրել

կրցած այն ազնիւ որպիսութիւնը, արդիւնք այս ներքին յարաբերութեան: Կան բաներ որոնք չեն կրնար գնուիլ կամ շահուիլ կամ շինուիլ. անոնք պէտք է բրոնուիլ, հպումով փոխանցուին քաղցր բուրմունքի պէս: Աղօթքի մեծագոյն հետեւանքը թերեւս բուն այս մըթնորոտն է զոր կեանքը կ'առնէ կը տանի իրեն հետ, ինչպէս Մովսէս փայլուն դէմքով դարձաւ Աստուծոյ հետ իր սրտին հաղորդակցութենէն: Ճշնարիտ աղօթքը մեր անկերը ունակօրէն Աստուծոյ ազդեցութեամբ եկարկեղ է:

Աղօթք. Կ'ուրախանանք որ ամէն դարու մարդիկ Քու մէջը ապաստան մը գտած են, որ աղօթքը սիրոյ ձայնն է, պաղատանքի ձայնը, երախտագիտութեան ձայնը: Մեր սրտերը դէպ ի Քեզ կը յորդին ինչպէս լեցուն բաժակ մը: Ոչ կրնանք մերժել, ոչ ալ հետամուտ պիտի ըլլանք գիտնալու թէ մեր աղօթքներն արձանագրուած են, կամ մեր խնդրածներէն շատ բան ստացած ենք, կամ աւելի բան, կամ ոեւէ բան: Թէ արտօնուած ենք մեր անձերը ներկայութեանդ մէջ զգալ, դէմքիդ լոյսէն մաս մը մեր վրայ կրել, և այն գիտակցութիւնն ունենալ թէ Քու խորհուրդներդ մեր վրայ են և ոեւէ չափով Սուրբ Հոգւոյն ներշնչումն զգալ, արդէն աղօթքի պատասխան մըն է, որ կը գերազանցէ մեր բոլոր խորհիլ կրցած բաները: Ուրախ ենք որ կրնանք փառաբանել, ուրախացնել Քեզ որ մեր գործերով կը հետաքրքրուիս, որ մեզ գիտակից կը պահես Քու համակրանքիդ և այն իրողութեան թէ Դուն մեզի համար ի՛նչ ես և մենք Քեզի համար ի՛նչ ենք: Հենրի Ուարտ Պիչըր:

Չորրորդ Ետքը, Եօրեւոյ Օր

«Բայց դուն ինձի չկանչեցիր, ով Յակոբ, հապա ինձմէ ձանձրացար, ով Իսրայէլ:» Ես. ԽԳ. 22:

«Եւ քու անունդ կանչող չկայ, որ արթննայ և քեզմով ոյժ գտնէ. քանզի քու երեսդ մեզմէ ծածկեցիր, ու մեր անօրէնութիւններուն պատճառաւ մեզ մաշեցիր:» Ես. ԿԳ. 7:

Այս շարժումն ճշմարտութիւնն աչքի առջեւ ունենալով նկատեցէք թէ մարգարէն ո՛րքան բանաւոր կերպով ուժգնօրէն կը դատապարտէ աղօթագուրկ վիճակը: Կեանքէն վերցուր առանձնութիւնը ուր կրնայ լսուիլ Աստուծոյ ձայնը, ընդունական տրամադրութիւնը որ սիրով կ'ընդունի առաջնորդութիւն, Աստուծոյ ուղածը կատարելու յօժարակամութիւնը որ ունակաբար ինքզինք կը տրամադրէ Աստուծոյ, և այն յարաբերութիւնը որ Աստուծոյ թաքուն ազդեցութիւնը յայտնագործելու առիթ կու տայ, և ա՛լ ի՛նչ կրնայ ընել Աստուած ուէ կեանքի մը: Երկու դեռատի աղջիկներ աղօթքի վրայ կը վիճաբանէին: Անոնցմէ մէկն ըսաւ, «Դարձեալ երկու շաբաթ պիտի չաղօթեմ:» Յնցող լուծեան պահէ մը ետքը միւսը բացազանչեց. «Խեղճ Աստուած:» Այս բացազանչութիւնն արդեօք երեւան չի՞ բերեր աղօթքի ճշմարիտ փիլիսոփայութիւն մը: Խորհեցի՛ք այն քաներու ևնախն գորս Աստուած կ'ուզէ սալ եւ ընել մեր կեանքի միջոցաւ. եւ նկատեցի՛ք թէ աղօթքով եւ անընդունական անհրաժեշտ ի՛նչպէս արգելք կը հսկայիսանայ Աստուծոյ կամքին:

Աղօթք. Ամենակալ Աստուած և ամենողորմած Հայր, կը խնդրենք, մեզի պարգեւէ այն շնորհքը որ կարենանք արժանաւոր կերպով քննել մեր սրտերուն ներքնագոյն խորշերն ու մեր ամենաթաքուն խորհուրդները, երբ առջեւ կը կենանք, և այսուհետեւ չի տարուինք ընելու ոեւէ բան որ կրնայ Քու անունդ անպատուել, այլ կարենանք յարատեւել բոլոր բարի ձեռնարկներու և Քու ծառայութեանդ մէջ մինչեւ մեր կեանքին վերջը. եւ շնորհէ որ մենք այսօր, այս պահուս, տեսնելով մեր

մինչև ցարգ ըրածին ոչնչութիւնը՝ աշխուժիւ սկսինք
Քու առջեւդ քալել այնպէս ինչպէս կը վայլէ անոնց,
որոնք լոյսին ժառանգութեան կանչուած են Քրիստոս-
տով: Ամէն: Ծորձ Հիքս (1642-1715):

Մեկնաբանութիւն Գաբրուան Համար

Ա.

Բաւական զարմանալի է որ երբ մենք Աստուծոյ
անհատական սիրոյն և հոգածութեան մասին համոզուած
ենք, գժուարութենէ խուսափելէ աւելի գժուարութեան
կը հանդիպինք. ինչու որ կ'ըզանք թէ աղօթքի նկատ-
մամբ ամենահասարակ չփոթութիւններէն մէկուն գիրկը
կը դիմենք ուղղակի: Աստուած համակ իմաստուն և բո-
լորովին բարի է. ուրեմն ինչո՞ւ մատուցանենք իրեն մեր
սխալական ու սոգէտ բաղձանքները: Ան գիտէ թէ մենք
ինչ բանի պէտք ունինք. ի՞նչ հարկ իրեն ըսել: Անոր
սէրը մեզի համար լաւագոյնը կ'առաջադրէ, ինչո՞ւ ա-
զաչել իրմէ: Ինչո՞ւ մենք, տկար և սխալական մահ-
կանացուներս ստիպենք բարին Աստուած բարիք գործել
տշխարհի մէջ: Ռուսոյ ողջմտօրէն չի՞ խօսիր, երբ կ'ըսէ,
«Ես կ'օրհնեմ զԱստուած, բայց չեմ աղօթեր: Ինչո՞ւ
լինդրեմ իրմէ որ ինձի համար փոխէ իրերու ընթաց-
քը: Ես որ ամէն բանէ առաջ պարտիմ սիրել իր ի-
մաստութեամբ հաստատուած և իր նախախնամութեամբ
անխախտ պահուած կարգը, ուղեւի՞ն եմ միթէ որ այդ
կարգը լուծուի իմ պատճառաւ:»

Աղօթքի դէմ այս առարկութիւնն աւելի զօրաւոր
է, որովհետեւ ան իր մէջ պարունակել կը թուի ակնա-
ծանք և խոնարհութիւն Աստուծոյ առջեւ: «Կ'ընդու-
նինք ինչ որ Աստուած կը զրկէ,» կ'ըսէ առարկողը.
«ոչ մէկ բանի համար կ'աղօթենք: Մենք լիովին կը

վստահինք Անոր: Մեր տգիտութեան մէջ կրնա՞նք
միթէ թելադրել Անոր ուէ բան, որու մասին ինք
խորհած չըլլայ կամ զոր ինք մոռցած ըլլայ. և կամ մեր
տկարութեան մէջ կրնա՞նք միթէ զԱյն փաղաքշելով
ընել տալ բան մը զոր ինք այլեպէս առաջադրած էր
ընել: Լաւ է յաւէտ 'թողուլ զինք որ իրեն բարի
թուածն ընէ:» Այս յոեսակ խօսքը անկեղծ հաւատքի
հնչիւնն ունի: Անիկա կու գայ Աստուծոյ նախախնամու-
թեան վրայ զօրաւոր և ուրախ հաւատքէ մը: Մարդը
կը խորշի աղօթքէ ակնոր հաւար որ յիստրախակ եւ յակ-
դուակ կը բռնի որ sqիստրախակը դաս սայ կասարեայ իսխա-
ստրեակ, եւ մարդկային շարտրախակը ձեռնարկէ հաւնողը
կասարեայ սերը բարիք գործելու:

Հետաքրքրական է ուրեմն գտնել թէ մեր Տէրովը
թախանձագին աղօթքի կեանքը հաստատուած էր բուն
այս գաղափարներուն վրայ, որոնք այժմ իբր փաստ կը
գործածուին աղօթքի դէմ: Անկէ առաջ կամ անկէ վերջ
ոչ մէկը ճիշդ այնքան զօրաւոր կերպով հաւատացած է
Աստուծոյ իմաստութեան և սիրոյն: Ասոնք միթէ անոր
պատճառնե՞ր կը թուէին աղօթքը լքելու: Ընդհակա-
ռակն, Աստուծոյ իսխաստրախակն ու սերը ակնոր աղօթքին
հիմներն էին: Ան Աստուծոյ բարութեան մէջ կը տեսնէր
աղօթելու զօրաւոր պատճառ մը: «Ուստի, եթէ դուք,
որ չար էք, ձեր զաւակներուն աղէկ ընձաներ տալ
գիտէք, որչափ աւելի ձեր Հայրը որ երկինքն է, բարի
ըսներ պիտի տայ անոնց որ իրմէ կը խնդրեն» (Մատ.
է. 11): Ան Աստուծոյ գիտութեան մէջ կը գտնէր ա-
պահովիչ վստահութիւն մը, երբ կ'ըսէր. «Ձեր Հայրը
ձեզի պէտք եղածը գիտէ՝ դեռ դուք իրմէ չխնդրած»
(Մատ. 2. 8): Բուն իսկ Աստուծոյ իմաստութեան և
սիրոյն պատճառաւ է որ մեր Տէրը ըսել կը թուի, Վստա-
հութեամբ աղօթեցէք: Մի խորհիք թէ դուք ձեր խըն-

գիրքով ձեր պէտքին նկատմամբ Աստուծոյ տեղեկութեան վրայ կրնաք բան մը աւելցնել կամ Անոր յաւելուածական բարեացակամութիւն մը ներշնչել: Դուք չէք կրնար այդ ընել: Ան ձեր պէտքերը գիտէ առաջուց, և աւելի յօժար է տալ քան դուք յօժար էք ընդունիլ: Դուք կրնաք սակայն բան մը ընել: Կրնաք ճամբան բանալ Աստուծոյ իր ուղածն ընելու համար: Ազօթքը չի կրնար փոխել Աստուծոյ գիտաւորութիւնը, բայց կրնայ արձակել զանիկա: Աստուած չի կրնար գոց սրտով մարդուն համար ընել ինչ որ կրնայ բաց սրտով մարդուն համար ընել: Դուք կրնաք առիթ մը տալ Աստուծոյ որ գործէ ձեր մէջ, ձեզի համար և ձեր միջոցաւ: Աղօթքը պարզապէս պատեհութիւնն սալ է ինսուսուն եւ բարի Աստուծոյ՝ ընելու ինչ որ Իր ինսուսութիւնն ու սերը կ'ուզեն որ կատարուի:

Բ

Այս տեսակէտը ազօթքի Քրիստոնէական ըմբռնութիւն մէջ յատկանշական տարր մըն է, և զայն հասկնալ մեծապէս կարեւոր է:

Այն պատճառաւորութիւնը թէ Աստուած անհուճօրեկ բարի եւ ինսուսուն շրջալուս հասար աղօթքը աւելորդ է՝ երկու պատճառներով վրայ կը կոթնի: Առաջինն այն գաղափարն է թէ ազօթքը ջանք մըն է Աստուծոյ խնդրանքով ապահովելու բան մը, զոր Ան երբեք մտադրած չէր կամ այլապէս մտադրած էր: Բայց Քրիստոնէական ազօթքը առիկա չէ երբեք: Ափրիկեցի վայրենին իր կուռքը կը ծեծէ, երբ խնդիրք մը անպատասխան մնայ: Ան կը ջանայ իր կուռքը իր ստրուկն ընել: Անոր միակ խորհուրդն է ուղածն ստանալ: Քրիստոնէական ազօթքն է Աստուծոյ առիթ մը տալ իր ուղածն ընելու,

ինչ որ Ան զուր տեղը, թերեւս տարիներով, կը ջանար ընել մեր կեանքին մէջ, արգիլուած ըլլալով մեր անպատրաստութենէն, մեր ընդունելու անտրամադրութենէն, և մեր գոց սրտերէն ու անհաղորդ մտքերէն: Աստուած շատերու կեանքին վերեւ կը կենայ, ինչպէս մեր Տէրը Երուսաղէմի վերեւ, ըսելով, «Քանի՞ անգամ ուզեցի... և դռն չուզեցիք» (Մատ. ԻԳ. 37): Ճշմարիտ ազօթքն է որ կը փոխէ ասիկա, զուրը կը բանայ Աստուծոյ կամքին: Չի փոխեր Աստուծոյ ծրագիրը, այլ անոր ազատ անցք կու տայ: Աստուծոյ մուրալ չէ այն, այլ Անոր հետ գործակցութիւն մը: Թրէնչ Արքեպիսկոպոսի յստակ յայտարարութեամբ, «Մեկ աղօթքը նկատուի չեմք իբր յաղթութիւն մը Աստուծոյ դիմադրութեանը վրայ, այլ իբր կատար մը Անոր անհաղորդ յօժարութեան:»

Միւս պատճառքը, որ հիմը կը կազմէ այն խորհուրդին թէ Աստուծոյ իմաստութիւնն ու սէրը աւելորդ կը դարձնեն ազօթքը՝ սա մտածումն է թէ Աստուած իր ամէն ուղածը կրնայ ընել առանց մեր կողմէ ունէ օգնութեան: Բայց չի կրնար: Յետիկ փորձառութիւնը յստակ է թէ Աստուած կարգ մը բաներ չի կրնար ընել միւսին որ աղօթող մարդ մը չի գտնու: Եւ արդարեւ միտիկ Մայթեր էքնարթ ծայրագոյն խիղախութեամբ կ'արտայայտէ այս ճշմարտութիւնը. «Աստուած այնքան քիչ բան կրնայ ընել առանց մեզի որքան մենք առանց Իրեն:» Եթէ ասիկա սկիզբէն բիրտ յայտարարութիւն մը կը թուի, կրնանք խորհիլ թէ Աստուծոյ կամքը քանի՞ կերպերով կախում ունի մարդուն գործակցութենէն: Աստուած ինքնին չի կրնար ընել կարգ մը բաներ, եթէ մարդիկ չի խորհին: Ան իր ճշմարտութիւնը երբեք չի փայլեցնէր երկինքի վրայ որպէս զի մարդիկ կարենան զայն գտնել առանց փնտրելու: Այն ատեն

միայն եբբ մարդիկ իրենց մտքերը գօտեպնդեն և անվհատօրէն անձնատուր ըլլան մտաւոր աշխատանքի, կը յայտնէ Աստուած ճշմարտութիւնը նոյն իսկ Ֆիլիպական աշխարհի նկատմամբ: Եւ Աստուած ինքնին չի կրնար ընել կարգ մը բաներ, եթէ մարդիկ չաշխատեն: Մարդ մը կրնայ միթէ ըսել թէ եբբ Աստուած պէտք ունենայ կամուրջներու և ներքնուղիներու, փայլակները զսպելու և մայր եկեղեցիներ կառուցանելու, ինքն է որ կը կատարէ գործը: Ատիկա այլանդակ և անպէտ ճակատագրականութիւն է: Աստուած բլուրները կ'օժտէ մարմարինով, բայց երբեք Պարթենոն մը չի կառուց, կը լեցնէ լեռները հանքերով, բայց երբեք ասեղ մը կամ վայրաշարժ մը չի շինեց: Եբբ մարդիկ կը գործեն, ա՛յն ատեն միայն կրնան կարգ մը բաներ շինուիլ: Յիշեցէք ջուրթակագործ Սթրատիվարիի խօսքերը, ձորձ էլիօթի կողմէ մեկնաբանուած.

«Եբբոր վարպետ մը բռնէ ծընօտին
Ու ձեռքին միջեւ ջուրթակ մը ինծմէ,
Ուրախ պիտ' ըլլայ որ Սթրատիվարի
Ապրեր, շիներ է ընտիր ջուրթակներ:
... Զի մինչ Աստուած ձիրք շնորհած է անոնց՝
Ես ալ գործիքներ կու տամ նուագելու,
Զէ՞ որ Աստուած զիս ընտրեց օգնական...
Եթէ իմ ձեռքերս անգործ մընային,
Պիտի գողնայի հարուստ Աստուծմէն,
Ոչինչ թողելով ջուրթակներու տեղ:
... Տէրը Անտոնիոյ Սթրատիվարիի
Ջուրթակներն շինել պիտի չի կրնար՝
Առանց Անտոնիոյ Սթրատիվարիի:»

Արդ, եթէ Աստուած կարգ մը բաներ մարդուն խորհնչեմ և գործեղեմ իբր կախում ունեցող մաս թողած է, ինչո՞ւ չի կարենայ կարգ մը բաներ ալ թողած ըլլալ իբր

մարդուն աղօթեղեմ կախեալ: Մեծ հոգիներուն վկայութիւնը պարզ հաստատումն է ասոր. կարգ մը բաներ չեն ըլլար երբեք առանց խորհելու. կարգ մը բաներ չեն ըլլար երբեք առանց գործելու. կարգ մը բաներ ալ չեն ըլլար երբեք առանց աղօթելու: Աղօթքը Աստուծոյ հետ մարդուն գործակցութեան (երեկ կերպերեմ անկն է:

Հետեւաբար, Աստուծոյ ամենագէտ և ամենաբարի ըլլալը պատճառ մը չէ աղօթքը լքելու, ինչպէս պատճառ չէ խորհուրդն ու գործը լքելու: Այս երեքէն ոչ մէկը կը նշանակէ Աստուծոյ կամքին հակառակ ունէ բան ունենալու ճիգ, և երեքն ալ հաւասարապէս անհրաժեշտ են Աստուծոյ կամքը տիրական դարձնելու մարդկային կեանքին մէջ: Ո՞վ երբեք պիտի մտքէն անցընէր ըսել, Աստուած ամենիմաստուն է, զիտէ ամենալաւը, ամենաբարի է, և կու տայ ամենալաւը, ինչո՞ւ ուրեմն խորհիմ ես կամ գործեմ: Բայց ասիկա ճիշտ նոյնքան բանաւոր է որքան ըսել, եթէ Աստուած բարի է, ինչո՞ւ աղօթեմ ես: Մեկ կ'աղօթեմ եւ յայտնաւորում որով կը խորհիմ եւ կը գործեմ. ինչո՞ւ որ այս կերպով ե որ խնայում եւ բարի Աստուած կրնայ կասարեղ կարգ մը գործեր, որոնց կասարումը կ'ուզէ:

Արդարեւ բաւական անիմաստ բաներ կը խօսուին աղօթքի միակ զիրքին վրայ: Իբր թէ այն է համակերպութիւն Աստուծոյ կամքին: Ոչ թէ Աստուծոյ կամքին համակերպութիւն, այլ Անոր կամքին հետ գործակցութիւնն է Բրիտանիայի կեցուածքը: Մեկ ուրիշ ռեւե սեղ չեմ հաւակերպիր: Անշրջի անապատ մը կը գտնենք և, համակերպելէ հետո, կ'ոտոզենք զայն մինչեւ որ պարտէզի մը պէս ծաղկի: Փշալից կակտենի մը կը գտնենք, և Լուսեր Պուրպէնքի պաշտօն կը յանձնենք ուտելու յարմար անփուշ տունկ մը դարձնել զայն:

Գերութեան նման ընկերային չարիքներ կը գտնենք, և Մովսէսէ մինչեւ Լինքըն՝ մեր մէջ բոլոր ամենալաւերը կը յօժարին յաւէտ իրենց կեանքը տալ քան թէ անիրաւութեամբ գոհանալ: Չար կամ անկատար բաներու համակերպիլ մեզք է: Եւ ցեղին բոլոր զիւցաղները այն աստիճան դժգոհ և անհամակերպող եղած են որ Պլէյքի մարտակոչը համապատասխան գտնուած է անոնց բուն որոշումին:

«Չեմ ուզեր դադրիլ մըտաւոր պայքարէն,

Ոչ ալ իմ սուրբս պիտի քընանայ,

Մինչեւ որ չինենք մենք երուսաղէմն

Անզղիոյ կանանչ, սիրուն հողին վրայ:»

Այս չի համակերպող կեցուածքը, նկարագրի ազնուութենէ անբաժան, Աստուծոյ դէմ ըմբոստութիւնն չէ, այլ Անոր հետ գործակցութիւն: Մարդիկ կը գործեն այն ենթադրութեամբ թէ ներկայ կացութիւնը կրնայ առժամապէս Աստուծոյ կամքն ըլլալ, և թէ Ան զիրենք անոր մէջ դրած է որպէս զի իրենք իրենց ճամբայ բանան դէպ ի կացութիւն մը, որ անոր բուն կամքն է: Եւ այս վախճանին համար անոնք կը խորհին, կը գործեն եւ կ'աղօթեն: Այս երեքին մէջ համակերպութիւնն այն մտքով է որ երեքին միջոցաւ մարդիկ կը ջանան դռները բանալ՝ ազատ անցք տալու համար Աստուծոյ խափանուած կամքին: Անոնք ոչ թէ Աստուծոյ նպատակին կը հպատակին, այլ դայն կը հաստատեն: Ազօթքը, միւս երկուքին պէս, իր ամենալաւ ձեւին մէջ երբեք չըսեր, Քու կամքդ փոխուի, այլ երկիւղով կ'ըսէ, Քու կամքդ ըլլայ:

9.

Որպէս զի կարենանք յստակօրէն ըմբռնել Աստուծոյ անկարողութիւնը իր կամքը գործադրելու մինչեւ

որ մարդիկ ազօթքով գործակից ըլլան, կրնանք նկատել նախ թէ կան բաներ, զորս Աստուած չի կրնար ընել մարդոց մինչեւ որ անոնք չազօթեն: Ազօթքի մասին մեր ամենամեծ սխալ ըմբռնումներէն մէկը սա է թէ այն է գլխաւորաբար Աստուծոյ խօսիչ, մինչդեռ ազօթքին ամենալաւ մասն է Աստուծոյ մտիկ ընելը: Սուրբ Գրոց մէջ երբեմն ստիպողական և որոշեալ խնդիրքի ազօթք մը կը տեսնուի. «Երանի՛ թէ ուզածս կատարուէր, և տար Աստուած այն բանը՝ որուն կ'սպասեմ» (Յուր. 2. 8): Բայց ուրիշ տեսակ ազօթք մը կը նշանակուի շատ յաճախ. «Խօսէ, Տէր, քանզի քու ծառայ մտիկ կ'ընէ» (Ա. Թագ. Գ. 10): «Ով իմ անձս, միայն Աստուծոյ սպասէ, վասն զի անկէ է իմ յոյսս:» Սաղ. ԿԲ. 5: «Պիտի լսեմ ինչ որ խօսի Տէր Աստուած:» Սաղ. ՁԵ. 8: «Տէրոջը համբերէ և անոր սպասէ:» Սաղ. ԼԷ. 7: Աստուծոյ հանդէպ առանց այս տեսակ բացարձակութեան կարելի չէ որ կատարուին կարգ մը բաներ զորս կ'ուզէ ան:

Մատամ աը Սթաէլ, երկու ժամ տեւող այցելութենէ մը յետոյ, որու միջոցին շարունակ խօսած էր ինք, կ'ըսուի թէ մեկնելու ատեն ըսաւ. «Ինչ հաճելի խօսակցութիւն մը ունեցանք:» Շատ ու շատ ազօթքներ այս ծրագրին վրայ կ'ընթանան: Սա վանարդայի հեգնական դիտողութիւնը թէ իր ժամանակին սուրբերն «այնքան զբաղած էին Աստուծոյ խօսելով որ չէին կրնար մտիկ ընել Անոր:» մեզի կիրարկելի է գոնէ սա իմաստով թէ մենք քիչ անգամ մտիկ կ'ընենք: Մուրճով այնքան աշխուժիւ կը զարնենք որ ճարտարագետը չի կրնար ուրուագծերուն մասին մեզի հետ խօսիլ: Նաւարկելու գործով այնքան զբաղ ենք որ մեր ուղղութիւնը երկինքէն չենք առներ: Երբ հողին դրան առջև կանգնած կը բախէ, առտնին գործերու աղմուկը կը

խեղզէ անոր բախումին ձայնը : Աստուած դժուարութիւն կ'ունենայ մինչեւ անգամ կողմնակի բառ մը խօսելու : Եւ այսպէս ընթացող կեանքերու մէջ կան բաներ , զորս Աստուած իր բովանդակ գիտութեամբն ու բարեաշակամութեամբ չի կրնար ընել : Աշխարհի իրական ծառաներու մասին պատահական ուսումնասիրութիւն մը անգամ պիտի յայտնէ թէ անոնց տեսիլքին ու դրդումին ո՛րչափ մասը հանդարտ և ընդունական պահերու մէջ եկան : Աղօթքը Աստուծոյ պատեհութիւն կու տայ խօսելու , ինչու որ աղօթքը մտիկ ընող ականջն է :



Թէ Աստուծոյ կամքը մարդուն աղօթքին գործակցութենէն կախուած է՝ կրնայ տեսնուիլ նաև այն իրողութեան մէջ թէ Աստուած կարգ մը բաներ չի կրնար տեսնուիլ մարդոց մինչեւ որ անոնք չաղօթեն : Սուրբ Գրոց ամենավրդովիչ համարներէն մէկը մեզի կ'ըսէ թէ Աստուած աւելի յօժար է տալու մեզի քան որ հայրերը յօժար են իրենց զաւակներուն տալու : Մատ. է. 11 : Ասիկա ոմանց կը թուի լոկ զգայականութիւն , չափազանցուած խօսք մը բանաստեղծական պահու մը մէջ ըսուած : Ուրիշներուն , սրտնք զուր տեղ աղաչած են իսկապէս բարի երեւցող բաներու համար , ծաղրելի կը ուի : Եթէ Աստուած յօժար է տալու , ինչո՞ւ չի տար : Ի՞նչ բան կ'արգիլէ զինք : Ի՞նչպէս կրնայ ան յօժար ըլլալ տալու , երբ ամենակարող ըլլալով հանդերձ դեռ չի տար : Մարդկային կեանքի վրայ նոյն իսկ հարեւանցի գննութիւն մը , սակայն , կրնար տալ ասոր պատասխանը : Տարր պարզ բան մը չե . անիկա երկկողմնակի գործ մըն է՝ որուն մեջ ընդունողը տուողին չափ կարեւոր գործօն մըն է :

Ոչ մէկ տառապանք աշխարհի վրայ աւելի ողբերգական է քան իր տալու բաղձանքին մէջ արգիլուող մեծ ոէրը : Եթէ հայր մը կ'ուզէ իր որդիին կրթութիւն տալ , ինչո՞ւ չի տար : Եթէ ան կը տեսնէ պէտքը , ունի միջոցները , յօժար է , նոյն իսկ կ'անձկայ տալու , ի՞նչ բան կ'արգիլէ զինք : Ո՞րքան պարագաներու մէջ պարզ է պատասխանը . տղան իսկական փափաք չունի , ոչ ալ անկեղծ խնդիրք՝ իր հօրը տալ ուզած բարիքին համար : Հայրը ճարահատ է : Պէտք է սպասէ . իր սէրը արգիլուած է , յօժարութիւնը՝ խափանուած , մինչեւ որ խնդրուածք մը , որքան ալ տկար , չարթննայ տղուն սրտին մէջ : Լաւագոյն պարգեւները չեն կրնար ուրիշի մը կեանքին մէջ ձգուիլ , ինչպէս քարեր սակառի մը մէջ : Անոնք առևտուրու են , եթէ ոչ չեն կրնար տուիլ : Յիսուս այս երկու գործօններուն մասին կը խորհէր , երբ Սամարացի կնոջ ըսաւ , «Եթէ դուն զիանայիր Աստուծոյ պարգևը . . . դուն անկէ պիտի ուզեիր» (Յովհ. Դ. 10) : Ընդունական սիրտը բացարձակ նախապայմանն է ըսոր մեծ պարգեւներուն , եւ Աստուած անգամ չի կրնար ձեռքէն եկածը շնորհել մարդոց՝ մինչեւ որ անոնք չաղօթեն :

Հետեւաբար , երբ կ'աղօթենք , գլխաւորաբար մեր ուզածին ուշադիր , հաւանական է որ յուսախաբ ըլլանք : Բայց երբ կ'աղօթենք , գլխաւորաբար Աստուծոյ մեզի տալ ուզածին ուշադիր , որ է թերեւս ոյժ՝ կրելու համար այն նեղութիւնը որմէ խոյս տալ կ'ուզենք , կամ համբերութիւն՝ սպասելու համար այն օրհնութեան զոր հիմա կը խնդրենք , կամ առաջնորդութիւն ծառայութեան այն ձամբէն՝ որմէ աղատիլ կը փնտռենք , երբեք պէտք չունինք յուսախաբ ըլլալու : Մարդիկ , որոնք Աստուծոյ կու գան ոչ թէ քեղադրելու , այլ ընդունելու հաւատ , շիտակ փողմէն կը մօտենան աղօթքին : Անոնք հասկցած են որ

աղօթքը Աստուծոյ առիթ մը տալ է շնորհելու ինչ որ ան աւելի յօժար է տալու քան որ մենք ենք ընդունելու : Աղօթքը ընկալուչ ձեռքն է : Տասնըվեցերորդ դարու միասիկ մը ըսած է . «Աղօթքն է Աստուծմէ խնդրել ոչ թէ ինչ որ մենք կ'ուզենք , այլ ինչ որ ինք մեզմէ կ'ուզէ :»

Ն

Թէ Աստուծոյ կամքը մարդուն աղօթքին գործակցութենէն կախուած է՝ կրնայ տեսնուիլ նաեւ այն իրողութեան մէջ թէ Աստուած չի կրնար կարգ մը բաներ ընել մարդոց միջոցաւ մինչեւ որ անոնք չաղօթեն : Շատեր , այսօր , հակառակ բազմազգաղութեան , հարբատութեան , և մեր Քրիստոնէական գործին ուժեղ կազմակերպութեան , կ'ողբան իրական գորութեան պակասը : «Ի՞նչ կայ ,» կ'ըսէ գործնական մարդը . «չէ՞ որ մենք մեր ժամանակը , զրամը և տաղանդը Աստուծոյ ծառայութեան տուինք բազմաթիւ անշահախնդիր և նուիրական եղանակներով : Ինչո՞ւ Աստուծոյ համար այսքան մարդոց գործելով աւելի բան մը չեղաւ :» Պատասխանը պարզ կերպով գրուած է պատմութեան մէջ : Այն հոգիները , որոնք հոգեւոր կեանքի նոր շրջաններու առաջնորդ եղան , երբեք չի բաւականացան Աստուծոյ հաւատ գործելով : Անոնք իրենց գաղափարական ըրին քողով որ Աստուած գործե իրենց միջոցաւ : Գիտնական մը հաշիւ ըրած է որ ազարակապանին աշխատանքը հինգ առ հարիւրն է այն ուժին , որ կը վատնուի ցորենին բերքը յառաջ բերելու համար . միւս իննսուներհինգ առ հարիւրը բաժինն է Բնութեան , որ ազարակապանին իրեն տուած առիթը կ'օգտագործէ : Այսպէս , ուրեմն , Աստուծոյ այս մեծագոյն ծառաները

խորհած չեն գլխաւորաբար այն մասին (թէ) իրենք ի՞նչ կրնային ընել Աստուծոյ համար , այլ սա մասին թէ Աստուած ի՞նչ կրնար ընել իրենց միջոցաւ , եթէ միայն պատենութիւն տային Անոր : Աստուծոյ ձեռքերուն մէջ դիւրաթեք ըլլալ անոնց առաջին նպատակն էր : Երբեք Անոր կամքին անհամապատասխան չըլլալ իրենց գերագոյն մտահոգութիւնն էր : Անոնք , հետեւաբար , Թոմաս Հուքլըրի հետ կ'ըսէին , «Աղօթքը իմ աւագ գործս է , եւ ակնոր միջոցաւ է որ մնացածները կը կատարեմ :»

Ոչ ոք կրնայ Սուրբ Գրոց և կամ Քրիստոնէական կենսագրութեանց էջերուն վրայէն անցնիլ Թագաւորութեան այս մեծագոյն ծառաներուն հետ՝ առանց զգալու անոնց գորութիւնը : Անոնք Աստուծմէ գրաւուած են : Անոնց յատկանշական բարեմասնութիւնը Յիսուսի մէջ կը գտնուի : Ոչ թէ իմ խօսքս , այլ Հօրս խօսքը , ոչ թէ իմ գործերս , այլ Անոր գործերը . ան որ ինձի կը հաւատայ , ոչ թէ ինձի , այլ զիս զրկողին կը հաւատայ : Յովհ . ԺԴ . 24 , Թ . 4 , Ե . 24 : Անոնց կեանքին գաղտնիքը նեղուսի գաղտնիքին կը նմանի . անոնք անտեսանելի ակերու խողովակներ են : Այս տեսակ ապրումի մը գաղափարականը աւելի խոր է քան Աստուծոյ համար գործելը : Իրենց կեանքերով Յաւիտենական Նպատակին ազատ ասպարէզ բանալ աշխարհի վրայ , ըլլալ անիւ մը ուժի զոր իրենք չեն գոյացներ , այլ կը փոխանցեն—այս է անոնց գաղափարականը : Անոնք կ'աղօթեն , ինչու որ իւրացուցած են Գերման միստիկին գերագոյն փառասիրութիւնը . «Ես պիտի ուզեի Յաւիտենական Բարոյութեան ըրից ինչ որ մարդուս աջն է իրեն :

Աստուած այս դիրքը բռնող մարդոց միջոցաւ միայն կրնայ կատարել իր ընտրելագոյն գործը : Կեանք մը , որուն բոլորովին կը պակսի այս կեցուածքը , ուժի տարրերու պէտք ունի : Ուստի երբ մարդ մը կ'աղօթէ՝

գլխաւորաբար ուշադիր ա՛յն բանին զոր ինկ կ'ուզէ կատարուած տեսնել, իր աղօթքը ձախողանք մըն է: Բայց երբ կ'աղօթէ որպէս զի իր կեանքովը կարենայ առիթ տալ որ Աստուծոյ ուղածը կատարուի, գտած է մեծ գաղտնիքը: Անոր միջոցաւ, անոր ունակօրէն աղօթելով, Աստուած կրնայ ընել ինչ որ այլապէս անկարելի պիտի ըլլար: Այսպէս ինկ աշխարհի վրայ Աստուծոյ բաց դռներէն մեկը կ'ըլլայ:



Ուրեմն, աղօթքի մասին երկու հիմնովին ներհակ գաղափարներ ունինք. մէկը այն թէ մենք խնդրելով կրնանք փոխել Աստուծոյ կամքը, և փաղաքշանքով շնորհք ձեռք բերել կամ ողորփելով պարզեւններ շահիլ. միւսը այն թէ աղօթելով Աստուծոյ պատեհութիւն կու տանք մեզի ըսելու, տալու և մեր միջոցաւ ընելու ինչ որ ինք կ'ուզէ: Երկրորդն է միայն ֆրիստու նէական: Իսկոյն կը տեսնենք որ երկրորդը, ոչ նուազ քան առաջինը, և աւելի ճշմարիտ կերպով մը, աղօթքը կը վերածէ ոչ թէ ձեւի, այլ զօրութեան: Իրաւ է որ աղօթքը բաներ կ'ընէ: Բայց չի կրնար փոխել Աստուծոյ մտադրութիւնը, այլ կը փոխէ Անոր գործունեութիւնը: Աստուած վաղուց մտադրած էր որ Եսայի իրեն մարգարէ ըլլար: Երբ Եսայի ըսաւ, «Ահա, ես, զիս զրկէ», ան ամենազոյզն չափով մը չի փոխեց աստուածային մտադրութիւնը, այլ ազատ ասպարէզ բացաւ անոր, այնպէս որ Աստուած այլ ևս կրնար ընել ինչ որ առաջ չէր կրնար: Աստուած վաղուց մտադրած էր որ աւետարան քարոզուի Ափրիկէի: Երբ Լիվիսկոթոն ազաղակեց, «Ով Աստուած, օգնէ ինձի այս մութ երկիրը ձերմկցնելու,» ան չի փոխեց Աստուծոյ մտադրութիւնը,

այլ փոխեց անոր գործունէութիւնը: Ոյժը արձակուեցաւ, որ առաջ փակուած կը մնար: Մարդու մը աղօթքին գործակցութիւնը, իր կեանքովը զօրացած, ճամբայ մը բացաւ աստուածային դիտաւորութեան: Աստուած Լիվիսկոթոնի միջոցաւ արչաւեց աշխարհի վրայ: Ոչ մէկը կրնայ ճշդիւ սահմանել աստուածային ուժին այս ազատ արձակումը, զոր արդար մարդու մը աղօթքը կրնայ յառաջ բերել: Պենտեկոստէն նշանակալից է: «Ու երբ անոնք աղօթք ըրին, շարժեցաւ այն տեղը՝ ուր ժողովուած էին, և ամէնքը Հոգւով Սրբով լեցուեցան, ու Աստուծոյ խօսքը համարձակ կը խօսէին» (Գործ. Գ. 31):

ՄՏԱԾՈՒՄԻ ԵՒ ՔՆՆՈՒԹԵԱՆ ՀԱՄԱՐ ԹԵԼԱԳՐՈՒԹԻՒՆՆԵՐ

Երբ Աստուած արեւագեհ և արեւաբարի է, ի՞նչ է աղօթքը օգուտը:
 Աղօթքը կրնայ Աստուծոյ ծրագիրները փոխել: Եթէ ոչ, ի՞նչ օգուտ ունի աղօթելը:
 Աստուծոյ ծրագիրները ո՞րչափ կախում ունին անհատներէ:
 Աստուծոյ մտադրութիւնը կրնայ խափանուիլ անհատի մը գործակցելու թերացումէն:
 Եթէ Աստուած ուէ կերպով անհատներու գործակցութենէն կախում ունի, ասիկա արդեօք կը հակասէ՞ անոր գերիշխան զօրութեան և իմաստութեան:
 Սուրբ Գրոց մէջ արձանագրուած փորձառութիւններն ի՞նչ յոյս կ'արձակեն աղօթքի հարցին և Աստուծոյ բարութեան վրայ:
 Յակոբոսի և Յովնաննէսի խնդրուածքը ի՞նչ նկատմամբ կը տարբերէր ճշմարիտ աղօթքէ:

Աստուծոյ բարութեան վրայ Յիսուսի հաւատքը
ինչո՞ւ աղօթելու վստահութիւն կու տար անոր :

Ութսունըմէկերորդ Սաղմոսին մէջ յիշուած ա-
ղօթքին և փողոցներուն անկիւնը կեցող կեղծաւորնե-
րուն աղօթքին մասին Յիսուսի տուած մեկնութեան
միջև ուժի տարբերութիւնն ի՞նչ է :

Գեթսեմանիի իր աղօթքին մէջ ի՞նչ էր Յիսուսի
դիրքը Աստուծոյ կամքին հանդէպ :

Սակե՛ն մարդու կեանքին մեջ ի՞նչ տեղ ունի աղօթքը՝
Աստուծոյ կամքը գտնելու և կատարելու մասին :

ԳԼՈՒԽ Ե

ԱՐԳԵԼՔՆԵՐ ԵՒ ԴԺՈՒԱՐՈՒԹԻՒՆՆԵՐ

Օրակսն ընթերցուածք

Հինգերորդ Շաբաթ, Առաջին Օր

«Բայց ինչ որ ինձի շահ էր, զանիկա Քրիստոսի
համար վնաս սեպեցի: Եւ իրաւ բոլոր բաներն ալ վնաս
կը սեպեմ իմ Տէրոջս Քրիստոս Յիսուսի գերազանց
գիտութեանը համար, որուն համար ամէն բանէ զրկուե-
ցայ և ազտեղութիւն կը սեպեմ, որպէս զի Քրիստոսը
շահիմ, ու իր մէջ գտնուիմ:» Փիլիպ. Գ. 7-9:

Մենք խօսեցանք աղօթքի արտօնութեան վրայ,
այսինքն գերագոյն պատենութեան վրայ Աստուծոյ հետ
բարեկամութեան, որ կենսունակ կը պահուի հանդարտ
հազորակցութեամբ. և հիմա կրնանք կանգ առնել և
հաշուել թէ քանի՛ի կը նստի ան: Պօղոս բոլոր Քրիս-
տոնեայ տեսանողներուն մէջ տիպարական է, երբ կը
գտնէ թէ «Քրիստոս Յիսուսի գիտութեան գերազան-
ցութիւնը» ձեռք չի բերուիր առանց կարգ մը բաներ
վնաս սեպելու: Սուղ գնով կը շահուի ակնշուշ կեանք մը,
որ կրնայ իրապէս աղօթել: Վաղարի կը պատմէ թէ Ռա-
ֆայէլ սովոր էր խաւաքարտէ գգակի մը մէջ ճրագ մը
կրել, որպէս զի նկարելու միջոցին անոր շուքը նկա-
րին վրայ չիյնար: Շատերուն աղօթքները կ'աւրուին
իրենց իսկ շուքով: Անոնց կեանքին մէջ կան բաներ

որոնցմէ պէտք է հրաժարիլ, եթէ երբեք ճշմարտապէս աղօթելու են: Պէտք է որ անոնք հրաժարումի ճրագը կրեն իրենց ճակտին վրայ իրենց գործին սիրոյն համար: Նկատի առէք ձեր կեանքին մէջ յոռի կացութիւններ, սիրուած մեղքեր, գէշ ունակութիւններ, որոնք ունէ խոր և անկեղծ կերպով աղօթելը դժուար գործ մը կը դարձնեն:

Աղօթք. Ով Տէր, եկուր շուտով և թագաւորէ գահիդ վրայ, ինչու որ բան մը յաճախ իմ մէջս կը բարձրանայ և կը ջանայ գրաւել գահդ: Հպարտութիւն, ընչասիրութիւն, անմաքրութիւն և հեղգութիւն կ'ուզեն իմ թագաւորներս ըլլալ. և յետոյ չարախօսութիւն, բարկութիւն, ատելութիւն և մոլութեանց ամբողջ շարանը ինծի հետ կը միանան անձիս դէմ պայքարելու համար և կը ջանան իշխել իմ վրայ: Ես կը դիմադրեմ անոնց, իրենց երեսին կը պոսամ, ըսելով, «Ես Քրիստոսէ զատ թագաւոր չունիմ»: Ով թագաւորդ Սաղաղութեան, եկուր և թագաւորէ իմ մէջս, ինչու որ ես Քեզմէ ուրիշ թագաւոր ունենալ չեմ ուզեր: Ամէն: Սբ. Բերնարդոս (1091—1153):

Հինգերորդ Ծաբար, Երկրորդ Օր

«Բանի մը համար հոգ մի ընէք. հապա ամէն բանի մէջ աղօթքով ու աղաչանքով, գոհութիւնով մէկտեղ, ձեր խնդրուածքը Աստուծոյ յայտնի ըլլայ: Եւ Աստուծոյ խաղաղութիւնը, որ ամէն միտքէ վեր է, ձեր սիրտերն ու միտքերը Քրիստոս Յիսուսով պիտի պահպանէ: Վերջապէս, եղբայրներ, ինչ որ ճշմարտութիւնով է, ինչ որ պարկեշտութիւնով, ինչ որ արդարութիւնով, ինչ որ մաքրութիւնով, ինչ որ սիրով, ինչ որ բարի համբաւով, ինչ առաքինութիւն և ինչ գովութիւն որ կայ, այն բաները խորհեցէք:» Փիլիպ. Դ. 6-8:

Մեծ աղօթքի և ուղիղ մտածումի վրայ Սուրբ Գրական համարներու այս կապակցութիւնը զիպուածական չէ: Մարդ մը չի կրնար գոհնիկ, վատթար և նողկալի խորհուրդներու անձնատուր ըլլալ սովորաբար, և յանկարծ անոնցմէ դուրս գալով մտնել Աստուծոյ հետ անխափան հաղորդակցութեան մէջ: Ինքնաշարժ մը կրնայ «կամաց»էն «արագ»ի բերուիլ ձեռքի մէկ հարուածով, բայց մարդուն միտքը՝ ոչ: Իրական աղօթքը կը պահանջէ ունակակամ ինքնազստում խորհեղութեամբ: Սրտով մաքրութիւնը կը տեսնեն զԱստուած: Շէքվուտ էտի կը պատմէ թէ Մատթասի Երիտասարդաց Քրիստոնէական Ընկերակցութեան մեծ չէնքը ամիսներով արգիլուեցաւ՝ տեղին ընտրուելէն, յատակագծին պատրաստուելէն և դրամին հայթայթուելէն յետոյ, որովհետեւ երկու հիւղակատէրեր չուզեցին գետնին կեղրոնը գտնուող փոքր հողամասի մը վրայ իրենց սեփականութեան իրաւունքը լքել: Ի՞նչ է արդեօք անունը մտքիդ մէջ տեղ բռնող այն հիւղակին, որ կ'արգիլէ նկարագրի և ծառայութեան մեծ չէնքը, որուն համար Աստուած ծրագիրներ և միջոցներ ունի պատրաստ:

Աղօթք. Ամենողորմած Հայր, որ մարդոց կամքերն ու սէրերը կը վարես, ինծի՝ Քու ծառայիդ սրտին ներշնչէ սուրբ բաղձանքներ և իղձեր, որպէս զի ամէն ստորին երեւակայութիւններ ու մեղսալից յղացումներ արտաքսուին: Ով Հոգիդ մաքրութեան և շնորհքի, մաքրէ իմ սրտիս խորհուրդները, և իմ բովանդակ էութիւնս Քրիստոսի օրէնքին հպատակեցուր: Իմ միտքս այնպէս ուղղէ և վարէ որ կարենամ միշտ ուղիղ, մաքուր և բարի բաներու վրայ խորհիլ: Թոյլ մի տար որ ապականած խորհուրդ մը իշխէ իմ վրայ: Մտիք իմ հոգիիս բնակարանին մէջ. զայն ընդարձակէ, նորոգէ և սրբագործէ Քեզի համար, որպէս զի կարենամ Քեզ սիրել:

բոլոր սրտով և Բեգի ծառայել ամբողջ կարողութեամբս: Ազատէ զիս կեղծ հաճոյքներու զիւթանքներէն և գետնաքարչ ցանկութեանց հրապոյրներէն: Լեցուր իմ աչքերս բարութեան անմահական գեղեցկութեամբ, որպէս զի մոլութիւն և մեղք երեւնան այնպէս ինչպէս են — կեանքի վերջին ամօթն ու վիշտը: Պահէ զիս դուրսէն մարմինով, ներսէն հոգիով, և հարկադրէ ինձի պատկառոտ հնազանդութիւն այն օրէնքներուն՝ զորս Գուն հաստատեցիր երկուքին համար ալ: Ուժովցուր զիս մարմնական առողջութեամբ, որպէս զի կարենամ աւելի լաւ կերպով վարել մտքի շարժումները և ետ մղել կիրքի յարձակումները: Այս բոլորը կը խնդրեմ Գու Որդւոյդ, մեր Փրկչին, սիրոյն համար: Ամէն: Սամուէլ Մաք Գոմ:

Հինգերորդ Ետաք, Երրորդ Օր

«Բերնովդ մի աճապարեր, և քու սիրտդ Աստուծոյ առջեւ խօսք հանելու չարտորայ» քանզի Աստուած երկինքն է ու դուն երկրի վրայ ես, անոր համար քու խօսքերդ քիչ ըլլան:» Ժող. Ե. 2:

Յաջողած աղօթքը ոչ միայն կ'ենթադրէ լաւ կեանքի և ուղիղ խորհուրդի ընդհանուր պատրաստութիւնը, այլ յաճախ կը պահանջէ նասնաւոր պատրաստութիւն: Կրնայ ըլլալ որ յօժարութիւնը տեղը չէ. զայրացած կամ անձկալից տրամադրութիւն մը կրնայ արգելք հանդիսանալ. առեւտրական մտահոգութիւններ կրնան տակաւին լարած ըլլալ մեր խորհուրդները, այնպէս որ եթէ աղօթեմք, մեր անձէն փոքրիկ փշուր մը միայն կը մասնակցի: Երկոտանեակ մը կարօտութիւններ կրնան մասնաւոր պատրաստութիւնը անհրաժեշտ պէտք մը դարձնել իրական աղօթքի համար: Նկատեցէք թէ ի՞նչ գահավէժ շտապանքով, անպատրաստ խորհուրդներով,

կանխազբաւուած միտքերով և չի քննուած կեանքերով յաճախ կը խուժենք Աստուծոյ ներկայութեան և այնպէս ալ կ'ելլենք դուրս: Տր. Սաստիճ խնդիրը կը ներկայացնէ խիստ շիտակութեամբ. «Անփոյթները և յանձնապատանները միայն բրտօրէն կը խուժեն մեծ մարդու մը ներկայութեան. և մենք առ մեծն Աստուած մեր զիմումներուն մէջ կրօնք պիտի համարինք ինչ որ մարդկութեան ողջմտութիւնը չի պիտի հաւանի բարեկրթութիւն ձանչնալ:»

Աղօթք. Սպաննէ բոլորովին, ով Տէր, և խորտակէ այն մեղքը որ այնքան զիւրաւ կը պաշարէ զիս. սանձէ անսուրբ սէրը, արգիլէ ապօրէն խորհուրդք. պատժէ կիրքը. կանոնաւորէ հոգին, ուղղէ լեզուն. Բեգի դարձուր մեր կամքը և մեր հոգիներուն պաշտամունքը, և այսպէս սրբազործէ և նուաճէ ամբողջ ներքին մարդը, որպէս զի մեր սիրտերուն մէջ հաստատելով Գու գահդ՝ մեր բոլոր կուռքերուն և շատ սիրած աշխարհային բաներուն գահազրկումով հոն տիրես Գուն առանձին Գու շնորհքիդ լեցունութեամբ և ներկայութեանդ մխիթարութիւններով, մինչև որ հասնի ժամանակը երբ մենք ալ Բեգի հետ պիտի տիրենք փառքով: Ամէն: Րիչարտ Ս. Պրուք (1835-1893):

Հինգերորդ Ետաք, Զարրորդ Օր

«Ով Տէր, իմ փրկութեանս Աստուածը, ցորեկը կ'աղաղակեմ ու գիշերը քու առջեւդ եմ: իմ աղօթքս քու առջեւդ թող ելլէ. խոնարհեցուր քու ականջդ իմ աղաղակիս: Վասն զի իմ անձս չարիքներով լեցուեցաւ, ու իմ կեանքս գերեզմանին մօտեցաւ: Բայց ես, ով Տէր, քեզի աղաղակեցի, ու իմ աղօթքս առտուանց քու առջեւդ պիտի ելլէ: Ով Տէր, ինչօ՞ւր իմ անձս կը մերժես և քու երեսդ կը ծածկես ինձմէ:» Սաղ. ԶԼ. 1-3, 13, 14:

Այսպիսի փորձառութիւն մը, որ կ'արտայայտուի այս Սաղմոսին մէջ, կը յիշեցնէ իսկոյն թէ աղօթքը երբեմն դժուարութեանց առջեւ յարասեռութիւն կը պահանջէ: Աստուծոյ աննիւթականութիւնը, միտքը աղօթքի գործին կապուած պահելու դժուարութիւնը, դժկամակ տրամադրութիւնը, դատարկ հնչող և արդիւնք չի տուող աղօթքի վրայ հոգեկան վճատութիւնը — այս բոլորը ճանչցած են աղօթքի մարդիկ: Կարդացէք Բենիամին ճառէթի՝ Պալլու գոլէճի մեծ վարպետին՝ օրագրութիւնը: «Ոչ մէկ բան աւելի գիտակից կ'ընէ մարդը նկարագրի խեղճութեան և ծանծաղութեան քան աղօթելու կամ աղօթքի ներկայ ըլլալու դժուարութիւնը: Անձի վրայ խորհուրդներ, չարութեան խորհուրդներ, ցորեկուան երազներ, սիրային քմահաճոյքներ, դիւրաւ տեղ կը գտնեն մտքին մէջ: Բայց Աստուծոյ, ուղղութեան և ճշմարտութեան խորհուրդը հոն չի կենար, ի բաց առեալ սակաւաթիւ մարդոց մօտ: Այս մասին իմ իսկ ընտելութիւնս չեմ յաջողիր հասկնալ: Չի կայ բան մը որ հետուէն աւելի բաղձալի թուի ինձի քան Աստուծոյ գիտութիւնը, գաղափարականը, տիեզերականը, և սակայն չեմ կրնար միտքս երկու վայրկեան անոնց վրայ պահել: Բայց վիպական մեծ երկ մը կը կարգամ և հաղիւ կրնամ միտքս անկէ հեռացնել: Եթէ սեւէ իրական սէր ունենայի Աստուծոյ հանդէպ, միտքս կանգ պիտի չառնէ՞ր Անոր վրայ:»

Աղօթք. Ողորմած Հայր, որ բաղձանքի անօթութիւնը կու տաս և մեր քաղցը կը յագեցնես բարի բաներով, զօրացուր քու ծառայիդ սիրտը, որ կ'ողբայ չի կրնալուն համար Քեզի հետ խօսիլ և Քու իրեն հետ խօսիլը լսել: Կը խնդրենք Քեզմէ, դարմանէ անոր ներքին կեանքին բթութիւնն ու ցամաքութիւնը: Յարատեւութիւն չնորհէ անոր, որպէս զի երբեք չի լքէ աղօ-

թելու ջանքը, նոյն իսկ եթէ ատեն մը սփոփանք կամ ուրախութիւն չի բերէ այն: Ընդարձակէ անոր հոգիին բաղձանքները, որպէս զի դէպ ի Քեզ քաշուի: Քու հոգիդ զրկէ անոր սրտին մէջ իր տկարութեանց զօրավիզ ըլլալու, անոր խօսելու աղատութիւն և զգացումի ջերմութիւն տալու համար: Տուր որ խոկայ Քու բարութեանդ վրայ, և այն բարիքներուն՝ զորս Դուն ցանած ես անոր ճամբուն վրայ, աշխարհի խորհուրդին և մեղքի ամօթին ու մահուան վիշտին վրայ, մինչև որ կրակը վառի և սիրտը հալի աղօթքի, օրհնութեան և աղաչանքի մէջ:

Տէր, սորվեցուր անոր ընել այն աղօթքը, որ կը թեթեւցնէ ծանրաբեռնուած հոգին և կը բերէ Քու օրհնութիւնդ, որ կը հարստացնէ ու վիշտ չաւելցնէր: Լսէ մեզի Յիսուսի սիրոյն համար: Ամէն: Սամուէլ Մաք Քոմ:

Հինգերորդ Ծարաք, Հինգերորդ Օր

«Ով Տէր, ականջ դիր իմ խօսքերուս, միտքդ առ իմ աղաղակս: Իմ կանչելուս ձայնը մտիկ ըրէ, ով իմ թագաւորս ու Աստուածս, վասն զի ես քեզի կ'աղաչեմ: Ով Տէր, աստուանց պիտի լսես իմ ձայնս, աստուանց պատրաստ պիտի ըլլամ քեզի ու սպասեմ:» Սաղ. Ե. 1-3:

Շատերը հաւանօրէն բնութեամբ այնպէս կազմուած և զբաղումով այնպէս նախագրաւուած են որ կանոնաւորութեան մասին այս Սաղմոսին մէջ յիշատակուածին նման կարգադրութիւն մը էական կը գառնայ աղօթքի յաջող կեանքի մը համար: Եւ, ստուգիւ, Ալիս Յրիմէն Փալմըր, Ուելսլէ գոլէճի առաջին նախագահուհին, իր մասին ըսած է ասիկա իր ամուսնոյն կողմէ գրուած իր կենսագրութեան մէջ. «Աստուած անոր մնայուն ընկերն էր, անոր մշտական խորհուրդին այնքան բնական մէկ

մասը որ ինք քիչ կարեւորութիւն կու տար հաղորդակցութեան մասնաւոր առիթներու... : Ինք աղօթքի որոշուած պահեր չունէր :» Բայց առանց աղօթքի կանոնաւորութեան՝ Աստուծոյ հետ նուրբ ապրումի այսպիսի օրինակի մը հետեւիլ յաւակնելէ առաջ աւելի լաւ կ'ըլլար որ մարդ իր անձնական նկարագրիը քննէր որոշ հետազոտութեամբ : Շատերու կեանքին մեջ հաւանական է որ «առաւօտեան պահուեմ» պահուիլը ամենեւեմ բարեւար գործօններէն մեկը պիտի ըլլայ կաթիլը հսկակշռելու : Ասիկա պիտի պահանջէ, ինչպէս կանոնաւորութիւնը կը պահանջէ միշտ, հակառակ պարագաներու կամ դժկամակ տրամադրութեան առջեւ տեղի չի տալու հաստատ որոշում : Բայց խորհեցէք թէ ի՞նչ պիտի նշանակէր ամէն առտու կեանքը Աստուծոյ տրամադրել այնպէս ինչպէս Թոմաս Բեմփային կ'ընէ հետեւեալ աղօթքին մէջ .

Աղօթք . Տէր , իմ սրտիս մէջ յառաջ բեր ճշմարիտ Հաւատք մը , մաքրագործող Յոյս մը և անկեղծ Սէր մը Բեզի հանդէպ . տուր ինծի կատարեալ վստահութիւն՝ Բու վրագ , Բեզի համար նախանձախնդրութիւն , և Բեզի պատկանող բոլոր բաներուն համար ակնածանք : Տուր որ երկչոտ ըլլամ Բեզ վշտացնելու , չնորհակալ՝ Բու բարիքներուդ համար , խոնարհ՝ Բու պատիժներուդ տակ , անձնուէր՝ Բու ծառայութեանդ մէջ , և վըշտահար՝ իմ մեղքերուս համար . և չնորհէ որ ամէն բանի մէջ վարուիմ այնպէս ինչպէս արարածի մը կը վայել իր Արարչին հանդէպ , ծառայի մը իր տէրոջ առջեւ... : Փութաջան ըրէ զիս իմ բոլոր պարտականութեանցս մէջ , արթուն՝ ամէն փորձութեանց դէմ , բոլորովին մաքուր և ժուժկալ և այնքան չափաւոր՝ Բու օրինաւոր վայելքներուդ մէջ , որպէս զի անոնք ինծի երբեք որոգայթ մը չի դառնան : Եւ , ով Տէր , տուր որ սիրաւ

լիւր ըլլամ իմ ընկերիս հանդէպ , որ երբեք չի մեղանչեմ զայն անձիս պէս սիրելու արքայական պատուէրիդ դէմ : Շնորհէ ինծի որ լրիւ կատարեմ արգարութիւնը իր բոլոր մասերով , սալով ամէնուն ինչ որ սեւէ օրէնքով իրենց իրաւունքն է : Պարգեւէ ինծի այնքան գութ և կարեկցութիւն որ երբեք չի թերանամ բարի գործեր կատարել ամէն մարդոց , ըլլա՛ն բարեկամ , ըլլա՛ն թըշնամի , Բու պատուիրանիդ և օրէնքիդ համաձայն : Ամէն : Թոմաս Բեմփայի (1379-1471)

Հինգերորդ Շարք , Վեցերորդ Օր

«Եւ վեց օրէն ետեւ Յիսուս իր հետ առաւ Պետրոսը ու Յակոբոսը և Յովհաննէսը , ու զանոնք բարձր լեռ մը հանեց առանձին , և անոնց առջեւ այլակերպուեցաւ : Ու իր հանդերձները եզան փայլուն խիստ ճերմակ , այնպէս որ երկրի վրայ թափիչ մը չկրնար այնպէս ճերմկցնել : Ու եղիա Մովսէսին հետ երեւցաւ անոնց , և Յիսուսի հետ կը խօսէին : Եւ Պետրոս պատասխան տուաւ ու ըսաւ Յիսուսի . Ռաբբի , աղէկ է որ հոս կենանք , ու երեք խրճիթ շինենք . մէկը քեզի , և մէկը Մովսէսի , ու մէկը եղիայի :» Մարկ . Թ . 1-5 :

Ո՛րքան բնական էր Պետրոսի համար փափաքիլ որ այսպիսի փայլուն փորձառութեան մը մէջ մնար : Բայց չէր կրնար . անիկա մէկն էր այն գերագոյն ժամերէն որոնք չեն կրնար տեւական ըլլալ , բայց կրնան երեւան բերել տեսութիւններ , որոնք բոլոր փոշոտ ճամբորդութիւնը աւելի իմաստալից կը դարձնեն յետոյ : Ատենը մէյ մը մեր տրամադրութիւնները լեռը կը բարձրանան և կ'ուեննան մեծ փորձառութիւն , վերադառնալով մաքրուած , զուարթացած և ամրապնդուած : Մենք պարտինք գուրգուրալ այսպիսի ժամերու վրայ , հաւատալ մեր մէջ Աստուծոյ ներկայութեան վերաբերեալ

անոնց վկայութեան վաւերականութեանը, վստահիլ անոնց վկայութեան ի նպատակ մեր որդիութեան, և պահել ամրապնդել յիշատակը կեանքի նշանակութեան օրհանգիստին ինչպէս զայն տեսանք այն ատեն: Բայց մենք մերժելու չենք աղօթելու ուրիշ տեսակ մը, նուազ հոգեղմայլ և պակաս փայլուն, աւելի հանդարտ և հասարակ: Շարունակ այլակերպուած պահեր պահանջող կեղծ ակնկալութիւններ տածելու չենք: Գեթ սեմանին ալ աղօթք է, թէեւ նուազ յաճախ, երբ հոգին ներքնապէս կը կառչի Աստուծոյ և կը վստահի առանց բան մը տեսնել կարենալու: Յացողած աղօթքը կը պահանջէ այս տեսակ հաւերեութիւն հաւերեայ հասարակ ժամերու: Փենելոն կ'ըսէր. «Սխալներուդ վրայ մի վհատիր, համբերէ անձիդ, մինչ կ'ուղղես զանոնք, ինչպէս պիտի համբերէիր ընկերիդ: Ինքզինքդ տակաւ վարժեցուր աղօթքը տանիլ քու բոլոր օրական զբաղումներուդ մէջ: Սուտ, չարժէ, գործէ հանդարտութեամբ, իբր թէ աղօթքի մէջ ըլլայիր:»

Աղօթք. Ով Աստուած, Դուսն մեզ գտար, ոչ թէ մենք Քեզ: Մենք ատեն ատեն ազատ կերպով միայն կը նշմարենք Քեզ: Աշխարհիս մուսլ մատախուղները Քու փառքը կը մթնցնեն: Բայց ուրիշ աւելի օրհնեալ վայրկեաններու մէջ Դուսն կը բարձրանաս մեր հոգիներուն վրայ, և մենք կը տեսնենք Քեզ իբր լոյսը մեր ամբողջ տեսութեան, իբր կեանքը այն ամէն բանին որ մեռած է մեր մէջ, իբր տուիչն առողջութեան և բժշկութեան, իբր յայտնադորձողն խաղաղութեան և ճշմարտութեան: Մենք չենք ուզեր տարակուսիլ մեր լաւագոյն վայրկեաններուն վրայ, ինչու որ Դուսն անոնց մէջ մեզի կը խօսիս յիրաւի: Ուրախ ենք որ մեզ Քու պատկերովդ ստեղծեցիր: Քու սէրդ մեզ գոյութեան բերաւ և մեզ օժտեց հոգեւոր էութեամբ: Մտքով որուն խորհուրդ-

ները կը թափառին յաւիտենականութեան մէջ, խղճով որ կը վկայէ քու մշտնջենական արդարութեանդ, սիրով որ կեանքը կը քաղցրացնէ և դէպի Քեզ կը ձգտի, ով սիրողդ մարդկութեան, բոլոր ասոնցմով մենք ժառանգորդ եղած ենք Քու նորհացդ գանձերուն: Սամուէլ Մաք Քոմ:

Հիւզեւորդ Ծաբար, Եօրեւորդ Օր

«Ով իմ օրհնութեանս Աստուածը, լուս մի կենար. վասն զի ամբարշտին բերանը ու նենգաւորին բերանը բացուեցան իմ վրաս. ինծի դէմ սուտ լեզուով խօսեցան: Ատելութեան խօսքերով զիս պատեցին, և ինծի հետ անիրաւ տեղը կուեցան: Իմ սիրոյս փոխարէն հակառակութիւն ըրին ինծի, բայց ես աղօթք կ'ընէի:» Մաղ. ՃԹ. 1-4:

Ճշմարիտ աղօթքը հաւանօրէն պիտի պահանջէ այս տեսակ բաներ. բարի կենցաղ, ուղիղ մտածում, մտքի մասնաւոր պատրաստութիւն, դժուարութեանց մէջ յարատեւութիւն, կանոնաւորութիւն և հասարակ ժամերու հանդէպ համբերութիւն: Բայց իրական աղօթքին գաղտնիքը սորված կեանք մը կ'արժէ այս բոլոր պահանջները, ինչպէս Սաղմոսերգուն կ'ըսէ, «Կ'արժէ մեր ակնները տայ:» Եկատի առէք այս տեսակ կեանքի մը մեծ նկարագրութիւնը Լուտերի կողմէ. «Ուրեմն, ուր որ Քրիստոսնայ մը կայ, հոն է նաև Սուրբ Հոգին, և ան շարունակ աղօթելէ զատ ուրիշ բան չընեն: Որովհետեւ եթէ բերանը մինչեւ անգամ չի շարժի և բառեր չարտաբերէ, անգին սիրտը անդադար կը բարախէ ասոնց նման աղաղակներով. Ո՛հ, սիրելի Հայր, Քու անունդ սուրբ ըլլայ, Քու թագաւորութիւնդ գայ. Քու կամքդ ըլլայ, Ու երբ բուսն հարուածներ, փորձութիւններ, ու նեղութիւններ գան, այն ատեն ըղձանքն ու աղաչանքը

կը շատնան, նոյն իսկ լսելի ըլլալու աստիճան, այնպէս որ չէք կրնար գտնել Քրիստոնեայ մարդ մը որ չաղօթէ, ճիշդ ինչպէս որ չէք կրնար գտնել ողջ մարդ մը առանց բազկերակի որ երբեք կանգ չառներ, այլ շարունակ կը բաբախէ ինքնաբերաբար, թէեւ մարդը քնացած կամ ուրիշ ոեւէ բանով զբաղած ըլլայ, բոլորովին անգիտակից դառնալով այս երակին:»

Այսօր Թրէնչ Արքեպիսկոպոսին հնչեակը թող մեր աղօթքն ըլլայ.

Աղօթք. Եթէ լուրջ ջանքով մեզ ըլլար հընար
Մեր կեանքը դարձնել աղօթքի տողան,
Ինչպէս որ ոմանց կեանքերը եղան.
Եթէ միշտ մօտըդ մեզ ա՛լ պէտք չըլլար
եւ դարձընել մեր միտքերը մոլար՝
Քու ներկայութեանդ, այլ մնալ յաւիտեան
Շափիւզայ գահիդ շուրջ՝ զուարթնոց նըման,
Ճշմարիտ աղօթքն ա՛յդ պիտի ըլլար:
Բայց եթէ անթիւ հաճոյքներ տիրեն,
Ու մեզ հեռացնեն մեր սուրբ գիրքերէն,
Շնորհէ որ պահենք գէթ իղձ մ'աննըկուն,
Աղօթքի յօժար հոգի մը հըլու,
Խորան մը պատրաստ բոլորակելու իսկոյն
Փոքրագոյն կայծով, ու մեզ լափելու:»

Մեկնաբանութիւն Գարբուան Համար

Ս.

Յստակ տեսութեամբ քննադատ մը Վոլթերի գրքուածքներուն առարկած է այն պատճառաւ որ հաւանորէն ոչինչ կրնար ճիշդ ա՛յնքան յստակ ըլլալ որքան ըրած է Վոլթեր: Աղօթագիրք մը նոյն քննադատութեան վտանգին կեննթարկուի իսկոյն: Ինչու որ աղօթքը,

ուրիշ ամէն կենսական փորձառութեան նման, գործնականին մէջ կը հանդիպի դժուարութեանց, զորս տեսական քննութիւն մը շատ դիւրաւ կը պարզէ ու կը մոռնայ: Նոյն իսկ երբ աղօթքը կը սահմանուի իբր հաղորդակցութիւն Աստուծոյ հետ, և անոր մասին մեր խորհուրդը ատով կ'ազատուի շատ մը չիթթութիւններէ, ինչպէս երբ թուոցիկ մը թուփերէն ու ծառերէն կը հեռանայ երբ մէկը թոցնէ զայն, կը մնան դեռ գործնական դժուարութիւններ որոնք կը շուարեցնեն անկեղծօրէն աղօթել ջանացողներէն շատեր:

Օրինակի համար, իրական հաղորդակցութիւնը կ'ենթադրէ յստակ գիտակցութիւն մը թէ ներկայ է մէկը, որուն հետ բարեկամութիւն կը վայելենք: Արդ, մարդ մը կրնայ հաւատալ թէ Աստուած կայ, կրնայ փափաքիլ Անոր հետ թախանձագին կերպով խօսիլ, և տեսականօրէն չի կրնար տարակուսիլ այսպիսի հաղորդակցութեան մը հնարաւորութեան վրայ. բայց գործնականին մէջ կրնայ բոլորովին ձախողիլ Աստուծոյ ներկայութիւնը զգալու մէջ: Հակառակ իր լաւագոյն ջանքերուն՝ իրեն կը թուի թէ ինք պարսպ միջոցին կը խօսի: Եւ պարսպութեան զգացումը, այնպէս ինչպէս կ'ուեննայ մէկը որ իրազեկ կ'ըլլայ թէ մութին մէջ ոչ ոքի կը խօսէր, երբ ինք կը կարծէր թէ բարեկամ մը կար սենեակին մէջ, կրնայ այնպէս չիթթեցնել զինք որ, տեսութիւն կամ ոչ տեսութիւն, աղօթքը գործնականապէս անարժէք կը դառնայ: Յորի պէս կը գոչէ ան, ոչ թէ սկեպտականութեան ոգիով, այլ մեծ շուարումով և աստուածային բարեկամութեան իսկական բաղձանքով. «Բայց անա դէպ ի արեւելք կ'երթամ, ու անիկա չերեւնար, և դէպ ի արեւմուտք՝ ու զանիկա չեմ նշմարեր:» Յոր. ԻԳ. 8: Աստուծոյ ներկայութեան

դործնականացումը այնքան պարզ չէ ինչպէս բառերը երբեմն կ'երեւցնեն զայն:

Աստուծոյ աննիւթականութեան այս զգացումին մէկ ակներեւ պատճառը, որ յաճախ անկարելի կը դարձնէ օգտակար աղօթքը, կը գտնուի անշուշտ նկարագրի մէջ: Եսայի ընդհանրական ճշմարտութիւն մը կը խօսէր, երբ կ'ըսէր. «Ձեր ու ձեր Աստուծոյն մէջտեղ բաժանում ձգողը ձեր անօրէնութիւններն եղան, և ձեր մեղքերը անոր երեսը ձեզմէ ծածկեցին» (Ես. ԾԹ. 2): Պէտք է մէկը դիտէ միայն այն թեթեւամիտ Ամերիկացին, որ Ամսթերտամի պատկերասրահին Բէմպրանթի նկարներուն յատկացուած բաժնին մէջ սղորմելիօրէն ասդին անդին նայելով կը հարցնէր. «Արդեօք հոս տեսնելու արժանի բան մը կա՞յ»: Պէտք է յիշել միայն այն կինը, որ աշնան օր մը մագլցելով Ալպեան բարձունք մը ելաւ, երբ անդին ձորամէջի գոյներուն զեղխութիւնը սարերու մայրիներուն կանանչովը կը չափաւորուէր, և ամբողջին վերև կը բարձրանային յաւիտենական ձիւնով ծածկուած կատարներ, և այս բոլորին ի տես կը հարցընէր ան. «Մեզի ըսին թէ հոս վերը տեսարան մը կայ, ո՞ւր է արդեօք»: Կը տեսնուի թէ ամէն մէկ փորձառութեան համար հոգեկան ընդունակութիւն մը կայ, և առանց ատոր ոչ մէկ նուրբ և զեղեցիկ բան կրնայ երբեք իրական դառնալ ոեւէ մէկուն: Անգամ մը մէկը ըսաւ արուեստագէտի մը. «Պարոն Թըրնըր, ես ձերիններուն նման ոեւէ վերջալոյս չեմ տեսներ երբեք»: Եւ արուեստագէտը խոժոռ կերպով պատասխանեց. «Ոչ, պարոն: Չէ՞ք ուզեր որ կարենայիք տեսնել»: Ո՛րքան յստակ է, ուրեմն, որ Աստուծոյ իրականութեան զգացումը հոգիին ատրիճանական և յաճախ աշխատալի մէկ ստացումն ըլլալու է: Ընդունելի խնդիր մը չէ որ ոեւէ մէկը ոեւէ ատեն, ոեւէ տրամադրութեամբ, և ետին

թողած ոեւէ կեանքով, կարենայ անխուժօրէն Աստուծոյ ներկայութեան երթալ և յանկարծ զԱստուած նշմարել հոն: Բաղաքին որջերէն անառակ մը թող մտնէ ընկերութեան մը մէջ, ուր մարդիկ ասպետական են և կիները՝ մաքուր. և անառակը ի՞նչ պիտի հասկնայ իր նոր միջավայրէն: Քարէ պատերն այնքան անթափանց չեն որքան մաքուրներուն և անմաքուրներուն միջեւ կեցող բարոյական տարբերութեան քողը: Այսպէս հոգեւոր ուժացում մը Աստուծոյ և մարդուն միջեւ անկարելի կը դարձնէ յարաբերութիւնը: Այն բոլոր չարիքներէն, որոնք ապահովաբար այս վտանգաւոր հետեւանքը յառաջ կը բերեն Աստուծոյ հետ մարդուն յարաբերութեան մէջ, մեր Տէրը մասնաւոր կերպով յիշեց ակնհայտօրէն — «Երանի՛ անոնց՝ որոնք սրտով մաքուր են, վասն զի ակնով պիտի տեսնեն զԱստուած», և յիսուկալոսօրէն, այն եղբայրամերժ ոգին՝ որ չուզեր ներել, ոչ ալ կ'աշխատի ներուիլ — «Ուրեմն եթէ քու ընծադ սեղանին վրայ բերես, ու հոն միտքդ զայ թէ քու եղբայրդ քեզի դէմ բան մը ունի, հոն ձգէ քու ընծադ սեղանին առջեւ, և գնա առաջ եղբորդ հետ հաշտուէ, ու ետքը եկուր որ ընծադ մատուցանես»: Մատ. Ե. 23, 24: Ոչ ոք կրնայ մարդու հետ զեշտ Աստուծոյ հետ աղիկ ըլլալ: Գոլրիճի «Հինաւորաց Նաւագ» ին մէջ, մեղքի հետեւանքներուն ամենացայտուն պատկերներէն մէկը որ երբեք գծուած ըլլայ — աղօթքի վրայ անսիրելութեան ազդեցութիւնը — վեր կը հանուի հետեւեալ յիշատակելի տողերով.

«Դէպ երկինք կը նայիմ, աղօթել կը ցանկամ,
Բայց նախ քան աղօթքի մը հոսին շրթներէս՝
Ականջիս կը հասնի փրփրաւոր մ'անըզգամ,
Եւ իմ խեղճ սիրտըս հոն կը չորցնէ փոշոյ պէս»:»
Մեզմէ խիստ շատերը փորձառութեամբ գիտեն այս

տունին ճշմարտութիւնը: Չարակամութեան հիւրընկալումը, ուրիշի վնասին համար խորամանկ տենչը, սիրտը ապականող նախանձը, մինչեւ իսկ երբ անիկա խօսքով կամ գործով չարտայայտուի — այսպիսի կեցուածքներ միշտ անանցանելի արգելքներ կը հանդիսանան ինքնարուեստ արթութիւ: Ուրեմն, երբ մէկը կը հանդիպի իրական դժուարութեան որ Աստուծոյ աննիւթականութեան զգացումէն յառաջ կու գայ, լաւ կ'ըլլայ որ իր կեանքին մէջ խուզարկէ մտածումի յոռի ունակութիւններ, սիրական չարութիւններ իբր սխալ աղօթօրէն ճանչցուած բայց չլքուած ամբողջովին, վարքի մէջ մեղկ անհոգութիւն և կամ խղճմտանքի դէմ կամաւոր անհաւատարմութիւն, մեղքեր՝ զորս գործելուն համար կ'ափսոսայ, բայց անոնց արդիւնքին դեռ կը կռուի ու կը բաղձայ, և մահաւանդ անձնասիրութիւն՝ որ սէրը կը խափանէ և այսպէս մեղ Աստուծոյ և իրարու կապող յարաբերութիւնները կը խղէ:

Բ

Աստուծոյ աննիւթականութեան զգացումը, սակայն, անհրաժեշտօրէն չար կեանք մը չենթադրեր: Կան ուրիշ պատճառներ որոնք յաճախ կ'արգիլին մարդիկը Աստուծոյ մասին պայծառ գիտակցութենէ: Ամէնքս ալ, օրինակի համար, ունինք տրանսպորտիւններ, ուր աստուածտեսութիւնը կ'աղօտանայ: Մեր կեանքը մակարդակի մը վրայ կառուցուած չէ որ կարենանք հոգիի տեւական բարձրութիւն մը պահել: Մենք ունինք լեռներ ու ձորեր, յուզական վերելք ու վայրէջք. և, ինչպէս կ'ըլլար մեր Տէրոջ կեանքին մէջ, այլափոխութեան շողողուն ապրումին կը յաջորդէ դառնութեան պահ մը երբ հոգին կ'ազազակէ: «Աստուած իմ, Աստուած

իմ, ինչո՞ւ զիս թողուցիր:» Մատ. Իէ. 46: Բառւփրը կ'ըսէ թէ աղօթքի մէջ ինք այնպիսի վերացում մը ունեցած էր որ կարծեց թէ ուրախութեան յորդութենէն պիտի մեռնէր: Բայց ուրիշ անգամ մը, երբ նոր երգարանի մը համար երգ մը խնդրուեցաւ իրմէ, գրութեամբ մը պատասխանեց. «Ի՞նչպէս կրնաք այսպիսի ծառայութիւն մը խնդրել ինծմէ: Ես ինքզինքս Աստուծոյ ներկայութենէն վտարուած կ'զգամ այնքան հեռու տեղ մը, որուն հետ բազդատելով արեւելքէն արեւմուտք հեռաւորութիւնը մօտութիւն մըն է, յարակցութիւն մըն է:» Մենք, անշուշտ, չենք կրնար միշտ աղօթել նոյն ուժգնութեամբ և գիտակից գոհունակութեամբ: Երբեմն ուրիշ ատեններէ աւելի օրտանց կ'աղօթեմ,» կ'ըսէր Թոլսթոյ. և նոյն իսկ Պրնեան ունէր իրեն յատուկ դժուարութիւններ. «Ո՛հ, այն խուսափանքները, զորս սիրտը կ'ունենայ աղօթքի պահուն: Ո՛չ ոք գիտէ թէ սիրտը քանի՞ զազտուղիներ և փախուստի նրբանցքներ ունի Աստուծոյ ներկայութենէն խոյս տալու համար:» Այս ծանօթ փորձառութեան դէմ պայքարելու մէջ առաջին քայլն է ճանչնալ անոր բնականութիւնը և, հետեւաբար, անոր դիմանալ արիաբար: Երբ Պօղոս Տիմոթէոսի կ'ըսէր, «Մտադրութեամբ գործիդ պարապէ, ատենին ու ատենէ դուրս» (Բ Տիմ. Գ. 2), ան կու տար այն խրատը զոր իմաստուն փորձառութիւն մը կու տայ միշտ անչափահասութեան. Որոշէ կանխաւ պինդ պահել ուղղութիւնդ, զայն պահելու տրանսպորտիւն ըլլալու: Տրամադրութեան այս դժուարութեան հանդիպած են Աստուծոյ բոլոր մարդիկը: Ուէ հոգեւոր առաջնորդողի կենսադրութիւնը կը պարունակէ հատուածներ հետեւեալին նման, որ Հիւլաթիմըրի իր մարտիրոսակցին՝ Բիտլէյի՝ գրած նամակներուն մէկէն քաղուած է. «Ներէ ինծի և աղօթէ ինծի

համար. աղօթէ ինծի համար, կ'իմանա՞ս: Որովհետև երբեմն այնքան կ'ահաբեկիմ որ մկան ծակ մը սպրդիլս կու գայ. երբեմն Աստուած դարձեալ կ'այցելէ զիս իր օգնութեամբ: Այսպէս կու գայ ան ու կ'երթայ:»

Մարդ մը, որ այս յեղեղուկ տեսնադրութեանց անձնասուր կ'ըլլայ, անկարողութեան կը դասապարտուի: Կը նմանի նաևու մը որ կը քշուի երբ հոսանքները կ'ելլեն և հովերը կը փչեն, և իր ընթացքը չի շարունակեր անոնց մէջէն և հակառակ անոնց: Մէթհիու Արնոլտ խնդիրին խորը կը թափանցէ, ուր հարցը պարտք կատարելու շուրջ կը դառնայ.

«Գիտակցութեան ժամուն տրուած որոշումներ

Գործադրուել կրնան մըռայլ պահերու մէջ:»

Եւ նոյն կեցուածքը անհրաժեշտ է աղօթքի կեանքին մէջ: Մենք ընականաբար չենք կրնար միշտ աղօթել՝ Աստուծոյ մօտութեան նոյն զգացումով և անոր հետ գիտակից յարաբերութեան նոյն ջերմութեամբ: Պոտի-նոս կ'ըսէր թէ իր կեանքին մէջ չորս անգամ միայն իրապիս աղօթած էր: Լօուէլ իր Մայր Եկեղեցի»ին մէջ կը գրէ.

«Ես որ տակաւին առտու, իրիկուն կ'ընեմ աղօթքներ՝ Կեանքիս մէջ թերեւս երեք անգամ լոկ ձիշդ եմ աղօթեր. Երեք անգամ լոկ յուզուած իմ խիղճիս խորն եմ զգացած Ազատագրութիւնն այն լիակատար, որ է ինքն Աստուած:»

Աստուծոյ հետ յարաբերութեան բարձունքները հասնիլ յաճախ չի պատահիր: Նոյն իսկ Յիսուսի կեանքին պատմութիւնը մէկ այլակերպութիւն միայն կը պարունակէ: Բայց ասիկա չի նշանակեր թէ աղօթքը այսպէս պատահական արժէք միայն ունի: Կուպրին Գահերէցը կ'ըսէ. «Երբ ուզածիդ պիս չես կրնար աղօթել, կրցածիդ չափ աղօթե:» Մարդ մը օրուան ամպոտ ըլլալուն համար արեւին գոյութիւնը չուրանար, ոչ ալ կը

դադրի արեւին վրայ յոյս դնելէ իրեն և իրեններուն ծառայելու համար: Տրամադրութիւնները մեր հոգեւոր երկնակամարին վրայ ամպեր են: Պէտք չէ որ մարդ այս ամպերուն չափազանց կարեւորութիւն ընծայէ: Պէտք չէ որ անոնց պատճառաւ դադրի վստահելէ Աստուծոյ, որ առժամապէս մթազնած է անոնց շուքէն:

Ասկէ դատ, մարդ պէտք չունի կրաւորապէս թոյլ տալու որ իր աննպաստ տրամադրութիւնները պարբերական դառնան: Շատ մը կեանքեր հինաւուրց հորի նման իրենց ներքեւ կենդանի ջուրի ակեր ունին. բայց պէտք է ջրհանը շարժումի մէջ դնել: Մարդու մը աղօթադուրկ տրամադրութեան մէջ թող քիչ մը կենդանի ջուր լեցուի ունէ մէկուն աղօթքէն, և անա մարդուն հոգիին վարի ակերէն կրնայ դարձեալ ջուր հոսիլ: Այսպիսին պատակի համար օգտակար են աղօթագիրքեր, ինչպէս Բիփոնի Եպիսկոպոսին «Աղօթքի Միաբանութիւն»ը կամ Թայլսթընի «Աղօթող Մեծ Հոգիներ»ը, և բարեպաշտական գիրքեր, ինչպէս «Նարեկ» և Սբ. Օգոստինոսի «Խոստովանութիւնները»: Ասոնք յաճախ շարժում մի մէջ կը դնեն ջրհանը: Եւ արդարեւ աղօթքը ինքնին մեծ յաղթող մըն է խեռ տրամադրութեանց: Դուն աղօթքի տրամադրութիւն չունիս, և հետեւաբար պիտի մերժե՞ս աղօթել՝ մինչեւ որ տրամադրութիւնդ տեղը գայ: Տոք. Ֆորսայթի բաղադրութիւնը պարզապէս ի դէպ է հոս. «Երբեմն, երբ ամէնէն աւելի հանգիստի պէտք ունիս, շատ անհանդիստ կ'զգաս պառկելու և հանգչելու համար: Այն ատեն ստիպէ ինքզինքդ պառկելու և հանդարտ պառկելու: Այս ստիպումը յաճախ տասը վայրկեանէն հաւանութեան կը փոխուի, և դուն կը քնանաս ու կ'արթննաս նոր մարդ դարձած...: Այսպէս ալ երբ անյօժար կ'զգաս աղօթելու, ա'լ աւելի աղօթէ:»

Վաղանցուկ տրամադրութեանց դժուարութենէն աւելի խոր է խնդիրն անոնց՝ որոնք ստիտրաքար կ'անձըրկին զգալ Աստուծոյ ներկայութիւնը: Շատ պարագաներու մէջ դժուարութիւնը խառնուածային է: Մարդոցմէ ոմանք իրենց բնածին կազմուածքով մասնաւորապէս սահմանուած կը թուին կրօնքի համար: Անոնք հանճարներ են հոգիի մարդին մէջ, ինչպէս Պեթովէն՝ երաժշտութեան և Ռաֆայէլ՝ նկարչութեան մէջ: Անտեսանելին իրական է անոնց համար. անոնք իսկոյն եւեթ իրազեկ կը դառնան անոր ներկայութեան, զգայուն՝ անոր նշանակութեան, և տրամադիր՝ անոր հրաւերին: Երբ ազօթքի վրայ խօսին, Աստուծոյ մասին իրենց կենդանի փորձառութիւնը արտայայտուելու համար յաւէտ բանաստեղծութիւն կը պահանջէ քան արձակ: «Ազօթքը,» կ'ըսեն անոնք Մակտեպուրկի Մեխութիւտի հետ, «Մեծն Աստուածը փոքր սրտին մէջ կը բերէ, անօթի հոգին լիառատ Աստուծոյ կը զրկէ, երկուսիրողները՝ Աստուած և հոգին՝ մէկտեղ կը բերէ ուրախ սենեակի մը մէջ:» Այս տեսակ խառնուածքներու համար Աստուծոյ ներկայութեան զգացումն այնքան ինքնաբուխ է որքան ուրիշ մարդկային սէր, և նոյնքան ալ իրական:

Բայց ի՞նչ ըսել այն մարդուն որ այսպէս օժտուած չէ: Ան թերեւս գործնական խառնուածքի տէր է, յաւէտ գործի մարդ քան խորհրդածութեան: Մարդկային յարաբերութեանց մէջ անգամ արտայայտուող չէ, և աւելի հակամէտ է իր օրինասիրութիւնն ու սէրը ծառայութեան չօչափելի գործերով յայտնելու քան հաղորդակցութեան շղարձակ ժամերով: Շուարած կը մնայ միստիկներու յախշտակուած տրամադրութեանց առջև:

Չի կրնար անոնց հասնելու չափ ճիգեր թափել: Իր միջավայրէն դուրս կ'զգայ ինքզինք երբ անոնց մասին կը կարգայ: Երբ կ'ազօթէ, Աստուծոյ հետ գիտակից յարաբերութեան բարձունքները չի հասնիր: «Ժամն ազօթքի» իման երգի մը երգուած պահուն ա'յնքան անհաղորդ կը մնայ երգին ծնունդ տուող փորձառութեան որքան նշանաւոր գահերէց մը պիտի ըլլար անոր նուազին: Այդ գահերէցը չէր կրնար զանազանել նոյն իսկ ազգային երգը, բաց ի այն պարագայէն՝ երբ բոլոր ժողովուրդը ոտքի կ'ելլէր առաջին չափատու հարուածին վրայ: Ի՞նչ պէտք է ըսել մարդու մը, որ այսպէս կը հաւատայ Աստուծոյ և կը ջանայ կատարել Անոր կամքը և որ, սակայն, խորապէս գիտակից չէ ազօթքով Անոր հետ յարաբերութեան: Անշուշտ բան մը ըսելու է, ինչու որ եթէ ազօթքը այնպէս մեկնուի թէ սեփականութիւնն է անոնց միայն որոնք յուզական և միստիկ խառնուածք մը ունին, աշխարհի վրայ ամենէն օգտակար մարդոցմէ շատերը, որոնց մէջ գործնական և մտաւորական շահագրգռութիւններ կը գերակշռեն — խորհողները և գործողները — ազօթելու հնարաւորութենէ դուրս պիտի զգան իրենց անձերը:

Հոս ազօթքի շուրջ մեր խորհրդածութեան մէջ ամենափափուկ խնդիրներէն մէկը կ'ելլէ մեր դէմ: Ամեն մարդ պիտի ե քոյրսրուի աղօթել իր կերպով: Ճշմարիտ ըլլալէ հետո է թէ կրօնքի մէջ ամենայարգի խառնուածքը միստիկականն է: Աստուած մեր ամենքին ալ պէտք ունի: Ոմանք մաղասային են — տկարամիտ, համբերող, անցուցական. ուրիշներ մաղձային են — զիւրազրգիւ, ջղային, կրքոտ. ոմանք արիւնային են — յուսալից, զուարթ, չէնչող. ուրիշներ տրտում և լուրջ են: Խառնուածքներու այս պատկանելի հնադրոջմ դասակարգութիւնն անգամ կատարեալ չէ: Այնքան խառ-

նուածքներ կան որքան մարդիկ, և իւրաքանչիւրն ունի իր սեփական խնդիրներն ու իր առանձին եղանակը Քրիստոսի հոգին արտայայտելու: Շատ մարդոց համար օգտակար կենցաղի առաջին քայլն է ճանչնալ Աստուծոյ մեզ այսպէս ուրոյն և անհատական ծրագրով ստեղծելուն նպատակը: Ան անշուշտ այդպէս աւելի կը սիրէ մեզ: Յովհաննէս աւելի լաւ Յովհաննէս մը կ'ըլլայ քան զոր կրնար Պետրոս երբեք եղած ըլլալ, և Պետրոս աւելի օգտակար Պետրոս մը քան զոր հնար էր Յովհաննէսի: Մենք այնպէս վարժուած ենք դպրոցական քննութեանց, ուր ամբողջ կարգը պարտի ենթարկուիլ գերազանցութեան նոյն փորձերուն, որ կը մոռնանք թէ բարոյական կեանքի մէջ ո՛րքան անհրաժեշտօրէն անհատական փորձեր ունենալու ենք: Իւրաքանչիւր մարդ փորձի կ'ենթարկուի առանձին քննութեամբ: Չակնկալուիր որ ան Քրիստոնեայ ըլլայ ուրիշ ուէ մէկուն կերպով: Ինչպէս Էմբրսընի լեռան և սկիւռի առակին մէջ, ան կրնայ ուրիշի մը մասնաւոր գերազանցութեանէն երկիւղ չունենալ, և կրնայ ըսել ինչպէս սկիւռն ըսաւ լեռան.

«Եթէ ես չեմ կրնար կըրել կոնակիս վրայ անտաններ, Դուն ալ ընկոյզ մը կտորելու անկարող ես, ով մեծ լեռ:»

Արդ, այս սկզբունքն իր մասնաւոր կիրարկումն ունի ազօթքի համար: Ոչինչ կրնար աւելի զօրաւոր կերպով անհասակակն ըրալ քան Սբ. Գրոց աղօթքները: Ոչ մէկը կը փորձէ Աստուծոյ հետ հաղորդակցիլ ուրիշ ուէ մէկուն կերպով: Ոմանք ծնրադիր կ'ազօթեն, ինչպէս Պօղոս (Գործ. Ի. 36), ուրիշներ ոտքի վրայ, ինչպէս Երեմիա (Երեմ. ԺԸ. 20), ուրիշներ նստած դիրքով, ինչպէս Դաւիթ (Բ Թագ. Է. 18), ուրիշներ երեսանկեալ, ինչպէս Յիսուս (Մատ. ԻԶ. 39): Ոմանք լսիկ կ'ազօթեն, ինչպէս Աննա (Ա. Թագ. Ա. 13), ուրիշներ

բարձրաձայն, ինչպէս Եղեկիէլ (Եղեկ. ԺԱ. 13): Ոմանք տաճարին մէջ կ'ազօթեն (Դ Թագ. ԺԹ. 14), ուրիշներ անկողինի մէջ (Սաղ. ԿԳ. 6), դաշտերու մէջ (Ծն. ԻԳ. 11, 12), բլուրի կողի վրայ (Ծն. ԻԸ. 18-20), ռազմադաշտին վրայ (Ա. Թագ. Է. 5), գետեզերքը (Գործ. ԺԶ. 13), ծովափին վրայ (Գործ. ԻԱ. 5), ներքին սենեակի մէջ (Մատ. Զ. 6): Ասկէ զատ ամէն տեսակ խառնուածքներ կը գտնուին ազօթող. գործնական առաջնորդներ Նէեմիայի նման, որ հոգիին լուռ մէկ ազօթքովը Աստուծոյ օգնութիւնը կը հայցէ թագաւորին առջեւ խօսելէն առաջ (Նէեմ. Ա. 4-10), քսանըօթներօրը Սաղմոսին հեղինակին նման բանաստեղծներ, որոնք կը սիրեն Աստուծոյ հետ հաղորդակցիլ. մեղամաղձոտ խորհուրդով մարդիկ Երեմեայի նման, «Միթէ Յուզան բոլորովին մերժեցի՞ր. քու հոգիդ Սիօնէն զզուեցա՞ւ» (Երեմ. ԺԳ. 19), և շողարձակ հոգիով մարդիկ Եսայիի նման, «Իմ զօրութիւնս և օրհնութիւնս Տէր Եհովան է. անիկա իմ փրկութիւնս եղաւ (Ես. ԺԲ. 2): Աղօթելու այնքան սարքեր կերպեր կան որքան սարքեր անհասկեր: Նկատեցէք Սբ. Օգոստինոսի ազօթքը. «Թող իմ հոգիս աշխարհային խորհուրդներու խառնիճաղանձ աղմուկէն ապաստան գտնէ քու թեւերուդ հովանիին տակ: Թող իմ սիրտս, խռոված ալիքներու այս ծովը, խաղաղութիւն գտնէ քու մէջը, ով Աստուած:» Եւ ասոր ի հակադրութիւն նկատեցէք Լորտ Ալլէյի ազօթքը Էճ Հիլի ճակատամարտին հրամանն արձակելէ առաջ. «Ով Տէր, դուն զիտես թէ ո՛րքան զբաղած պիտի ըլլամ այսօր: Եթէ ես քեզ մոռնամ, դուն զիս մի մոռնար:»

Հետեւաբար պարտինք միշտ յիշել թէ չի կայ ազօթքի միակ կաղապար մը, որուն մէջ պէտք է որ ձուլուի Աստուծոյ հետ մեր յարաբերութիւնը: Թող իւր

րաքանչիւր մարդ աղօթէ իր լաւագոյն կերպով: Թող ոչ մէկը գերի դառնայ ուրիշի կերպերուն: Փրոֆ. Ճորճ Ալպէրթ ֆօ թանկագին ճշմարտութիւն մը զետեղած է քանի մը հակիրճ նախադասութեանց մէջ. «Ընդհանուր միտումն է յառաջ բերել տպաւորութիւն մը թէ աղօթքի ազնուագոյն ձեւերը վերապահուած են անձերու մասնաւոր դասակարգի մը: Այս տպաւորութիւնն ալ անգլիտակցօրէն իր սնունդը կ'առնէ այն փաղաքշանքէն որ կ'ընծայուի մարդոց, յաճախ երիտասարդներու, որոնք աղօթելու առանձնայատուկ տիպար մը կը մշակեն և անոր մասին բաւական շատ կը խօսին: Մենք գրեթէ ուրիշ սեւէ բանէ աւելի պէտք ունինք մշակելու, երկչոտ հոգիներու մէջ որոնք իրենց ինքնավստահութիւնը կորսնցնել կը միտին, քննասէր հոգիներու մէջ որոնք պնդելէ առաջ կը խորհին, և գործունեայ հոգիներու մէջ որոնք տալը ընդունելուն կը զերադասեն, զօրաւոր ակնածանք մը իրենց աղօթքի բնական տեսակներուն համար:»



Եթէ, սակայն, ըստ արժանւոյն նկատողութեան աննելու ենք այն դժուարութիւնը զոր ոմանք սովորաբար և մենք ամէնքս պատահաբար կ'ունենանք Աստուծոյ ներկայութիւնը իրական զգալու մէջ, պարտինք ընել աւելի բան մը քան ըսել ամէն մէկուն որ կրցածին պէս աղօթէ: Աղօթել ջանացող մարդոց մէջ կան այնպիսի կեցուածքներ, որոնք Աստուծոյ ներկայութեան գիտակցութիւնը գրեթէ անկարելի կը դարձնեն: Ասոնց իբր առաջինը կրնանք նշանակել մեզմե դուրս Աստուծոյ սր հարկս այն սեւորոշ խորխորակներ, որ այնքան յաճախ սրտայ միջոցի մեջ խօսած ըրարս անօրս զգացումն

կը յակնդի: Ետեր, Քրիստոնէական փորձառութիւն ստանալու իրենց անկեղծ բաղձանքին մէջ կը ճգնին Աստուծոյ ներկայութիւնը իրական զգալ, իբր թէ կարելի ըլլար ձեռք բերել զայն կամքի որոշ ուժգնութեամբ կամ թափով: Անոնց հոգիները հրասանդներ են, անոնց խնդիրքները՝ ուժմբեր: Անոնք դէպ ի երկինք կը պայթին, և իրենց պայթիւնին արձագանգէն զատ ուէ պատասխան չեն լսեր: Մտտամ կիւեոն կը պատմէ թէ ճիշդ այս էր իր դժուարութիւնը, մինչև որ Ֆրանչիսկեան արեղայ մը այս թելադրական խրատը տուաւ իրեն. «Տիկին, դուք դուրսը կը փնտռէք ինչ որ ներսը ունիք: Վարժուեցէք զԱստուած փնտռել ձեր սրտին մէջ իսկ, և պիտի գտնէք զԱյն:» Այս խրատը իմաստուն է և գործնական: Աստուծոյ ներկայութիւնը մեր սրտերուն մէջ միայն կրնայ զգացուիլ: Մեր մեջ ամենաբար քան Աստուած է: Եթէ ոչ միշտ՝ ընդհանրապէս բոլորովին անհնար է Աստուծոյ ձայնին և մեր ամենալաւ խղճմտանքին ու զաղափարականներուն ձայնին միջև զանազանութիւն մը դնել: Անոնք զանազանուելու չեն: Ինչ որ խղճմտանք և զաղափարական կ'անուանենք՝ Աստուծոյ ձայնն են, մեր ամենանուրբ ձիրքերուն միջոցաւ մեզի հաղորդուած:

Ասիկա, սակայն, չի նշանակեր թէ Աստուծոյ այս ձայները, մեր լաւագոյնին միջոցաւ մեզի հաղորդուած, անսխալական են: Այս կը նշանակէ անշուշտ թէ Աստուած անոնցմով կը ջանայ խօսիլ մեզի մեր հասկնալու կարողութեան համեմատ: Եթէ մեր պատուհանները բժաւորուած են, արեւուն ճառագայթները կ'արգիւնուին: Բայց այս իրողութիւնը չի հերքեր այն ճշմարտութիւնը թէ մեր պատուհաններէն ինչ լոյս որ գայ, արեւէն կու գայ: Այսպէս Աստուած հարկադրուած է իր օրհնութիւնը մեզի շնորհել մեր ընդունելու և իւրա-

ցնելու կարողութեանց միջոցաւ : Պե՛տ չե որ մեկը թուն իր շաւաղոյն սնննէն որո՛ւս խարխալիէ զԱստուած զսնէրու հաւնար : Ան պարտի իրեն խօսող Աստուածը փնտնել միջոց թուն իր շաւաղոյն սնննիս մեջ :

Նոր Հեբրեոյեան կղզիներուն մէջ, երաշտութեան մը միջոցին, միսիոնար ձոն ձ. Փէյթըն բնիկներուն հեգնութիւնը շարժեց՝ ջուրի համար գետինը փորելով : Անոնք ըսին թէ ջուրը միշտ երկինքէն վար կ'իջնէ, և ոչ թէ գետնէն վեր կ'ելլէ : Բայց Փէյթըն անոնց նախապէս տեսածէն աւելի մեծ ճշմարտութիւն մը երեւան բերաւ, ցոյց տալով թէ երկինքը կրնար իրենց ջուր տալ իրենց երկրին իսկ միջոցաւ : Այսպէս մարդիկ յամառ կերպով կ'սպասեն որ Աստուած իրենց օրհնութիւն զրկէ գերբնական միջոցաւ մը, մինչդեռ Ան այդ միջոցին ձոն պաշար կու տայ իրենց, եթէ միայն սորվին իրենք քաշուիլ իրենց հոգիներուն բեղուն տեղերը, ուր, ինչպէս Յիսուս ըսաւ, կենդանի ջուրի աղբեր կ'ուզեն վեր գալ : Մենք պէտք ունինք սորվելու էքհարտի դասը. «Աստուած աւելի մօտ է ինձի քան ես իմ անձիս : Ան նոյնքան մօտ է փայտին ու քարին, բայց անոնք չեն գիտեր :» Պէտք ունինք հասկնալու Մեծն Ալպէրթի վերագրուած խօսքը, «Աստուծոյ բարձրանալ մարդուս անձին մէջ մտնել է. որովհետեւ ան որ իրապէս կը մտնէ ու մտերմաբար կը թափանցէ իր անձին մէջ՝ իր անձէն վեր և անդին կ'ելլէ և ճշմարտապէս Աստուծոյ կը բարձրանայ :» Եւ ասոր նման խօսքերու նշանակութիւնը սորվելով՝ Սուրբ Գրական կարգ մը հատուածներու ոգիին վերահասու պիտի ըլլանք. «Եթէ մէկգմէկ կը սիրենք, Աստուած մեր մեջ կը բնակի» (Ա. Յովհ. Դ. 12) : «Դուք կենդանի Աստուծոյ տաճարն էք, ինչպէս Աստուած ըսաւ, թէ Անտնց մեջ պիտի բնակիս» (Բ. Կոր. Զ. 16) : «Եթէ մէկը...

դուրը բանայ, անոր քով պիտի մտնեմ և անոր հետ ընթրիք պիտի ընեմ, ան ալ իմ հետ» (Յայտ. Գ. 20) : «Այն ջուրը, զոր ես անոր պիտի տամ, պիտի ըլլայ անոր ներսիդին ջուրի աղբուր մը» (Յովհ. Դ. 14) :

Հետեւաբար, ունէ մէկը, որ Աստուծոյ երեւութապէս անիրականութենէն շփոթած է, կրնայ օրինակել Սաղմոսերգուն, որ իր Սաղմոսը կ'սկսի ըսելով, «Իմ ձայնս Աստուծոյ է, ու ես կ'աղաղակեմ», և որ վեցերորդ համարին մէջ կ'ըսէ, «Ես իմ սրտիս հետ կը խօսիմ» (Սաղ. Հէ. 1, 6) : Այս երկու համարները հակասական չեն : Աստուծոյ հետ յարաբերելու միակ ճամբան արհիւն նախաւէ է : Մենք կրնանք, արդարեւ, վկայութեան կոչել այն հոգեբանները որոնք հոգիին կեանքին մէջ կը գտնեն մեր ճառած ազդեցութիւնները և գանոնք «ենթադիտակցութեան» կը վերագրեն : Ուրախութեան և խաղաղութեան զօրութիւններ, նկարագիրը նորոգող, տրամադրութիւնը այլափոխող և նուիրում ներշնչող ազդեցութիւններ երեւան կու գան մարդկային կեանքին մէջ, կ'ըսեն անոնք, բայց այս արգիւնքները զորս Նոր Կտակարանը Սուրբ Հոգիին կը վերագրէ՝ «ենթադիտակցութեան» կ'ընծայեն : Պէտք չէ որ հոս տեւական թիւրիմացութիւն մը կենայ : Նիւեորքի նաւահանգիստին մէջ եկող հոսանքները նեղուցներու մէջէն կու գան, բայց հոն չէ որ կ'սկսին : Դուք երբեք չէք կրնար գտնել գաղտնիքը ծովէն եկող ներհոսանքին, որ մեծ նաւերու նաւարկութիւնը հնարաւոր կը դարձնէ, ըսելով թէ նեղուցներուն ներկայութիւնը կը բացատրէ ատիկա : Հոսանքները նեղուցներուն մեջէն կու գան, բայց ոչ նեղուցներէն : Այսպէս մենք չենք կրնար լուծել գաղտնիքը այն աստուածային օգնութեան զոր մեծ հոգիները կը ճանչնան՝ մեր մտքին մէջ կեցող ենթակայաններուն անուններ տալով : Մենք,

սակայն, առկէ աւելի խոր և աւելի հեռու երթալու
ենք: Ինկն Աստուած մեր շառագոյնին միջոցաւ կը ջանայ
ձանքայ մը գտնել իր Հոգիին համար:

Ե

Մեր անձերէն դուրս Աստուծոյ համար այս անորոշ
խարխափանքին շուրջ խորհրդածութիւնը կ'առաջնորդէ
մեզ նոյն իսկ աւելի կարեւոր խնդիրի մը: ԶԱստուած
իրական զգալ չկրցողներու ազօթքներուն տարրական
դժուարութիւնն է յաճախ ճիշդ սա իրողութիւնը թէ
անոնք զԱստուած կը փնտնեն: Ոչ մէկը պատրաստուած է
Աստուծոյ ներկայութիւնն զգալու, մինչեւ որ չի տես-
նէ թէ Աստուած զինք կը փնտնէ: Պօղոս հեթանոս աշ-
խարհը կը նկատէ իբր զԱստուած փնտռող. «Որ ըլլայ
թէ խարխափելով զինք գտնեն» (Գործ. ԺԷ. 27): Եւ
այս նկատմամբ շատ մը Քրիստոնեաներ հեթանոս են
տակաւին: Մենք Յիսուսի առակները, Ղուկասի տաս-
ներհինգերորդ գլխուն մէջ, գլխիվայր չըջած ենք: Ա-
զօթքի մէջ մեր բռնած դիրքին նայելով հովիւը կոր-
սուած է, և ոչխարները գացած են հողմակոծ լեռնա-
կողերուն վրայ զայն փնտռել: Բայց մեր Տէրը չէ կոր-
սուած: Անոր տեսութեամբ ոչխարները մոլորած են, և
հովիւն անվհատ յարատեւութեամբ կը փնտռէ զանոնք:
Հարկ անհրաժեշտ է զԱստուած ընդունիլ իբր նախա-
ձեռնողը խուզարկութեան, որպէս զի մեր զինք գտնելը
պարզապէս իր մեզ փնտռելուն պատասխանն ըլլայ,
այլապէս զԱյն փնտռելու համար ուրէ մարդու ճիգը
բոլոր ձեռնարկներուն ամենէն յուսահատականը կը դառ-
նայ: Ի՞նչպէս կրնայ հունաւորն Անհունը փնտռել, եթէ
Անհունը չուզէ գտնուիլ: Ի՞նչպէս կրնայ մարդ Աստու-
ծոյ փորձառու ըլլալ մինչեւ որ Աստուած չուզէ մար-

դուն հետ յարաբերութեան իջնել: Աղօթքի արդիւնաւե-
կեակնի մը մեծագոյն պիտի ե պէս ձանաչուելը թէ Աստուած
մարդը կը փնտնէ նախ քան մարդուն զԱստուած փնտնելը:

Ճապարակ երգերէն մէկուն մէջ կ'ըսէ,
«Աստուած է յաւէտ որ մեզ կը փնտռէ, քան թէ
մենք ենք որ զինքը կը փնտռենք:»

Արդ, Քրիստոնեաները միշտ հաւատացած են թէ
Աստուած մարդը կը փնտռէ, բայց շատերու կողմէ ա-
սիկա պատմական խնդիր մը եղած է: Աստուած ան-
շուշտ փնտռեց մարդը Քրիստոսով: Այս հիմնական ճշ-
մարտութիւնը զերագոյն կարեւորութիւն ունի ազօթ-
քի համար: Ինչու որ իրապէս երբ Քրիստոնեայ մը կ'ա-
զօթէ, կ'ազօթէ այն Աստուծոյն որուն մեզի հանդէպ
սէրը յայտնեց Քրիստոս, և որուն գիտութեանը երեք
հասած պիտի չըլլայինք առանց Քրիստոսի: Յիսթէ
կ'ըսէր, «Ամէն անոնք, որոնք Յիսուսէ ասդին Աստու-
ծոյ հետ միաբանութեան մտած են, ակնոր միջոցաւ մտած
են:» Բայց Աստուծոյ զմարդ Քրիստոսով փնտռելուն
հաւատալը բաւական չէ ազօթքի համար: Աստուած յա-
ւիտեակ կը փնտնէ իւրաքանչիւր մարդ: Սղծմտանքին
թելադրութիւնները, շքեղ գաղափարականներու հրա-
պոյրը, բարեկամութեան պահանջները, պիտանի գիր-
քերու խորհուրդները, ծառայութեան կոչերը, ամէն
ազնուական մղում այնպիսի պահերու, երբ

«Հոգիին ճշմարիտ ձիրքերը
Պարզապէս կը զատորոշուին կեղծերէն»,»

ամէնքն ալ Աստուծոյ մերձեցումն են դէպ ի մեզ: Ազօթ-
քը զայն փնտռելու խարխափանք չէ: Ազօթքը կեանքի
բացումն է դէպ ի Աստուած: Ազօթագուրկ սիրտը կը
փախչի Աստուծմէ: ԶԱստուած գտնելը իսկապէս թոյլ
տալ է որ Աստուած գտնէ մեզ. ինչու որ մեր զինք
փնտռելը պարզապէս անոր մեզ փնտռելուն յանձնուիլը

է: Երբ ասոր ճշմարտութիւնը յստակօրէն տեսնուի, աղօթքը իրական կը դառնայ: Այլեւս պարապ միջոցին մէջ խօսիլ չի կայ, ոչ ալ մութին մէջ փնտռտուք մը դայն բռնելու համար: Մենք կ'երթանք առանձին տեղ մը, և հոն ազատ ասպարէզ կու տանք ամէն մէկ գեղեցիկ ազնուացուցիչ ազդեցութեան զոր Աստուած մեզի կը զրկէ: Թող կու տանք որ Ան խօսի մեզի՝ մեր ամենալաւ խորհուրդներուն, մեր ամենայտակ հոգեւոր տեսիլքներուն և մեր ամենազգայուն խղճին միջոցաւ: Եւ ա՛լ չենք ջանար փախչիլ: Մենք զԱյն կը գտնենք, ինչպէս փախստական տղայք, խուսափանքներէ յոգնած, կը գտնեն իրենց հայրը: Կը հաւանին որ ան գիրենք գտնեն:

«Ըսի, Կ'ուզեմ զԱստուած գտնել, և դուրս ելայ ՋԱյն փնտռելու երկնից կապոյտ դաշտին վերայ. Բայց իմ վերեւ կը տարածուէր անեղբ ու լուրջ Երկնակամար մ'անկարեկիր՝ աշխարհին շուրջ: Ու ես ըսի, Կ'երթամ դարձեալ յոյսով յամառ Զուրերուն վրայ փնտռել հեռքերն իր անհամար. Ու փրփրալից ովկիանոսին անձայր, անձիր Մօտը գացի քայլով վստահ և անձանձիր: Եւ ջուրերը աւազն ու խիճ կը լըւային. Ես հոն պարապ զբտայ կապոյտն անդընդային: Բայց իրիկունն, երբ առանձին էի նստած Պատուհանըս, տարածամող օրուան զէմ բաց, Ով հրաշալիք, կ'աղօթէի հոն ծնրազիր. Ա՛լ գո՛հ էր սիրտս, զի, ով Տէր, դուն զիս գտած էիր:»

**ՄՏԱԾՈՒՄԻ ԵՒ ՔՆՆՈՒԹԵԱՆ ՀԱՄԱՐ
ԹԵՂԱԳՐՈՒԹԻՒՆՆԵՐ**

Ինչո՞ւ շատեր դժուար կը գտնեն աղօթել:

Աստուծոյ հետ հաղորդակցութիւնն արգիշող դժուարութեանց տեսիլները ո՞ր աստիճան «կրօնի մարզին» յասուկ են:

Ի՞նչ բան անհրաժեշտ է կարենալ վայելելու համար վերջալոյս մը, նկար մը կամ երաժշտական համերգ մը: Արուեստի փորձագէտէ մը զատ ուէ մէկը կրնա՞յ իրապէս վայելիլ ասոնք: Այս եզրակացութիւնները մինչև ո՞ր աստիճան կը յարմարին Աստուծոյ հետ հաղորդակցութեան վայելումին:

Կրնա՞յ մարդ մը լիութի հաղորդակցիլ Աստուծոյ հետ՝ առանց գնահատելու Բնութիւնը, գեղարուեստը և մտաւորական ուղղամտութիւնը: Այս տեսակ հաղորդակցութեան մը կատարելութիւնը ո՞րչափ կախում ունի մարդկային շահագրգռութեանց և փորձառութեանց ընդարձակութենէն:

Վերոյիշեալ հարցումներուն լոյսով մինչև ո՞ր աստիճան «հոգեկան» յատկութիւններ կարեւոր են «կրօնական» փորձառութեանց միայն:

Մարդկային բարեկամութեան արգելքներն ի՞նչպէս կը տարբերին Աստուծոյ հետ հաղորդակցութեան արգելքներէն:

Յիսուսի վարդապետութեանց յոյսով ի՞նչ են աղօթի դժուարութիւնները նկարագրի մարզին մեջ:

Նախ ո՞ւր փնտռելու ենք Աստուծոյ հետ հաղորդակցութեան արգելքները:

Ի՞նչ վստահութիւն դրուելու է «նկատար սրահադրութեանց» վրայ:

Մարդկային կեանքի ընդհանուր ձեռնարկներուն մէջ ո՞րքան բաժին կը յատկացուի նպատաւոր տրամադրութեանց:

Եթէ այսպիսի տրամադրութիւններէ օգուտ մը պիտի քաղուի, մասնաւոր ո՞րչափ աշխատութիւն հարկ

է: Ի՞նչ է նպատակոր տրամադրութեանց յարաբերութիւնն աղօթքի հետ: Այլակերպութիւնն ի՞նչ լոյս կը սփռէ ասոր վրայ:

Մարդու մը խառնուածքն ի՞նչ յարաբերութիւն ունի աղօթքի մեջ իրականութիւնն ձեռք բերելու իր կարողութեան նկատմամբ:

Աղօթքի մէջ իրականութիւնը ո՞ր աստիճան հնարաւոր է միատիկականէն տարբեր խառնուածքով մարդոց: Աբ. Գրոց մէջ յիշատակուած աղօթքներ ի՞նչ համեմատութեամբ միատիկներու աղօթքներ են: Յետնագոյն պատմութեան մէջ յիշուածներ՝ ի՞նչ համեմատութեամբ:

Աղօթքի ձեւը մինչեւ ո՞ր աստիճան սահմանուելու է անձնականութեան տիպարէն: Աղօթքներու Աբ. Գրական յիշատակութիւնն ի՞նչ պատասխան պիտի թելադրէր:

Մարդոց մէջ տիրող ի՞նչ կեցուածքներ Աստուծոյ ներկայութեան գիտակցութիւնը գրեթէ անհնար կը դարձնեն: Այս կեցուածքներն ի՞նչպէս կրնան նուաճուել:

Ոնեւ անհասի կեանքին մեջ աղօթքի արգելներն ի՞նչպէս կրնան յաղթուիլ:

ԳԼՈՒԽ 2

ԱՂՕԹՔ ԵՒ ՕՐԷՆՔԻՆ ԻՇԽԱՆՈՒԹԻՒՆԸ

Օրակալ ընթերցումով

Վեցերորդ Գաբար, Առաջին Օր

«Երկինքը Աստուծոյ փառքը կը պատմէ, ու երկինքի հաստատութիւնը անոր ձեռքերուն գործերը կը ցուցնէ: Օրը օրին կը յայտնէ խօսքը, ու գիշերը գիշերին կը ցուցնէ գիտութիւնը: Չկայ գրոյց, չկան խօսքեր. անոնց ձայնը չլսուիր. բայց ամէն երկիր ելաւ անոնց հնչիւնը, ու մինչեւ աշխարհի ծայրը՝ անոնց խօսքը: Անոնց մէջ արեւին համար վրան մը կանգնեց. ու անիկա իր առագաստէն ելած փետայի պէս է, հզօր մարդու պէս իր ճամբան վազելով կ'ուրախանայ: Անոր ելքը երկինքի ծայրն է, ու անոր շրջանը մինչեւ անոնց ծայրերը, և անոր տաքութենէն բան մը չծածկուիր:» Սաղ. ԺԹ. 1-6:

Նկատեցէք այն գիւրութիւնը, որով Սաղմոսերգուն հոս երկինքի բովանդակ գործունէութիւններն Աստուծոյ բացորոշ ազդեցութեան կը վերադառնան: Բնական օրէնքին զաղափարը իրեն և Արարչին մէջտեղ մտած չէ: Երբ արեւը կը բարձրանայ և կամ աստղերը կ'երեւան, ան կ'զայթէ Աստուած է որ կ'ընէ ատիկա: Հիմա տակաւին կրնայ ձգմարիտ ըլլալ թէ, ինչպէս Պ.

Չեսթըրթըն դիտել կու տայ, Աստուած ամէն առտու արեւուն կ'ըսէ, «Ելիր, դարձեալ կրկնէ:» Բայց խիտ շատերու համար դժուար է ատիկա երեւակայել: Արեւը ինկնին օրհնելով գործել կը թուի, ամէն բան ինքնիրեն գործել կը թուի. այնպէս որ այս Սաղմոսն արդի մտքով անդիտակցօրէն կը փոխուի ու կ'ըլլայ «Երկինքը օրհնելին փառքը կը պատմէ:» Շաբաթական մեկնաբանութեան մէջ պիտի տեսնենք անբնականութիւնը կրօնական հաւատալիքի այս ժխտումին, զոր մեր արդի գիտական ծանօթութիւնը յառաջ բերած է շատերուն մէջ: Բայց օրական ընթերցուածներուն մէջ նշանակենք կերպերը, որոնցով բնական օրհնի մասին մեր նոր տեսնելու արժեքը իրապէս կ'ազդէ մեր վրայ: Ասիկա, ինչպէս վերեւ յիշեցինք, միթէ զԱստուած հեռացնել չի՞ թուիր: Տիեզերքը երեւոյթն ունի մեծ մեքենայի մը, ինքնագործ, ինքնուղիղ, զԱստուած ունենալով շատ հեռուոր Պահպանիչ մը եթէ երբեք ան սեւէ տեղ է: Թոմաս Հուտայս զգացումը դրած է հետեւեալ ծանօթ տուներն մէջ.

«Կը յիշեմ դեռ, կը յիշեմ դեռ
Բարձրը ու մութ այն մայրիներ
Նուրբ գագաթով հասած երկինք —
Մենք տղաքս այդպէս կը կարծէինք —
Տըզիտութիւն տըղայական:
Բայց այժմ ուրախ չեմ ես այնքան
Որ հեռագոյն եմ երկինքէն
Քան որ էի մանուկ ատեն:»

Աղօթք. Ով Աստուած, շնորհակալութիւն կը մատուցանենք քեզի այս տիեզերքին՝ մեր մեծ տանը՝ համար, և անոր ընդարձակութեան և ճոխութեան համար, և անոր վրայ եռացող բազմազան կեանքին համար, որուն մաս կը կազմենք մենք: Կ'օրհնենք քեզ կամարակապ երկինքին և օրհնաբեր հովերուն համար, արշաւող

ամպերուն և վերի համաստեղութեանց համար: Կ'օրհնենք քեզ ազի ծովուն և հոսուն ջուրին համար, յաւիտենական լեռներուն, ծառերուն և մեր ոտքերուն տակ աճող կանանչին համար: Շնորհակալ ենք մեր զգայարաններուն համար, որոնցմով կրնանք տեսնել առաւօտեան պայծառութիւնը, լսել սիրոյ ցնծալի երգերը, հատոտել զարնան քաղցր շունչը: Կը խնդրենք, շնորհէ մեզի այս բոլոր ուրախութեան և գեղեցկութեան առջեւ լայնաբաց սիրտ մը, և զերծ պահէ մեր հոգիները հոգերու մէջ այնպէս մխրճուելէ — կիրքերով այնպէս մթազնելէ որ անուշադիր կամ աննկատ անցնինք, երբ մինչեւ անգամ ճամբուն եզերքի փշենին կը բոցավառի Աստուծոյ փառքով: Վալթըր Բուշընպուշ:

Վեցերորդ Շաբաթ, Երկուրդ Օր

«Ով Տէր, զիս քննեցիր ու ճանչցար: Դուն գիտես իմ նստիլս ու ելլելս. իմ խորհուրդս հեռուանց կ'իմանաս: Իմ շաւիղս ու պառկիլս կը քննես, ու իմ բոլոր ճամբաներս գիտես: Վասն զի բնաւ խօսք չկայ իմ լեզուիս վրայ, անա, ով Տէր, դուն ամէնը գիտես: Իմ ետեւէս ու առջեւէս զիս պաշարեցիր, և քու ձեռքդ իմ վրաս դրիր: Այս գիտութիւնը ինձի խիստ զարմանալի է, բարձր է, ու չեմ կրնար հասկնալ զանիկա: Ո՛ւր երթամ քու Հոգիէդ, և քու երեսէդ ո՛ւր փախչիմ: Եթէ երկինք ելլեմ, դուն հոն ես. եթէ դժոխքը անկողինս ընեմ, անա դուն հոն ես. եթէ արշաւուսին թեւերը առնեմ, և ծովուն վերջի ծայրերը բնակիմ, հոն ալ քու ձեռքըդ ինձի պիտի առաջնորդէ, ու քու աջ ձեռքդ զիս պիտի բռնէ:» Սաղ. ՃԼԹ. 1-10:

Աստուծոյ անմիջական ներկայութեան մասին Սաղմոսերգուին այս զգացումին իբր հակադրութիւն՝ օրէնքի իշխանութիւնը ոչ միայն կը թուի զԱստուած հե-

ապրիլի . այլ զԱյն ետ՝ պատմութեան մէջ կը քչէ : Ան
այլեւս ուրիշ բան չըլլար , եթէ ոչ վարկած մը , բացատ-
րելու համար թէ տիեզերքն ինչպէս գոյութեան եկաւ
նախ : Ինչպէս երևելի անձ մը ըսաւ , Մարդիկ զԱստուած
կ'երեւակայեն որպէս ձարտարագէտ մը , որ շարժումի
մէջ դրաւ տիեզերքի վայրաշարժը , շոգեղունակը քաշեց
բացաւ , և յետոյ կառքէն վար ցատքեց . և անկէ ի վեր
տիեզերքը իր անասնձ վազքը կը շարունակէ կատարեալ
օրէնքի երկաթագծերուն վրայ :

Ասիկա ոչ միայն անկարելի կը դարձնէ հոգեւոր հա-
ւատքը , որ կը փայլի մեր Սբ . Գրական հատուածին մէջ ,
այլ կ'եղծանէ առողջ խորհողութեան ամէն օրէնք : Ասիկա
աղայական է : Ասիկա հաւասար է փիլեմոնիցի գեղջու-
կին հաւատքին , որուն համար Բենիամին Գոնսթանթ
կը պատմէ թէ կը կարծէր որ տիեզերքը ստեղծուած
էր Աստուծոյ մը , որ իր գործն աւարտեցէն առաջ մե-
ռաւ : Նայեցէք թէ արդեօք ձեր աղօթքներն ար-
գիլուած են Աստուծոյ մասին այս տեսակ զաղափարի
մը նենգաւոր ազդեցութեամբ : Մարդ իրապէս աղօթել
կարենալէ առաջ պէտք է որ Աստուած տեսնուի իբր
ներկայ կենդանի Աստուած , որուն գործելու միջոցները
մասամբ գծեցինք և օրէնք կոչեցինք :

Աղօթք . Ով Տէր , Աստուած մեր , կը փափաքինք
այս պահուս մեզի մօտ զգալ Բեզ հոգիով և մարմինով :
Գիտենք որ Բեզմով կ'ապրինք , կը շարժինք ու կանք :
Բայց կը վհատինք , դիւրաւ կը վրդովինք , և կը թա-
փառինք տխուր անապատներու մէջ , ուր կը կորսն-
ցենք Քու ներկայութեանդ գիտակից փորձառութիւնը :
Սակայն մեր հոգիներուն խորագոյն կարօտը Բեզի հա-
մար է : Ինչպէս եղջերուն կը փափաքի ջուրի վտակնե-
րուն , այնպէս ալ մեր հոգիները կը փափաքին Բեզի ,
ով Աստուած : Քու անձէդ զատ ոչինչ կրնայ յագեցնել

քաղցը և մարել պապակը զոր Դուն ներշնչեցիր մեզի :
Ով մեր հոգիներուն զօրութիւնը , անոնց մէջ մտիւր և
զանոնք ըրէ Բեզի յարմար , մաքուր՝ Բրիտանոսի մաք-
րութեամբը , սիրող և սիրելի՝ Քու սիրովդ : Սամուէլ
Մաք Քոմ :

Վեցերորդ Ետքաք , Երրորդ Օր

«Այնպէս ալ Հոգին օգնութեան կը հասնի մեր տը-
կարութիւններուն , քանզի ինչ բանի համար աղօթե-
լու ենք ըստ արժանւոյն՝ չենք գիտեր . բայց ինք Հո-
գին բարեխօս կ'ըլլայ մեզի համար անբարբառ հոռա-
չանքներով : Եւ սիրտերը Քինոզը գիտէ Հոգիին ինչ
խորհիլը . քանզի Աստուծոյ կամքին համեմատ բարե-
խօսութիւն կ'ընէ սուրբերուն համար : Սակայն գիտենք
որ ամէն բաները բարիի գործակից կ'ըլլան անոնց որ
զԱստուած կը սիրեն , որոնք անոր նախասահմանու-
թիւնով կանչուած են » Հոով . Ը . 26-28 :

Նկատեցէք հոս խորհուրդի կապակցութիւնը ընդ
մէջ աղօթքի և հաւատքի , որ հիմնուած է կառավարող ևս-
խախտանքներէ վրայ Աստուծոյ , որ ամէն բաները բա-
րիի գործակից կ'ընէ զինք սիրողներուն : Այս կապակցու-
թիւնը կենսական չէ : Եթէ Աստուծոյ նախախնամու-
թիւնը չի հակակոչէ այնպէս ինչպէս ան տիեզերքի մէջ
գործի վրայ է չափել ձեւելու համար դէպքերը և կազ-
մելու համար մարդիկը , ուրեմն ինչ է աղօթքին օգու-
տը : Անա ճիշդ հոս է մեր արդի շիտթութիւններէն մէ-
կը : Օրհնիլի իշխանաքիւնը նախախտանքներէ գործու-
նէրէրէր գերակշռել կը քուի : Երբ մասուկ էինք , մեզ-
մէ շատերը անտարակոյս կ'աղօթէին այնպէս՝ ինչպէս
ձիւրերնս նայթինկէյլ կ'ըսէ թէ աղօթած էր ինք : «Երբ
մատաղատի էի ,» կը գրէ ան , «չէի կրնար հասկնալ թէ
մարդիկ ինչ ըսել կ'ուզէին՝ աղօթքի մէջ իրենց խոր-

հուրդները ցրուեցան՝ ըսելով: Ես կը խնդրէի ինչ որ իրապէս կ'ուզէի, և իրապէս կ'ուզէի ինչ որ կը խընդրէի: Եւ իմ խորհուրդներս աւելի չէին ցրուեր քան խորհուրդները մօր մը, որ իր Վեհապետին կը պաղատի յետաձգել իր որդիին գլխատումը...: Առաւօտեան պաշտամունքը շատ աւելի կը սիրէի քան յետ միջօրէինը, ինչու որ աւելի բաներ կը խնդրէինք...: Միշտ դժբախտ կ'զգայի երբ եկեղեցիէն բացակայէի Մաթթանքի երգեցողութեան միջոցին: Ո՛րքան չար բան է աղօթքի հաւատարով հանդերձ՝ ամէն մարդու պէտքին համար չաղօթել...: Ճորձ Դի համար չէի կրնար աղօթել: Շատ բարի կը համարէի անոր համար աղօթող մարդիկը. և կը խորհէի թէ արդեօք շատ աւելի գէշ կրնա՛ր ըլլալ, եթէ իրեն համար չաղօթէին: Ուրիշըմ՝ Դի համար քիչ մը կ'աղօթէի: Բայց երբ Վիգթորիա գահը բարձրացաւ, իրեն համար կ'աղօթէի զգացումի յափըշտակութեամբ մը, և իմ խորհուրդներս երբեք չէին ցրուեր:»

Ի՞նչ է այն բանը որ փոխեց այս մանկական հոգին մեր աղօթքներուն մէջ: Արդեօք բնական օրէնքի իշխանութեան մասին մեր յարածուն ծանօթութիւնը չէ՞ Սյուպէս օրիորդ Նայթինկէյլ կու գար ըսել իր մանկութեան տեսակէտին հակառակ, «Աստուծոյ ծրագիրը մեզի համար այն չէ որ ինք պարտի մեզի տալ ինչ որ խընդրենք, այլ այն՝ թէ մարդ ձեռք բերելու է զայն մարդուն օգտին համար:» Աչքի առջեւ բերէք ձեզի ծանօթ մարդիկը, որոնք աղօթելէն իսպառ հրաժարած են այս նոյն պատճառաւ:

Աղօթքի Ամենակալ Աստուած, Քու լիութենէդ շնորհէ մեզի իմաստութիւն և զօրութիւն, որու այնքան պէտք ունինք և որ այնքան կը պակսի մեր քով: Մեր կամքերը հպատակեցուր Քուկինիդ: Մեր մտքերը բարձրացուր

երկնային լոյսիդ, որպէս զի մենք անոր շնորհիւ ուղիղը տեսնելով և քու սէրէդ քաջուելով կարենանք մեր կամքն ու միտքը լծել Քու ծառայութեանդ մինչեւ որ վերջապէս մարմին, հոգի և միտք բոլորովին Քուկդ ըլլան, և Դուն ըլլաս մեր Հայրը և յաւիտենական Բարեկամը: Ամէն: Ճորձ Տոսըն (1821-1876):

Վեցերորդ Ետքը, Չորրորդ Օր

«Օրհնէ Տէրը, ով իմ անձս. ով Տէր, իմ Աստուածս, դուն խիստ մեծ ես. փառք ու վայելչութիւն հագած ես. լոյսը հանդերձի պէս կը հագնիս, երկինքը վարագուրի պէս կը տարածես: Անիկա իր վերնատունները ջուրերուն վրայ կը շինէ. ամպերը իրեն կառք կ'ընէ, հովին թեւերուն վրայ կը պտըտի: Իր հրեշտակները հոգիներ կ'ընէ ու իր պաշտօնեաները՝ կրակի բոց: Անիկա հաստատեց երկիրը իր հիմերուն վրայ, որպէս զի յաւիտեանս յաւիտենից չխախտի: Զանիկա անգունդով ծածկեցիր՝ իբր թէ հանդերձով. ջուրերը լեռներուն վրայ կայնեցան. քու սաստելէդ փախան, քու որոտմունքիդ ձայնէն արտորալով փախան. լեռներուն վրայ ելան, ու հովիտներուն մէջ իջան, այն տեղը որ դուն հաստատեցիր անոնց համար: Սահման դրիր, որպէս զի չանցնին ու նորէն երկիրը չծածկեն: Չորերուն մէջ ազբիւրներ կը զրկէ. ջուրերը լեռներուն մէջէն կ'երթան: Անոնք բոլոր դաշտի գազաններուն կը խմցնեն, ու վայրի էշերն իրենց ծարաւը կ'անցընեն: Անոնց քով երկինքի թռչունները կը բնակին, ստերուն մէջէն ձայն կու տան:» Սաղ. ՃԴ. 1-12:

Կարդացէք ամբողջ Սաղմոսը, տիեզերքին մէջ Աստուծոյ հակակշռող ներկայութեան վրայ հիմնուած հաւատքի շողջողուն արտայայտութիւն մը: Շատերը հիմա, մեր օրերուն, այսպիսի հաւատքի մը մասնակից ըլլալու

իրենց ճիգին մէջ կը նեղուին, որովհետեւ օրէնքին իշխանութիւնը կ'ենթադրէ որ աստուածային ունէ օգնութիւն պիտի նշանակէր հրաշք մը, կանոնաւոր ու բնական կարգի մէջ միջամտութիւն մը: Աստուած ի՞նչ պէս կրնայ բնութեան ընթացքը և մարդկային պատմութիւնը ձեւափոխել առանց օրհեկը խաւկարեցու: Բայց մտածեցէք թէ ինչ որ մենք հրաշք կը կոչենք՝ պէտք չէ որ երբեք նշանակէ ընդհատում ունէ օրէնքի: Խի՞ճ մը և հունս մը քով քովի թաղեցէք հողին մէջ: Խի՞ճին օրէնքն է մեռեալ մնալ. հունսին օրէնքն է աճիլ: Եթէ, ուրեմն, խի՞ճը կարենար տեսնել սերմին ընձիւղիւը, ո՞րքան ապահովաբար իր խճեայ ձեռքերը զարմանքով պիտի բարձրացնէր ու գոչէր, «Հրա՛շք» Բայց ոչ մէկ օրէնք ռանակոխ եղած է հոն: Հոն և ամէնուրեք հրաշք կոչուածը օրէնքի զանցառում չէ, այլ յրուսեղ աւելի մեծ եւ աւելի բարձր օրհեկի մը քան զոր մեկ հասկցած եմք միևնչեւ հիմա: Աստուծոյ նախախնամութիւնը երբեք նշանակած չէ ու չի նշանակեր իր օրէնքներուն բեկանումը: Այլ կը նշանակէ թէ մենք հոգեկան տիեզերքի բոլոր միջոցներուն այնքան քիչ ծանօթ ենք որքան խի՞ճ մը տունկի մը միջոցներուն, և թէ Աստուած դէպքերուն ընթացքը կ'ուզէ օրէնքներով, որոնցմէ ոմանք մեզի ծանօթ են, ոմանք՝ անծանօթ: Յիշեցէք որ բնական օրէնքն ուրիշ բան չէ, եթէ ոչ՝ մարդուն յայտարարութիւնը թէ ի՞նչ կանոնաւորութեամբ տեղի կ'ունենան դէպքերը, եւ այս՝ այնքան որքան ինք կարող եղած է դիտել զանոնք: Ինչ որ մարդուն հրաշք կ'երեւնայ՝ Աստուծոյ համար հրաշք չէ: Անոր աչքին այնքան բնական է որքան արեւուն ծագիլը:

Աղօթք. Ով Տէր, որով կ'ապրինք, կը շարժինք ու կանք, բաց մեր աչքերը որ կարենանք Քու հայրական ներկայութիւնդ միշտ մեր շուրջը տեսնել: Մեր սրտերը

Քեզի քաջէ Քու սիրոյդ ուժովը: Սորվեցուր մեզի ոչ մէկ բանի համար տագնապիլ. և երբ ըրած ըլլանք ինչ որ մեզի տուած ես ընելու, օգնէ մեզի, ով Աստուած Փրկիչ մեր, հետեւանք Քու իմաստութեանդ թողուլ: Հեռացուր մեզմէ ամէն կասկած և անվստահութիւն: Բարձրացուր մեր խորհուրդները Քեզի երկնից մէջ, և մեզի սորվեցուր թէ մեզի համար ամէն բան կարելի է Քու Որդւոյդ՝ մեր Փրկչին՝ միջոցաւ: Ամէն: Ուեսթ.քոթ Եպիսկոպոս:

Վեցերորդ Ծաբար, Հինգերորդ Օր

«Ինքն է երկրի շրջանին վրայ նստողը, ու անոր բնակիչները մարախներու պէս են. ինքն է երկինքը վարագուրի պէս տարածողը, ու նստելու համար զանիկա վրանի պէս կանգնողը. ինքն է իշխանները բնաջինջ ընողը, ու երկրիս դատաւորները ոչնչացնողը: Անոնք դեռ չտնկուած, չցանուած, և անոնց բունը հողի մէջ չարմատացած, անիկա անոնց վրայ կը փչէ, ու անոնք կը չորնան. և փոթորիկը զանոնք մղելի պէս կը տանի: Արդ, որո՞ւ կը նմանցնէք զիս, որ ես անոր հաւասար ըլլամ, կ'ըսէ Սուրբը: Չեր աչքերը վեր վերցուցէք, ու նայեցէք. ասոնք ո՞վ ստեղծեց. անիկա անոնց զօրքը համբանքով կը հանէ. անոնց ամէնը իրենց անունովը կը կանչէ. իր մեծ իշխանութիւնովը ու սաստիկ զօրութիւնովը անոնցմէ բնաւ մէկը ետ չմտար:» Ես. Խ. 22-26:

Կրօնական մտածումի մէջ շատերու հանդիպած բուն դժուարութիւնը հոս է. Տիեզերքի մասին նոր գիտութիւնը ակադամարար դարձուցած է անոնց մակակալակ խորհուրդները Աստուծոյ մասին, եւ իրեկի փոխակալակ նոր պեճիկ պատշաճող, աւելի արժանաւոր եւ աւելի շայն զաղախար մը ստեղծող՝ կը հրաժարի Աստուծոյ վերաբերեալ ուրիշ

առեկն կենսական խորհուրդի: Մենք կ'զգանք որ Եսայի այս քառասուներորդ գլուխին մէջ կը ձգտի հասնիլ Աստուծոյ մասին այնքան բարձր ըմբռնումի մը՝ որքան կը ներէ իր հասողութիւնը, որովհետեւ կացութիւնը զայդ կը պահանջէ: Մեր արդի կացութիւնը մտքի նոյն զերագոյն ձգտումը կը պահանջէ: Այս է նաեւ ճշմարտութիւնը Սամ Ծոսի հետեւեալ քերթուածին մէջ.

«Փոքր բաներու մէջ ծընաւ մանչ մ'անմեղ,
Աշխարհով փոքրիկ ու երկինքով նեղ.
Ան բնաւ չերազեց ծիրեր անսահման,
Որոնց վըրայէն աստղեր կը սուրան:

Գործով, խորհուրդով փոքրիկ, աննըչան,
Ու քիչ արկածով կեանք մը վարեց ան.
Եւ չափեց, ներկեց հողն իր փոքրագոյն,
Եւ աղօթք մատուց իր փոքր Աստուծոյն:

Բայց քանի՛ մեծցաւ կազմըւածքն անոր՝
Պակսեցաւ հաւատքն իր արդէն անզօր.
Աշխարհ իր աչքին մեծցաւ լայնօրէն,
Բայց Աստուած անհետ եղաւ աստղերէն:

Ուրիշ մանչ մըն ալ եկած է աշխարհ.
Թէեւ միւսին պէս ծագումով խոնարհ,
Բայց ան գիտութիւն քաղեց լըջօրէն
Ծառէն, ծաղիկէն, այգուն շողերէն:

Ան երկինքն որքան տեսնէր լայնացած՝
Մեծցող միտքն այնքան մեծ տեսնէր զԱստուած.
Ամէն տարի զայն կ'երագէր վերստին,
Ու իր հին Աստուածն կը թողուր ետին:

Կը տեսնէր մեծնալն ճըրագրին անհուն՝
Աստղին, ծաղկին մէջ և ծոցն հողերուն,
Եւ որքան մեծնար տիեզերքն աչքին՝
Այնքան մեծ Տէր մը կ'զգար իր հողին:»

Աղօթք. Ով Հայր Աստուած մեր, որ մեզ կը յորդորես աղօթել, և մեզի կը պարգեւես ինչ որ խնդրենք, եթէ միայն՝ երբ խնդրենք՝ լաւագոյն կեանք մը ապրինք: Լսէ ի՞նչի, որ կը դողամ այս մթութեան մէջ, և Քու ձեռքդ երկնցուր ինձի: Քու լոյսդ առջեւս բռնէ, և զիս ետ կանչէ իմ մոլորումներէս, որ Քեզ առաջնորդ ունենալով կարենամ վերագառնալ անձիս և Քեզի, յանուն Յիսուս Քրիստոսի: Ամէն: Աբ. Օգոստինոս (354-430):

Վեցերորդ Ծարաք, Վեցերորդ Օր

«Թէև թգեկին ընծիւզ չտայ, ու որթերու վրայ պտուղ չըլլայ, և ձիթենիին բերքը ստէ, ու արտերը կերակուր չտան, և փարախէն ոչխարը կտրի, ու գոմերու մէջ արջառ չըլլայ, սակայն ես Տէրովմով պիտի ցնծամ, իմ փրկութեանս Աստուծով պիտի ուրախանամ:» Ամբ. Գ. 17, 18:

Մենք նշանակեցինք հինգ աղքեցութիւններ, զորս օրէնքին իշխանութեան գիտութիւնը կը գործէ արդիական մտքերու վրայ: Անիկա զԱստուած կը հեռացնէ, զԱյն ետ կը տանի, Անոր մասնաւոր օգնութիւնը անկարելի ցոյց կու տայ, ոեւէ նախախնամական օժանդակութիւն հրաշքի համազօր կը ներկայացնէ, և, վերջապէս, Անոր մասին մեր սղայական, տհաս խորհուրդները անբաւարար կը գտնէ: Բայց հիմա ենթադրելով որ այս բոլորը յաղթուած ըլլայ, և թէ Ամբակումի նման մարդ մը լիովին հուատայ կենդանի Աստուծոյ մը նա-

խախնամական հակակշիռին իր տիեզերքին վրայ, դիտեցէք մեծամտութեան պակասը որով ան կը գործածէ իր հաւատքը: Բնութեան զօրութիւններն Աստուծոյ ձեռքին մէջ են, բայց մարգարէն անհամեստօրէն չի պահանջեր որ անոնք մարդկային բաղձանքին համաձայն գործածուին: Կրնայ նոյն խկ պատահիլ որ սոսկալի նեղութիւն մը բերեն անոր վրայ, ինչպէս տասնըօթներորդ համարը կը պատկերացնէ. և սակայն չի կասկածիր աշխարհի մէջ Աստուծոյ առաջնորդութեան վրայ: Նկատեցէք այս կեցուածքին կարեւորութիւնը աղօթքի համար: Աստուծոյ նախախնամութեան վրայ հաստատուած հաւատքը չփոթուելու չէ այն յանդուզն ենթադրութեան հետ թէ նախախնամութիւնը կրնայ մեր ուզածին պէս գործածուիլ: Անգղիոյ մէջ ամառ մը, երբ կղերականները եռանդով կ'աղօթէին չոր օդի համար, Չարլզ Քինկսլէյ մերժեց աղօթել: «Ինչպէս կրնանք գիտնալ թէ,» ըսաւ քարոզի մը մէջ, «այս անձրեւները դադրեցնելու համար Աստուծոյ աղօթած ատեն իրմէ խնդրած չենք ըլլար յառաջիկայ տարի հնտախտ դրկել մեզի: Կարծեմ, կ'ըլլանք...: Հիմա թերեւս կրնաք աւելի լաւ հասկնալ թէ ինչո՞ւ կ'ըսէի որ զեղեցիկ օդի համար աղօթելով յախուռն գործելէ կը վախնայի:»

Աղօթքի Ուր Դուռն, որ առատաձեռնօրէն կու տաս բոլոր մարդոց և չես մեղադրեր, շնորհէ ինձի՝ Քու ծառայիդ՝ իր սրտին բաղձանքը: Դուռն գիտես անոր ներքին և արտաքին վիճակը: Ինչ բան որ կ'արգիլէ զայն քեզի անձնատուր ըլլալէ, շնորհէ որ մէջտեղէն վերնայ, որպէս զի անոր և Քու միջեւ ազատ համարձակ յարաբերութիւն տեղի ունենայ: Շնորհէ որ ան յօժար գրտնուի վստահելու ուր փաստել չի կրնար, յօժար՝ հաւատալու իր լաւագոյն մղումներուն, հակառակ զանոնք ժխտող ամէն բանի: Բայ անոր աչքերը զՔեզ տեսնելու

այնպէս ինչպէս որ ես, անհունօրէն իրական, անհունօրէն ողորմած, անհունօրէն բարի: Խօսէ անոր՝ երկրին ու երկինքին ամենօրեայ վկայութեամբը, մարդկային սրտերուն բարութեամբը և գթութեամբը, մանաւանդ խօսքերովը ու գործերովը Քու հարազատ Որդուդ, որով Դուռն խօսեցար «յաւիտենական այո»ն, որ փախուստի կը մատնէ մեր ամէն հոգը: Շնորհէ անոր յաղթութիւն ամէն տագնապեցուցիչ տարակոյսի վրայ, և համբերութիւն՝ եթէ դեռ ուէ մթութիւն կը մնայ, որպէս զի կարենայ փառաւորել զՔեզ, յանուն մեր Տէր Յիսուս Քրիստոսի: Ամէն: Սամուէլ Մաք Քոմ:

Վեցերորդ Ծափար, Եօթներորդ Օր

«Քեզի գոհութիւն պիտի մատուցանեմ իմ բոլոր սրտովս. աստուածներուն առջև քեզի սաղմոս պետի երգեմ: Երկրպագութիւն պիտի ընեմ դէպ ի քու սուրբ տաճարդ, և քու անուանդ գոհութիւն պիտի մատուցանեմ քու ողորմութեանդ ու ճշմարտութեանդ համար. վասն զի քու բոլոր անունէդ վեր մեծցուցիր քու խօսքդ: Կանչած օրս պատասխան տուի ինձի, իմ անձիս մէջ զօրութիւնով զիս ուժովցուցիր: Եթէ նեղութեան մէջ ալ քայեմ, դուռն զիս պիտի կենդանացնես. իմ թշնամիներուս բարկութեանը դէմ քու ձեռքդ պիտի երկնցնես, և քու աջ ձեռքդ զիս պիտի փրկէ: Տէրը պիտի գործէ ինձի համար. ով Տէր, քու ողորմութիւնդ յաւիտեան է:» Սաղ. ՃԼԸ. 1—3, 7, 8:

Դիտեցէք այն ուրախ ստուգութիւնը որով Սաղմոսերգուն կը հաստատէ իր կեանքին վրայ աղօթքին ունեցած ազդեցութիւնը: Բոլոր այն չփոթութիւններով մէկտեղ որոնք կը շուարեցնեն մեր միտքը, երբ փորձենք աղօթել որ Աստուած հաճի փոխել արտաքին պարագաները, այս ներքին աշխարհը ուր աղօթքը ազ-

դեցիկ է շարունակ՝ անխռով կը մնայ: Ուշադրութեամբ կարդացէք Հենրի Մ. Սթէնլիի թողած սա վկայութիւնը. «Եթէ պատմեմ ձեզի իմ անձնական փորձառութիւնս, դժուար պիտի գտնեմ ճշդիւ հասկցնել կարեւորութիւնը ներքին ձայնի մը փափուկ այն ազդարարութիւններուն, որոնք զգաստութեան կը հրաւիրէին զիս ատեն ատեն: Նախ որ ինձի անկարելի է, ոչ ալ կը համարձակիմ, ըսել թէ աղօթքները ապագայեցիկ են: Ուր որ ես ջերմեռանդ եղած եմ, պատասխան ստացած եմ...: Ափրիկէի դէպի ներսերը զանազան արշաւանքներու վարչութեան մէջ համբերութեան համար մատուցուած աղօթքը ինձի զօրութիւն տուած է՝ վայրենի հակառակորդներս դիտելու. զուարճալի տրամադրութեամբ մը, երբեմն իրենց յիմարութեան համար անսահման արդահատանքով...: Կը տարակուսիմ որ առանց աղօթքի կարենայի դիմանալ նիզակներու ճօճումին, երբ անոնք վեց քայլ միայն հեռու էին ինձմէ...: Իմ բոլոր արշաւանքներուս մէջ աղօթքը զիս մտաւորապէս և բարոյապէս աւելի կը զօրացնէր քան չաղօթող ընկերներէս ուրիշ մէկը: Անիկա աչքերս չէր կուրցներ, ոչ ալ միտքս կը բթացնէր, և ոչ ականջներս կը գոցէր. այլ ընդհակառակն վստահութիւն կը ներշնչէր ինձի: Դեռ աւելին կ'ընէր. ինձի ուրախութիւն և հպարտութիւն կուտար գործիս մէջ, և յուսալից՝ վեր կը բռնէր զիս հազար հինգ հարիւր մղոն երկայն անտառային շաւիղներու վրայ, անհամբեր՝ դիմադրաւելու օրուան վտանգներուն և խոնջէնքին:»

Աղօթք. Յաւիտենական Աստուած, տուր մեզի վայելելի Քեզի հետ հաղորդակցելու խորհուրդին երանութիւնը: Խոնարհեցուր մեր հողիններն ամենախոր ակնածանքով Քու առջևդ, և սակայն բարձրացուր մեզ ու տուր ազգականութեան զգացում մը: Քու Որդւոյդ հո-

զին զրկէ մեր սրտերուն մէջ, «Աբբա Հայր» աղաղակող, որպէս զի ամէն անարժան երկիւղ վտարուի Քու կատարեալ սիրոյդ ուրախութեան առջևէն: Քու սէրդ կը նմանի լուսաւոր երկինքին, որ մաքրելու համար միայն կ'ընդունի երկրի ապականած շունչը: Քու քաղցրութիւնդ արեւուն կը նմանի, որ կ'ուզէ զուարթացնել ու տաքցնել մարդոց ցուրտ հոգիները: Ով Հայր մեր, դպիր մեզի Քու մեծ իրականութեանցդ զգացումովը, ինչու որ, թէեւ Քու մասիդ մեր մտածումն աւելի լաւ է քան մեր խօսքերը, բայց քու մասիդ մեր փորձառութիւնն աւելի լաւ է քան մեր մտածումը: Սամուէլ Մաք Քոմ:

Մեկնաբանութիւն Շաբթուան Համար

Ա.

Աստուծոյ հետ հաղորդակցութեան մէջ կէտ մը մինչեւ հիմա մեր ուսումնասիրութեան ընթացքին մէջ աննկատ մնաց: Աղօթքը խօսակցութիւն է, բայց ընդհանրապէս խօսակցութեան սիրոյն համար միայն խօսակցութիւն չէ: Մենք երբեմն մեր բարեկամներուն հետ կը խօսակցինք՝ սոսկ խօսակցելու հաճոյքին համար: Բայց երբեմն ալ կը խօսակցինք, որովհետեւ բանի մը պէտք ունինք: Այսպէս ալ Աստուծոյ հետ հաղորդակցութիւնը առ հասարակ բաղձանք է կը բխի: Ընդհարձի մկրտութիւնը և պատմութիւնը կը բխի: Ան ճակատ ճակատի կու գայ օրէնքի իշխանութեան հետ, զոր արդի գիտութիւնն ի յայտ բերաւ:

Աշխարհի մը մէջ, ուր պատճառ մը կայ ամէն ար-
դիւնքի և արդիւնք մը՝ ամէն պատճառի համար, ուր
իւրաքանչիւր պատահար հիւսուած է ուրիշի մը հետ
և ամէնքը կը շարժին անխուսափելի կապակցութեամբ
նախընթացի հետ, անիմաստ կը թուի ակնկալել որ
Աստուած ոեւէ բան փոխէ մեր կոչին պատասխանելով:
Մարդիկ կ'զգան ասիկա, երբ դիտեն տիեզերքին ընդար-
ձակութիւնը որուն մէջ կը տիրէ օրէնքին անընդհատ
իշխանութիւնը: Եթէ ազջկան մը մատանին ենթադ-
րենք իբր երկրագունտիս ծիրը 180, 000, 000 մղոն
տրամագիծով, ամենամօտ աստղը քսան մղոն հեռու
կ'ըլլայ, իսկ երկնային մարմիններու բազմութիւնը
բազում հարիւրաւոր մղոններ անկէ անդին, և այս
ամբողջ տարածութեան մէկ ծայրէն միւսը օրէնքը բա-
ցարձակ է: Եւ կամ եթէ մէկը մերձակայ բաներուն
նայի այսպիսի անողոք կանոնաւորութենէ մը իր միտ-
քը հանգստացնելու համար, հոն ալ հանգիստ չի գտներ:
Զիւնի բոլոր բիւրեղներուն մէջ, որոնք երբեք ինկած
են, չեն գտնուած անոնց մանրաթելերուն մէջ բիւրե-
ղացումի անկիւններ որոնք 60 և 120 աստիճաններէն
տարբեր աստիճան ցոյց տան: Հովը այնքան հնազանդ
է օրէնքին որքան ինկող քարը: Օդին բարեխառնու-
թիւնն այնքան գործ մըն է պատճառի և արդիւնքի որ-
քան ծագող արեւը. և հրատիոնի (radium) ճառագայթ-
ները, անհունօրէն մանր և այնքան արագ որ մէկ
երկվայրկեանի մէջ մէկը կրնայ երեք անգամ պատել
երկիրս և դեռ յաւելուած ժամանակ ունենալ, իրենց օրի-
նապահ ընթացքին մէջ այնքան կանոնաւոր են որքան
խաւարում մը:

Եւ ստուգելու եթէ մէկը օրէնքէն խոյս տալու յոյ-
սով իր ներքինը դիտէ, կը ձախողի: Մտքի գործողու-
թիւններն ալ օրէնքի հակակշռին տակ են, և հոգեբանս

սիրտ
հոգի
է-է

պարտաւոր

պէս կ'ընդունի աղօթքին բնականութիւնը: Անիկա
այսօր զարգացած մտքերու վրայ ծանր ճնշող հարցե-
ներն անոնց ծրագիրը կու տան յարաճուն ճշդութեամբ:
Դատողութիւնը անդիմադրելիօրէն կը պահանջէ մեր
հաւանութիւնը թէ ոեւէ անեղ օրէնքի հակառակ բան
չի պատահիր: Հիւսիսայգը յառաջ բերող պայմանները
մեզի լրիւ ծանօթ չեն: Բայց ոչ ոք կը տարակուսի թէ
այդ պայմանները գոյութիւն ունին և թէ, եթէ անոնք
ամենանուազ աստիճանով մը իսկ թերանան, Հիւսիսայգ
մը չի կրնար դուրս բերուիլ աշխարհի վրայ բոլոր սուր-
բերուն միացած աղօթքներով: Այսպիսի աշխարհի մը
մէջ Աստուծոյ ուղղուած որոշ խնդիրք մը անիմաստ
կը թուի: Շատերու աչքին Աստուծոյ հետ հաղորդակ-
ցութիւնն անդամ կը դժուարանայ, և այսպէս մարդ կը
կորսուի օրէնքի բաւիղին մէջ: Յորի կոչը այսօր հա-
ղարապատիկ ուժով կը ներկայանայ. «Երանի թէ կարող
ըլլայի գտնել զԱյն» (Յոր. ԻԳ. 3): Գալով, սակայն,
այն պահանջին որ շարունակենք աղօթել առանց հասկը-
նալու, արժանապատուութիւնը կ'ըմբոստանայ հող:
Օթուէյի խօսքերը, «Վենետիկը Պահպանուած» գործին
մէջ, թէ և 1682ին գրուած, ժամանակակից շեշտ մը
ունին իրենց մէջ:

«Առաջնորդել կ'ուզէք դուք
իմ խելքըս ցոյց աչքով նըման կաշկանդուած առիծին,
կոյանքներէն իր արդիւնուած. սակայն երբ ան լիովին
Բերուի հըլու ընտանութեան, կրնայ կըքիլ և ցոյց տալ
Տարօրինակ հնարքներ, որ ձեզ հաւատքի նշան կ'երեւին»

Այս մասնաւոր դժուարութեան մէջ մարդիկ ստէպ
կը յուսահատին, ինչու որ Աբ. Գիրքը ուղղակի օգնու-
թեան չի հասնիր: Տոքթ. Մաք Ֆետիլըն բացորոշ կեր-
պով կը խօսի ճշմարտութիւնն այս մասին. «Աբ. Գիրքը
ինչպէս կ'ընդունի Աստուծոյ գոյութիւնը, ձիշդ նոյն-

բուն չի պատասխաներ և ոչ իսկ կը յարուցանէ զանոնք:»
Սբ. Գրոց մէջ զժուարութիւն չի կայ նոյն գիշերուան
մէջ անգամ մը թաց և անգամ մը չոր զգաթով պատաս-
խան ստանալու կերպին մէջ: Դատ. 2. 37-40: Հոն
արեւը կրնայ կանգ առնել կամ յառաջանալ: Յես. Ժ. 13:
Ստուերը կրնայ արեւու ժամացոյցին վրայ ետ կամ յա-
ռաջ երթալ: Ես. 1. 8: Տապարին երկաթը կրնայ
ընկզմիլ կամ ջուրին երեան ելլել: Դ. Թագ. 2. 5-7:
Բանտին դռները կրնան բացուիլ առանց մարդկային
օգնութեան (Գործ. Ե. 19): Նևան այն դարերու ժողո-
վաւորին, որոնց օրով Սբ. Մատեանը գրուելու վրայ եր, Սբ.
Գիրքը գրողները մեծաւ մասամբ դեպքերը նկարագրելին
նրաջի բառերով և ոչ օրհնելի:

Բայց Սբ. Գրոց ընդունիլը թէ ազօթքը բոլորովին
բնական է, և ազօթքի արդիւնքներուն այս նկարա-
գրութիւնը հրաշքի բաներով, աւելի կը սաստկացնեն
քան թէ կը մեղմեն շատ Բրիտանիաներու շուարումը:
«Սբ. Գրոց այս աշխարհը մեր աշխարհը չէ,» կը
գոչեն անոնք տարակուսանքով: «Յոյց տուէք մեզի
վեր ապրած աշխարհին մէջ տեղ մը, ուր չի կարենանք
անպատճառ կախում ունենալ Բնութեան կանոնաւո-
րութենէն: Մենք արեւուն ելքն ու մուտքը երկվայր-
կենի ճշգրութեամբ կը գուշակենք, և անոնք երբեք չեն
սխալիր: Կը գծենք մոլորակներուն ընթացքը, և ա-
նոնք երբեք ուշ չեն մնար: Մեր արդի աշխարհին գոր-
ծերը կը յենուն սա գիւտին վրայ թէ մենք կրնանք
վստահ ըլլալ թէ նոյն բաները կը պատահին նոյն պայ-
մաններու տակ, միշտ և ամէն տեղ: Երբ կամուրջի մը
պրկումը հաշուենք, գիտենք թէ մեքենագիտութեան
օրէնքները մէկ գիշերուան մէջ չեն փոխուիր: Արդա-
րև, մեր ներկայ դարուն սքանչելիքը կը խորհրդանշուի
ձեռամբ Անգլիացի այն աստեղագէտներուն, որոնք Ափ-

րիկէ գացին խաւարում մը ուսումնասիրելու համար. և
վերջապէս իրենց գործիքներուն քով կայնեցան բացա-
վայրի մը վրայ: 'Հիմա,' ըսաւ անոնցմէ մէկը, ժամա-
ցոյցը ձեռքը, 'եթէ մեր հաշիւներուն մէջ սխալ մը գոր-
ծած չենք, պէտք է որ խաւարումն սկսի անմիջապէս: Եւ
այդ վայրկեանին լուսինին շուքը սկսաւ տեսնուիլ արեւ-
ուն եզերքին վրայ: Ասոր նման աշխարհի մը մէջ ա-
զօթելուն օգուտն ի՞նչ է: — 'Ճակատագրին պէս դաժան,
բռնութեան պէս բացարձակ, մահուան պէս անդուր,
գովարանելու համար խիստ ընդարձակ, ողորքելու հա-
մար խիստ անողոք, ազօթքի համար չունի ականջ, ոչ
ալ սիրտ՝ համակրանքի համար, ոչ ալ բազուկ՝ փրկելու
համար:»

Ոչ մէկը պէտք ունի հեռուներն երթալու՝ գտնե-
լու համար մարդիկ, որոնց կրօնական մտածումը սայ-
թաքած է այս զժուարութեան վրայ: Հետեւաբար կա-
րևոր է մեր խորհրդածութեան մէջ այսպէս կանուխ
յստակօրէն տեսնել թէ բնական օրհնել երբեք այն չի
իմաց որ մակերեսային մտածում մը կը ցուցնէ: Օրէնքի իշ-
խանութեան հետ գործ ունենալ Այնտիւնի ներքնու-
ղիին մէջէն ճամբորդելու կը նմանի: Քիչ մը գնա, և
ահա խաւար և բանտարկութիւն: Քիչ մը աւելի յառաջ
գնա, և ահա լոյս, ազատութիւն, և Իտալական բլուր-
ներու հեռաւոր տարածութիւնները: Պաքոնի դասական
խօսքը ոչ մէկ տեղ աւելի ճշմարիտ է քան հոս. «Բնու-
թեան գիտութեան մէջ կը համարձակիմ հաստատել այս
բանը թէ քիչ մը բնական փիլիսոփայութիւն, և անոր
մէջ առաջին մուտքը, անաստուածութեան կը հակեցնէ
միտքը: Բայց միւս կողմէ ճոխ բնական փիլիսոփայու-
թիւն և անոր մէջ խոր մխրձում կրօնքի կը բերեն
մարդոց մտքերը:»

«Բնական փրկիստփայութեան» մասին այս խորագոյն ճշմարտութեան կրնանք մօտենալ՝ դիտել տալով թէ այն մարդը, որ կը հաւատայ Բնութեան անողոք կանոնաւորութեան անձնական հակակշիռէ մը ազատ ըլլալուն, պէտք է ակնկալէ, սովորական պարագաներու տակ, ջուրին բլուրն ի վեր հոսիլը տեսնել: Սակայն իրապէս կրնայ օր մը տեսնել զայդ: Լեռներուն մէջ ջրամբարներ կը շինուին կամ ջրհանական կայաններ կը հաստատուին. և ջուրը բլուրն ի վեր կ'իջէ և բլուրն ի վար կ'իջնէ հաւասար գիւրութեամբ, և կ'երթայ դարձեալ բարձրանալ մինչեւ ամենաբարձր շէնքերու վերնագոյն յարկաբաժինները: Եւ ահա այս է հոն լուծուած կարեւոր գաղտնիքը. Մարդիկ չեն կրնար եղծել ձգողութեան օրէնքը: Բայց կրնան ձգողութեան օրէնքին հըռ գորութիւնը գործածել՝ ընկող հասարակաց ինչ որ ստանայ իրենց գործակցութեան տեղի պիտի չունենան երբեք:

Այսպէս ծանր նիւթ մը սովորաբար չի ծփար աւելի թեթեւի մը վրայ: Բայց երկաթակերտ նաւեր ամէն օր կ'ալօսեն ծովը և օդէն աւելի ծանր մեքենաներ կը նաւարկեն օդին մէջ: Հոս ալ կը յայտնուի այն իրողութիւնը թէ մարդիկ, որոնք երբեք չեն կրնար բեկանել կամ փոխել օրէնքները, կրնան օգտագործել, գործածել և զուգակցել օրէնքին հակակշռած ուժերը, ընելու համար ինչ որ այս ուժերը իրենք իրենցմէ պիտի չի կատարէին երբեք: Տեսութիւնը, որ կրօնքին հողիէն կը հեռացնէ օրէնքի իշխանութեան ամէն երկիւղ, ասիկա է. Անձնականութիւնը — միևնույն իսկ այն որ մեր մեջ կը գրտնուի, հասարակութեան ամէն ինչ կը գտնուի — օրէնքի հըռ բոլոր ուժերուն տեղի և ոչ սոսկ ծառայելու: Հըռպէս կ'ըսէր. «Այժմու կազմակերպուած և բարձր»

րէն զարգացած գիտութիւններն ու արուեստներն օժտած են մարդը ոչ-մարդկային բնութեան ընթացքին վրայ աւելի մեծ իշխանութեամբ մը քան զոր երբեմն կը վերագրուէր կախարհներուն:»

Այս ճշմարտութիւնը հիմքը կը կազմէ բոլոր մեր արդի նիւթական ձեռնարկներուն: Եթէ ճարտարագէտի մը առաջարկուի գետի վրայ կամուրջ մը կառուցանել, ո՞վ պիտի ըսէր անոր, «Անկարելի է. Բնութեան օրէնքները կ'արգիլեն օդին մէջ երկաթներ կախել»: Ան կըրնար պատասխանել. «Ես Բնութեան գերին չեմ լուր, այլ մասամբ անոր տէրը: Կարելի է Բնութիւնը ծառայեցնել, ինչպէս և հնագանդիկ ակոր:» Եւ եթէ մէկը հակառակը պնդէր, ըսելով թէ բնական օրէնքներն անբռնաբարելի են, ճարտարագէտին պատասխանը յայտնի է. «Օրէնքներուն անբռնաբարելիութիւնն անոնց գեղեցկութիւնը կը կազմէ: Անոնք հաւատարիմ ծառաներ են: Կարելի է անոնց վստահիլ: Անփոփոխ են երէկ, այսօր և յաւիտեան: Եւ եթէ դուք ուզէք դիտել, պիտի տեսնէք որ երբ այս ոյժերէն մէկուն Եկուր ըսեմ, կու գայ, երբ Գնա ըսեմ, կ'երթայ, և ես, անձ մը, կը գործածեմ, կ'օգտագործեմ Բնութեան օրէնքի հըռ ուժերը, անփոփոխելի կերպերու անհուն օրէնքներէն բազմազան զուգակցութիւններ յառաջ բերելով, այնպէս որ միլիոնաւոր մարդիկ այս գետն անցնին իմ կամուրջով:»

Կարեւոր է յստակ կերպով տեսնել ճշմարտութիւնը թէ անձնականութիւնը, նոյն իսկ մեր մէջ, յառաջ կրնայ բերել ամենէն անակնկալ արդիւնքները՝ ոչ թէ օրէնքներն եղծանելով, այլ անոնց մասին ստացուած գիտութիւնը գործածելով, այնպէս որ կարենանք անոր

մօտենալ ուրիշ կէտէ մը : Երբ մարդիկ օրէնքին անողորմութենէն սարսափին , կը խորհին թէ պատճառ և արդիւնք կը կազմեն խիստ դուրսէն մը , որուն հաստատուած կարգին մէջ ընդհատուած տեղի չունենար : Մենք հիմա չենք կրնար մտնել հոս պատճառականութեան փիլիսոփայութեան մէջ , բայց կ'արժէ նկատել որ գործնական փորձառութեան մէջ կը թուի թէ մենք երկու տեսակ պատճառի հետ գործ կ'ունենանք : Երբ միջոցորտային ճնշումը հով յառաջ կը բերէ , այդ մէկ տեսակն է : Երբ մարդ մը նոյն այդ հովով կը նաւարկէ ճարտարօրէն վարելով նաւակը մինչեւ որ իր նպատակին հասնի , այդ միւս տեսակն է : Առաջին պարագային բացարձակօրէն կանխորոշուած արարքի մը առջեւ ենք , երկրորդ պարագային ունինք անձնական կամք մը , որ անձնական նպատակի մը կը ծառայէ կանխորոշուած արարքը օգտագործելով : Այս երկու տեսակ պատճառներն ամէն տեղ գործի վրայ կ'երեւին : Երբ ձիւնը կ'իջնայ ճամբուն վրայ , անոր հեռացումը կրնայ կատարուիլ քնակաւ պատճառներով , արեւով կամ անձրեւով : Բայց այդ հեռացումը կրնայ նաեւ կատարուիլ անձնական պատճառներով : Մարդ մը նպատակ և թիւնենալով կրնայ թիւն ծառայեցնել իր նպատակին և մաքրել ճամբան : Անձնական պատճառականութիւնն ամէն տեղ ակներեւ է , և երբ պատճառի և արդիւնքի իշխանութիւնը խիստ և անագորոյն կը գտնուի , այդ անոր համար է որ կը մոռնանք թէ օրէնքի հլու ուժերն ո՞րքան դիւրաթեք են անձնականութեան ձեռքերուն մէջ :

Զարմանալի է որ մենք ատիկա կը մոռնանք : Մեր բոլոր մարդկային ձեռնարկներն այս ճշմարտութեան մեկնութիւնն են : Բնական պատճառները չեն կրնար բացատրել Սբ. Պօղոսի Մայր Եկեղեցին : Զգողութիւնը երբեք չի գոչեց իր եղբայրներուն , Բնութեան ուժե-

րուն , « Եկէք , միաբանինք Աստուծոյ տաճար մը կառուցանել : » Սբ. Պօղոսի Մայր Եկեղեցին կանգնողը օրէնքի մասին իր գիտութիւնն օգտագործող անձնակալութիւն է : Բնական պատճառականութիւնը չի կրնար քացատրել Պեթովէնի հատանուագները : Չափազիտօրէն ոչինչ աւելի ճիշդ է քան ձայնի թրթուածին օրէնքները : Բայց բովանդակ բարձր երաժշտութիւնը կը վկայէ անձնականութեան ուժին , երբ ան օրէնքի հլու ձայները չարակարգելու իր առանձնաշնորհը կը գործածէ : Բնական պատճառականութիւնը կրնայ բացատրել Ճիպրալթարի Նեղուցը . բայց չի կրնար բացատրել Փանամայի Զրանցքը : Անձնական պատճառը միայն կրնայ տեղեկութիւն տալ անոր մասին :

« Մարդ մը զընաց ի Փանամա ,
Ուր որ շատեր մեռած էին ,
Հոն ճեղքելով բլուրներն հըսկայ՝
Անցք բանալու մեծ հոսանքին :
Մարդ մ'էր կանդնած ի Փանամա ,
Լեռներ մէկդի կեցած էին : »

Մտքի ամենէն աւելի փրկարար յղացումներէն մէկը այն ըմբռնումն է թէ օրեկօրի հլու ուժերը կրնան անձնական կալֆի ծառայելը դարձնել : Այս ճշմարտութիւնը ժխտելու միակ կարելիութիւնը կը գտնուի բացարձակ նախասամանութեան տեսութեան մը մէջ , որ ամբողջ աշխարհը կը վերածէ նիւթական մեքենայի մը , անձնականութիւնն ընելով լոկ խեղճ ակոյց մը անխնեւուն մէջ : Ընդունինք , նոյն իսկ ամենազոյզն աստիճանով , ինչ որ փորձառութիւնը կ'ըսէ և մեծագոյն իմաստասէրները կը հաստատեն , անհատական նախաձեռնութեան ճշմարտութիւնը : Եւ այն ատեն կ'ունենանք նոր տարր մը արդիւնքի և պատճառի իշխանութեան մէջ , այսինքն՝ անձնական պատճառականութիւն :

Մենք շարունակ անձնական պատճառ կ'արձակեմք բնական պատճառներու մարդին մեջ: Ու երբ մէկը խորագէտ մտածէ ասոր վրայ, կը տեսնէ թէ ինչ որ մենք բնական պատճառ կը կոչենք՝ կրնայ անանձնական պատճառ մը չըլլալ երբեք, թէ տեղերի ուժերուն վրայ մեր աստուծոյ անտեսանալի հակակշիռը կրնայ մեկ օրինակն ըլլալ Աստուծոյ անտեսանալի հակակշիռին: Այն ատեն ամէն պատճառ անձնական պիտի ըլլար, և ամէն կիրարկութիւն, զոր մենք բնական կը կոչենք, Աստուծոյ գործելու կանոնաւոր եղանակը պիտի ըլլար: Պատճառ և արդիւնք ոչ Աստուծոյ, ոչ ալ մարդու համար կը գառնան պողպատեայ դրութիւն մը որուն մէջ ստրկանայ անձնականութիւնը: Անոնք անձնականութեան կը մատուցանեն յաւէտ վրատանելի գործիք մը, որով անձնական ազատութիւնը կ'արտայայտուի շարունակ:

Վ

Ազօթքի դէմ բերուած պատճառաբանութիւններէն շատեր, օրէնքի իշխանութեան վրայ հիմնուած, ճիշդ միեւնոյն ուժով՝ երկրային բարեկամէ մը եղած խնդիրքի դէմ կ'ելլեն: Աստուած չի կրնար ազօթքի պատասխանել, ինչու որ ան չի կրնար միջամտել օրէնքի իշխանութեան մէջ, կ'ըսեն: Տեսնենք: Մանուկ մը բաց պատուհանէ մը կ'իջնայ, և գէշ կերպով վիրաւորուած կը կանչէ հայրը: Միթէ պիտի ողբայ հայրը օգնելու կը անկարողութեան վրայ, որովհետեւ օրէնքին իշխանութիւնը կ'արդիւնէ: Ընդհակառակն, պիտի սկսի ըստ կարի շուտով գործածել օրէնքի իշխանութեան մասին իր գիտութիւնը: Պիտի վերցնէ մանուկը գետինէն, թէեւ ձգողութիւնը, եթէ իրեն թողուէր, մանուկը հոն պիտի պահէր: Հեռաձայնով լուր պիտի տայ հիւան-

դանոցին, և ատով կը գործածէ բնական ուժերու բազարութիւն մը անձնական կամքով միաւորուած, այնքան սքանչելի որ անոր մասին խորհիլը նոյն իսկ արդիական մարդուն շունչը կը կտրէ: Հիւանդաւորը փողոցն ի վար կը փութայ՝ ներկայացնելով Բնութեան օգտագործում մը, ուր մեքենական, ֆիզիզական և քիմիական հարիւրաւոր անփոփոխելի օրէնքներու ծանօթութիւնը կիրարկուած է: Վիրաբոյժը անձնական կամք կը ցցէ բնական պատճառականութեան ապահովաբար ճակատագրական ելքին դէմ, և մանուկը կը փրկուի: Այդ հայրը քանի՞ օրէնք ունակոյ ըրաւ արդեօք: Ոչ մեկ օրէնք. այդ ծակօրութիւն օգտագործեց այնքան քաղնարիւ, անհաշուելի օրէնքներու մասին եւ այդ ծակօրութիւնը գործածեց իբր միջոց իր սիրոյն, յօգուտ իր սրտին:

Հետեւաբար, եթէ քննելու ըլլանք այն կերպերը, որոնցմով մարդիկ բնական գործողութիւնները իրենց կամքին կը հպատակեցնեն, կամ այն կերպերը որոնցմով անձնական պատճառը կը հակակշռէ բնական պատճառները, և կամ այն կերպերը որոնցմով կը պատասխանենք խնդիրքներուն, ոչ թէ օրէնքներ օտնակոխելով, այլ անոնց մասին մեր գիտութիւնը գործածելով, միևնոյն եզրակացութեան կը յանգինք, այսինքն թէ անձնականութիւնը կրնայ տիեզերական ուժերը հակակշռել անձնական նպատակներու ծառայեցնելու համար գառնոյք: Գիտական օրէնքները մարդկային յայտարարութիւններ են, և յարաձուն կերպով համարիտ յայտարարութիւններ Բնութեան անյեղի գործողութիւններու, բայց գործողութիւնները միշտ դիւրաթեք են մարդկային իմացականութեան և կամքին ձեռքբերուն մէջ: Ուրեմն, միքէ քանի կ'ուզեմք քի Աստուած ևնազ ազուս է քան մենք: Միքէ մենք, արարածներս, այսօր յայն յայտով տե՛ր ևնք օրէնքի հոյ ուժերու. եւ ինք, Արա-

րիչը, զերի է ակնոց: Տիեզերական ուժերը միքե մե՞ր ձեռ-
 քերուն մեջ կերպրելիս ու գործածելի են, իսկ ակնոր ձեռքին
 մեջ ակննկուն եւ ակնշարժ: Մարդկային փորձառութեան
բովանդակ հասկանալու արիւնք կ'ենթադրէ քե Տիեզերքը
օրհնելով չի կառավարուիր, քե Աստուծո՞ւ կը կառավարուի
օրհնելի հասկանալով: Ան կախախնամօրհն կ'օգտագործէ, կը
փարէ եւ կը հասկանալու գործերու իր առանձին միջոց-
ները, ծառայեցնելու հասկար զստեղծ իր յարիսկեակական
կայսակներուն:

Ն

Աստուծոյ մասին մեր հիմնական սխալը սա կար-
 ծիքն է թէ ինք, այս մեքենային հեռուոր հեղինակը,
 թողած է որ այն բանի իր օրէնքներով, և անկարող
 է սեւէ բան ընել անոր առանց միջամուխ ըլլալու:
 Վարենք Աստուծոյ այս շատ տարրական պատկերը և
 տիեզերքի այս շատ ազայական ըմբռնումը: Ան հեռու-
 ները չէ: Ան Տիեզերքի մէջ բնակող Ներկայութիւնն
 է, ինչպէս է մեր կեանքը մեր մարմիններուն մէջ, և
 ամէն բան կը կառավարէ: Ներաբնակ յաւիտենական
 Արարիչն է, և օրէնքները, ոմանք մեզի ծանօթ, ուրիշ-
 ներ անծանօթ, Անոր գործեր կատարելու միջոցներն
 են: Ան բանտարկեալ մը չէ իր սեփական տիեզերքին
 մեքենականութեանը մէջ բանտուած: Ան Լուսի Ֆիլիփի
 անկարողութեան ենթարկուած չէ որ ըսէ. «Կը թագա-
 ւորեմ, բայց չեմ կառավարեր:» Ան ազատ է, աւելի
 ազատ քան զոր կրնանք երեւակայել, իր սահմանած
 ուժերը գործածելու համար: Նախախնամութիւնը կարե-
 չի է: Պատանի մը կրնայ վտակի մը ընթացքը չեղեցնել
 մէկ գծէն միւսը: Ինչ որ մենք կ'ընենք վտակի մը
 Աստուած կրնայ ընել սեւէ կեանքի և պատմութեան ալ

ընթացքին համար: Օրէնքներն ամբողջ Անոր ձեռքին
 մէջ են: Յիսուս կ'ըսէ. Ոչ մէկ ճնճողու գետին կ'իյ-
 նայ առանց ձեր Հօրը (Մատ. Ժ. 29):

Հետեւաբար, որչափ որ Սբ. Գիրքը բնական օրէն-
 քի արդիական խնդիրով չզբաղիր, աղօթքի հետ անոր
 յարաբերութեանը նկատմամբ կրնանք մենք տակաւին
 Սբ. Գրոց հետ բաժնել իր զաւակներուն օգնելու մա-
 սին Աստուծոյ կարողութեան, յօժարութեան և ազա-
 տութեան վրայ այն կատարեալ վստահութիւնը, որ
 ամբողջ գիրքը կը լեցնէ հաւատքով ու յուսով: Երբ
 Սբ. Գիրքը կ'ըսէ, «Մէկ անգամ խօսեցաւ Աստուած.
 երկու անգամ լսեցի թէ զօրութիւնն Աստուծոյ է» (Սաղ.
 ԿԻ. 11), կամ՝ «Տէրը իմ զօրութիւնս ու իմ ասպարս է.
 իմ սիրտս անոր յուսացաւ, ու ես օգնութիւն գտայ»
 (Սաղ. ԻԸ. 7), և կամ՝ «Ամէն բաները բարիի գործակից
 կ'ըլլան անոնց որ զԱստուած կը սիրեն» (Հոով. Ը. 28),
 չըսեր այն բան մը զոր օրէնքի իշխանութեան ամենա-
 կատարեալ հաւատացողն ալ չի կարենայ ըսել: Շատ
 աղօթքներ կան որոնց պատասխանելու չի Աստուած.
 բայց չի կան բարի աղօթքներ որոնց պատասխանել
 չի կրնար Աստուած: Ինք Տէրն է բոլոր օրէնքներուն,
 մեզի ծանօթ և անծանօթ: Երբ Աստուած իր օրէնքնե-
 րուն մասին իր գիտութիւնը օգտագործէ, ո՞վ կրնայ
 կանխաւ ըսել թէ ի՞նչ կրնայ պատահիլ: Աստուած ա-
 զատ է, որքան պարզ հնարաւորութեանց չուրջ է հար-
 ցը, սեւէ խնդիրքի պատասխանել. և եթէ աղօթք մը
 անպատասխան թողուի, պատճառն այն չէ որ օրէնքին
 իշխանութիւնը արգելք հանդիսացած է, այլ այն՝ քե
 ընդարձակ մարդեր կան, ուր պե՛տ չի որ Աստուած մեր
 քայմակներ իր ծրագրին տեղը դնէ:

Այս վերջին յայտարարութիւնը շեշտուելու արժանի է: Մենք կրնանք լաւագոյն համարիլ որ արեւն աւելի կանուխ ծագի, կամ երկոտասնեակ մը գոյներ կենան լուսապատկերին մէջ, որ խորհինք առանց զաղափարներու զուգորդութեան, կամ մեղանչենք առանց տառապելու: Բայց օգուտ չունին ասոնք: Աստուած իր ճիշդերը չի վերաշինէր ինկորուածքի մը համար, ոչ թէ վասն զի չի կրնար, այլ վասն զի ընկող չի: Մեզի համար կրնայ յարմար ըլլալ անձրեւը արեւու լոյսին տեղը դնել կամ արեւու լոյսը՝ անձրեւին տեղ: Բայց կրնայ ըլլալ որ, երբ ջանանք օղբ հակակշռի ենթարկել, հաւատքի տեղ յաւակնութիւն դնենք յիմարար: Հին բաբելոնիներու պատմութեան մը համաձայն, մայր մը երկու որդի ունէր, մէկը պարտիզպան, միւսը բրուտ: Պարտիզպանն ըսաւ. «Մայր, աղօթէ Աստուծոյ որ անձրեւ գրկէ բոյսերս ջրելու համար»: Բրուտն ըսաւ. «Մայր, աղօթէ Աստուծոյ որ արեւ գրկէ պտուկներս չորցնելու համար»: Արդ, մայրը զանոնք հաւասարապէս կը սիրէր: Անձրեւի՞ համար աղօթելու էր, թէ ոչ՝ արեւի համար: Ոչ. ամենալաւ բանը պիտի ըլլար որ խնդիրը Աստուծոյ յանձնէր:

Հետեւաբար, երբ լիակատար վստահութիւն հաստատուած է Աստուծոյ կարողութեան և ազատութեան վրայ ուրեք ժամանակ ուրեք զօրութիւն օգտագործելու համար, արժանաւայել խոնարհութիւն մը պիտի արգիլէ մեզ աղօթքի կիրարկելէ այս ճշմարտութիւնը յանդրդնաբար: Անձնական յարաբերութեանց մարդին մէջ աղօթքի ներգործութիւնն այնքան ակնհայտ է որ աղօթքի ազդեցութեան վրայ մեր հաւատքը գետին շահած է փորձառութեան մէջ: Բայց թէ աղօթքի զօրութիւնը

կրնայ ազդել Բնութեան առարկայական կիրարկութեանց՝ անկարելի է գիտականօրէն ապացուցանել: Մենք երբեք չենք կրնար այնքան կատարելապէս կողմացներ դէպք մը, զոր օրինակ օդի փոփոխութիւն մը, որ ապացուցուի թէ միայն և միայն մեր աղօթքը յառաջ բերաւ զայն: Անշուշտ ոչ մէկ մարդ կրնայ որոշ սահման մը գծել՝ ըսելով, «Ասկէ ներս կրնանք ակնկալել որ Աստուած իր օրէնքները գործածէ ի պատասխան մեր աղօթքներուն, իսկ ասկէ դուրս այդ տեսակ բան չենք կրնար սպասել»: Այս մասին Փրօֆ. Պաուս ունի ողջամիտ և օգտակար խօսք մը. «Աստուծոյ կալիֆին հպասակելով ամեն բանի մասին աղօթք թէ՛ աւելի մարդկային եւ թէ՛ աւելի Քրիստոնեայայել պիտի ըլլար քան մեր աղօթքներուն ճշգրիտ աստուծոյ մը գծել թէ ի՞նչ բաներ ինկորուածքի քոյրատեղի առարկայ կրնայիմ հաւարից»:»

Բայց պէտք է յայտնի ըլլայ թէ մենք երբեք յանդգնօրէն պահանջելու չենք որ առարկայական աշխարհի մը մէջ բնական ուժերու գործածութիւնը մեր անձնական նպատակին ծառայէ, և յետոյ վստահօրէն սպասելու չենք որ մեր աղօթքն յառաջ բերէ փոփոխութիւնը: Արեւուն և անձրեւին առջեւ, ինչպէս ըսաւ Յիսուս, չարերն ու բարիները հաւասար ըլլալ կը թուին (Մատ. Ե. 45): Լայմըն Պիչըրի հրապարակային պընզուտը թէ ոչ-ուղղափառ եկեղեցիի մը հրկիզումը վերագրելի էր սխալ վարդապետութեան մը վրայ Աստուծոյ դատաստանին, յաջորդ շարժուն (երբ Լայմըն Պիչըրի եկեղեցին ալ այրեցաւ) հաստատուեցաւ թէ վտանգաւոր և անճիշտ էր: Արտաքին աիեղերքի ուժերն Աստուծոյ ձեռքին մէջ են՝ անոնցմով ընելու համար ինչ որ ինք կ'ուզէ: Բայց այս անպատճառ չի նշանակեր թէ պիտի ընէ անոնցմով ինչ որ մենք կ'ուզենք: Պէտք չէ որ Աստուած իր վեհապետութիւնը թողու պահանջուած

ատեն: Շատ աւելի լաւ է որ մարդ օրէնքին կարգապահութիւնը սորվի քան թէ անկէ զերծ մնայ աղօթիւն համար: Աղօթքը վճռապէս չի «աստուածաբաններէն երաշխաւորուած մեքենայ մը, Աստուծոյ ընել տալու համար ինչ որ անոր յաճախորդները կ'ուզեն»:»

Հետեւաբար մեր աղօթքի բոլոր պահերուն պարտինք, Թրքմուլի բառերը գործածելով, յիշել «աղօթքի հաւատք»-ի և «հաւատք»-ի տարբերութիւնը: Աղօթքի հաւատքը կրնայ յանդուգն ըլլալ և շնորհակց կրնայ Ամենակարողին վերջնապիւր տալ, Անոր հաւատութիւնը պահանջող: Կրնայ աղօթքը Աստուծոյ վրայ մոգական պահանջ մը դարձնել: Բայց հաւատքով աղօթքն ամէն բան կը խնդրէ Աստուծոյ կամքին կատարեալ հպատակութեամբ: Չի փափաքիր երբեք իր բաղձանքը պարտադրել Յաւիտենական Նպատակին, այլ միշտ Անոր համաձայն ընել: Եռանդագին կը պաշտպանէ իր պէտքերը, բայց մեր Տէրոջ պէս կը վերջացնէ իր խնդիրքը, «Քու կամքը ըլլայ» ըսելով: Հաւատքով աղօթքը կը հրճուի Աստուծոյ վեհապետութեան համար, և վստահ է թէ բոլոր գորութիւններն Անոր ձեռքին կապուած են, և թէ ամէն բաներ բարիի գործակից կ'ըլլան զԱյն սիրողներուն: Աղօթքն այս կերպով իմաստ մը կ'ուսնենայ, ինչու որ Աստուած իր տիեզերքին մէջ ազատ է իր ուզածն ընել: Բայց աղօթքն այդ պատճառաւ յանդուգն չի դառնար ակնկալելու չափ թէ Աստուած պարտի ընել ինչ որ մեկ կ'ուզենք իր տիեզերքին մէջ:

է

Այսու հանդերձ մարդ մը կայ, ուր ոչ ոք պէտք ունի վարանելու՝ աղօթքի պատասխան սպասելու մա-

սին: Աղօթքը ակնկալակալ յարաբերութեանց օրհեմն է: Կարեւոր է յստակօրէն ըմբռնել թէ բոլոր օրէնքներն ամէն մարդերու չեն յարմարիր: Զգողութիւնը, օրինակի համար, տիեզերական չէ: Առանց բացառութեան կը տիրապետէ առարկայական ֆիզիզական աշխարհին մէջ, բայց չի մտնէր անձնական, հոգեկան աշխարհին մէջ: Հոգ կ'սկսի նոր մարդ մը, ուր կ'զբաղինք այնպիսի իրականութեանց հետ որոնք փորձի խողովակներու մէջ չեն կրնար բռնուիլ, կամ կանգուններով չափուիլ, և կամ նժարներու մէջ կշռուիլ: Այս նոր մարդին մէջ նոր օրէնքներ գործի վրայ են: Զգողութիւնը չի կրնար հոգեկան աշխարհին մէջ խուժել, թէեւ հոգին կրնայ նուաճել և գործածել ձգողութեան զօրութիւնը: Օրէնքներն այսպէս վարչաձեւերու կը բաժնուին: Երբ մէկը անգործարանաւոր աշխարհէն գործարանաւորին անցնի, իր ետին կը թողու օրէնքներ որոնք հիմա այլեւս գործածելի չեն: Եթէ բոյսերու աշխարհէն մարդոց աշխարհը անցնի, կը բարձրանայ այնպիսի օրէնքներու՝ որոնք բոյսերու չեն պատկանիր, այլ մարդոց կը յարմարին: Եւ այս աւելի բարձր մարդին մէջ, ուր մարդիկ իրարու հետ և Աստուծոյ հետ կը յարաբերին, հաղորդակցութեան պայմաններ, բարեկամութեան օրէնքներ և աղօթք գոյութիւն ունին: Մէկը չի կրնար երեւակայել որ Յիսուս ֆիզիզական աշխարհին մէջ առարկայական փոփոխութիւն մը խնդրէ՝ առանց ժխտական պատասխանի մը ենթարկուելու կատարեալ յօժարութեան: Բայց երբ լեռը կը բարձրանայ առանձին հաղորդակցելու համար Աստուծոյ հետ, կ'երթայ այն բացարձակ վստահութեամբ թէ իրեն պիտի գան գորութիւն, խաղաղութիւն և տեսիլք, որոնց պէտք ունի: Անձնական յարաբերութիւնն աղօթքի միակ մարդն է: Երբ մէկը կը կարգայ եկեղեցիին մեծ աղօթք-

ները, կը տեսնէ թէ այս մարդին մէջ գերազանցօրէն Աստուծոյ ժողովուրդը վստահութեամբ աղօթած է, պատասխանի սպասած է և յուսախաբ չէ եղած:

«Ով Տէր, Քու մօտ անցած պահն, որ ակընթարթ մ'է գրեթէ,

Մեր հոգիին ինչքան մեծ փոփոխութիւն պիտ' առթէ:

Ինչքան հոգեր մեր սրտէն պիտի ընէ բընաջինջ, Ո՛րքան ցամքած ջիղերու պիտի տայ կեանք աւելնոտ:

Երբ ծնրադրենք, շուրջը մեր կը խոնարհի ամէն ինչ, Ու երբ կանգնինք, ամէն բան — ըլլայ հեռու, ըլլայ մօտ —

լուսաճաճանչ կը կանգնի մաքուր և քաջ և սիրուն: Երբ ծնրադրենք, երկչոտ ենք, բայց երբ կանգնինք, համարձակ:

Ուրեմն ինչո՞ւ մեր անձին և դեռ ուրիշ շատերու ընենք այս մեծ գրկանքը, որ ուժեղ չենք շարունակի Որ հանապազ լեցուած ենք բազմատեսակ հոգերով, Որ անընդհատ վըհատ ենք և կ'ընկճըւինք մեղկօրէն: Եւ անձկալից, վրդոված, երբ աղօթքն է միշտ մեր քով,

Եւ ցնծութիւն, քաջութիւն ու զօրութիւն Քու քովդ են:»

ՄՏԱԾՈՒՄԻ ԵՒ ՔՆՆՈՒԹԵԱՆ ՀԱՄԱՐ ԹԵԼԱԳՐՈՒԹԻՒՆՆԵՐ

Երբ դեպքերը, ակե՛ն պարագայի սակ, հաստատու օրեկֆի հաւնածայն պիտի պատահին, փոփոխութեան հաւնարադասելն ի՞նչ օգուտ ունի:

Օրէնքի իշխանութեան մասին գիտութիւնն ի՞նչ

ազդեցութիւն կը գործէ մարդուն գիրքին վրայ աղօթքի հանգէպ:

Անձնական կառեցողութիւնը ո՞րչափ կրնայ հակախոնեղ քնական գորութեանց գործողութիւնը:

Բնական օրէնք մը ստնակոխելու և օրէնքի հըռուժերը գործածելու տարբերութիւնն ի՞նչ է կատարելու համար բան մը, որ Բնութեան սովորական ընթացքով տեղի պիտի չունենար:

Բնական օրէնքներու գործողութեան մէջ անձնական կամքի միջամխութիւնը ո՞ր արտիճան բռնաբարում է այդ օրէնքներուն:

Ո՞ր աստիճան կ'արդարանայ Սաղմոսերգուն հաւատքը տիեզերքի մէջ Աստուծոյ հակաչոող ներկայութեան վրայ:

Ծնողքներ ո՞րքան կրնային իրենց զաւակներուն պէտքերը հոգալ, եթէ խստիւ կապուած ըլլային օրէնքի իշխանութեան:

Աղօթքի պատասխանին կարելիութեան մասին տարակոյսը ո՞ր աստիճան վերագրելի է սա հաւատքին թէ այն կը բռնաբարէ օրէնքը, և ո՞ր աստիճան վերագրելի է օրէնքի գործողութեան մասին ըմբռնումի պակասին:

Բնական օրէնքներ զսպելու աստուածային կարողութեան վրայ վստահութիւնը ո՞ր աստիճան անհամաձայն է օրէնքի վստահելիութեան վրայ զրուած հաւատքի հետ:

Օրեկֆի իշխանութիւնը ո՞ր աստիճան կ'արգիլէ աղօթքի պատասխանը:

Կա՞ն արդեօք աղօթքներ որոնց պատասխանել անկարող է Աստուած:

Ո՞րչափ կ'արդարանայ Սք. Գրոց վստահութիւնը

Աստուծոյ կարողութեան, յօժարութեան և ազատութեան վրայ, իր զաւակներուն օգնելու մասին:

Աշխարհի համար Աստուծոյ ծրագիրները ինչպէս կ'ազդեն, կը կարծէք, անհատական ազօթքներու իր պատասխանին վրայ:

Ի՞նչ է տարբերութիւնը Բնութեան մարզին մէջ կեցող օրէնքին և անձնական, հոգեկան աշխարհի մէջ կեցող օրէնքին միջեւ:

Ի՞նչ է աղօթի վրայ հաւասփի և հաւասփով աղօթի միջեւ տարբերութիւնը:

ԳԼՈՒԽ Է

ՉԻ ՊԱՏԱՍԽԱՆՈՒԱԾ ԱՂՕԹՔ

Օրակալի ընթերցումով

Եօրենքաց Եւրոպ, Առաջին Օր

Չի պատասխանուած ազօթքի մասին դանդաղը նոր բան չէ: Նկատեցէք անձկութեան սա կոչը, որով Ամբակում կ'սկսի իր գիրքը:

«Մինչեւ ե՞րբ, ով Տէր, աղաղակեմ, ու չլսես, և զրկանքի համար քեզի կանչեմ ու չազատես: Ինչո՞ւ ինձի անօրէնութիւն կը ցուցնես, և նեղութիւն կ'երեւցնես. քանզի իմ առջեւ յափշտակութիւն ու զրկանք կայ, և դատ ու վէճ հանող կայ: Անոր համար օրէնքը կը խափանի, ու իրաւունքը ի գործ չգրուի, վասն զի անօրէնը արդարին բոլորովին կ'առնէ. այս պատճառաւ դատաստանը ծուռ կ'ելլէ...: Դուն, որու աչքերը չարութիւն տեսնելէն մաքուր են, ու անիրաւութեան նայելու կարող չես, նենգաւորներուն ինչո՞ւ կը նայիս, ամբարիշտը իրմէ արդար եղողը կլլած ատեն ինչո՞ւ կը լռես:» Ամբ. Ա. 2-4, 13:

Շարթական մեկնարանութեան մէջ վեր պիտի առնենք հոս յայտնուածին նման փորձառութեան մը պատճառները: Բայց օրական ընթերցուածքներուն մէջ քննենք այսպիսի փորձառութեանց աղօթի լիակալ սարսևակալութիւնը: Նախ անպատասխան թողուած խըն-

գիրք մը պէտք չէ որ ամէն աղօթք ձգելու պատճառ
 ըլլայ, ինչու որ ամենամեծ աղօթքներուն շատը խնդիրք
 չեն: Նոյն խակ հեթանոսները իրենց բազմաստուածու-
 թեան մէջ ատեն ատեն նշմարած են այս ճշմարտութիւնը:
 Ինչպէս, օրինակի համար, հին գիրքի մը մէջ կ'ըսուի.
 «Աղօթքը միջոց մը չէ աստուածները մղելու որ իրերու
 ընթացքը փոխեն, այլ անոնց անձնական շնորհքը՝ ի-
 րենց հետ հաղորդակցելու և կենդանի աստուածներու
 օրհնութիւնը իրենց զաւակներուն վրայ:» Երբ մէկը
 Քրիստոնէական փորձառութեան դառնայ, աղօթքին այս
 երեւոյթն ամենուրեք փառաւորուած և բարձրացած կը
 գտնէ: Երբ Թէննիսըն իր կեանքին համար աղօթքին
 նշանակութիւնը կը բացատրէր, ըսաւ. «Աղօթքը մեծ
 օվկիանոսին և մեր փոքր փոսերուն միջեւ սահանաղուռ
 մը բանալ է, երբ ծովը կը հաւաքուի և ներս կը խու-
 փէ լիանոսան:» Նկատեցէք թէ աղօթքի այս մարզն ո՞ր-
 քան լիովին դուրս կը մնայ պարագաներու փոփոխման
 համար մերժուած խնդիրքի յուսախաբուութիւններէն:

Աղօթք. Հայր, շնորհակալ եմ Քու ողորմութեանցդ
 համար, որոնք նոր են ամէն առտու, քունի պարզելին
 համար, առողջութեան և զօրութեան համար, ուրիշ օր-
 ուան մը տեսիլքին համար՝ գործի և նուիրումի իր թարմ
 պատենութիւններով: Բոլոր ասոնց և դեռ ասոնցմէ ա-
 ւելիին համար շնորհակալութիւն կը մատուցանեմ Քեզի:
 Մարդոց երեսին նայելէ առաջ կ'ուզէի նայիլ Քեզի, որ
 իմ դէմքիս առողջութիւնն ու իմ Աստուածս ես: Առանց
 Քու առաջնորդութեանդ պիտի չուզէի դուրս երթալ
 օրուան պարտականութիւններն ու գործերը կատարե-
 լու համար: Զիս այնպէս զօրացուր որ կարենամ իմ
 ամէն գործիս մէջ հաւատարիմ ըլլալ, փորձութեանց
 մէջ քաջ, տառապանքի մէջ համբերող, վհատութեան

մէջ Քեզմով յուսալից: Շնորհէ այս բոլորը քու բարու-
 թեանդ սիրոյն համար: Ամէն: Սամուէլ Մաք Քոմ:

Պօրնեոյ Գարաք, Երկուրդ Օր

«Ո՛րչափ պատուական են ինծի քու խորհուրդ-
 ներդ, ով Աստուած. ո՛րչափ մեծ է անոնց թիւը: Եթէ
 համբեմ զանոնք, աւազէն շատ են. երբ արթննամ, դեռ
 քեզի հետ եմ...: Փորձէ զիս, ով Աստուած, ու գիտ-
 ցիր իմ սիրտս. զիս քննէ ու գիտցիր իմ մտածում-
 ներս, և նայէ թէ արդեօք չար ճամբու մէջ եմ, և
 զիս դէպի յաւիտենական ճամբան առաջնորդէ:» Սաղ.
 ՃԼԹ. 17, 18, 23, 24:

Տեսէք թէ Սաղմոսերգուն ի՛նչպէս կը գործածէ
 աղօթքը իբր սրտի բացում մը Աստուծոյ քննութեան
 առջեւ, իբր միջոց մը՝ կեանքը վերաճեցնելու և զանի-
 կա շարունակ մէկ գծի վրայ պահելու Աստուծոյ կամ-
 քին հետ: Միթէ պէ՞տք էր որ արտաքին բաներու հա-
 մար ուեէ թիւով յուսավրիպած խնդիրքներ մեր աչ-
 քերը կուրացնէին աղօթքի այս բարեփոխիչ գործածու-
 թեան առջեւ: Գուրիսին Հոկի գործը Լոնտոնի տղոց
 համար տիպարական արդիւնք մը ունեցաւ փողոցի բա-
 րեկարգուած լածի մը, ձեմ Նիքոլսի, մէջ: Պր. Հոկի
 մահէն յետոյ երբ ձեմի հարցուեցաւ թէ նկարագրի
 համար պայքարը ի՛նչ ջուրի վրայ էր, պատասխանեց.
 «Քչիկ մը զժուարութիւն ունիմ շիտակ մնալու. բայց,
 փառք Աստուծոյ, ամէն բան լաւ է: Կը տեսնէ՞ք, Պր.
 Գուրիսին Հոկի մէկ լուսանկարը կը կրեմ միշտ իմ
 վրաս, ու երբ փորձութիւն մը հանդիպի, զանիկա
 դրպանէս դուրս կը հանեմ, և անոր նայուածքը զար-
 մանալի օգնութիւն մըն է ինծի, և Աստուծոյ շնորհքովը
 կարող կ'ըլլամ ամէն բանի յաղթել: Աղօթքը մեր կեան-
 քին մէջ կրնայ մեր Տէրօջ դէմքին ուղղուած այս տե-

սակ մաքրագործող և զօրացուցիչ նայուածք մը ըլլալ :» Անիկա մեզ կ'ուզղէ, կը վերահաստատէ մեր արժէքները, և կ'ամրապնդէ մեր ամենալաւ որոշումները : Եւ վերջապէս, ճիշտ ասոր համար չէ՞ որ ամենէն շատ պէտք ունինք աղօթքի : Եւ չէ՞ որ խեղճ դատողութիւն մը ցոյց տուած կ'ըլլանք, երբ այս տեսակ աղօթիւր կը թողունք, որովհետեւ ուրիշ տեսակներ միշտ ազդեցիկ չեն երեւիր :

Աղօթք. Ամենակարող Աստուած, որ Քու շնորհքովդ և նախախնամութեամբդ իմ մեծ և աղաղակող մեղքերս ի լոյս հանեցիր, ամենախոնարհաբար կը պաղատիմ Քեզի Քու շնորհք և ողորմութիւնդ շարունակել իմ վրաս, որ խիղճս արթնցած ըլլալով հիմա՝ կարենամ վերջիչել ձամբաներս և խոստովանիլ, ողբալ և ատել իմ անցեալ կեանքիս բոլոր մեղքերը : Եւ, ով բարեգութ Աստուած, անոնց համար ճշմարիտ զղջում տուր ինծի, այն զղջումը՝ որուն Դու շնորհք և ներում խոստացած ես, որպէս զի իմ սխալանքներս անգամ կարենան օրհնութիւն բերել ինծի, և ես ամէն բանի մէջ կարենամ շնորհք գտնել Քու ձեռքերէդ մեր Տէր Յիսուս Քրիստոսի արժանիքովն ու միջնորդութեամբ : Ամէն : Թոմաս Ուիլքըն Եպիսկոպոս (1663-1755) :

Եօրակարգ Երգար, Երգար Օր

«Տէրը փնտռեցէք, քանի որ անիկա կը գտնուի : զանիկա կանչեցէք, քանի որ որ անիկա մօտ է : Թող ամբարիշտը իր ձամբայէն, ու անօրէն մարդը իր խորհուրդներէն հրաժարի, և Տէրոջը գառնայ, ու ան պիտի ողորմի անոր, ու մեր Աստուծոյն, վասն զի առատապէս կը ներէ : Քանզի իմ խորհուրդներս ձեր խորհուրդները չեն, ու ձեր ձամբաները իմ ձամբաներս չեն, կ'ըսէ Տէրը : Հապա որչափ երկինք երկրէ բարձր է, այնչափ»

ալ իմ ձամբաներս ձեր ձամբաներէն բարձր են, և իմ խորհուրդներս ձեր խորհուրդներէն : Վասն զի ինչպէս անձրեւը ու ձիւնը երկինքէն կ'իջնէ և հոն չգառնար, հապա երկիրը կ'ոռոզէ, ու զայն պողաբեր և արգասաւոր կ'ընէ, ու ցանողին հուստ և ուտողին հաց կու տայ, իմ բերնէս ելած խօսքն ալ այնպէս պիտի ըլլայ, ինծի պարսպ պիտի չգառնայ : հապա իմ կամքս պիտի կատարէ, ու յաջողութեամբ ի գործ դնէ այն բանը՝ որուն համար զրկեցի զայն :» Ես. Ծե. 6-11 :

Չի պատասխանուած խնդիրքը աղօթքը լքելու պատրուակ դարձնել յայտնապէս անբանաւոր է, երբ կանգ առնենք խորհելու թէ ո՞րքան լիովին անկարող ենք մեր բաղձանքը Աստուծոյ կամքին տեղը դնել. և ի՞նչ զարհուրելի հետեւանքներ պիտի յառաջ գային, եթէ մեր բոլոր խնդրուածքներուն պատասխան տրուէր : Նկատեցէք Աստուծոյ նախախնամութեան, գերազանց իմաստութեան և ողորմութեան վրայ դրուած հաւատքը, զոր Եսայի իր աղօթքին հիմը կ'ընէ հոս : Յայտնի չէ՞ որ մեր շունդալից պահանջները՝ թէ այս տեսակ Աստուած մը մեր գործիւն պիտի գար, կ'արդարացնեն Առնկիթէլուն, երբ սեղանի վրայ, խօսակցութեան միջոցին, զայրացած և քիչ մը չափազանցուած սա կշտամբանքը կը ժայթքէր. «Ի՞նչ աններդաշնակութիւն պիտի բերէինք տիեզերքին մէջ, եթէ մեր բոլոր աղօթքներուն պատասխան տրուէր : Այն ատեն աշխարհը մենկ պիտի կառավարէինք և ոչ Աստուած : Եւ կը կարծէ՞ք թէ մենք աւելի լաւ պիտի կառավարէինք : Ինծի ցաւ միայն կը պատճառէ, երբ կը լսեմ երկար և տաղտկալի խնդրուածքը մարդոց, որոնք չեն գիտեր ի՞նչ կը խընդրեն : Ինչպէս պտոյտի կամ ձամբորդութեան պահուն կիներ, իրական կամ առերեւոյթ վտանգէ մը սարսափելով, կառապանին ձեռքի փոկերուն կը կառչին, նոյն»

պէս մենք մեր աղօթքներով Աստուծոյ վարչութեան
կը կառչինք: Ծնորհակալութիւն ամբողջ սրտով — և
մնացածը լռութիւն և հպատակութիւն աստուածային
կամքին:»

Աղօթք. Ով ամենողորմած Հայր, Դուն մեզ Քեզի
կանչած ես սիրով և առատ խոստումներով, և մենք
վկայ ենք թէ զուր տեղը չէ որ Քեզի կը մօտենանք:
Մենք կը վկայենք Քու հաւատարմութեանդ: Քու խոս-
տումներդ Այո և Ամէն են: Քու օրհնութիւններդ գե-
րազանցօրէն առատ են, աւելի քան զոր գիտենք կամ
կը կարծենք: Ծնորհակալ ենք աղօթքի արտօնութեան
համար, և աղօթքի պատասխաններուդ համար: Եւ ու-
րախ ենք որ մեր խնդիրքներուն համաձայն չես պա-
տասխաներ: Մենք կոչը ենք, և միշտ կը հայցենք բա-
ներ որոնք մեզի համար ամենալաւ չեն: Եթէ մեր բո-
լոր բաղձանքները մեզի շնորհէիր մեր աղաչանքին հա-
մաձայն, մենք պիտի կործանէինք: Մեր փոքր զաւակ-
ներուն հետ մեր յարաբերութեան մէջ անոնց կու տանք
ոչ թէ իրենց խնդրած բաները, այլ անոնց համար մեր
ամենալաւ դատած բաները: Եւ Դուն, մեր Հայրը, Քու
նախախնամութեամբդ կ'ուզես մեր աստուածութիւնը և
յանդուգն սխալները, և մեզի համար կ'ընես ո՛չ այն-
քան այն բաները զորս կը խնդրենք Քեզմէ, այլ այն
բաները՝ զորս խնդրելու էինք: Եւ այսպէս մենք օր
քան զօր վտանգէ և կործանումէ կ'աղաատինք Քու լա-
ւագոյն իմաստութեամբդ և լաւագոյն սիրովդ: Ամէն:
Հենրի Ուորտ Պիչըր:

Յօդներդ Եւրոպ, Զորոզ Օր

Դարձեալ ուրիշ պատճառ մը որով թոյլ կու տանք
որ մերժուած խնդիրք մը աղօթքի վրայ մեր վստա-
հութիւնը խախտէ, սա է որ որ մենք կը թերանանք

տեսնել թէ ո՛րքան յաճախ Աստուած մեր աղօթքնե-
րուն կը պատասխանէ մեր չսպասած, թերեւս չուզած
կերպերով: Քննեցէք Պօղոսի փորձառութիւնը այն միակ
խնդիրքին մէջ զոր, որքան գիտենք, միշտ կը մատու-
ցանէր իր անհատական պէտքին համար:

«Եւ որ չըլլայ թէ ես հպարտանամ խիստ շատ յայտ-
նութիւններուն համար, ինձի մարմինի խայթոց մը
տրուեցաւ, Սատանայի հրեշտակ մը, զիս նեղելու հա-
մար, որ չըլլայ թէ հպարտանամ: Ասոր համար երեք
անգամ աղաչեցի Տէրօջը, որ մէկդի ընէ ինձմէ: Ու
ըսաւ ինձի, Իմ շնորհքս հերիք է քեզի, վասն զի իմ
զօրութիւնս տկարութեան մէջ կը կատարուի. ուստի
մեծ յօժարութեամբ աւելի իմ տկարութիւններուս վրայ
պիտի պարծենամ, որպէս զի Բրիտանոսի զօրութիւնը
իմ վրաս հանգչի:» Բ կոր. ԺԲ. 7-9:

Ո՛րքան յաճախ Աստուծոյ պատասխաններն այն-
պէս ծպտուած կու գան մեզի որ մենք, Պօղոսի սուր
տեսութենէն զուրկ, չենք ճանչնար զանոնք: Հենրի
Ուորտ Պիչըր յատկանշական զուարթախոհութեամբ մը
կը պատմէր ինչ որ յաճախ շատ լուրջ ճշմարտութիւն մըն
է աղօթքի կիրարկութեան մէջ: «Կի՛ն մը,» կ'ըսէր,
«աղօթելով համբերութիւն կը խնդրէ, և Աստուած ա-
նոր կը զրկէ անփորձ խոհարար մը:» Այսինքն՝ մենք
քան յնչ կը խնդրենք, և Աստուած մեզի կ'ընծայէ առիթ
ներ: Եթէ պատասխանները մեզի այսպէս գան, հաւա-
նօրէն ոչ պիտի ճանչցուին, ոչ ալ պիտի ընդունուին:
Հին երգ մը կը պարունակէ երկու տուն, որոնք աղօթ-
քի նկատմամբ ոչ-աննշան փորձառութեան մը կը պատ-
շաճին:

«Խնդրեցի ես Աստուծոյ ինձ շնորհել աճուս
Հաւատքի մէջ, նաև սիրոյ և շնորհաց,
Եւ աւելի գիտութիւն՝ իր փրկութեան վրայ,

Եւ աւելի խանդ՝ փնտռելու զէմքն իր գըթած :
 Ինքն էր որ ինձ ուսուց այսպէս աղօթք ընել ,
 Եւ աղօթքի ինքը կու տար միշտ պատասխան .
 Բայց պատասխանն իր այնպիսի կերպով կ'ըլլար
 Որ զիս գրեթէ կ'առաջնորդէր վըհատութեան :»

Աղօթք. Ով Տէր Աստուած , ներէ մեր աղօթքներուն
 խեղճութիւնը , ճղճիմութիւնը և մանկական անմտու-
 թիւնը : Մտիկ ըրէ ոչ թէ մեր խօսքերուն , այլ ան-
 բարբառ հառաչանքներուն . լսէ ոչ թէ մեր խնդիրք-
 ներուն , այլ մեր պէտքին աղաղակին : Ո՛րքան յաճախ
 կ'աղօթենք բանի մը համար զոր արդէն ունինք , և
 սակայն անտեսած ենք ու չենք իւրացուցած . ո՛րքան
 յաճախ բանի մը համար որ երբեք չի կրնար մերն ըլ-
 լալ , ո՛րքան յաճախ բանի մը համար զոր պարտինք
 մենք անձամբ ձեռք բերել . և յետոյ անդադրում կ'աչ-
 խատինք բանի մը համար որ աղօթքով միայն կրնայ
 գալ մեզի :

Ո՛րքան յաճախ աղօթած ենք Քու թագաւորու-
 թեանդ գալուստին համար , և սակայն երբ անիկա ու-
 զած է մեր միջոցաւ գալ , երբեմն խափանած ենք ճամ-
 բան , ուզած ենք անոր գալուստը՝ դուրսը , ուրիշներու
 մէջ բայց ոչ՝ մեր սրտերուն : Կ'զգանք որ մե՛նք ենք
 մարդուն պէտքին և Քու միջեւ արգելք հանդիսացողը ,
 մեր անձերուն և մեր կարելիութեանց միջեւ կանգնողը .
 և վստահութիւն չունինք մեր սեփական զօրութեան ,
 ուզղամտութեան և քաջութեան վրայ :

Ո՛հ , չնորձէ մեզի սիրել Քու կամքդ , և ամէն բանէ
 առաջ փնտռել Քու թագաւորութիւնդ : Վանէ մեր եր-
 կիւղները , մեր իրաւախօսութիւնը , մեր տկարու-
 թիւնը , որ չըլլայ թէ ի վերջոյ Քեզի զէմ պայքարող
 գտնուինք : Ամէն : Ո . է . Օրչըրտ :

Եօրկերոյ Եարար, Հիւզերոյ Օր

«Ապա եթէ ձեզմէ մէկը իմաստութենէ պակաս
 ըլլայ , թող խնդրէ Աստուծմէ , որ ամէնուն առատա-
 պէս կու տայ ու չնախատեր , և անոր պիտի տրուի :
 Միայն թէ հաւատքով թող խնդրէ ու չերկմտի . վասն զի
 ան որ երկմիտ է , ծովուն հողմակոծեալ ու տատանեալ
 ալիքներուն նման է : Այն մարդը թող չկարծէ որ Տէ-
 րոջմէ բան մը պիտի առնէ . երկմիտ մարդը անհաստատ
 է իր բոլոր ճամբաներուն մէջ :» Յակ . Ա . 5-8 :

Մեր խնդիրքները մեզի մերժուած կը թուին , և
 մենք վհատելով՝ աղօթելէ կը հրաժարինք , երբ կրնայ
 ըլլալ որ Աստուած այդ ամբողջ ատենը մեզի կը թելա-
 դրէ միջոցներ , որոնցմով մենք կրնանք պատասխանել
 մեր աղաչանքներուն : Ծառեր քան մը կը խնդրեն , և
 Աստուծոյ պատասխանը կ'ըլլայ այդ քանը սսանայրս
 քաւարար ինաստօրիս : Պոսուրթի Գահերէց յատկօ-
 րէն կ'ըսէ . «Գրեթէ բոլոր խնդիրքները , զորս աչա-
 կերս մը պատենութիւն ունի երբեք իր Հօրն ուղղելու ,
 կրնան պատասխանուիլ առանց դիմելու բնական կոչ-
 ուած օրէնքներուն , եթէ Աստուած զօրութիւն ունի խոր-
 հուրդ մը դեկրս մարդուն մեջ : Ենթադրեցէք որ
 աչակերտը գործ կամ դրամ ուզէ : Եթէ իր Հայրը կա-
 րողութիւն ունի յարմար թելադրութիւն մը դնելու
 անոր մտքին մէջ , կամ ուրիշ մարդու մը մտքին մէջ ,
 կամ երկուքին ալ մտքերուն մէջ , աղօթքը կրնայ պա-
 տասխան ստանալ : Եւ ասիկա կրնայ կատարուիլ չնոր-
 հիւ՛ և ոչ հակառակ՝ մտաւոր գործողութեան օրէնքնե-
 րու : Մենք կարող ենք իրարու մտքին մէջ խորհուրդ-
 ներ դնել բռնեբռն միջոցաւ , և գիտութիւնը վստա-
 հօրէն ապացուցանել կը թուի սա իրողութիւնը թէ ու-
 րիշ միջոցներ ալ կան ասիկա ընելու : Յիսուս պարզա-
 պէս կ'ընդունի թէ Աստուած այնպէս յօրինած է մարդ-

կային միտքը որ կարող է խորհուրդներ փոխանակել անոր, երկնաւոր իր Հօրը, հետ:»

Աղոթք. Ով Դուռն, որ աշխարհի ճշմարիտ արեւն ես, միշտ ծագող և երբեք մարը չի մանող, որ Քու ամենակազդուրիչ երեւոյթովդ ու տեսքովդ կը անուցանես ու կը զուարթացնես ամէն բան երկինքի մէջ և երկրի վրայ, կ'աղաչենք Քեզի ողորմածութեամբ փայլի մեր սրտերուն մէջ, որպէս զի մեզքի գիշերն ու աղջամուղջը և սխալանքի համատարած մէզը մեր մէջ շողացող Քու պայծառութեամբդ մեր սրտերէն փարատին և մենք կարենանք մեր ամբողջ կեանքին մէջ առանց սայթաքումի քալել որպէս ցորեկ օրով և, խաւարի գործերէն մաքրուած ու սրբուած, ճօխանալ ամէն տեսակ բարի գործերով, զորս Դուռն պատրաստած ես մեզի համար: Ամէն: Երազմոս (1467-1536):

Յօրհեռոյ Ծարար, Վեցեռոյ Օր

«Անոնց առակ մըն ալ ըսաւ այս բանին վրայով՝ թէ պէտք է ամէն ատեն աղօթք ընել ու չձանձրանալ: Ըսաւ, Դատաւոր մը կար քաղաքի մը մէջ, որ Աստուծոյ չէր վախնար ու մարդէ չէր ամչնար: Եւ նոյն քաղաքին մէջ որբեւարի մը կար, որ անոր կու գար ու կ'ըսէր. Իրաւունք ըրէ ինձի ու ազատէ զիս իմ ոտս խէս: Եւ ան ժամանակ մը չէր ուզեր անոր մտիկ ընել, բայց ետքը ըսաւ իր մտքին մէջ. Թէեւ Աստուծոյ մէ չեմ վախնար ու մարդէ չեմ ամչնար, գոնէ այս որբեւարիին զիս ձանձրացնելուն համար իրեն իրաւունք ընեմ, որպէս զի չգայ ամէն ատեն զիս թախանձէ: Եւ Տէրը ըսաւ. Լսեցէք, անիրաւ զատաւորը ի՞նչ կ'ըսէ: Հապա Աստուած իր ընտրեալներուն իրաւունք պիտի չընէ՞, որոնք ցորեկ ու գիշեր իրեն կ'աղաղակեն, թէև երկայնամիտ ալ ըլլայ անոնց վրայ: Ձեզի կ'ըսեմ, որ

շուտով անոնց իրաւունք պիտի ընէ. բայց Որդին մարդոյ երբ գայ, արդեօք հաւատք պիտի գտնէ՞ երկրի վրայ:» Դուռ. ԺԼ. 1-8:

Մարդիկ յաճախ իրենք խնդիրքներն անպատասխան թողուած կը կոչեն անոր համար որ իրենց անհամբերութեան մէջ ժամանակ չեն տար Աստուծոյ: Յիշեցէք որ այս առակին մէջ դատաւորը Աստուծոյ հակադէմ կեցուածք մը ունի, և ոչ համանման, և թէ սա է անոր դասը. Եթէ կ'արժէր յամառօրէն թախանձել անիրաւ զատաւորը, ո՞րչափ աւելի պիտի անտարակոյս արժէր համբերութեամբ սպասել Հայր Աստուծոյ: Մեր ամենամեծ բաղձանքներէն շատեր կը պահանջեն ժամանակ, համբերութիւն, յամառ հետապնդում և երկարատեւ սպասում՝ իբր պայման իրենց իրագործումին: Մեր խնդիրքները երբեմն անպատասխան կը մնան պարզապէս անոր համար որ մենք շատ շուտ կը լքենք զանոնք իբր չի պատասխանուած: Սբրճըն խնդիրը կը ներկայացնէր զօրաւոր կերպով. «Կրնայ ըլլալ որ քու աղօթքդ կը նմանի նաւու մը, որ շատ երկար ճամբայ ունի կտրելիք և շուտով տուն չի վերադառնար. բայց երբ տուն հասնի, շատ ճօխ բեռ մը ունի: Եզերագնաց նաւեր կը բերեն քեզի ածուխ կամ անոր նման հասարակ բաներ. բայց անոնք որ մինչև թարշիչ կ'երթան, ոսկիով և փղոսկրով կը վերադառնան: Եզերագնաց աղօթքներ, որոնց նմանները կ'ընենք ամէն օր, շատ պիտանի բաներ կը բերեն մեզի. բայց կան մեծ աղօթքներ որոնք, Սպանիական հսկայ նաւերու նման, մեծ ուղիւնոսը կը ձեղքեն և երկար ատեն կ'անհետանան, բայց ոսկիով ծանրապէս բեռնաւորուած կը վերադառնան:»

Աղոթք. Ով ողորմած Աստուած, կ'աղաչենք Քեզի, մեր սրտերը լեցուր Սուրբ Հոգիիդ շնորհներով, սի-

բով, ցնծութեամբ, խաղաղութեամբ, համբերատարութեամբ, քաղցրութեամբ, բարութեամբ, հաւատքով, հեղութեամբ, ժուժկալութեամբ: Մեզի սորվեցուր սիրել մեզ առողները, աղօթել մեզի հետ չարակամօրէն վարուողներուն համար, որպէս զի կարենանք Քու զաւակներդ ըլլալ, ով Հայր մեր, որ արեւոյ կը ծագեցնես չարերուն և բարիներուն վրայ, և անձրեւ կը դրկես արգարներուն ու մեղաւորներուն վրայ: Անսելմոս (1033-1109):

Եօրհերոց Ծաբար, Եօրհերոց Օր

«Սիրելիներ, օտար բան մի սեպէք այն նեղութեան բարբոքը, որ ձեզ փորձելու համար կ'ըլլայ որպէս թէ օտար բան մը ձեզի հանդիպած է. հապառախ եղէք՝ քանի որ Քրիստոսի չարչարանքներուն հաղորդ եղած էք, որպէս զի անոր փառքին յայտնուելու առեանն ալ ցնծութեամբ ուրախանաք: Եթէ Քրիստոսի անուանը համար նախատուիք, երանելի էք. վասն զի փառաց և զօրութեան և Աստուծոյ Հոգին ձեր վրայ հանգչած է. յիրաւի անոնց կողմանէ կը հայտնուի ան, բայց ձեր կողմանէ կը փառաւորուի: Չըլլայ որ ձեզմէ մէկը չարչարուի իբրև մարդասպան, կամ գող, կամ չարագործ, կամ իբրև ուրիշ բանին խառնուող. բայց եթէ չարչարուի իբրև Քրիստոնեայ՝ թող չամչնայ, հապա այս մասին թող Աստուծոյ փառք տայ...: Ուստի անոնք որ Աստուծոյ կամքին համեմատ կը չարչարուին, բարիք գործելով իրենց հոգիները թող անոր յանձնեն, իբրև հաւատարիմ Ստեղծողին:» Ա Պետ. Գ. 12-16, 19:

Նկատի առէք Սբ. Գրական այս համարներուն մէջ պատկերացուած լուրջ կացութիւնը, չարչարանքի հաղորդակցութիւն, «նեղութեան բորբոքի» դիմագրա-

ւում, և տեսէք աղօթքի հոգին վերջին համարին մէջ, ուր իրենց հոգիները կը յանձնեն անոր «Իբրև հաւատարիմ Ստեղծողին:» Ոմանք անբանաւոր կերպով կը թողուն աղօթելը, որովհետեւ իրենք յուստաբ եղած են իրենց բաղձանքներուն լրումը չտեսնելով, և կը կարծեն թէ մեծ աղօթողները աղօթքին արժէքը գնահատած են համեմատութեամբ այն նեղութեան որմէ զիրենք ազատած է ան: Ընդհակառակն, բազմաթիւ սուրբեր իրենց ամենալաւ աղօթքն ըրած են փոխուած պարագաներու համար, և յետոյ իրենց հոգիները յանձնած են անոր «Իբրև հաւատարիմ Ստեղծողին,» թէեւ արտաքին նեղութիւնը դեռ գոյութիւն ունէր: «Չինացի» կորոտն մեծ հաւատացող մըն էր աղօթքի: Ան կ'ըսէր թէ «աղօթքով իր նաւակները նեղուի վրայ հոսանքն ի վեր կը վարէր:» Բայց ան ալ արձանագրութեան յանձնեց հետեւեալ յայտարարութիւնը. «Կը խորհիմ թէ աշխարհային բաներու համար մատուցուած ամէն աղօթք Աստուծոյ կամքին հպատակութեամբ ըլլալու է սա վերապահութեամբ — եթէ համաձայն է Անոր մեծ ծրագրին: Աղօթող անձը պատրաստ ըլլալու է որ իր աղաչանքը մերժուի, եթէ հակառակ է Աստուծոյ օրէնքին, որ անհուն իմաստութեամբ դրուած է:»

Աղօթք. Ով Հայր, որ սահմանած էս որ մենք պարագաներու դրութեան մը մէջ գրուինք, և բուն պայքարի մէջ գտնենք մեր զօրութիւնը և յաղթանակենք ամէն բանի, մեզի մի զլանար քաջութիւնը որով միայն կրնանք յաղթանակել: Լոեցուր մեր լեզուներն իրենց տկարութեան տրտունջներէն, զօրացուր մեր սրտերն ամէն վախի դէմ, որ ուրախութեամբ ընդունելով մեր երկրային պանդխտութեան պայմանները կարենանք խրախոյս գտնել և վարել մեզի համար որոշուած կեանքը:

Քեզի հաճոյ թուած է մեզմէ պահել կատարեալ գիտութիւն մը, և սակայն կը պահանջես կատարեալ վստահութիւն Քու վրադ: Մենք վաղուան օրը չենք կրնար տեսնել, մեր բռնելիք ճամբան չենք գիտեր, խաւարը կը ծածկէ մեր ուղին և խորհրդաւոր գաղտնութիւնը մեր դէմ կ'ելլէ ամէն դարձքի վրայ: Բայց Դուն մեզի պահած ես վճռական հաւատք մը բարութեան, արդարութեան և ճշմարտութեան վրայ, որպէս զի ասոնք սիրելով իրենց համար միայն, գտնենք այն սէրը որ գիտութենէ՞ գերազանց է, և նայինք Քու դէմքիդ:

Ոհ, թոյլ միշտար որ խաւարի ուէ սարսափով կամ մտքի ուէ տանջանքի մէջ մեզանչենք մեր հոգիներուն դէմ և կամ ի վերջոյ կորսնցնենք Քեզ: Ամէն: Ո. է. Օրչըրտ:

ՄԵԿԵԱՐԱՆՈՒԹԻՒՆ ՇՍ.Թ.ՈՒՍ.Ն ՀՍ.ՄԱՐ

Ա.

Աղօթելու բարձր արուեստին մէջ սկսնակի մը համար Սբ. Գիրքը յաճախ շատ վճատեցուցիչ գիրք է: Անոր նկարագիրները առաջին ակնարկով կը թուին վայելել պատասխանուած աղօթքի փորձառութիւնը: Տիպարական կ'երեւի Սաղմոսերգուին յանկերգը. «Անոր սրտին փափաքը անոր տուիր, ու անոր շրթունքներուն խնդիրքը իրմէ չարգիլեցիր»: Սաղ. ԻՍ. 2. Եթէ, սակայն, Սբ. Գիրքը աղօթքի նկատմամբ չունենար ուրիշ փորձառութիւն մը, բայց միայն յաջողած խնդիրքի վայելքը, մեր պէտքերուն գոհացում տալու բոլորովին անյարմար գիրք մը պիտի ըլլար: Մեր հաւատքին ամենացաւազին փորձութիւններէն մէկն է անպատասխան թողուած աղօթքը: Հետեւաբար, կ'արժէ նկատել որ Սբ. Գիրքը ինքնին կ'արձանագրէ չի պա-

տասխանուած աղօթքի փորձառութիւնը: Նոյն խնկ Սաղմոսներուն մէջ մէկը կը գտնէ ոչ միայն յաջողած խնդիրքներու վրայ ցնծալից երախտագիտութիւն, այլ մերժուած խնդիրքներու վրայ սրտաբեկիչ վիշտ: «Ով իմ Աստուածս, ցորեկը Քեզի կը կանչեմ, ու չես պատասխաներ, և գիշերը կը կանչեմ ու չեմ դադարիր» (Սաղ. ԻՖ. 2):

Եւ արդարեւ, քննութիւն մը ցոյց կու տայ թէ Սբ. Գիրքը վերջ ի վերջոյ անպատասխան թողուած աղօթքներով լեցուն է: Մովսէս կ'աղօթէ որ Աւետեաց Երկիրը մտնէ: Բայց իր խնդիրքը կը մերժուի և ինք նաբաւի դազաթին վրայ կը մեռնի: Ազգային աղէտի մէջ հայրենասէրը կը բարձրացնէ իր Ողբերը, «Քեզ ամպով ծածկեցիր, որպէս գի մեր աղօթքը չանցնի» (Ողբ. Գ. 44), և Ամբակում մարգարէն իր վճատութեան մէջ կը բացագանչէ. «Մինչեւ ե՞րբ, ով Տէր, աղաղակեմ, ու չլսես» (Ամբ. Ա. 2): Պօղոս երեք անգամ կ'աղօթէ որ կակծալի Ֆիզիզական տկարութիւն մը, «մարմինի խայթոց» մը, որ կ'արգիլէ իր առաքելական աշխատանքները, իրմէ հեռացուի: Բայց ան իր մնացած կեանքին մէջ հարկադրուած է լաւագոյնս գործածել զայն և թողուլ որ ան ալ զինք լաւագոյնս գործածէ: Բ կոր. ԺԲ. 9: Նոյն խնկ մեր Տէրը Գեթսեմանիի մէջ կ'աղօթէ որ այն դարձուրիլի բաժակէն ազատ մնայ, բայց դուրս կ'ելլէ զայն ցմրուր խմելու համար:

Մենք Սբ. Գրոց մէջ ոչ միայն կը հանդիպինք չի պատասխանուած աղօթքի այսպիսի ցցուն օրինակներու, այլ կը գտնենք նոյնպէս մարդոց ամբողջ դասակարգեր, որոնց խնդիրքներն սկզբունքով մերժուած են: Եսայեայ առաջին գլխուն մէջ մարգիկ կ'աղօթեն Աստուծոյ և Աստուած անոնց կը խօսի. «Երբ ձեր աղօթքը կը շատցնէք, պիտի չլսեմ. վասն զի ձեր ձեռ-

քերն արիւնով լեցուն են» (Ես. Ա. 15): Յակոբոսի Թուղթին չորրորդ գլխուն մէջ մարդիկ կ'աղօթեն, և Առաքեալը կ'ըսէ. «Կը խնդրէք ու չէք առներ, վասն զի չարաչար կը խնդրէք՝ որպէս զի ձեր ցանկութիւններուն բանեցնէք» (Յակ. Դ. 3): Հին Կտակարանի մէջ ընթերցողը շարունակ կը հանդիպի հետեւեալներուն նման համարներու. «Կեղծաւորին յոյսը ի՞նչ է...: Միթէ Աստուած անոր աղաղակը պիտի լսէ» (Յոր. Իէ. 8, 9): «Ուստի դուն այս ժողովուրդին համար աղօթք մի ընէր, և անոնց համար խնդրուածքով ու պաղատանքով մի աղաչիր. քանզի երբ իրենց վրայ հասած չարիքին համար ինծի աղաղակեն, անոնց մտիկ պիտի չընեմ» (Երեմ. ԺԱ. 14): «Եթէ սրտիս մէջ անօրէնութիւն տեսնէի, Տէրը պիտի չլսէր» (Սաղ. ԿԶ. 18): Նոյն իսկ Աւետարաններուն մէջ Յիսուս, աղօթքի գերազոյն հաւատացողը, իր աշակերտներուն կ'ըսէ թէ եթէ մէկը իր թշնամիներուն չի ներէ, Աստուծոյ ներումն հայցող իր աղօթքն ալ նկատի պիտի չառնուի: Մատ. Զ. 15: Սբ. Գիորգի շեղուհի և չի պատարասուած աղօթքներու միօրինակ, անիրական յիշատակութիւնը չունինք: Այս գիրքը օտար չէ այն գանգատին, որ տեսական ունէ կ'ընդունէ աւելի կը դժուարացնէ վստահալից աղօթքը: «Ես Քեզի կ'աղաղակեմ, ու ինծի պատասխան չես տար. կը կայնիմ, ու դուն ինծի ուշադրութիւն չես ընէր» (Յոր. Լ. 20):

Բ

Այս խնդիրով զբաղած ասեմ շեշտեալ եմ վերոյիշեալ ճշմարտութիւնը թէ խնդիրը աղօթքի միակ ձեւը չէ երբեք: Մէկը թէեւ Աստուծոյ երբեք բան մը չի խնդրէ իսկ,

դարձեալ կրնայ աղօթել: Աղօթքին արժէքը, արդարեւ, չառ յաճախ փոքր նիւթական աղաչանքներու շնորհումին չուրջ կը դարձնեն մարդիկ: Աստուած կը վերածուի զիւրային բարեսիրական կազմակերպութեան մը պաշտօնատան, որ փոքր պաշարներ կը բաշխէ անհետատես խնդրարկուներու: Աղօթքի գործածութեան և արժէքին այս գնահատումը բոլորովին հեռու կը մնայ Սբ. Գրոց բարձր խորհուրդէն: Երբ մտիկ ընենք այն տեղերը ուր մարդիկ կ'աղօթեն, կը լսենք, զոր օրինակ, «Ով իմ անձս, օրհնէ Տէրը, ու այն ամէնը որ իմ ներսիդիս է՝ անոր սուրբ անունը» (Սաղ. ՃԳ. 1): Պաշտումի աղօթքն է ասիկա: Եւ կամ կը լսենք աղաղակը մեծ քաղաքագէտի մը, որ կործանած ազգ մը վերակազմելու վրայ է. «Ով Աստուած իմ, կ'ամչնամ, ու իմ երեսօ Քեզի վերցնել չեմ համարձակիր, ով Աստուած իմ, վասն զի մեր անօրէնութիւնները մեր գլխէն վեր բարձրացան, ու մեր յանցանքը մինչեւ երկինք ելաւ» (Եզր. Թ. 6): Խոստովանութեան աղօթքն է ասիկա: Երախտագէտ Սաղմոսերգուի մը աղօթելը կը լսենք. «Ով Տէր, կը բարձրացնեմ Քեզ, վասն զի զիս աղատեցիր...: Ով իմ Տէր Աստուածս, յաւիտեան Քեզ պիտի գովեմ» (Սաղ. Լ. 1, 12): Շնորհակալութեան աղօթքն է ասիկա: Կը լսենք ուխտը. «Ով Տէր, սորվեցուր ինծի Քու կանոններուդ ճամբան, ու մինչեւ վերջը պիտի պահեմ զանիկա: Իմաստուն ըրէ զիս, որպէս զի Քու օրէնքդ պահեմ, ու բոլոր սրտով զանիկա ի գործ դնեմ» (Սաղ. ՃԺԹ. 33, 34): Նուիրումի աղօթքն է ասիկա: Եւ երբեմն կը լսուի ձայն մը ասոր նման. «Ո՛րչափ պատուական են ինծի Քու խորհուրդներդ, ով Աստուած. ո՛րքան մեծ է անոնց թիւը...: Երբ արթննամ՝ դեռ Քեզի հետ եմ» (Սաղ. ՃԼԹ. 17, 18): Հաղորդակցութեան աղօթքն է ասիկա: Պաշտում, խոստովանութիւն, շնոր-

հակալուծիւն, նուիրում, հաղորդակցութիւն— ասոնք են Սբ. Մատեանին, ինչպէս նաեւ հոգիին մեծ աղօթքները: Խնդիրք աղօթքի ընդարձակ քաղաքութեան մեջ գաւառ մըն է միայն: Հոյ ինչ ալ ըլլան մեր դժուարութիւնները, աղօթքի շայն մարդերը մեզի հաւատ փակուած չեն:

Այսու ամենայնիւ խնդիրքի այս գաւառը կարեւոր է: Անիկա աղօթքին ամբողջութիւնը չէ, բայց անոր սկզբնական ձեւն է որ ոչ կրնայ, ոչ ալ պարտի, անտեսուել երբեք: Մարդիկ չեն կրնար գոհանալ միայն օրհներով զԱստուած, խոստովանելով անոր և շնորհակալ ըլլալով, նուիրումի ուխտեր ընելով և անոր հետ հաղորդակցութիւն վայելելով: Մարդիկ բազմանքներ ունին թաղաւորութեան երկար ատենէ ի վեր փափաքուած գալուստէն մինչեւ իրենց սիրելիներուն բարօրութիւնը և իրենց օրական զբաղումներուն յաջողութիւնը, որոնց յառաջացումին համար բնազգօրէն կը կանչեն օգնութիւնը ունէ աստուծոյ մը, որուն իրապէս կը հաւատան: «Քու կամքդ ըլլայ, ինչպէս երկինքը՝ անանկ ալ երկրիս վրայ» և «մեր ամէն օրուան հացը այսօր մեզի տուր» երկուքն ալ խնդիրքներ են, և Տէրունական Աղօթքին կը պատկանին «Քու անունդ սուրբ ըլլայ»ին հետ: Իր խոնարհագոյն ձեւին մէջ խնդիրքը, որ կը ջանայ զԱստուած սոսկ գործիք մը ընել՝ ծառայելու համար անձնասիրական արտաքին նպատակի մը, արդիւնքն է տգէտ, ոչ-հոգեւոր անչափահասութեան: Բայց այն խնդիրքները, որոնք իրական բարիի համար մարդկութեան խոր բազմանքներէն կը բխին, աղօթքի լրացուցիչ մէկ մասը կը կազմեն: Անոնք աղօթքի ամբողջական կալուածին ոչ ամբողջութիւնը, ոչ ալ մեծագոյն մասն են, այլ նախնական կօրիզը, սկզբնական ազդեցութիւնը:

Ասկէ զատ, Սբ. Գիրքը, աղօթքի ուրիշ երեւոյթներու վրայ իր գրած բոլոր շեշտերովը հանդերձ, խնդիրքի մասին կը գործածէ խիստ յստակ, ազդու և վստահելի խօսքեր. «Ինձի կանչէ ու քեզի պատասխան տամ» (Երեմ. 14. 3): «Խնդրեցէք, և պիտի տրուի ձեզի» (Մատ. 7. 7): «Ամէն ինչ որ աղօթքի մէջ հաւատքով կը խնդրէք, պիտի առնէք» (Մատ. 11. 24): «Ինչ բան որ աղօթքով կը խնդրէք, հաւատացէք թէ պիտի առնէք» (Մարկ. 11. 24): «Եթէ ձեզմէ երկու հոգի երկրի վրայ միաբանին, ամէն ինչ բանի համար որ խնդրեն, պիտի ըլլայ անոնց իմ Հօրմէս» (Մատ. 18. 19): Այսպիսի խօսքեր ի՞նչ ակնկալութիւններ կ'արթնցնեն: Եւ գործօն հաւատքի ի՞նչ չփոթեցուցիչ ու խաբուսիկ արդելք մըն է մեր ազանքներուն կրկնուած մեթոմօր: Ի՞նչ օգուտ ունի ապացուցանել թէ աղօթքը կրնայ արդիւնքներ բերել, եթէ մեր փորձառութիւնը հակառակը ցոյց տայ:

Գ.

Մեր չի պատասխանուած խնդիրքներուն յայտնի մէկ պատճառն է, անշուշտ, մեր խնդրուածի զգիտութիւնը: Բարեպաշտութիւնը իմաստութեան երաշխիք մը չէ: Մարդ պէտք է միայն նկատէ աղօթքի կեցող մարդոց բոլոր տեսակներն ու վիճակները, մինչ Աստուծոյ կը բարձրացնեն իրենց բազմազան և յաճախ հակասական բազմանքները, եռանդազին աղօթելով պատերազմի ճակատներու վրայ, սմանք նոյն իսկ աղօթելով նման Պուրպօն թագաւորին, որ իրենց թոյլ տրուի անգամ մըն ալ մեղանչել, և գրեթէ ամէնքն աղօթելով առանց գիտնալու մեր ամենակենսական պէտքերը և տեսնելու

Թէ շատ մը խնդիրքներ պիտի ե որ մերժուին: Եւ, արդարեւ, փոխանակ չի պատասխանուած կոչելու ազօթքները, շատ աւելի ճիշդ է ընդունիլ Թէ «Ոչ»ը այնքան իրական պատասխան մըն է որքան «Այո»ն, և ստէպ աւելի քաղցր: Երբ մէկը նկատէ մեր գիտութեան մասնակի հանգամանքը, մեր տեսութեան անձկութիւնը, մեր բաղձանքին հեռաւոր հետեւանքները քննելու մեր դոյզն ճարտարութիւնը, պիտի տեսնէ Թէ Աստուած ո՛րքան յաճախ պէտք է որ մեզի խօսի, ինչպէս Յիսուս խօսեցաւ փառատենչ կնոջ. «Չէք գիտեր ի՛նչ կը խընդրէք» (Մատ. Ի. 22): Այս Թելադրութիւնը մասնաւոր ջատագովութիւն մը չէ դժուարութենէ մը հարեւանցիօրէն խոյս տալու: Պէնկալեան բանաստեղծը՝ Բապինարանազ Թակոր՝ Քրիստոնէական ջատագովութիւն մը չէր որ կ'ընէր, այլ մարդկային խորունկ փորձառութիւն մը կը հաստատէր, երբ գրեց.

«Իմ բաղձանքներս բազմաթիւ են, և իմ աղաղակս՝ ողորմագին, բայց դուն միշտ փրկեցիր զիս խիստ մերժումներով. և այս գերագօր շնորհքը ամբողջ կեանքիս վրայ ազդեց կատարելապէս:»

Այս Թելադրութիւնը ոյժ կ'ստանայ, երբ նկատենք որ յաճախ, երբ Աստուած շնորհներ մեր խնդիրքին ձեռք, պիտի մերժէր մեր բաղձանքին հոգիներ: Իր «Խօստովանութիւններ»ուն ամենազղու հատուածներէն մէկուն մէջ Աբ. Օգոստինոս իր մայրը՝ Մոնիգան՝ կը պատկերացնէ գիշեր մը ամբողջ ազօթելու վրայ Հիւսիսային Ափրիկէի ծովափնայ մատուռի մը մէջ, որպէս զի Աստուած Թոյլ չի տայ իր որդիին դէպ իտալիա նաւարկել: Մայրը կը փափաքէր որ Օգոստինոս Քրիստոնեայ ըլլար: Եթէ որդին մայրական խնամքի տակ գեռ հեռու էր Քրիստոսի պատկանելէ, հապա ի՞նչ պիտի ըլլար Իտալիոյ մէջ, բոյն անառակութեան, չքեղութեան և

բազմատեսակ հրապուրիչ փորձութեանց: Եւ այդ ազօթքին իսկ միջոցին անոր որդին Աստուծոյ շնորհքով նաւարկեց դէպ իտալիա, ուր Ամբրոսիոսէ համոզուելով Քրիստոնեայ եղաւ ճի՛շդ այն երկրին մէջ որմէ զայն ետ պահել կ'ուզէին անոր մօրն ազօթքները: Մայրական ազօթքին ձեւը մերժուեցաւ, բայց անոր բուն բաղձանքը շնորհուեցաւ: Ինչպէս Աբ. Օգոստինոս ինք ըսաւ, «Դուն Քու խորհուրդներուդ խորութեան մէջ չի նայեցար Թէ մայրս ի՛նչ կը խնդրէր այն ատեն, բայց յեցիր էական մասն անոր բաղձանքին, որպէս զի ընես զիս ինչ որ ինք միշտ կը փախափէր:» Այսպիսի ամէնքիս համար տխուր բան մը պիտի ըլլար, եթէ մեր անմիտ խնդիրքներն ստէպ «Ոչ» պատասխանը չստանային:



Ուրիշ պարզ պատճառ մը մեր աղաչանքներուն մերժուելուն սա է որ մեկի շարունակ կը ջանակ աղօթքը խնդիրքի եւ գործի տեղ ղևել: Արդէն տեսանք որ երեք գլխաւոր միջոցներ կան, որոնցմով մարդիկ կը գործակցին Աստուծոյ հետ — խորհիլ, գործել, ազօթել: Արդ, այս երեքն ոչ մեկը կրնայ երբեք բռնել միւսին տեղը: Իւրաքանչիւրն իրեն յատուկ մարզն ունի: Ոչ մէկ մարդկային միտք կրնայ բաւականաչափ սուր և թափանցող ըլլալ ճշգորէն գծելու համար ասոնց սահմանները: Բայց յայտնի է որ սահմաններ կենալու են: Երբ մեր խընդիրքները կ'անցնին այն մարզերուն մէջ, ուր արդիւնքներ պէտք է ի յայտ բերուին ոչ Թէ խնդրելով, այլ խորհելով ու գործելով, այն ատեն անոնք չեն կրնար ընդունուիլ:

Օրինակի համար, ազօթքներ կան որոնք կը փոր-

ձեռն աղաչանքով կատարել ինչ որ կրնայ կատարուիլ իսկական Աստուծոյն: Խորհեցէք թէ աշխարհ ինչ պիտի ըլլար, եթէ ամէն բան կարենար աղօթքով կատարուիլ: Ինչ պիտի ըլլար, եթէ մարդիկ իրենց նաւերը կարենային վարել նոյնքան աղօթքով որքան նաւարկութեան գիտութեան ծանօթութեամբ, իրենց կամուրջներն հաստատ կախել նոյնքան խնդիրքով որքան ճարտարապետական օրէնքներու ուսումնասիրութեամբ, և իրենց տուները լուսաւորել, իրենց լուրերը ղրկել և իրենց փիլիսոփայութիւններն ընել լոկ պողատանքով: Յայտնի չէ՞ միթէ որ եթէ մեզի շնորհուած ըլլար, ինչպէս կը կարգանք հեքեաթներու մէջ, ամենազօր բաղձանքի կարողութիւնը, երբեք պիտի չի գործածէինք մենք մեր խելքը: Եթէ կեանքը զարգացում և հրահանգում նշանակելու է, կարգ մը բաներ անկարելի ըլլալու են առանց մարդոց խորհելուն, փոյթ չէ թէ ո՞րքան աշխուժիւ աղօթեն անոնք: Եթէ մանչ մը իր հօրմէն խնդրէ իր թուաբանութեան դասը պատրաստել, որովհետեւ ինք խաղալ կ'ուզէ, հայրը կը հաւանի՞ արդեօք: Հայրը կը սիրէ տղան, կրնայ պատրաստել դասը, բայց պէտք չէ որ պատրաստէ: Տղուն աղաչանքը երբեք իր մտաւորական հրահանգումին տեղը բռնելու չէ: Հայրը տղուն աղաչանքին պատասխանելով կրնայ զայն քաջալերել, անոր օգնել, անոր քով կենալ և անոր գործը լմնցնելը տեսնել: Բայց պէտք չէ որ տղուն համար ընէ ուրէ բան զոր տղան ինք կրնայ ընել հաւանորէն: Թէև երբեմն կրնայ խիստ թուիլ, բայց ապահովաբար պէտք է որ Աստուած մեզմէ պահանջէ տաժանելի գործի և պայքարի կարգապահութեան զիմանալ իբր անհատ ու իբր ցեղ մանաւանդ քան զիւրին ճար մը գտնել խնդրելով:

Կան նաև աղօթքներ, որոնցմով մարդիկ կը ջա-

նան կատարել ինչ որ գործով միայն կրնայ կատարուիլ: Ելից ամենայուզից տեսարաններէն մէկուն մէջ, ուր Իսրայէլացիք ձակատէն անանցանելի կարմիր Մովուն և կռնակէն հալածող Եգիպտացիներու միջեւ կը բռնուին, Մովսէս կը մեկուսանայ աղօթելու համար: Տէրովմէ անոր ստացած պատասխանը զարհուրելի է: Ուրիշ բան չէ այն, այլ կշտամբանք մը՝ աղօթած ըլլալուն համար. «Ինչո՞ւ ինծի կ'աղաղակես. ըսէ Իսրայէլի որդիներուն որ չուեն» (Ել. ԺԴ. 15): Աստուած իբր թէ ըսել կ'ուզէր, «Ես ամէն բան պատրաստեցի ձեր յարձակողական գործունէութեան համար: Ըրի վերջին բանն ալ զոր կրնամ ընել, որպէս զի դուք վճռականօրէն օգտուիք անկէ: Հիմա կարող ձերն է: Չէք կրնար աղօթքով ձեռք բերել ինչ որ կու գայ միայն իբր վարձ աշխատանքի:» Այսպիսի կշտամբանքի արժանի են մեր աղօթքներէն շատեր: Կը մոռնանք առածը. «Եթէ բաղձանքները ձի ըլլային, մուրացկանները ձիով պիտի պտրտէին:»

Եթէ մէկը ուսումնասիրէ Թագաւորութեան մեծ ծառաները որ կ'աղօթեն, կը գտնէ անոնց մէջ միշտ այս գորաւոր ողջմտութիւնը: Եթէ երբեք ձեռնարկ մը սկսաւ, շարունակեց ու վերջացաւ աղօթքով, այն ալ երբայական հասարակութեան վերակազմութիւնն էր նէեմիայի ձեռքով: Բայց նէեմիա միշտ աղօթք և գործ միացուց, առանց մէկը միւսին հետ շփոթելու: «Երկնից Աստուծոյն աղօթք ըրի, և Թագաւորին ըսի» (Նէեմ. Բ. 4, 5): «Մենք մեր Աստուծոյն աղօթք ըրինք, և մեզ անոնցմէ պաշտպանելու համար ցորեկ ու գիշեր անոնց դէմ պահպաններ գրինք» (Նէեմ. Դ. 9): «Յիշեցէք Տէրը... և պատերազմ ըրէք» (Նէեմ. Դ. 14): Այսպէս կ'աղօթէր նաև Գրոմուէլ, բայց երբ իր զիմաց ունենար տկար ու թոյլ բարեպաշտութիւն մը, որ աղօթքը գործնական նուիրումի տեղը կը դնէ, իր զգացածը

թեան ոգին , և , ըստ մեր Տէրոջ խօսքին , այս է աղօթքի ոգին :

Այս տեսակ աղօթքի մը պէտքը ըմբռնել դժուար չէ : Տղայք Ամենայն Սրբոց Տօնին դրան զանգակներ կը հնչեցնեն ու կը փախչին : Այսպէս կ'աղօթեն մեզմէ շատեր : Բայց լուրջ գործ ունեցող սեւէ մէկը պատասխան կ'սպասէ իր կոչերուն , և անգամ մըն ալ կը հընչեցնէ զանգակը : Համբերատար սպասում և կրկնուած խնդրուածք մեր լրջութեան արտայայտութիւնն ու փորձն են : Երբ մենք ըսինք թէ «Ոչ» և «Այո» իրական պատասխաններ են աղօթքներու , չսպառեցինք հնարաւորութիւնները : Ուրիշ պատասխան մըն ալ կայ , զոր Աստուած շարունակ կու տայ մեզի , «Սպասե՛ք» Մօտաւորապէս երկու հազար տարիէ ի վեր եկեղեցին կ'աղօթէ «որ անոնք ամէնը մէկ ըլլան» : Աստուած ասոր «Ոչ» չըսաւ , ոչ ալ դեռ «Այո» ըսաւ : Այլ «Սպասէ՛ք ըսաւ : Յորմէհետէ Յիսուս սորվեցուց աղօթել նախ , «Քու թագաւորութիւնդ գայ ,» անոր հետեւողներն այդ աղաչանքը բարձրացուցին ամէն դարու մէջ , և «Անա Քու եկեղեցիդ դեռ նոյնը կ'աղօթէ» : Ասոնց նման մեծ աղօթքներ «Այո» կամ «Ոչ» ի խնդիրներ չեն , դարերու վրայ կը տարածուին և Աստուծոյ ազնուագոյն որդիներուն իղձերն իրարու հետ կը միացնեն : Եռանդուն , համբերատար և յարատեւող խուզարկութիւն են բարիի :

Հիմա վնասիլ չի գիտցող այսպիսի աղօթքներու հետ բաղդատեցէք մեր խնդիրքի անհատական պոռթկումները : Մեր աղաչանքները տաք ջուրի ընդհատ ակերու պէս կը ժայթքին : Կ'աղաչենք և դարձեալ ետ կը քաշուինք : ձերեմի Թէյլըր կ'ըսէր . «Բաղձանքի զիւրութիւնը մեծ թշնամի է բարի մարդու մը աղօթքին յաջողութեան : Պէտք է որ աղօթքն ըլլայ մտազիր , եռանդոտ , գոր-

ծօն և աղդու : Վասն զի մեծ անպարկեշտութիւն է որ մէկը Աստուծոյ խօսի բանի մը համար զոր չի գնահատեր : Մեր աղօթքները կը պախարակեն մեր հոգիները , երբ թոյլ կերպով կ'աղօթենք այն բաներուն համար որոնց համար պէտք է որ մեռնինք :» Ասիկա է , ուրեմն , աղօթքի մէջ զրուելիք թախանձանքին բուն էութիւնը : Այս ոչ թէ պէտք է զԱստուած շողմելու համար , այլ պէտք է մեր փնտած բարիին համար մեր եռանդուն պատրաստութիւնն արտայայտելու և արտայայտելով զայն խորացնելու համար : Ասուած կարգ մը բաներ չի կրնար տալ մարդու մը՝ միևնչեւ մարդը յարստեւող աղօթքով ֆլեկած եւ պարսպաւոր չըլլայ իր հոգիս : Այս տեսակ աղօթելն է որ կը մաքրէ տունը , կը սրբէ պատուհանները , կը կախէ վարագոյրները , կը պատրաստէ սեղանը , կը բնայ դուռը , մինչեւ որ Աստուած կ'ըսէ . «Անա տունը պատրաստ է . հիմա հիւրը կրնայ ներս մտնել» :

2

Ուրեմն , աղօթքի ընդարձակագոյն սահմաններէն քանի՛ մտնենք խնդիրքի մարդը , երեք մեծ պատճառ կրնանք տեսնել մերժուած աղաչանքի համար . մեր խնդրածին մասին զգիտութիւն , մեր աղօթքի գործածումը անոր չի պատկանած մարդերու մեջ , եւ մեր կեանքերուն անպարսպութիւնը մեր փնտածած բարի ընդունելու : Շատ մարդիկ կան որոնք անխորհուրդ և անվաւեր հաւատք մը ունին թէ աղօթքը կարող է իրենց անձերուն համար բաներ ստանալ : Կը մոռնան ամէն խնդիրքի անխուսափելի պայմանը թէ Քրիստոսի անունով ըլլալու է (Յովհ . Ժ. 7 . 13 , Ժ. 9 . 23 , 24 , 26) : Աղօթքի մը կցուած «Յիսուսի օրոյն համար» բացատրութեան հապճեպ յաւելուածը չի կրնար գոհացնել այս խոր և հոգեւոր պա-

հանջը: Խնդիրքը պէտք է մատուցուի աստուածային կամքին և Քրիստոսի հոգիին համաձայն: Խոհական ըլլալու է ըստ ինքեան և իր բաղձանքներուն մէջ յարատեւող ու իր նպատակներուն մէջ անշահախնդիր կեանքէ մը բխելու է, որպէս զի կարելի ըլլայ գոհացնել աղօթքի այդ օրէնքը: Յիսուսի անունով աղօթել ուրիշ բան չէ, եթէ ոչ առնել Սբ. Օգոստինոսի կեցուածքը, երբ կ'աղաղակէր. «Ով Տէր, չնորհէ որ կարենամ կատարել Քու կամքդ, որպէս թէ իմ ըլլար, որպէս զի կատարես իմ կամքս, որպէս թէ Քուկդ ըլլար:» Աղօթքը մոգական հանգամանք մը չունի, և մեզի համար բարեբախտութիւն մըն է որ ճշմարիտ է Թրքմպլիի խօսքը և համաձայն Սբ. Գրոց և փորձառութեան, որչափ ատեն որ խնդիրքի մասին է ակնարկութիւնը թէ «Աղօթքի վրայ չէ որ յոյս կը դնենք, այլ Աստուծոյ վրայ:»

Կայ սակայն կերպ մը, որով կարելի է միշտ աղօթքի պատասխան յուսալ, եթէ մարդ իր կեանքը Աստուծոյ հետ ներդաշնակ պահած է: Նոյն իսկ երբ Աստուած հաստատական կերպով չի կրնար պատասխանել մարդուն խնդիրքին, կրնայ պատասխանել մարդուն: Իր մարմնական նեղութենէն ազատելու համար Պողոսի մատուցած խնդիրքը հաստատական պատասխան չունեցաւ: Բայց Պողոս պատասխան առաւ: Ան երեք անգամ կըրկնուած բայց մերժուած իր աղաչանքին ստացաւ Աստուծոյ պատասխան մը, որ արիութիւն և խրախոյս ներշնչեց անոր: «Իմ չնորհքս հերիք է քեզի. վասն զի իմ զօրութիւնս տկարութեան մէջ կը կատարուի» (Բհոր. ԺԲ. 9): Աստուած ճշմարիտ աղօթքին կը պատասխանէ միշտ երկու կերպերէն մէկով. «Լաւ ոչ մէկ աղօթք տուն կու գայ լալով:» Ինչու որ Ան կամ պարագաները կը փոխէ, կամ անոնց յաղթելու բաւական

զօրութիւն կու տայ: Ինք կը պատասխանէ կամ խնդիրքին, կամ մարդուն: Ինչպէս Լուտեր կ'ըսէր. «Քրիստոնէայ մը գիտէ թէ իրեն չի զլացուիր ինչ բան որ խնդրէ, և ստուգիւ կ'զգայ որ իր բոլոր նեղութեանց մէջ օգնութիւն կը գտնէ... և թէ Աստուած զօրութիւն կու տայ որ իր նեղութիւնները կրէ և անոնց յաղթէ, ինչ որ ճիշդ համարժէք է նեղութիւնն իրմէ հեռացնելու և զայն այլեւս դժբախտութիւն կամ աղէտ չի դարձնելու, քանի որ յաղթահարուած է:»

Այս ճշմարտութիւնը կը բացատրէ այնպիսի յայտարարութիւններ, որոնց նմանը, օրինակի համար, Ատոնայրըմ ճըտտըն ըրաւ իր կեանքի վերջալոյսին. «Ես երբեք անկեղծօրէն և լրջօրէն չէի աղօթեր ոեւէ բանի համար, բայց պատահեցաւ. անգամ մը, փոյթ չէ՝ ո՛րքան հեռաւոր օր մը — անգամ մը ոեւէ կերպով — հաւանօրէն վերջինով զոր մտածեց — պատահեցաւ:» Բայց ճըտտըն աղօթած էր Հնդկաստան մտնելու համար, և հարկադրուեցաւ Պիրմա երթալ: Աղօթած էր իր կնոջ կեանքին համար, բայց թաղած էր թէ՛ իր կինը և թէ՛ իր երկու զաւակները: Աղօթած էր Ավա թագաւորին բանտէն ազատելու համար, բայց ամիսներով հոն պառկած էր շղթայակապ և թշուառ: Ճըտտընի աղօթքներէն շատեր առանց հաստատական պատասխանի մնացեր էին. բայց ճըտտըն միշտ պատասխան կ'ստանար: Ինք պահպանուած, առաջնորդուած, վերակազդուրուած էր. չի նախատեսուած դոներ բացուած էին ճիշդ այդ փորձութեանց միջոցաւ որոնցմէ խուսափել կը ջանար: Եւ իր կեանքին խոր բաղձանքները կը կատարուէին ոչ թէ իր կերպով, այլ տարբեր կերպով: Աղօթքի անվրէպ զօրութեանը վրայ պնդելով կ'ուզէր ըսել ինչ որ Պողոս կ'ուզէր ըսել, երբ կը գոչէր. «Իմ Աստուածս ձեր ամէն պիտոյքը պիտի լեցնէ» (Փիլիպ. Դ. 19): Այո, մինչեւ

անգամ մեր Տէրը դէմ յանդիման գտնուեցաւ մերժուած խնդիրքի: «Թող այս բաժակն ինձմէ անցնի», չի շնորհուելիք աղաղակ մըն էր: Բայց Յիսուս ինքը մեծապէս պատասխան ստացաւ Գեթսեմանիի մէջ: Իր աղաչանքը չընդունուեցաւ, բայց երբ մեր Տէրը դուրս կ'ելլէ Պիղատոսի և խաչին դէմ կայնիլ իր դատին հանդէպ այնպիսի հաւատարմութեամբ մը զոր ոչ մէկ փորձութիւն կրնայ թուլցնել, հաստատամտութեամբ մը զոր ոչ մէկ տառապանք կրնայ խախտել, վեհանձնութեամբ մը զոր ոչ գամերը, ոչ նիզակը, ոչ ալ ծաղրանքը կրնան դառնացնել, ո՞վ կրնայ չափել թէ աղօթքով ի՞նչ կատարուած էր Մարդուն համար:

ՄՏԱՆՈՒՄԻ ԵՒ ՔՆՆՈՒԹԵԱՆ ԹԵՂԱԳՐՈՒԹԻՒՆՆԵՐ

Աղօթքներ ինչո՞ւ անպատասխան կը մնան: Ի՞նչ պիտի պատահէր, եթէ ամէն խնդիրքներ շնորհուէին:

Եթէ դէպքերու ընթացքը վճռուէր մարդոց կողմէ Աստուծոյ մատուցուած խնդիրքներու համաձայն միայն, ի՞նչ տեսակ աշխարհ մը պիտի ունենայինք:

Ոեւէ անհատ ո՞րքան յօժար պիտի ըլլար որ իր աղօթքները պատասխանուէին:

Անձնական նկարագրի վրայ ի՞նչ ազդեցութիւն կ'ընէ կրօնք մը, որ մուրացկանութիւնը համեստ աշխատանքի տեղ կը դնէ:

Ի՞նչ պայմաններու տակ կը կարծէք թէ Աստուած պիտի կատարէր որոշ օգնութեան խնդիրք մը՝ ավահովելու համար բան մը, զոր մէկը կրնայ ստանալ իր սեփական խելքով ու աշխատանքով:

Ո՞րքան հնարաւոր է որ մարդու մը խնդիրքը մերժուի ևս սակայն իր աղօթքը պատասխանուի:

Եթէ մենք Աստուծմէ բան մը խնդրենք, այդ խնդրանքին ո՞ր աստիճան պատասխան կ'ըլլայ պատեհութիւն և առաջնորդութիւն ստանալ որ մենք անձամբ պատասխանենք խնդիրքին:

«Մարմինի խայթոց» էն ազատելու համար մատուցած իր խնդիրքին իբր պատասխան ո՞րը կը կարծէք թէ աւելի մեծ արժէք կը ներկայացնէր Պողոսի — բուն խնդիրքին շնորհով մը, թէ ոչ՝ պատասխանը զոր ստացաւ:

Եթէ բոլոր խնդիրքներուն պատասխան չի տրուէր, պիտի արժէ՞ր դարձեալ աղօթել:

Աղօթքի պատասխաններ ինչո՞ւ կ'ուշանան:

Ի՞նչ անհրաժեշտ բաներ կը պահանջէ խոհեմ հայր մը իր որդիներէն՝ ժառանգութենէն իւրաքանչիւրին բաժինը տալէ առաջ: Ասիկա ի՞նչ լոյս կը սփռէ խնդիրքի մը Աստուծոյ կողմէ ուշացած պատասխանին վրայ:

Յիսուս ինչո՞ւ աղօթքի մէջ թախանձանքի անհրաժեշտութիւնը թելադրեց:

Նոր Կտակարանէ ի՞նչ շնորհ կ'ուզէ, երբ «ցանուն Յիսուսի» աղօթքը մասին կը խօսի:

Ի՞նչ է սարքերու քիւնը «խնդիրքի մը պատասխանելու» և «մարդու մը պատասխանելու» միջեւ: Աղօթքներէս տեսնեմ իրապէս անպատասխան մնացած եմ:

ԳԼՈՒԽ Ը

ԱՂՕԹՔ ՈՐՊԷՍ ԳԵՐԻՇԻԱՆ ԲԱՂՁԱՆՔ

Օրական Ընթերցումով

Ուրեհոյ Շարաք, Առաջին Օր

«Եւ Աստուած եկեղեցիին մէջ դրաւ մէկ քանի-ները, նախ՝ առաքեալներ, երկրորդ՝ մարգարէներ, եր-րորդ՝ վարդապետներ, ետքը հրաչքներ, ետքը բժշկու-թիւններու պարգեւներ, օգնութիւններ, կառավարու-թիւններ, լեզուներու տեսակներ: Միթէ ամէնը առա-քեալներն են. միթէ ամէնը մարգարէներն են, միթէ ամէնը վարդապետներն են. միթէ ամէնը հրաչքներ կը գործեն. միթէ ամէնը բժշկութեան պարգեւներն են. միթէ ամէնը լեզուներ կը խօսին. միթէ ամէնը թարգ-մանութիւնն կ'ընեն: Բայց դուք նախանձաւոր եղէք այն շնորհներուն որ լաւագոյն են. և ես՝ ալ աւելի աղէկ ճամբայ մը ցուցնեմ ձեզի: Եթէ մարդոց ու հրեշ-տակներուն լեզուները խօսիմ, և սէր չունենամ, ես ձայն տուող պղինձի պէս եղայ, կամ հնչեցող ծնծղանե-րու պէս:» Ա. Կոր. ԺԲ. 28 — ԺԳ. 1:

Նկատեցէք այս մեծ հատուածին մէջ զժբախտ ընդ-հատումը, որ տեղի ունեցած է նոր գլուխ մը սկսելով: Միտոյ վրայ տասներեքերորդ գլուխը պէտք է որ կար-դացուի միշտ իբրեւ բացատրութիւն մը տասներկու-երորդ գլուխին վերջին համարին առաջին մասին. «Բայց

դուք նախանձաւոր եղէք այն շնորհներուն որ լաւա-գոյն են:»

Մենք արդէն աղօթքի անիրականութեան բազմա-թիւ պատճառներ նշանակած ենք, ինչպէս տրամադ-րութեան խտորում, կամ Աստուծոյ անհատական սէրն ըմբռնելու անկարողութիւն, կամ մեղսալից կեանքի կամակոր օտարացում: Մեր աղօթելու ամենամեծ դժ-ուարութիւններէն մէկով, սակայն, դեռ չգրադեցանք: Մեր աղօթքները յաճախ անիրական են, որովհետեւ չեն ներկայացներ ինչ որ մեր սրտերուն խորքին մեջ կը տե-ղանք: Կը խնդրենք «լաւագոյն շնորհները» որոնց ան-կեղծօրէն «նախանձաւոր» չենք: Օրինակի համար, 'աղօթենք մեր կեանքին մէկ յոռի առնորդեալն զէմ, մինչ միեւնոյն ատեն կը մերժենք հրաժարիլ այն գոր-ծերէն որոնք կը դիւրացնեն այդ սովորութիւնը, կամ այն ընկերակցութիւններէն ուր այդ սովորութիւնը կը զարգանայ: Չեւով Աստուծոյ կը պաղատինք որ մեզ ազատէ մեղքէ, բայց չենք ուզեր որ պատասխանն այրէ այն կամուրջները որոնցմով կու գայ շարունակ մեզքը: Մեր խնդիրքը կաղ և ապագրեցիկ քմահաճոյք մըն է առանց քշող ուժի: «Չինացի» Կորստն կ'ըսէր. «Մեր զգացումներուն վրայ կը խորհիմ, և ո՛րքան յաճախ կը պատահի որ աղօթքի մէջ անգամ չատ կեղծ ենք...: Զօրութիւն կը խնդրենք հրաժարելու համար որոշ ու-նակութենէ մը, օրինակ՝ չարախօսութենէ, և մեր ա-ղօթքի այդ վայրկեանին իսկ չար խորհուրդ մը ունինք մէկուն զէմ, և կարծես կը փախանք այդ խորհուրդին. «Քիչ յետոյ քեզի պիտի ըսեմ, Ոչ հիմա.» և կը շարունա-կենք աղօթել ըուն այն արարքին զէմ զոր մեր սրտով կ'առաջադրենք գործել: Այս բոլորը կեղծիք և ան-պատուութիւն է:»

Աղօթք. Ով Աստուած, որուն Հոգին ամէն բան կը

խուզարկէ և որուն սէրը ամէն ինչ կը կրէ, քաջաւի-
րէ մեզ Բեզի մօտենալ անկեղծութեամբ ու ճշմարտու-
թեամբ: Ազատէ մեզ շրթունքի պաշտամունքէ, մինչ
մեր սրտերը հեռուները կը գտնուին: Ազատէ մեզ անօ-
գուտ աշխատանքէ, որով ջանագիր կ'ըլլանք մեր ան-
ձերը պահել Բեզմէ, որ սիրտը կը խուզարկէս:

Կարողութիւն տուր մեզի մէկդի դնել բոլոր այն
դիմակներն ու ծպտանքները, զորս կը հանգնինք ցո-
րեկի լոյսով և հոս մերկացնել մեր անձերը մեր ամբողջ
տկարութեամբ, հիւանդութեամբ և մեղքով, բոլորո-
վին անձածկոյթ՝ Քու աչքերուդ առջեւ:

Զօրացուր մեզ այն աստիճան որ ճշմարտութեան
տեսիլքին դիմանանք, և վերջ մը դնենք ստուծեան,
կեղծիքի ու կեղծաւորութեան, որպէս զի իրերը տես-
նենք այնպէս ինչպէս են, և ա՛լ երկիւղ չունենանք:

Կարողացուր մեզ նայիլ սիրոյն որ մեզի համբերած
է, սրտին որ մեզի համար կը տառապի: Օգնէ մեզի
խոստովանիլ թէ կախում ունինք սրբութենէն որ կը
հանդուրժէ մեր պղծութեան, համբերութենէն որ կը նե-
քէ մեր անհաւատութեան, ճշմարտութենէն որ կը խորշի
մեր բոլոր խաբէութենէն և իրաւախոհութենէն: Եւ
տուր մեզի շնորհը երախտագիտութեան և բաղձանք մեր
անձերը Բեզի նուիրելու: Ամէն: Ո. է. Օրչըրտ:

Ուրեորդ Եարար, Երկուրդ Օր

«Ասոր համար երկնից թագաւորութիւնը կը նմանի
թագաւորի մը, որ իր ծառաներէն հաշիւ առնել ուզեց:
Ու երբ սկսաւ առնել, տասը հազար տաղանդի պար-
տական մը բերուեցաւ իրեն...: Եւ այն ծառային Տէրը
վրան խզճալով՝ արձակեց զանիկա, ու պարտքը շնոր-
հեց անոր: Եւ նոյն ծառան ելաւ, իր ծառայակիցներէն
մէկը գտաւ, որ իրեն հարիւր դահեկան պարտք ունէր,

ու զանիկա բռնելով կը խեղդէր ու կ'ըսէր. Վճարէ ինձի
ուսնեցած պարտքդ: Ուստի անոր ծառայակիցը անոր
ոտքը ինկաւ, կ'աղաչէր անոր ու կ'ըսէր, Համբերէ
ինձի, ու քեզի կը վճարեմ: Եւ ինք չէր ուզեր, հապա
գնաց՝ բանտը դրաւ զանիկա, մինչեւ որ պարտքը վճա-
րէ: Երբ իր ծառայակիցները տեսան եղած բաները,
խիստ տրտմեցան, ու եկան իրենց տէրոջ հասկցուցին
բոլոր եղածը: Այն ատեն անոր տէրը կանչեց զանիկա
ու ըսաւ անոր. Չար ծառայ, այն բոլոր պարտքը ես
քեզի շնորհեցի՝ ինձի աղաչելուդ համար. ուրեմն պէտք
չէ՞ր քեզի ալ քու ծառայակցիդ ողորմիլ, ինչպէս ես
քեզի ողորմեցայ: Եւ անոր Տէրը բարկանալով՝ դահիճ-
ներուն մատնեց զանիկա, մինչեւ որ բոլոր պարտքը
վճարէ: Այսպէս իմ երկնաւոր Հայրս պիտի ընէ ձեզի,
եթէ ձեր սիրտերէն չէք ներեր ամէն մէկդ իր եղբօրը
իրենց յանցանքները:» Մատ. ԺԸ. 23, 24, 27-35:

Մեր աղօթքին անիրականութիւնը կրնայ երեւան
բերուիլ Անրոյոյրեան համար մեր մատուցած խնդիրք-
ներուն մէջ: Ոչ մէկ բան կրնայ աւելի մակերեսային
ըլլալ քան ներողութեան համար աղաչանք մը. ոչ մէկ
բան կրնայ աւելի խորաթափանց ըլլալ քան զղջումի
խսկական փորձառութիւն մը: Տղայ մը, որ մեղանչած
է և հետեւանքներուն կ'սպասէ, կրնայ զղջումի կարճ
պահիկ մը ունենալ: Բնականապէս կ'ուզէ որ իր յան-
ցանքը ներկայացնող տախտակը սրբուի, մաքրուի:
Բայց անկեղծօրէն վիշտ զգալ բուն իսկ չարիքին հա-
մար յաւէտ քան անոր հետեւանքներուն համար, իր
սայթաքումին համար ա՛յն աստիճան ամհնալ որ ինք-
զինք եղբայր մը զգայ բոլոր մեղաւորներուն, և Րիչարտ
Պէքսթըրի նման ըսել գլխատուելու տարուող մար-
դասպան մը տեսնելով, «Աստուծոյ շնորհքովն է որ Րի-
չարտ Պէքսթըրը այս մարդասպանին տեղը չէ,» ի՛նչ

սրտայոյզ փորձառութիւն է այդ: Նկատեցէք Պենկալեան բանաստեղծին՝ Բապինտրանադ Թակորի՝ զղջումի հետեւեալ խօսքերը.

«Դուքս եկայ առանձին ժամադրավայրս երթալու: Բայց ո՞վ է ան որ ինձի կը հետեւի լուռ մթութեան մէջ:

Մեկուսի կը քաշուիմ անոր ներկայութենէն խոյս տալու համար, բայց չեմ յաջողիր:

Ան գետինէն փոշին կը բարձրացնէ յոխորտանքով, իր բարձր ձայնը կ'աւելցնէ իմ արտասանած ամէն մէկ բառիս վրայ:

Իմ սեփական փոքրիկ եսս է, իմ իշխանս, որ խըզ- նիլ չի գիտեր: Բայց ես կը խպնիմ քու դուռդ գալ անոր ընկերակցութեամբ:»

Ինքիբմէ այսքան անկեղծօրէն ամչցող մարդ մը ներողութիւն և նորոգութիւն պիտի փնտոէ անխառն բաղձանքով մը, որ իր աղաչանքը իրական պիտի հանդիսացնէ, և իր յանցաւորութեան զօրաւոր դիտակցութեամբ իսկ անկարելի պիտի գտնէ աններող ըլլալ ուրիշ ոեւէ մարդու: Անգամ մը ևս կարդացէք այսօրուան Մը. Գրական հատուածները, և նկատեցէք թէ մեր Տէրը ո՞րչափ կարեւորութիւն կ'ընծայէ ներողութեան համար մատուցուած մեր աղօթքներուն անկեղծութեան:

Աղօթք. Ով սրտերու խուզարկող, Դուն մեզ աւելի լաւ կը ճանչնաս քան մենք մեր անձերը, և կը տեսնես մեզքերը զորս մեր մեղանշականութիւնը կը ծածկէ մեր աչքերէն: Եւ, սակայն, մեր խիղճն անգամ կը վկայէ մեզի դէմ թէ մենք յաճախ կը մրափենք մեր հսկումի որոշ պահերուն մէջ, թէ մենք միշտ սիրով չենք իրարու հետ, ոչ ալ խոնարհ՝ Քու առջեւդ, և կը զլանանք մեր անձերուն ամբողջական զոհարեցումը Քու կամքիդ, առանց որուն չենք կրնար խաչուիլ Քրիստոսի հետ կամ հաղորդ ըլլալ անոր փրկութեան: Ո՛հ, նայէ մեր զղջու-

մին և կանգնեցուր մեր տկարութիւնը, և աուր որ արեւադալը բարձրանայ դեռ մեր սրտերուն մէջ, և մեզի բերէ բժշկութիւն, զօրութիւն և ուրախութիւն: Շնորհէ որ օր քան զօր աճինք հաւատքի, անձնուրացութեան, բարեսիրութեան և երկնային բաներու խորհուրդի մէջ: Եւ ի վերջոյ խառնէ մեզ Քու փրկեալներուդ մեծ բանակին հետ յաւիտեանս: Ամէն: Ճէյմս Մարթինոյ (1805-1900):

Ուրբերոյ Շաբաթ, Երրորդ Օր

«Ով Սուրբ Հայր, քու անունովդ պահէ զանոնք որ դուն ինձի տուիր, որպէս զի մէկ ըլլան, ինչպէս մենք մէկ ենք: Քանի որ աշխարհի մէջ անոնց հետ էի, ես կը պահէի զանոնք քու անունովդ. զորոնք որ դուն ինձի տուիր, ես պահեցի, և անոնցմէ մէկը չկորսուեցաւ, միայն թէ այն կորստեան որդին, որպէս զի գրուածը կատարուի: Ալ հիմա Քեզի կու գամ, ու աշխարհի մէջ այս բաները կը խօսիմ, որպէս զի ուրախութիւնս իրենց անձերուն մէջ կատարեալ ունենան: Ես քու խօսքդ անոնց տուի, ու աշխարհ զանոնք ատեց. վասն զի աշխարհէ չեն, ինչպէս ես աշխարհէ չեմ: Չեմ աղաչեր որ զանոնք աշխարհէ վերցնես, հապա որ զանոնք չարէն պահես: Անոնք աշխարհէ չեն, ինչպէս ես աշխարհէ չեմ: Սրբէ զանոնք քու ճշմարտութիւնովդ. ես աշխարհէ չեմ: Ինչպէս դուն զիս աշխարհ զրկեցիր, ես ալ զանոնք աշխարհ զրկեցի: Եւ անոնց համար ես իմ անձս կը սրբեմ, որպէս զի իրենք ալ ճշմարտութիւնով սրբուած ըլլան: Բայց ոչ թէ միայն անոնց համար կ'աղաչեմ, հապա անոնց խօսքով բոլոր ինձի հաւատացողներուն համար ալ. որպէս զի ամէնն ալ մէկ ըլլան, ինչպէս դուն, ով Հայր, իմ մէջս ու ես քու մէջդ, որպէս զի անոնք ալ մեր մէջ մէկ ըլլան,

որպէս զի աշխարհ հաւատայ թէ դուն զրկեցիր զիս:»
Յովհ. ԺԷ. 11-21:

Նկատեցէք ուրիշ կերպ մը որով կ'աղօթենք կեղծօրէն: Մեր բարեկամներուն համար աղօթելու ձեւը կը գործածենք: Շիտակ կը թուի զայն ընել, և կու տայ մեզի գոնէ անձնագոհութեան վայրկեանական փայլ մը: Բայց աղօթքը մեր բարեկամներուն բարիքին համար տիրական բաղձանքէ մը չէ որ կը բխի, այնպէս որ մենք այդ օրն ամբողջ մտահոգ ըլլանք անոնց պէտքերուն համար, զգայուն՝ անոնց զգացումներուն հանդէպ, վեհանձն՝ անոնց սխալներուն առջեւ, ուրախ՝ անոնց յաջողութեան համար և ըստ կարի օգտակար՝ անոնց ծառայելու մէջ: Յաճախ իսկապէս ըստ բաւականին հոգ չենք ընել մեր բարեկամներուն համար, որպէս զի անոնց ի նպաստ մեր ազաջանքը կենսական նշանակութիւն մը ունենայ մեզի, և հետեւաբար Աստուծոյ համար: Նորան Բայս Պէսթ կ'ըսէր, «Երկնից Գերագոյն Ատեանը ենթադրական խնդիրներով չզբաղիր, ինչպէս չեն զբաղիր երկրաւոր գերագոյն ատեաններ: Խնդրարկուն պէտք է որ իրական խնդիր մը ունենայ ուշադրութիւն գրաւելու համար:»

Խորհեցէք իր աշակերտներուն հանդէպ մեր Տէրոջ սիրոյն վրայ, զայն յայտնող եղանակներուն վրայ, և այն գոհողութեան վրայ զոր յօժարութեամբ կը կրէր՝ այդ սիրոյն հաւատարիմ մնալով: Յովհաննու տասնութներորդ գլուխին մէջ արձանագրուած բարեխօսական աղօթքին իրականութիւնը զայն բխեցնող սիրոյն անկեղծութիւնը կը յիշեցնէ: Այս աղօթքն իրապէս կը ներկայացնէր ինչ որ մեր Տէրը զոհաբերաբար կը բաղձար:

Աղօթք. Ով օրհնեալ Տէր և Փրկիչ, որ մեզի պատուիրեցիր զիրար սիրել, չնորհէ մեզի ընդունելով բա-

րիքներդ զորս անարժանաբար ստացանք՝ ամէն մարդ սիրելի Քեզով և Քեզի համար: Քու անյիշաչարութիւնդ կը խնդրենք ամենուն համար, բայց մանաւանդ այն բարեկամներուն համար, զոր Քու սէրդ մեզի տուաւ: Սիրէ զանոնք, ով աղբււրդ սիրոյ, և տուր որ անոնք ալ Քեզ սիրեն բոլոր սրտով, բոլոր մտքով և բոլոր հոգիով, որպէս զի Քեզի հաճոյ եղած բաները միայն ուզեն, խօսին և ընեն: Եւ թէեւ մեր աղօթքը ցուրտ է, որովհետեւ մեր բարեսիրութիւնն այնքան քիչ տաք է, բայց Դուն հարուստ ես չնորհքով: Քու բարութիւնդ անոնց մի բաշխեր մեր անձնուիրութեան պաղուծեան չափով, այլ, ինչպէս Քու բարեսիրութիւնդ մարդկային ամէն սէր կը գերազանցէ, թող Քու ունկնդրութիւնդ ալ մեր աղօթքը գերազանցէ: Դուն անոնց ըրէ ինչ որ իրենց յարմար է, Քու կամքիդ համաձայն, որպէս զի անոնք ամէն ատեն և ամէն տեղ Քեզմէ ուղղուած և պահպանուած ըլլալով կարենան ի վերջոյ յաւիտեանական կեանքի հասնիլ: Եւ քեզի, ու Հօրը և Սուրբ Հոգիին է ամէն փառք և պատիւ յաւիտեանս յաւիտենից: Ամէն: Անսելմոս (1033-1109):

Ուրեւորդ Գարաբ, Զորուդ Օր

«Եթէ աղքատին ցանկացածը չտուի, ու որբուարիին աչքերը մարեցուցի. եթէ պատաստ մինակ կերայ, ու անկէ որբն ալ չկերաւ... եթէ հանդերձ չունեցող մը կորսուելու վրայ, կամ ծածկոց չունեցող չբաւոր մը տեսայ ու եթէ անոր երիկամունքը չօրհնեցին զիս, ու իմ ոչխարներուս բուրդէն չտաքցաւ. եթէ ձեռքս որբին դէմ վերցուցի, երբ տեսայ թէ զորանը մէջ ինձի օգնականներ կան. թող իմ թեւս ուսէս իյնայ ու բազուկս արմուկէն կոտրուի:» Յոր. ԼԱ. 16-22:

Երբ մէկը ասոնց նման խօսքեր կրնայ առնել իր

չրթներուն վրայ իբր բուն իր կեանքին նկարագրութիւնը, ապահովարար պատրաստ պիտի գտնուի աղիս-նետուն համար անկեղծօրէն աղօթելու: Մենք յաճախ կը շնչանք սա իրողութիւնը թէ աղօթքը նկարագրի զօրաւոր կերտիչ մըն է: Բայց ճշմարտութեան միւս կողմն ալ կարեւոր է, թէ մեծ աղօթքի հաւատ մեծ նկարագիր անհրաժեշտ է: Փոքրիկ, ստորին, մեղկ կեանքով մարդ մը չի կրնար ազնուական աղօթք մը մատուցանել անկեղծօրէն: Այս է նշանակութիւնն այն ասացուածին թէ զիւրին է Տէրունական Աղօթքը բերնուց սորվիլ, բայց զժուար է սրտանց արտասանել: Ամէն մարդու խնդրուածքին մէջ, փոյթ չէ թէ ո՛րքան մեծ ըլլան բտերը, այնչափը միայն իրական է որ արտայայտութիւնն է անոր նկարագրին, անոր կեանքի ներքին արժէքին ու սովորական բաղձանքին: Ուրեմն, երբ գութէ մղուած, Աստուծոյ գթութիւնը կը հայցենք աղքատներուն վրայ, մեր աղօթքին արժէքը կախում կ'ունենայ մեր կեանքին մէջ այդ բարի բաղձանքին տիրական զօրութենէն: Ազաչանքը արդեօք մեզի համար լուրջ նշանակութիւն ունեցող ներքին անձնութեանէ՞ մը կը բխի: Արդեօք Աստուած՝ մեր աղօթքին անկեղծութեան ապացոյցը կրնա՞յ տեսնել աղքատներու համար մեր սովորական և կանոնաւոր խնամքին ու անոնց նպաստող մարմիններու մեր օժանդակութեան բաժնին մէջ:

Աղօթք. Ով մեր Տէրը և վարդապետը, կ'աղաչենք Քեզի որ մեզի օգնական և զօրավիգ ըլլաս: Ազատէ ամէն անոնք որոնք նեղութեան մէջ են. գթա առանձին եզղողներուն. վերցուր ինկածները. ինքզինքդ ցոյց տուր կարօտեալներուն. բուժէ ամբարիշտները. դարձուր Քու ժողովուրդիդ թափառականները. կերակրէ անօթիները, կանգնեցուր տկարները և կազդուրէ վհատածները: Թող բոլոր ժողովուրդները զիտնան թէ միայն Դուն ես

Աստուած, և Յիսուս Քրիստոս Քու Որդիդ է, և մենք Քու ժողովուրդդ ենք և արօտիդ ոչխարները: Յիսուս Քրիստոսի սիրոյն համար: Ամէն: Կղեմէս Հռոմայեցի (Յ. Տ. 90):

Ուրեմն Գարար, Հիկեբուրդ Օր

«Եւ Անտիոքի մէջ եղած եկեղեցիէն քանի մը մարդարէներ ու վարդապետներ կային, Բառնարաս ու Շմաւոն որ Նիւգէր կ'ըսուէր, և Ղուկիոս Կիւրենացի ու Մանայեն, Հերովդէս չորրորդապետին անդակիցը, և Սողոս: Երբ ասոնք Տէրոջը պաշտօնին մէջ էին, և ծոմ կը պահէին, Հոգին Սուրբ քսաւ. Զատեցէք ինձի Բառնարասը և Սողոսը այն գործին համար որուն ես կաննաբասը և Սողոսը այն գործին համար որուն ես կաննաչեր եմ ատոնք: Այն ատեն ծոմ պահելով և աղօթք ընելով՝ ձեռք դրին անոնց վրայ ու զրկեցին: Անոնք ալ Սուրբ Հոգիէն զրկուած՝ Սելեւկիա իջան, ու անկէ նաւով Կիպրոս գացին:» Գործ. ԺԳ. 1-4:

Տեսէք թէ Պօղոսի և իր ընկերներուն առաջին առաքելական ուղեւորութիւնն ի՛նչպէս յղացուեցաւ աղօթքի հոգիով և յառաջ տարուեցաւ աղօթքի զօրութեամբ: Մենք ալ աղօթած ենք առաջեղարեանց համար. թերեւս անձնական բարեկամներ ունինք օտար գաշտերու վրայ, և այդ իրողութիւնը մեր պարտականութեան զգացումը ողեւորած է Դատին համար աղօթելու: Բայց պարզ իրողութիւնն այն է յաճախ թէ մինչ մենք աղօթքներ կը մատուցանենք, ուրիշ բան ալ չենք մատուցաներ: Մենք ազաչանքը զօհաբերութեան տեղը կը դնենք: Առաքելութեանց չենք տար տնտեսի խոր զգացումով, այլ Թագաւորութեան Դատը կը նկատենք յաւէտ բարեգործութիւն մը, որու մեր աւելորդէն պօրբերական ոգորմութիւն տալ բաւական կը համարինք: Մեր ներքնազոյն բաղձանքներուն մէջ

անձնուիրարար փարած չենք Քրիստոսի Դատին յաղթանակին, որպէս զի տեղեկութիւն փնտոննք առաքելութեանց մասին, ըստ կարի առատ նուէրներ ընենք, և անձնական ծառայութիւն տրամադրենք զօրացնելու համար եկեղեցին միսիոնարութեան իբր «հայրենի խորհուրդ»։ Միսիոնարներու համար մեր խնդիրքներուն մէջ ո՛րքան յաճախ «կը ծաղրենք մեր անձերը սնտի խնդրուածքներով» ինչպէս լաւ կը բանաձեւէ Եղբայր Լորէն։

Աղոթք. Ով հունձքին մեծ Տէրը, կ'աղաչենք, մշակներ զրկէ աշխարհի հունձքին համար, որպէս զի այլեւս հասուն հասկերը չի թափին և անհողութեամբ չի փճանան։ Քու սրբարար Հոգիդ թափէ օտարութեան մէջ գտնուող մեր Քրիստոնեայ եղբայրներուն վրայ և դարձի բերող չնորճքդ՝ անոնց վրայ որ խաւարի մէջ կը նստին։ Կ'աղաչենք, անձնուէր պաշտօնէութիւն մը յառաջ բեր ընիկ հաւատացեալներուն մէջ, որպէս զի Քու ամբողջ ժողովուրդդ սիրով միանայ իբր մէկ մարմին և Քու եկեղեցիդ աճի և հասնի Քրիստոսի կատարելութեան հասակին չափին. յանուն Անոր որ մեռաւ և վերստին յարեաւ մեր բոլորին համար, նոյն այն Յիսուս Քրիստոսի, մեր Տէրով։ Ամէն։ Միլման Եպիսկոպոս (1791-1868)։

Ուրբուրդ Գարաբ, Վեցերուրդ Օր

«Երուսաղէմի խաղաղութիւնը խնդրեցէք. թող յաջողին անոնք որ քեզ կը սիրեն։ Խաղաղութիւն թող ըլլայ քու պարիսպներուդ մէջ, ու յաջողութիւն՝ քու պաշտներուդ մէջ։ Իմ եղբայրներուս և ընկերներուս համար հիմա պիտի ըսեմ. Խաղաղութիւն ըլլայ քու մէջդ։ Մեր Տէր Աստուծոյն տանը համար քեզի բարութիւն պիտի ուղեմ»։ Սաղ. ձիւ. 6-9։

Մեծ պատերազմի մը միջոցին ոչինչ աւելի բնական

է քան աղօթել խաղաղութեան համար։ Բայց խաղաղութեան համար բարձրացող բոլոր խնդրուածքներէն քանի՞նք արդեօք կը ներկայացնեն կեանքի խոր և փոխակերպիչ նուիրում մը մարդկային եղբայրութեան դատին։ Մարդիկ կ'աղօթեն խաղաղութեան համար, և դեռ կը պահեն ու կ'արտայայտեն ցեղային այն նախապաշարումները որոնք պատերազմի ամենաբեղմնաւոր պատճառներէն են։ Անոնք կ'աղաչեն որ մարդկային եղբայրութիւն հաստատուի. բայց իրենք ծայր աստիճան եղբայրամերժ են իրենց համայնքներուն մէջ գտնուող օտարներուն հանդէպ։ Կիներ բարեպաշտօրէն խնդիրքներ կը ձեւակերպեն այն օրուան համար, ուր ա՛լ պիտի չըլլան «բարբարոս, Սկիւթացի, ծառայ կամ ազատ. հապա Քրիստոս է ամէնը՝ և ամէն բանի մէջ» (Կող.Գ.11)։ Բայց նոյն ատեն Քրիստոնէական ամէն սկզբունք ոտնակոխ կ'ընեն իրենց վարմունքին մէջ հանդէպ իրենց ծառաներուն, իրենց ընկերային ստորադասներուն, և կամ իրենց քաղաքին օտարականներուն։ Անոնց աղօթքները հեռաւոր երազներ են, որոնք իրենց կեանքերուն հետ առնչութիւն չունին։ Գոնէ չատերս, երբ խաղաղութեան համար կ'աղօթենք, կը մաքրե՞նք մեր սրտերը այն քինախնդրութենէն որ ամէն պատերազմի ետին կը կենայ։ «Ամէն դառնութիւն և բարկութիւն ու սրտմտութիւն և աղաղակ ու հայտնութիւն վերցուի ձեզմէ ամէն չարութիւններով մէկտեղ։ Եւ իրարու հետ քաղցր եղէք, զթած, ներելով իրարու, ինչպէս Աստուած Քրիստոսով ներեց ձեզի»։ Եփես. Գ. 31, 32։

Աղոթք. Ով Տէր, Հաբելի արեան զինք ծծող երկրէն Քեզի առաջին անգամ բողոքելէն ի վեր, Քու այս երկիրդ պղծուեցաւ՝ եղբոր ձեռքով թափուած մարդու արիւնով, և դարեր կը հեծնեն պատերազմի յարատեւ սարսափով։ Թագակիրներու գոռոզութիւնն ու զօրա-

ւորներու ընչաքաղցութիւնը սպանդի մղեցին միշտ խաղաղասէր ազգերը: Անցեալին երգերը և բանականութուն պերճութիւնը գործածուեցան միշտ ժողովուրդներուն կիրքերը բոցավառելու համար: Մեր հոգին՝ անոր դէմ ըմբոստացած՝ կը բողոքէ քեզի, և գիտենք որ մեր արդար բարկութիւնը կը համապատասխանէ քու սրբազան դայրոյթիդ:

Ջախջախէ հմայքն այն կախարդանքներուն որոնք ազգերը կ'արբեցնեն պատերազմի ցանկութեամբ և զանոնք յառաջ կը քշեն իբր հլու գործիքներ մահուան: Շնորհէ մեզի հանդարտ և հաստատ միտք մը, երբ մեր ազգը վրէժխնդրութեան կամ յարձակումի համար աղմըկէ: Զօրացուր մեր արդարութեան զգացումը և մեր յարգանքը՝ ուրիշ ժողովուրդներու և ցեղերու հաւասար արժանիքին համար: Ազգերու իշխաններուն հաւատք չնորհէ արդարութեան ճամբով խաղաղութեան հնարաւորութեանը վրայ. և հասարակ ժողովուրդին նոր և բուռն եռանդ մը պարգեւէ խաղաղութեան դատին ի նպաստ: Օրհնէ մեր զինուորներն ու նաւաստիները՝ պարտակոչի պատասխանելու իրենց անվարան հնազանդութեան և յօժարութեանը համար. սակայն և այնպէս ներչնչէ անոնց պատերազմի դէմ ատելութիւն մը, և տուր որ անձնական փառքի կամ բարձրացումի սիրոյն համար երբեք պատճառ չի տան անոր գալուստին: Տուր որ մեր երիտասարդներն իրենց հայրենիքին համար ուրախութեամբ մեռնին իրենց հայրերուն քաջութեամբ, բայց մեր սերունդին սորվեցուր մեր զօրութիւնը մըրցումի հանելու աւելի ազնիւ եղանակներ և մեր գրօջակին ծառայելու համար մեր կեանքը տալու աւելի ազդու միջոցներ:

Ով դուն Հզօր Հայր բոլոր ազգերու, Քու մեծ ընտանիքդ մէկտեղ հաւաքէ մեր հասարակաց արիւնին և

ճակատագրին յարածուն զգացումով, որպէս զի խաղաղութիւն գայ վերջապէս երկրիս վրայ, և Քու արեւդ իր զուարթ լոյսը սփռէ ժողովուրդներու սրբազան եղբայրութեան մը վրայ: Վալթըր Բուուչընպուչ:

Աւքերոյ Ծաբար, Եօրեւրոյ Օր

«Եւ այս բաներէն ետքը Յեզրայէլացի Նաբովթ Մամարիայի Աքաբա թագաւորին պալատին քով Յեզրայէլի մէջ այգի մը ունէր: Ու Աքաբա Նաբովթի հետ խօսեցաւ ու ըսաւ. Քու այգիդ ինձի տուր, որպէս զի ինձի բանջարի պարտէզ ըլլայ, քանզի իմ տանս մօտ է. և անոր տեղը՝ անկէ աղէկ այգի մը տամ քեզի. կամ եթէ կ'ուզես՝ անոր գինը ստակով վճարեմ քեզի: Ու Նաբովթ Աքաբաի ըսաւ, Տէրը ինձի չցուցնէ որ իմ հայրերուս ժառանգութիւնը քեզի տամ: Եւ Աքաբա, Յեզրայէլացի Նաբովթի խօսքին համար որ ըսաւ թէ իմ հայրերուս ժառանգութիւնը քեզի չեմ տար, սիրտը կոտորած ու նեղացած իր տունը գնաց, և իր անկողինին վրայ պառկեցաւ, ու երեսը դարձուց ու հաց չկերաւ:»
Գ թագ. ԻՍ. 1—4:

Ենթադրելով որ Աքաբա այդ գիշեր իր աղօթքներն ըսած ըլլար, միթէ շատ տարբերութիւն պիտի ընէր ինչ որ ըսաւ աղօթելու պահուն: Երեւակայեցէք որ ան իր մանկութեան միջոցին սորված քանի մը ձեւական աղօթքները կրկնեց. աշխիս իր բուն աղօթքը պիտի ըլլար միթէ: Յայտնի է թէ այդ գիշեր Աքաբաի կեանքի պահանջը պարզապէս Նաբովթի այգիին համար իր ընչաքաղց բաղձանքն էր: Աստուծոյ մատուցուած ոչ մէկ ձեւական, վայելուչ, բարեպաշտական աղաչանք կրնար աստուածային տեսութենէն ծածկել այն իրողութիւնը թէ ինչ որ Աքաբա իրապէս կը բողոքէ իր գրացիին այգին էր: Նկատեցէք թէ Աստուած ո՛ր-

քան յաճախ այսպէս նայած է մեր պայմանադրականօրէն վայելուչ խնդիրքներուն, և մեր սրտերուն մէջ տեսած է մեր անբարբառ բայց տիրական բաղձանքները, երբեմն ա՛յնքան ստորին, շահամոլ և ընչաքաղց որքան Աքաբըինը: Ասոնք են մեր կեանքերուն խոր աղօթքները — մեր սրտերն անոնց վրայ հաստատուած են — և Աստուած չի խաբուիր, երբ բարեպաշտական խօսքերով ըսենք թէ իր օրհնութիւնը կ'ուզենք: Այս շաբաթ խորհինք թէ մեր սրտերն իրապէս ի՛նչ բանի վրայ հաստատուած են, ի՛նչ են մեր գլխաւոր փառասիրութիւններն ու բաղձանքները:

Աղօթք. Ով յաւիտենական Աստուած, սրբագործէ մարմինս և հոգիս, խորհուրդներս և նպատակներս, խօսքերս ու գործերս, որպէս զի ինչ որ խորհիմ, խօսիմ կամ ընեմ՝ իմ կողմէս սահմանուած ըլլայ Քուսնունդ փառաւորելու, և օրհնութեամբք՝ ըստ կարի օգտակար և արդիւնաւոր ըլլայ Քու գործիդ մէջ: Տէր, իմ պէտքերս առաքինութեան վերածէ, բնութեան գործերը չնորհքի գործերու, ընելով զանոնք կարգաւոր և չափաւոր. և թող մի տար որ ուէ հպարտութիւն, անձնասիրութիւն, ընչաքաղցութիւն կամ վրէժխընդարութիւն, աննշան նպատակներ և ստորին երեւակարութիւններ ապականեն իմ հոգիս ու պղծեն իմ խօսքերէս և գործերէս ուէ մէկը: Բայց չնորհէ որ իմ մարմինս հոգիս մէկ ծառան ըլլայ, և երկուքը միասին՝ մարմին և հոգի՝ ծառաներ Յիսուսի, որպէս զի հոս փառքիդ համար ամէն բան ընելով կարենամ մասնակից ըլլալ Քու հանդերձեալ փառքիդ, մեր Տէր Յիսուս Քրիստոսի անունով: Ամէն: Ճէրէմի Թէյլըր (1613—1667):

Մեկնաբանութիւն Ծաբրուան Համար

Ա.

Մինչև հիմա խօսեցանք աղօթքի մասին իբր որոշապէս կրօնական գործի մը մասին: Աղօթք բառը գործածելով կը խորհէինք Աստուծոյ առջև խոնարհած սրտերու, գոց դռներու, կրկնուած ծունկերու, պատկառոտ հոգիներու վրայ: Բայց այս գրուխիւն մեջ պիտի ե տր իջնենք խորը մտորկայիս քաղնակի այն մտորկիս որ, սևջրս աղիկներու սակ փոռումով կիկիսկնոսի մը կնակ, կը սարածուի մասնաւորապէս կրօնակակ սակն խնդիրկներու կերկեր:

Այս գլուխին սկզբնական մասին մէջ գոնէ խորհելու ենք աղօթքի վրայ իբր կրօնքէ բոլորովին բաժանելի բանի մը վրայ: Հարցնելու ենք ոչ միայն թէ ի՛նչ են մեր բաղձանքներն այն պահուն երբ կը խոնարհինք Աստուծոյ առջև, այլ և թէ ի՛նչ են մեր տիրական նպատակները մեր առօրեայ զբաղումին մէջ, ի՛նչ բան կը հետապնդենք իրապէս մեր ներքնագոյն փառասիրութիւններով, ի՛նչ է մեր պահանջը կեանքէն: Աղօթքը, իր այս աւելի բովանդակիչ իմաստով, մարդու մը սրտին հաստատ ըղձանքն է, քարի կակ չար, անոր ներքին սէրը և որոշիչ բաղձանքը: Երբ Յիսուսի առակին անտակը կ'ըսէր, «Հայր, քու ստացուածքէդ ինծի իյնալու բաժինը տուր ինծի» (Ղուկ. ԺԵ. 11), ան իրական իմաստով կ'աղօթէր: Անոր ներքնագոյն փառասիրութիւնը կ'արտայայտուէր հոն: Անոր սիրտը հետամուտ էր ձեռք բերել միջոցներ որոնք ի վերջոյ իր կործանումը պիտի բերէին: Անիկա հաստատապէս ղէպ ի շարութիւն ուղղուած աղօթք մըն էր, բայց ղէպ ի շարութիւն ուղղուած աղօթք մըն էր, բայց աղօթք էր: Այս իմաստով Ամերիկայի համար Գոլոմպոսի խուզարկութիւնն աղօթք մըն էր, Էտիսընի հրաշող լոյսի գաղտնիքը գտնելու երկարատե ջանքը

աղօթք էր. Պողոսի Բրիստոնէական եկեղեցիներ հաստատելու փառասիրութիւնը և Նափոլէոնի Եւրոպայի վրայ իշխելու փառասիրութիւնը, երկուքն ալ, աղօթքներ էին: Ոչ միայն այն կիներ որ արդարութիւնը կը պաշտպանէ դժկամակ դատաւորին առջև՝ կ'աղօթէ, այլ անառակ որդին ալ որ զուարճութեան միջոցներ կը խնդրէ իր հօրմէն: Եւ ուէ մարդ որ յամառօրէն կը վազէ դրամի, համբաւի կամ հաճոյքի ետևէ՝ իր տիրական բաղձանքին մէջ ունի իր կեանքը ձեւակերպող աղօթքը: Պահ մը ընդունելու ենք արդիւնաւոր սահմանը զոր Տիկին Պրատենիկ կու տայ մեզի. «Ամէն թաղանթ՝ Աստուծոյ առջև՝ աղօթք է:»

Ռ

Այս տեսակէտին անմիջական մէկ արդիւնքն է սա պարզ հասկացողութիւնը թէ ւախեմ մարդ կ'աղօթէ: Աղօթքը իբր Աստուծոյ մօտենալու որոշ գործ մը կրնայ վտարուիլ ուէ կեանքէ: Բայց աղօթքն իբր բաղձանք մը, որ ամէն մարդի մէջ և ամէն բանի համար կը գործածուի, ամէնս ալ կը պարփակէ միանգամայն: Մենք, այս ընդհանուր իմաստով, անդադար կ'աղօթենք: Տիեզերքի մէջ տեսչանքի կեդրոններ ենք: Ամէն մարդկային կեանքի մէջ տարրական իրողութիւնը բաղձանք է: Աղօթքի ուէ գործ ժխտող մարդու մը կրնանք պատասխանել. «Ձեր կեանքը կազմակերպուած աղօթք մըն է: Ձեր մարմինը կերակուր կ'ուզէ. ձեր միտքը՝ ծանօթութիւն, ձեր սէրը բարեկամութիւն, և ձեր հօգին՝ խաղաղութիւն և յոյս: Դուք չէ՞ք աղօթեր: Ամէն մէկ գործունէութիւն և ամէն մէկ նպատակաւոր խորհուրդ ներքին աղօթքներ գոհացնող ձիգեր են յաւէա:»

Աղօթքը սովորաբար կը նկատուի իբր գործը մար-

դու մը ամենալաւ պահերուն: Բայց մարդիկ իրենց ւախեմազեղ պահերուն մեջ ալ կ'աղօթեն այս խնամով: Աղօթքը կրնայ ըլլալ երկնային կամ դիւային: Երբ մարդու մը տիրական բաղձանքը անոր աղօթքը նկատենք ճշմարտապէս, կը տեսնենք թէ Գէեզի, երբ ընչաքաղց աչքերով կը վազէ Նէեմանի ետևէն անոր հարստութիւնը կողոպտելու համար, կ'աղօթէ. թէ Դաւիթ, երբ ցոխացած սրտով պատերազմի ձակատին վրայ դնել կու տայ Ուրիան, կ'աղօթէ. թէ անառակ որդին, երբ իր կործանումին միջոցները կը խնդրէ, կ'աղօթէ: Ոչ մէկը երբեք, հոս կամ այլուր, առանց աղօթքի (Աստուծոյ և արդարութեան համար որոշ բաղձանքի մը բարձրացում) գտաւ երկինքը: Եւ ոչ մէկը երբեք, հոս կամ այլուր, առանց աղօթքի (չարութեան համար սրտի մը սևեռուն և յամառ տենչը) գտաւ դժոխքը: Մարդոց ուէ խուճբի մէջ դուք չէք կրնար աղօթողները չաղօթողներէն զանազանել: Ամէնքն ալ տիրական բաղձանքի աղօթքը կը մատուցանեն: Մեծ խնդիրն է թէ ի՞նչ բանի ետևէ են, ի՞նչ է անոնց պահանջը կեանքէն:

Պ

Նկատելի է նաև թէ աղօթքն այս խնամով ուրեւ մարդու նկատարիւն ներքին չափանիշն է: Կենդանի էակները գոյութեան կշիռքին մէջ իրենց աստիճանը իրենց պէտքերով կը յայտնեն: Անկենդանները բանի մը պէտք չունին: Քարերը և հողակոշտերը պակասի մը զգացումէն չեն վրդովիր: Կեանքի աղօտագոյն շողը, սակայն, ի յայտ կը բերէ պէտքի տիրապետութիւնը: Մինչև անգամ միաբնիշ կազմաւորներուն մէջ, որոնք ասդին անդին կը դառնան կեր փնտուելու համար, կեանքի ներ-

կայուցութիւնը կը նշանակէ անօթութիւն մը որ աղօթքի նախատարրն է: Եւ այս բնազդական պէտքի ազօտ սկզբնաւորութիւններէն մինչեւ գիտուններու և սուրբերու հոգեկան պահանջները, էակի մը պէտքերուն քանակն ու որակը լաւ չափանիշ մըն են անոր կեանքին:

Մեր նիւթական յառաջդիմութիւնը կրնայ չափուիլ այն տարբերութեամբ որ կայ մերկութիւն, յարդեայ խղիկ և զինքը գոհացնելու համար հում կերակուր միայն ուզող վայրենիի մը և մեզմէ մէկուն միջեւ, որ աշխարհի չորս ծագերուն վրայ հարկեր դնող գիւրուութիւններ կը պահանջէ: Մեր մտաւորական զարգացումը կրնանք չափել այն տարբերութեամբ, որ կայ իր եղեգնազաշտին սահմաններէն անդին չի շահագրգռուող Ափրիկեան գաճաճի մը և արդի գիտնականի մը միջև, որ իր հետազօտութեան թեւերով տիեզերքի ծայրագոյն սահմաններուն կը բախի: Եւ մեր հոգեկան ընդլայնումը կը չափուի այն տարբերութեամբ, որ կայ իր կուռքը պաշտող սեւամորթ հեթանոսի մը և Պօղոսի միջև, որ Քրիստոսի հետ պահուած իր կեանքին վրայ խօսելով կ'ըսէ. «Յառաջ կ'ընթանամ»: Որքան մեծ ըլլայ մարդ մը, այնքան լայն և խոր և ազնիւ կ'ըլլան անոր բաղձանքները: Անոր աղօթքը անոր անձին չափանիշն է: Ինչ որ հարկ է անոր պէտքերը բաւարարելու համար, անոր մեծութեան չափն է: Մարդիկ կեանք կը վայելեն օտար քաղաքներ փոխադրուելով, և անմիջապէս կ'սկսին աղօթել: Ոմանք կը փնտռեն քաղաքին գոեհիկ զուարճութեան կամ մոլութեան վայրերը, ուրիշներ՝ ամենաբարձր երաժշտութիւն և ամենանուրբ արուեստ, ոմանք՝ ստորին ընկերակցութիւններ, ուրիշներ՝ լաւ բարեկամներ. ոմանք ալ՝ ընկերային ծառայութեան կեդրոնատեղիներ և Աստուծոյ տաճարներ: Այսպէս իւրաքանչիւր մարդ կ'աղօթէ, և մինչ կ'աղօ-

թէ՛ ի յայտ կը բերէ իր արժէքը: Ոչ մեկ մարդ կրնայ խուսափիլ իր սիրական բաղձանքի աղօթքէն, ոչ ալ կրնայ փախուստ սալ իր աղօթքով իր կեանքին անխուսափելի չափուակէն:



Այս ճշմարտութիւնը շատ լուրջ հանգամանք մը վ'ստանայ, երբ աչքի առջև ունենանք անոր ուրիշ մէկ ընդլայնումը, թե իրական բաղձանքի աղօթք միջև կը ձգտի հասնիլ իր նպատակին: Ատիկա ճշմարիտ է նախ անոր համար որ կեդրոնական ըզձանք մը իր շուրջ կը հաւաքէ, կը կազմակերպէ մեր կեանքին բոլոր կարողութիւնները, և միտքն ու ձեռքերը գործի կը լծէ իր հրամանը կատարելու: Աստուծոյ հետ մարդոց գործակցութեան երեք միջոցներուն վրայ, որ են գործել, խորհիլ և աղօթել, հարեանցի տեսութիւն մը կրնայ թելադրել թէ աղօթելը քիչ մը աւելորդ յաւելուած է, թէ միւս երկուքը գոնէ աւագ կարեւորութիւն ունին: Ընդհանրապէս, իրական բաղձանքի աղօթքը սոյնոսքստ խորհուրդէն եւ գործէն առաջ կրա գայ: Մենք կը խորհինք և կ'աշխատինք, որովհետեւ մեր սրտին խորքին մէջ նախ աղօթած ենք. վասն զի մեր ներսիդին բաղձանք մը կայ, որ մեր մտքերուն կը գոչէ, «Եկուր, այս ինչ բանը բեր ինձի» և մեր ձեռքերուն կը հրամայէ, «Գնա, այն ինչ բանը բեր ինձի»: Բաղձանքը նախնական ոյժն է մարդկային փորձառութեան մէջ:

Մարդ մը դրամի պէտք ունի: Ատիկա իր իրական պահանջն է կեանքէն, այսինքն իր աղօթքը: Ինչպէս անոր միտքն իսկոյն ծառայի հագուստ կը հագնի սպասաւորելու համար անոր տիրական բաղձանքին: Ո՛րքան արագ կը գործէ անոր խելքը, և ո՛րքան կորովի

կը դառնայ անոր խորհուրդն ի սպաս իր աղօթքին՝
 Ուր որ մարդիկ իրենց կամքերը կը կեդրոնացնեն,
 իրենց մտքերը կը գործածեն և աշխատանքի կը լծուին,
 այս տեսանելի հետևողութեան ետին տիրական բաղ-
 ձանք կը գտնուի: Եթէ Պիղմարք Գերման կայսրու-
 թիւնը միաձուլելու համար բանի մը առջև կանգ չառ-
 ներ, գործին մէջ փառասիրութիւն մը կայ: — «Իուք
 կրնաք կախել զիս,» ըսաւ ան, «որչափ ատեն որ ին-
 ծի համար ձեր գործածելիք չուանը Բրուսիական գա-
 հուն կը կապէ Գերմանիան:» Եւ եթէ Բոպէրթ Պըրնզ
 Սկովտական աննման քնարերգութիւններ կը գրէ,
 անոր աշխատանքին հետքը պիտի տանի մեզ մինչև
 իր աղօթքը:

«Նոյն իսկ այն ատեն բաղձանք մը վերջին,
 Բաղձանք մը հըզօր իմ յետին շունչին,
 Թող վեր բարձրացնէ իմ կուրծքըս տըկար,
 Որ ես խեղճ ծերուկ Սկովտիոյ համար
 Թողում գիրք մը լաւ, գործ մը կարեւոր,
 Եւ կամ թէ գոնէ երգեմ երգ մը նոր:»

Տիրական բաղձանքը կը հաւաքէ կարողութիւնները,
 կը կեդրոնացնէ միտքը, ջիղերը, կամքը, և յառաջ կը
 սուրայ դէպ ի վախճանը: Միշտ կը ձգտի կատարել իր
 նպատակը, ինչպէս ձոն Պըրրոզ կ'ըսէ. «Եթէ մտքիդ
 մէջ բան մը ունիս, շատ չանցած՝ ձեռքիդ մէջ պիտի
 ունենաս զայն:»

Տիրական բաղձանքի այս աղօթքը, սակայն, իր
 նպատակը կատարել կը ճգնի ոչ միայն վասն զի կը կեդ-
 րոնացնէ մարդուն կարողութիւնները, այլ նաև վասն
 զի դաշնակցութեան կը հրաւիրէ մարդեկ դուրս գնառող
 ոյժեր: Մթնոլորտին մէջ ո՛ւր որ թեթեւ ճնշում կայ՝
 հովը հոն կը խուժէ պէտքը լեցնելու համար: Նոյնպէս
 մարդկային լըղձանքները թեթեւ ճնշումի գետիններ

կ'ստեղծեն, և դուրսէն օգնութիւն կը խուժէ ներս ա-
 նոնց բաղձանքները լեցնելու համար: Ասիկա դիւրաւ
 կը լուսաբանուի ընկերային կեանքի մէջ, ինչու որ
 հիմա աշխարհի վրայ ուրէ ձեռնարկի մէջ մարդիկ կը
 ջանան ուրիշ մարդոց բաղձանքները գոհացնել — եկե-
 ղեցիներ՝ երկրպագութեան բաղձանքի, գեներալներ՝
 խմելու տենչի, վարժարաններ՝ ուսման ծարաւի գո-
 հացում տալու համար: Ամէն մէկ կազմակերպութեան
 ետին կը գտնուի տենչ մը: Մարդկային պէտքերը բաց
 ծովածոցեր են, որ իրենց կը հրաւիրեն մարդկային
 ջանքի ծովը:

Այս ճշմարտութիւնը նոյնքան ակներեւ է անհա-
 տին կեանքին մէջ: Երբ մարդ կը ցանկայ մոլեկան հա-
 ճոյքներու, ստորին ընկերներ անխուսափելիօրէն անոր
 վրայ կը խուժեն ամէն կողմէ, ստորին գիրքեր, որոնք
 մաքուր մտքերու կողմէ աննկատ կը թողուին, կու գան
 գոհացնել անոր խորթակը: Անոր աղօթքը կ'ստեղծէ
 կոչ մը, որուն կը պատասխանէ իր պէտքին առնչակից
 ամէն բան: Ինչպէս պտուտքող մորիկը իր պտոյտքին
 մէջ կ'առնէ յարակից օդը, այնպէս ալ մարդու մը բաղ-
 ձանքն իր մէջ կ'ընդունի իր միջավայրին համազգի ոյ-
 ժերը: Տարակոյս չի կայ որ գիւղին մէջ ամէն յոռի ազ-
 դեցութիւն, հոգեկան ձգողութեան ճամբով, անառակ
 որդիին եկաւ անոր չար նպատակը հասունցնել, մինչեւ
 որ անոր տիրական տենչը իր մեջ փայլէ նաև ակնոր հայրը:
 Հօրենական ժառանգութիւնը, որ կ'ենթադրուէր թէ
 իրեն համար օրհնութիւն մը պիտի ըլլար, գործածեց
 իր տիրական կիրքն յագեցնելու համար, մինչեւ որ
 իրեն համար անէ՛ծք մը դարձաւ: Պատմութիւնը անմի-
 ջապէս Աստուծոյ հետ մեր փորձառութեան լեզուին
 փոխադրելով, տիեզերքն իսկ կը պատասխանէ մարդու
 անկէ ըրած յամառ պահանջներուն: Հոգեկան աշխարհի

զօրութիւններն անգամ մարդու մը տիրական աղօթքին հետ մէկ գծի վրայ կու գան, թէեւ ակամայ: Ան կրնայ Աստուծոյ կամքին գետին մէջ յետադարձ հոսանք մը յառաջ բերել և բուն այն ջուրերը որոնք իրեն պիտի օգնէին շիտակ յառաջ երթալու՝ հիմա անոր տիրական բաղձանքին շուրջ կը պտուտքին:

Ահա, ուրեմն, մէկը ամենէն աւելի արտայայտիչ և ուշագրաւ երեւոյթներէն, ուր կրնայ քննուիլ աղօթքի նշանակութիւնը. մեկ անհեմսի սիրական բաղձակի աղօթքը կ'ընենք. մեր արժանիքն անով կը չափուի. եւ, որովհետեւ ան իր ծառայութեան մեջ կ'առնէ մեր ներքին ուժերը եւ արտաքին զօրութիւններ կը կանչէ իրեն օգնելու համար, վստահաբար կը կասարէ իր նպատակը:



Երբ աղօթքն իբր այսպէս առ հասարակ բաղձանք՝ նկատելու տեղ իր աւելի սովորական իմաստով համարինք իբր հօգիտն որոշ մերձեցումն առ Աստուծոյ, կ'ուսնանք մեր նիւթին վրայ այնպիսի տեսութիւններ, զորս ոչ մէկ ուրիշ ճամբայ այնքան լաւ կը հայթայթէ: Յայտնապէս կը տեսնենք որ Աստուծոյ ուղղաւոր մեր խօսքերէն շատերը, զորս աղօթք կոչած ենք, իրական աղօթքներ չեն բնաւ: Մեր տիրական բաղձանքը չեն անոնք: Մեր կեանքին ներքին վիճակը և զիտաւորութիւնը չեն արտայայտեր: Ինչ բանի համար որ կ'աղօթենք ներքնաստեղծակիւն մէջ՝ չէ այն բանը զոր ամէն օր կը փնտոնենք անվատ տենչանքով: Դժուար չէ շրթներով աղօթել նորոգուած նկարագրի և օգտակար կեանքի, ընկերային արդարութեան և Աւետարանի յաղթանակին համար: Սբ. Գիւրքը բազմաթիւ ընտանի հատուածներու մէջ մեզի ցոյց կու տայ թէ ինչ բանի հա-

մար պարտիւն աղօթել: Եկեղեցիներուն պաշտամունքի գիրքերն ալ գեղեցկօրէն պերճախօս են աղօթքներով, որոնք բխած են անկեղծօրէն տենչացող սրտերէ, և մենք շուտով կրնանք յօրինել խնդիրքներ որոնք եկեղեցական աղօթադիրքերու տառը կ'ընդօրինակեն: Մարդ մը մակերեսային այս իմաստով կրնայ հրապարակային խնդրուածքի հնարքը ձեռք բերել: Անոր աղօթքները պերճախօս են և գեղեցիկ, անոնք բառական տենչանք են ամենալաւ բաներու: Բայց, ինչպէս տաճարին նաւակատիքին աթիւ «Սողոմոնի Աղօթք»էն կը տեսնուի, անարկու վիճ մը կայ հրապարակաւ մատուցուած աղերսանքներու և աղօթողին ակներեւ բաղձանքին միջև: Այն աղօթքը, որ սիրական բաղձակի չէ, ուրեք բան կասարերու համար շատ սխալ է: Ուրեք դատարկապօրտ ուսանող կրնայ աժանագին աղօթել որ ինք զիտնական մը ըլլայ. շուկայի վրայ սեւէ ծոյլ կրնայ աղօթել որ ինք հարուստ ըլլայ. պարտականութենէ խուսափող սեւէ վարանամիտ մարդ կրնայ աղօթել կորովի նկարագրի համար: Բայց այս տեսակ աղօթքներ իրականապէս աղօթք չեն:

« Աղօթքն է անկեղծ բաղձակի հոգեոյն,
Խօսքով յայտնուած, կամ առանց բառի.
Հրդեհումն է ան կրակի մը թաքուն,
Որ մաքուր կուրծքի ներքեւ կը վառի: »

Ճշմարիտ աղօթքի բնութիւնը Աստուծոյ ուղղուած տիրական բաղձանք նկատելու այս գաղափարը երկու կարեւոր կէտ կը լուսաբանէ: Նախ, չի պատասխանուած աղօթքի մասին մեր մտածումին նոր նպատակ մը կը բերէ: Կը քերտրի քե միևն լնարդու մը արտաքին խնդիրք կը մերժուի, անոր սիրական բաղձակի, որ բուն իր աղօթքն է, կրնայ շնորհուի: Օրինակի համար, ծնողքներ կ'աղօթեն իրենց զաւակներուն նկարագրին

և օգտակարութեան համար: Կը խնդրեն որ բարեպաշտութիւն և այլասիրութիւն իրենց որդիներն ու դուստրերը հոգեւորապէս նշանաւոր մարդիկ և կիներ զարձնեն: Այս տեսակ աղերսանքներ գերազանցօրէն վայելուչ են. բայց խիստ յաճախ վայելուչ ըլլալով հանդերձ ծնողքներուն տիրական բաղձանքը չեն ներկայացներ: Իրական տենչը, որ որոշումները կը վարէ, որ ընտանեկան միջոցները կ'ստեղծէ և մանուկներուն նկարագիրը կը ձեւակերպէ, ծնողքներուն փառասիրութիւնն է զաւակներուն հարստութեան և ընկերային յաջողութեան համար: Հո՛ն է ընտանիքին գերագոյն ցանկութիւնը: Արդ, գալով արտասանուած աղօթքին և տիրական բաղձանքին միջև կեցող տարբերութեան, միթէ պատասխանելի հարցում մը կա՞յ: Իրողութիւնն այն է որ ընտանիքին իրական աղօթքը անխուսափելիօրէն պատասխան ստանալ կը ձգտի: Շատեր պիտի խոստովանէին թէ, հակառակ իրենց զլացուած խնդիրքներուն, ստացած են ինչ որ իրենց սիրտը ներքնապէս կը հետապնդէր: Տիրական ցանկութիւնը ունէ կեանքի մէջ պատասխան կ'ստանայ, երբեմն անարկու ստուգութեամբ:

Մարդիկ կը տրտնջեն չի պատասխանուած աղօթքներու համար. բայց անեւանեւ աղիքները պատասխանուած աղօթքներու արդիւնք են: Մարդոց դժուարութիւնն այն է որ այնքան յաճախ կ'ստանան իրապէս ինչ որ կ'ուզեն: Երբ անառակ որդին օտար երկրի մէջ ինքզինքին եկաւ, բարեկամներ կորսուած, պատիւ կորսուած, կամքի ուժ գրեթէ չքացած և ինք խեղճ, անօթի, խոզարած մը դարձած, պարզապէս կը տառապէր պատասխանուած աղօթքի մը, կատարուած տիրական բաղձանքի, մը հետեւանքներէն: Այսպէս Ղովտ ուզեց Սողոմը, և ունեցաւ զայն. Աքաբա բաղ-

ձաց Նարովթի այգիին, և յափշտակեց զայն. Յուզացանկաց երեսուն կտոր արծաթին, և ստացաւ զանոնք: Սբ. Գիրքը լեցուն է պատասխանուած աղօթքներով, որոնք մարդիկ կործանեցին: Տիրական բաղձանքի ուժն անարկու է: Պատմութեան մէջ շարունակ կը տեսնենք որ շիտակ կ'ելլէ սա հին ճշմարտութիւնը. «Անոնց տուաւ իրենց ուզածը, թէպէտև վատուժութիւն զրկեց անոնց անձերուն վրայ» (Սաղ.ՃԶ. 15):

«Ո՛վ Տէր բարեգութ, ո՛րչափ կոյր ենք մենք,
Հետամուտ մեր իսկ կործանման.

Մեր աղօթքին Գու պատասխանդ, խնդրենք,
Զըլլա՛յ պատիժ մեզ անդարման:

Զի մերձեցողին Գեղ թախանձալիբ,
Որ մեզքի մէջ կը յամատի,

Կը պարգեւես իր բաղձանքը պատիր
Իբր ուժգին կոչ մ'ազդարարի:»

Ջ

Աղօթքի՝ իբր տիրական բաղձանքի՝ այս ընդունուելը կը յուսարանե ճակատ աղօթքու մեջ անյաջողութեան անեւանեւ պատասխաններէն անկը — անկեղծութեան պատասխան: Մեր Տէրը կրկին և կրկին շեշտեց աղօթքի անկեղծութեան վրայ: Ան ըսել կ'ուզէր թէ մատուցուած խնդիրքը պէտք է որ ներքին բաղձանքին իսկական արտազեղումն ըլլայ: Անկիւններու վրայ աղօթող Փարիսեցիներու սխալն այն չէր որ անարժան բաներ կը խնդրէին: Անոնց խնդիրքները, անտարակոյս, ընտիր էին Սբ. Գրական գաղափարներէ բխած և Սբ. Գրական լեզուով արտայայտուած: Բայց այդ աղօթքները մարդոց ներքին, արտայայտիչ բաղձանքները չէին ներկայացներ: Խնդիրքներն անկեղծ չէին:

Փարիսեցիներուն կեանքերը պոռալով կը ծանուցանէին թէ անոնց սովորական փառասիրութիւններն իրենց պատահական աղաչանքներուն չէին համապատասխաներ: Երբ մեր Տէրը մեզի կը պատուիրէ աղօթքն առանձին ընել, աղօթքի պահուն նկատել զԱստուած իբրև «Հայրը որ գաղտուկը կը տեսնէ», չի գործածել աւերորդ և կրկնակ բանաձևեր, այլ իսկոյն բուն մեր պէտքին անցնիլ (Մատ. 9. 5...), անկեղծութիւն կը ջատագովէ: Աղօթքն անոր համար սիրտն է իր ամենէն հարազատ և ամենէն արժանաւոր բաղձանքներով բոցավառ, որ վեր կ'ամբառնայ Աստուծոյ կանչելու համար: Ետպատ խօսքերով շարք մը չէ օրուան վախճանին, սովորութեան իյարգանս պահուած ձև մը չէ, ոչ ալ խղճմտանքին մատուցուած պատառ մը՝ կրօնական թերի պարտականութեանց զգացումէն մեզ հանգըստացնելու համար: Աղօթքը մարդու մը կեանքին կեդրոնական և որոշիչ գորութիւնն է: Աղօրթը սիրական բաղձանք է, որ դաշնակցելու կը հրաւիրէ զԱստուած: Այս իրողութիւնը թէ մենք փողոցներուն անկիւններուն վրայ չենք կայնիր մեր աղօթքները մատուցանելու համար՝ պէտք չէ որ մեզ կուրացնէ այն նուրբ փորձութեան առջև, որով, նոյն իսկ առանձին, կը տարուինք թատերական կեղծ աղօթք ընել: Մենք կ'աղօթենք այնպէս, ինչպէս կը խորհինք թէ պարսիկն աղօթել: Կը խնդրենք օրհնութիւններ որոնք կ'զգանք թէ կրնան վայելչօրէն խնդրուիլ, շնորհներ՝ զորս պէտք է որ խնդրենք, պէտք ունենանք անոնց թէ ոչ: Կը զիմակաւորուինք երեւակայական անձնաւորութեան մը ետին ծպտուելով պաշտական հագուստներով, և Աստուծոյ խնդրելով բաներ զորս կ'ենթադրենք թէ Ան պիտի սիրէր աղաչանքի վրայ տալ: Կ'աղաչակենք, ինչպէս Սբ. Օգոստինոս աղաղակեց. «Ով Տէր,

մաքուր ըրէ զիս», և յետոյ կը լսենք որ մեր բուն ետր կ'աւելցնէ, ինչպէս անոր ետը ըսած էր, «Բայց ոչ հիշու:» Ո՛րքան աղօթք կայ այս տեսակէն, և ո՛րքան բոլորովին ապաղղեցիկ, իրական չէ այն: Մենք մեր կեանքներուն կեդրոնին մէջ չունինք վարիչ բաղձանքներ այնքան արժանաւոր որ կարենանք Աստուծոյ խնդրել կատարել դանոնք, և այնքան լուրջ որ մեր աղօթքներն ինքնաբուխ արտայայտութիւնն ըլլան անոնց անկեղծութեան:

Վերջին գլուխին մէջ խօսեցանք խնդիրքներու մասին, ինչպէս «Քու թագաւորութիւնդ գայ», որ մտաւորապէս քսան դար եկեղեցիին աղօթքն եղած է: Բայց քանի՞ հոգի իրապէս ըրած են այդ աղօթքը: Քանի՞ հոգի իրական բաղձանքն եղած է այդ: Տընտեսագէտներ «իրական խնդրանք» կոչուած բան մը կը նկարագրեն: Այն է խնդրանքն անոնց որոնք ոչ միայն ապրանքի պէտք ունին, այլ և յօժար են և կարող վճարել գինը: Այն ատեն միայն «իրական խնդրանք» կ'ըլլայ խնդիրքը, երբ իրական աղօթք է: Երբ մէկը կը կրկնէ բոլոր այն օրհնութիւնները զորս խնդրած է իր անձին և աշխարհի համար, կրնայ յառաջ երթալով հարցնել թէ իրապէս կ'ուզէ՞ որ իր աղօթքներն ընդունուին: Ինք յօժար է վճարել գինը: Թագաւորութեան մեծ ծառաները պատմութեան մէջ միշտ աղօթող մարդիկ եղած են: և զօրութեամբ կը հասկցուի որ աղօթելը մեզ օգտակար պիտի հանդիսացնէ նմանապէս: Բայց պէտք չէ երբեք մոռացութեան տրուի սա էական կէտը թէ Աստուծոյ թագաւորութեան մեծ ծառաները հզօր աղօթքի մարդիկ էին, վաստն զի ունէին տիրական բաղձանքներ՝ որոնց լրումին համար յօժար էին ամէն բան զոհել: Պողոս, Քէյրի, Լիվինկսթըն և անոնց բոլոր հոգեւոր մերձաւոր-

ները, Գրիստոսի յաղթանակին համար կ'աղօթէին բո-
լոր սրտով, իրենց կեանքերը զոհելով իրենց աղօթք-
ներուն ետեւէն: Սբ. Օգոստինոս վերջապէս իրականօ-
րէն աղօթեց մաքրութեան համար, մինչեւ որ սլա-
տասխանը լուծեց անոր անցեալ կեանքին ամենասխ-
րական կապերը: — Ասոնք օրինակներ են արդիւնքներ
յառաջ բերող սուղ աղօթքներու: Այս այլապէս գոհ
կեանքի մը պակասները լրացնելու համար մատուցուած
աղօթք չէ. արեւուն շուրջ դարձող մոլորակներուն
նման աղօթքի շուրջ ճախրող և անոր մէջ կեդրոնա-
ցող կեանք է: Աղօթքը լուրջ զբաղում կ'ըլլայ ա'յն
ատեն երբ տիրական բաղձանք դառնայ: Մենք հոն
կեանքի կեդրոնին վրայ կը կայնինք, անոր շարժա-
ռիթին ազբիւրներուն և անոր զօրութեան ակերուն
քով:

Երանութեանց հարեւանցի ընթերցում մը զար-
մանք կը պատճառէ, վասն զի աղօթք չի յիշուիր հոն:
Մեր Տէրը ի'նչպէս կրնար հոգեւոր կեանքի երանու-
թեանց համազումարը տալ և թողուլ որ իր մտքէն
վրիպէր աղօթքը: Անգամ մըն ալ դարձէք տնոնց, ու-
րեմն, և կարդացէք աւելի ուշադրութեամբ: Մեր Տէ-
րը երանութեանց մէջ դրաւ աղօթքը Սբ. Գրոց ամե-
նամեծ նկարագրութիւններէն մէկով. «Երանի՛ անոնց
որ ակօրի ու ծարաւ են արդարութեան, վասն զի ա-
նոնք պիտի կշտանան» (Մատ. Ե. 6): Աղօթքը անօ-
թութիւն ու ծարաւ է: Աղօթքը վեր պահանջն է կեան-
քին, բարձրագոյն, մաքրագործուած և աստուածային դաշ-
նակցութեան գիտակից:

Մատուցի և Գննութեան Համար Թեկադրութիւններ

Ի՞նչ է սուկցոսփիւնը աղօթքի և սևնի մը տիրական
բաղձակներուն և դիսաւորութեանց միջեւ:

Աղօթքը ո՞րքան կը ներկայացնէ մարդու մը իրա-
կան դիտաւորութիւնն ու բաղձանքը:

Աղօթքի մէջ խօսուած խօսքերը ե՞րբ չեն յաջողիր
ներկայացնել իրական աղօթքները:

Մարդու մը նկարագիրը մինչև ո՞ր աստիճան կըր-
նայ չափուիլ իր աղօթքներուն միջոցաւ:

Ի՞նչ է տարբերութիւնը արտաքին խնդիրքին և
կեանքի մը տիրական բաղձանքին միջեւ:

Աննի մը տիրական բաղձակն ի՞նչ ազդեցութիւն ունի
աղօթքի պատասխանին վրայ:

Տիրական բաղձանք չի ներկայացնող աղօթքը կըր-
նայ՞ պատասխան ստանալ: Ինչո՞ւ կրնայ կամ ինչո՞ւ
չկրնար:

Ի՞նչ բան էր որ տարբերութիւն կը դնէր տասն հա-
զար տաղանդ պարտական եղող ծառային և հարիւր շի-
լին պարտական եղող ծառային թողութեան համար
ըրած աղաչանքին մէջ: Անձ մը ե՞րբ իրաւունք ունի
ներման համար մատուցուած աղօթքի մը պատասխան
ակնկալելու:

Պօղոսի առաջին առաքելական շրջանը ո՞ր աստի-
ճան արդիւնք էր աղօթքի: Ի՞նչ է տարբերութիւնը
առաքելութեանց համար աղօթք մատուցանելու և մեր
անձերը նուիրելու միջեւ:

Ե՞րբ անկեղծ է ազդի մը աղօթքը խաղաղութեան
համար: Ուրիշ դատակարգերու և տարբեր ազդերու դէմ
նախապաշարումը մինչեւ ո՞ր աստիճան արգելք կ'ըլլայ
խաղաղութեան համար մատուցուած աղօթքի մը ար-
դիւնաւորութեան:

Ե՞րբ կ'արդարանանք աղօթել աղքատներու համար,
 ե՞րբ մեր բարեկամներուն համար, ե՞րբ ներողութեան
 համար, ե՞րբ տիեզերական եղբայրութեան համար և
 ե՞րբ առաքելութեանց համար:

Տիրական բաղձանք ներկայացնող ամէն աղօթք-
 ներ պատասխան կ'ստանան:

Ե՞րբ անկեղծ եւ աղօթք:

Մեր Տէրը ինչո՞ւ պարսաւեց Փարիսեցիներուն ա-
 ղօթքները:

Խորհրդածութեան համար ժամանակի պակասը ին-
 չո՞ւ կը նպաստէ աղօթքի մէջ կեղծաւորութեան:

Ե՞րբ անձ մը իրապէս կ'աղօթէ «Քու թագաւո-
 րութիւնդ գայ:»

Ի՞նչ է ձգձգումի առնչութիւնը աղօթքի անզօրու-
 թեան հետ:

Երանութիւններն ի՞նչ լոյս կը սփռեն պատասխան-
 ուած աղօթքի անհրաժեշտ պայմանին վրայ:

Ի՞նչ է տարբերութիւնը Աստուծոյ մատուցուած
 խնդիրքին և անկեղծ աղօթքին միջեւ:

Ի՞նչ բան կը նպաստէ աղօթքի մէջ կեղծիքի:

Տիրական բաղձանքն ի՞նչ առնչութիւն ունի աղօթ-
 քի անկեղծութեան հետ:

Ի՞նչ կրկնաւ ընել որ աղօթքներս անկեղծօրէն ներկայա-
 ցնեն իմ տիրական բաղձանքներս:

ԳԼՈՒԽ Թ

ԱՂՕԹՔԸ ՈՐՊԷՍ ՌԱԶՄԱԴԱՇՏ

Օրակաւ ընթերցուած

Փննհորդ Ծաբար, Առաջին Օր

«Ահա դուն ճշմարտութիւն կ'ուզես երիկամունք-
 ներու մէջ, ու ծածուկ տեղը իմաստութիւն պիտի
 գիտցնես ինձի: Զոպայի մշտիկով մաքրէ զիս, ու մա-
 քուր ըլլամ: զիս լուա, ու ձիւնէն աւելի ճերմակ ըլ-
 լամ: Յնձութիւն և ուրախութիւն լսել տուր ինձի,
 թող ցնձան այն ոսկորները զորոնք կտորեցիր: Իմ
 մեղքերէս երեսդ ծածկէ, ու բոլոր անօրէնութիւններս
 ջնջէ: Ով Աստուած, իմ մէջս մաքուր սիրտ ստեղծէ, և
 իմ ներսիդիս ուղիղ հոգի նորոգէ: Զիս երեսդ մի ձգեր,
 ու քու Սուրբ Հոգիդ ինձմէ մի հաներ: Քու փրկութեանդ
 ցնձութիւնը ինձի ետ դարձուր, ու կամաւոր հոգի մը
 թող հաստատէ զիս: Ամբարիշտներուն պիտի սորվե-
 ցնեմ քու ճամբաներդ, ու մեղաւորները քեզի պիտի
 դառնան:» Սաղ. ԾԱ. 6-13:

Սաղմոսերգուն հոս կ'աղօթէ մաքրուած և զօրացած
 անձնականութեան մը համար: Այն առանձին տեղը, ուր
 ինք այս խնդիրքները մատուց նախ, իրեն համար ուղ-
 մազաշտ մը եղած ըլլալու է: Հոն տեղի ունեցան ներ-
 քին պայքարները, որոնց ելքէն կախում ունին բա-
 րոյական մաքրութիւն և զօրութիւն: Աղօթքը նկատա-

գրի հասար մըրւած պայխարին ակեակներինն ձեռն եւ ինչպէս կղեմէս Աղեքսանդրացի, երկրորդ դարուն մէջ, ըսաւ, «Աղօթքին նպատակն է ձեռք բերել բարութեան ունակութիւն, ոչ ևս լուկ բարի բաներ ունենալ, այլ յաւէտ բարի ըլլալ:» Եւ մեր դարուն մէջ ձորձ Մերեօտիթ կը հաստատէ նոյն ճշմարտութիւնը. «Ան որ իր աղօթքէն կ'ելլէ աւելի լաւ մարդ մը եղած, իր աղօթքին պատասխանը ստացած է:» Աշխարհի ակեակներ պիտի եմախուր, գորաւուր եւ ևն իրուած ակեակներու: Մենք աղքատ ենք ոչ թէ նիւթական բարգաւաճումի, կազմակերպող ճարտարութեան կամ մտաւորական հնարագիտութեան կողմէ, այլ փայլուն, գրաւիչ, համոզիչ անձնականութեան կողմէ: Իրական աղքատութիւնը նկարագրի աղքատութիւն է, և այդ ո՛րքան մեծ չափով վերագրելի է հարազատ աղօթքի մասունքը կազմող հոգեւոր հրահանգումներու և ընկերակցութեանց պակասին: Այս շարք մեր խորհրդածութեան նիւթ ընենք աղօթքի պաշտամունքը իբր ներքին ուղիւղաչտ մը, որուն վրայ ձեռք կը բերուն նկարագրի արդիւնքները:

Աղօթք. Ով Աստուած, Քեզի և իմ Փրկչին ու Ջատագովին հանդէպ սէրս կատարեալ ըրէ. շնորհէ ինձի ճշմարիտ, անկեղծ սէր մը ամէն առաքինութեան և ազնուութեան և հանդէպ Քու ընտրեալներուդ, ո՛ւր ալ ցրուած ըլլան բոլոր աշխարհի վրայ: Իմ մէջս աճեցուր զօրութիւն և յաղթութիւն ընդդէմ ամէն փորձութեանց, և մարմինին, աշխարհին ու Սատանային յարձակումներուն, որպէս զի ես, Քու խոստումիդ համաձայն, յաղթելու համար Քու ինձի տալիք զօրութեանէն աւելի չի փորձուիմ երբեք: Ինձի շնորհ տուր բարի խղճմտանք մը կրելու համար: Պարգևէ ինձի մաքուր սիրտ, մաքուր միտք, և իմ մէջս ուղիղ հոգի մը նորոգէ: Ամէն: Քրիստոնէական Աղօթքներ (1556):

Իճճեբող Եարաք, Երկրորդ Օր

«Ու երբ իրիկուն եզաւ, արեգակին մտած ատենը բոլոր հիւանդները և դիւահարները իրեն կը բերէին: Ու բոլոր քաղաքը դուռը ժողովուեր էր: Եւ շատ հիւանդներ կերպ կերպ ցաւերէ բժշկեց ու շատ դեւեր հանեց. ու դեւերուն խօսիլ չէր տար, վասն զի զինք կը ճանչնային: Եւ առաւօտուն շատ կանուխ ելլելով դեռ չըլուցած՝ ելաւ ու գնաց անապատ տեղ մը, եւ հոն աղօթք կ'ընէր: Ու Սիմոն և իր հետ եղողները գացին անոր ետեւէն: Ու երբ գտան զանիկա, ըսին անոր թէ Ամէնը քեզ կը փնտռեն: Եւ ըսաւ անոնց, Եկէք երթանք մերձակայ գիւղաքաղաքները, որպէս զի հոն ալ քարոզեմ, քանզի այս բանին համար ելեր եմ: Եւ անոնց ժողովարաններուն մէջ կը քարոզէր բոլոր Գալիլեայի մէջ, ու դեւեր կը հանէր:» Մարկ. Ա. 32-39:

Մեր Տերոյ այս առակին աղօթքն արդեօք յարսեւելու ֆայտքեան եւ զօրքեան հասար մըրւած պատերազմ մը չէր: Կախառնայումի տաժանոտ աշխատանքներուն և քարոզչական առաջակայ ուղեւորութեան մէջտեղը կ'իյնար այն: Կը պատահէր ա՛յն ատեն, երբ Փարիսեցիներու զայրոյթին փոթորիկը կը պատրաստուէր: Եթէ մեր Տէրը պէտք ունէր առանձին աղօթքին ընձեռած քաջութեան, կրնա՞նք մենք արդեօք պէտք չունենալ անոր: Շատեր անչափելիօրէն պիտի զօրանային, իրենց ընթացքը անձկալից երկչոտութենէ զօրութեան պիտի փոխուէր, եթէ այս ներքին յարաբերութեան գաղտնիքը սորվէին: Կը պատմութի Նախորդուն մեծ ճակատամարտէ մը առաջ կ'առանձնանար իր վրանին տակ, և իր բանակներուն մարաջախտներն ու հրամանատարները մէկիկ մէկիկ ներս կը մտնէին, ձեռքը կը բռնէին լուծեամբ, և դուրս

որպէս զի կարող ըլլայ «ամէն բան լմնցնելէ ետև հաստատուն կայնիլ»։ Ո՛րքան մարդիկ նեղութեան առջև տկարանալով տեղի կու տան, իրենց քաջութիւնը կը կորսնցնեն, իրենց իսկ աչքին արգահատելի կը դառնան, ու կը մերժեն միանալ մեծ շարքին այն ընտրեալներուն, որոնք նեղութեանց հետ վարուելու իրենց կերպով, նոյն իսկ աւելի քան իրենց տաղանդներուն հետ վարուելու իրենց եղանակով, ապացուցին թէ Աստուած ի՛նչ կրնայ ընել հաւատքի տէր մարդու մը համար։ Կ'ըսուի թէ վերջերս հնարուած օդագուրկ հնոցի մը մէջ փայտի կոճղի ջնջելի բոլոր բաները կրնան վառիլ, թողով միայն անվերածելի մասնիկ մը, զոր այրելու համար մարդկային ճարտարմտութիւնը զեռ բաւականաչափ զօրաւոր չէ։ Եւ մեզի կ'ըսեն թէ այդ անջնջելի մնացորդը զուտ բնածուխ է, որուն առեւ անկ մնասնիկը արեւի յոյսեւ usugur ծառը իր սերեւեւերուն միջոցաւ։ Ծառեր աղօթքը կրնան համարիլ տոկալու համար զօրութիւն ձեռք բերելու տարօրինակ միջոց մը։ Բայց հոգիին անջնջելի տարրերը, որոնք ձախորդութեամբ չեն կրնար փշրուիլ կամ սպառիլ, Աստուծոյ հետ մեր հոգեւոր հաղորդակցութենէն կու գան անշուշտ։

Նկատողութեան առէք Լէյտի ձէյն Կրէյլի սա աղօթքը, զոր իր վերջին բանտարկութեան միջոցին մատուց։

Աղօթք. Ով բարեգութ Աստուած, խոնարհաբար կը խնդրեմ, այս պահուս ինձի համար պաշտպանութեան բերդ մը եղիր։ Ծնորձք տուր ինձի Քու յարմար ժամուկ սպասելու, և ինչ որ կ'ընես ինձի՝ համբերութեամբ կրելու, առանց կասկածելու կամ անվստահ ըլլալու Քու ինձի հանդէպ բարութեանդ վրայ, վասն զի Դուն ինձմէ աւելի լաւ գիտես ինչ որ լաւ է ինձի համար։ Ուստի ամէն բանի մէջ ըրէ ինձի ինչ որ կ'ու-

զես, միայն թէ, կ'աղաչեմ, զինչ զիս քու զրահովդ, որպէս զի կարենամ հաստատ կենալ, առնելով մանաւանդ հաւատքին վահանը, աղօթելով միշտ որ կարենամ լիովին անձնատուր ըլլալ Քու կամքիդ, Քու հաճութեանդ ապաւինելով և մխիթարուելով այն նեղութեանց մէջ, զորս ինձի զրկել հաճոյ կը թուի Քեզի՝ տեսնելով որ այսպիսի նեղութիւններ ինձի օգտակար են։ Եւ ես վստահաբար համոզուած եմ թէ Դուն ամէն ինչ որ կ'ընես՝ լաւ միայն կրնայ ըլլալ։ Եւ Քուկդ ըլլայ բոլոր պատիւն ու փառքը։ Ամէն։ Լէյտի ձէյն Կրէյ (1537-1554)։

Իճնեհոյ Ծաբար, Չարոյ Օր

«Այն ատեն Յիսուս անապատը տարուեցաւ Սուրբ Հոգիէն, որպէս զի Սատանայէն փորձուի։ Եւ քառասուն ցորեկ ու քառասուն գիշեր ծոմ պահէին ետքը անօթեցաւ։ Եւ փորձողը անոր մօտենալով՝ ըսաւ, Եթէ զուն Աստուծոյ Որդին ես, ըսէ որ այս քարերը հաց ըլլան։ Ան պատասխան տուաւ և ըսաւ. Գրուած է թէ Ոչ միայն հացով կ'ապրի մարդ, հապա այն ամէն խօսքով՝ որ Աստուծոյ բերնէն կ'ելլէ։ Այն ատեն Սատանան անաւ տարաւ զայն սուրբ քաղաքը, և կայնեցուց տաճարին աշտարակին վրայ, ու ըսաւ անոր, Եթէ զուն Աստուծոյ Որդին ես, քեզ ասկէ վար ձգէ, վասն զի գրուած է թէ Իր հրեշտակներուն պիտի ապսպրէ քեզի համար, ու իրենց ձեռաց վրայ պիտի վերցնեն քեզ, որպէս զի չըլլայ թէ ոտքդ քարի զարնես։ Յիսուս ըսաւ անոր. Դարձեալ գրուած է թէ Քու Տէր Աստուածդ չը փորձես։ Սատանան նորէն անաւ հանեց զայն խիստ բարձր լեռան մը վրայ, և ցուցուց անոր աշխարհի բոլոր թագաւորութիւնները ու անոնց փառքը. ու ըսաւ անոր, Ասոնք ամէնը քեզի կու տամ, եթէ իյնաս՝ ինձի երկըր-

պագութիւն ընես: Այն ատեն Յիսուս ըսաւ անոր,
Ետիս գնա, Սատանայ, վասն զի գրուած է թէ Քու Տէր
Սատուծոյդ երկրպագութիւն ընես, ու միայն զայն պաշ-
տես: Այն ատեն Սատանան թողուց զայն. և ահա հրեշ-
տակներ եկան ու անոր սպասաւորութիւն կ'ընէին:»
Մատ. Դ. 1-11:

Այս համարները արձանագրութիւնն են այն ներ-
քին պայքարին որուն մէջ մեր Տէրը ձեռք բերաւ իր
կեանքին նպատակը: Սուրբ Գրոց գործածութիւնը,
Յիսուսի խօսքերուն մէջ շարունակական ակնարկու-
թիւնը Սատուծոյ և այն պահանջներուն զորս Սատուած
կ'ընէ մարդէն, կը ցուցնեն նուիրումի այն մթնոլորտը
որուն մէջ մղուեցաւ այս պատերազմը: Մեկ մեր յիտ-
մաբանաց հետ արդեօք այս ազնուական եղանակով կը
վարուինք: Նկատեցէք մեր սիրական մեղքերը — սըրտ-
նեղութիւն, կիրք, ակնածանքի պակաս կամ կամա-
կորութեան ունէ ուրիշ ձեւ, որուն մէջ կրնանք այն-
քան զիւրաւ իյնալ, և խորհեցէք միջոցներուն վրայ
որոնցմով ներքին աղօթքի ունակութիւնը պիտի օգնէր
մեզի: Անվայել պատմութիւն մը կամ ստոր դատաս-
տան մը ի՛նչպէս կը չքանայ մեր շրթներուն վրայ,
եթէ պատահի որ բարեկիրթ և ազնուոցի անձնաւո-
րութիւն մը միանայ ակումբին: Եւ ի՛նչ մաքրազոր-
ծիչ ազդեցութիւն տեղի կ'ունենայ մեր կեանքերուն
մէջ, եթէ վարժուինք տեսարանին վրայ հրաւիրել
զՍատուած, երբ անմաքրութիւն կամ գէշ տրամադրու-
թիւն կամ կամակորութիւն երեւան կու գան: Այս զգա-
ցումներն ու խորհուրդները, որոնք Սատուծոյ ներկա-
յութեան չեն կրնար հանդուրժել, աստիճանաբար և
ապահովաբար կ'անհետանան: Կեանքը կը մաքրուի այն
սրտնեղութիւններէն և կեցուածքներէն որոնք սրտա-
բուխ աղօթքը անկարելի կը դարձնեն: «Այն ատեն Սա-
տանան թողուց զԱյն:»

Աղօթք. Ով Դուն որ գերիներուն ազատութիւն և
չլթայուածներուն բանտերու բացում կը հռչակես, ու-
րախ ենք որ այս Քու ծառայիչ հոգին բանտէն հանեցիր,
որպէս զի Քու անունդ փառաւորէ: Դուն անոր ներշնչ-
եցիր մաքուր բաղձանքներ: Դուն շատ անգամներ
անոր թօթափել տուիր վնասութիւնը, և զօրացուցիր
զայն ազատութեան համար պայքարին մէջ: Եւ հիմա
կ'օրհնենք Քեզ՝ անոր ջանքերը յաջողութեամբ պսակե-
լուդ համար: Դուն կեցիր անոր քով, անոր մէջ, որ-
պէս զի այսուհետեւ բարեօք կենցաղի պտուղներ բերէ:
Լեցուր զայն սիրով և սրբութեամբ, քաջութեամբ և
վստահութեամբ, որպէս զի բոլոր գալիք օրերուն մէջ
փորձութիւնն անզօր դառնայ: Թող մեռեալ անցեալն
իր մեռեալները թաղէ: Դուն գնա անոր հետ ուրախու-
թեան, խաղաղութեան և առողջութեան նոր աշխարհը:
Որոշումներն չէ անոր՝ Քու սիրոյդ համար բան մը ընել,
ուրիշ բանտարկեալ հոգիի մը պատմել թէ Դուն ի՛նչ
մեծ բաներ ըրած ես, որպէս զի, եթէ Քեզի հաճոյ է,
կրկնապատիկ ցնծութիւն ունենայ: Լսէ մեր շնորհա-
կալութեան ձայնը և օրհնէ մեզ յանուն Յիսուս Քրիստ-
ոսի՝ մեր Տէրոջ: Ամէն: Սամուէլ Մաք Քոմ:

ԻՆՆԵՐՈՂ ՇԱՔԱՔ, ՀԻՆՈՒՆՈՂ ՕՐ

«Եթէ ձեզմէ մէկը նեղութեան մէջ է, աղօթք թող
ընէ. եթէ մէկը ուրախ է, սաղմոս թող երգէ: Եթէ
ձեզմէ մէկը հիւանդ է, եկեղեցիին երէցները թող կան-
չէ, ու անոր վրայ աղօթք թող ընեն ու Տէրոջ անու-
նով իւզով օծեն զայն. և հաւատքով եղած աղօթքը
պիտի փրկէ հիւանդը, ու Տէրը զայն ոտք պիտի հանէ.
Եւ եթէ մեղք ալ գործեր է, պիտի ներուի անոր: Չեր
յանցանքները իրարու խոստովանեցէք, ու աղօթք ըրէք
իրարու համար, որպէս զի բժշկուիք. արդարին ջեր-

մեռանդ աղօթքը շատ ազդուութիւն ունի» Յակ. Ե. 13-16:

Այս հին խրատին իմաստութիւնը երբեք աւելի յստակ եղած չէ քան մեր օրերուն մէջ: Աղօթքը ներքին ուսանալու ճանապարհ է, ուր մարդիկ յաճախ աննկատելի կերպով կը յաղթահարեն կեղծ նեղութիւնները, անստեղծ անձկութիւնները, անհասկացելի տրտմանները և մտքի թռուտը: Նորոգելու համար կը գործեն եւ մարմինը կը հիւանդացնեն: Հոն կը սորվին անոնք Պօղոսի դասը. «Բանի մը համար հոգ մի ընէք, հապա ամէն բանի մէջ աղօթքով ու աղաչանքով, զոնութիւնով մէկտեղ, ձեր խնդրուածքը Աստուծոյ յայտնի ըլլայ: Եւ Աստուծոյ խաղաղութիւնը, որ ամէն միտքէ վեր է, ձեր սիրտերն ու միտքերը Գրիստոս Յիսուսով պիտի պահպանէ» (Փիլիպ. Դ. 6, 7): Բեթլեհէմի Արքայական Հիւանդանոցին Տեսուչ Տօքթ. Հիսլովի 1905ին, Բրիտանական Թշկալի Ընկերակցութեան տարեկան ժողովին մէջ կ'ըսէր, «Իբրև յիմարաբոյժ, և իբրև մէկը որուն ամբողջ կեանքը մտքի ցաւերու խնամքին նուիրուած է, պիտի յայտարարէի թէ խոստոված, քունէ ընկձուած հոգիներու, և տագնապահար մտքի մը թըշուառութեանց բովանդակ չարքին հակազդելու սանձմանուած բոլոր առողջապահիկ միջոցներուն մէջ առաջին տեղը պիտի տայի ապահովաբար աղօթքի պարզ սովորութեան»:

Աղօթք. Յաւիտեանս օրհնեալ Աստուած, որ ըսիր, «Մաղաղութիւն, խաղաղութիւն անոր որ հետուն է, և անոր որ մօտ է» կատարէ խոստումդ այս Բու ծառայիդ, որուն համար կ'աղօթենք: Ազատէ զայն անհիմն երկիւղներու և անզուլ անձկութեանց թշուառութեանէն: Զայն իր անձէն շարունակ աւելի դուրս հանէ, որպէս զի պարտականութիւնն այլևս տաժանակիր

աշխատանք մը չըլլայ, այլ հաճոյք մը: Առաջնորդէ զայն Բու խաղաղութեանդ գաղտնիքին, որ ամէն երկիւղ կը հանդարտեցնէ ու սիրով և վստահութեամբ կը լեցնէ սիրտը: Ազատէ զայն յախուռն կեանքի մը ամօթէն և դատարկութենէն: Ծնորհէ որ ինքզինք ըռնէ համբերութեամբ: Կեանքի փոթորիկներուն և բռնութեանց մէջ շնորհէ որ լսէ աւելի հօգ ձայն մը, վստահեցնող զինք թէ Դուն կ'ապրիս և թէ ամէն ինչ լաւ է: Զօրացուր իր առօրեայ գործը կատարել հանդարտութեամբ և վստահութեամբ, չի վախնալով վաղուան օրէն, ոչ ալ անոր բերելիք չարէն, ինչու որ Դուն անոր հետ ես: Եւ զայս կը խնդրենք Քեզմէ յանուն Յիսուսի Քրիստոսի: Ամէն: Սամուէլ Մաք Բոմ:

ԻՃՃԵՐՈՂ ԵՄԲԱՐ, ՎԵԳԵՐՈՂ ՕՐ

«Ու քիչ մը առաջ երթալով՝ իր երեսին վրայ ինկաւ և աղօթք ըրաւ՝ ըսելով, Ով Հայր իմ, եթէ կարելի է, թող այս գաւաթը ինձմէ անցնի. բայց չէ թէ ինչպէս ես կ'ուզեմ, հապա ինչպէս դուն կ'ուզես» Մատ. ԻԶ. 39:

«Դարձեալ երկրորդ անգամ գնաց աղօթք ըրաւ՝ ըսելով, Ով Հայր իմ, եթէ անկարելի է որ այս գաւաթը ինձմէ անցնի առանց անկէ խմելուս, թող քու կամքդ ըլլայ» Մատ. ԻԶ. 42:

«Եւ ըսաւ, Աբբա Հայր, ամէն բան քեզի հնարաւոր է. այս գաւաթը ինձմէ անցուր. բայց չէ թէ ինչպէս ես կ'ուզեմ, հապա ինչպէս դուն կ'ուզես» Մարկ. ԺԴ. 36:

«Հայր, եթէ կ'ուզես, այս գաւաթը ինձմէ անցուր. բայց ոչ թէ իմ կամքս՝ հապա քուկը թող ըլլայ» Ղուկ. ԻԲ. 42:

Տեսէք թէ այս աղօթքը ծանրաբեռնող մտահոգութիւնը ո՛րքան պարզապէս ժողովուրդին նկարագիրն է: Եղբայրս չահագրգռութիւնը, մինչ կ'աղօթէ ինք, բարոյական է: Ան կ'ուզէ փոխակերպուած կեանք, մաքրագործուած անձնականութիւն, լիագորուած արիութիւն, ընկերային արդարութիւն: Այս չաքաթ նկատողութեան առինք աղօթքի այս կեդրոնական նպատակին քանի մը մասնաւոր երեւոյթները: Տեսանք թէ ի՛նչպէս բարոյական քաջութիւն, հաստատամտութիւն, փորձութեան ատեն զօրութիւն, հոգեւոր հաւասարակըչութիւն և Աստուածային կամքի յստակ տեսութիւն կրնան ձեռք բերուիլ աղօթքի ներքին ռազմադաշտին վրայ: Խորհեցէք թէ աղօթքի այս տեսակ գործածութիւն մը ի՛նչ կենսունակութիւն կը դնէ կրօնական կեանքի մէջ: Այս իրական ընկեր մը կը դարձնէ զԱստուած մեր բարոյական պայքարին մէջ. գործնական նշանակութեամբ մը կը լեցնէ մեր կրօնքը: Կլատսթոն Սըթհըրլէնտի Դքսուհին ուղղած մէկ նամակին մէջ կը գրէր. «Մէկ առաջագրութիւն կայ զոր կեանքի փորձառութիւնը կը դրոշմէ հոգիիս մէջ. և այն է թէ մարդ մը զգուշանալու է թոյլ տալէ որ իր կրօնքն աւրէ իր բարոյականութիւնը: Հաղարաւոր կերպերով — ոմանք մեծ, ոմանք պզտիկ, բայց ամէնքը խորամանկ — ամէն օր կը փորձուինք այդ մեծ մեղքը գործել:» Այս գլուխին մէջ բացատրուած աղօթքի արուեստը ամենազգու պաշտպանութիւնն է այդ շարիքին դէմ: Այն կը դարձնէ կրօնքի ողին նկարագրի պայքար մը:

Աղօթք. Ով հօր Աստուածորդի, որ ծայրագոյն ատիճան քննուեցար ու փորձուեցար, սակայն առանց մեղքի, հիմա մօտ եկուր ինձի Քու զօրութեամբ և յաղթական ըրէ զիս այս չար բաղձանքին վրայ, որ զիս

կործանել կ'սպառնայ: Ես տկար եմ, ով Տէր, և տարակոյսներով ու վախերով լեցուն: Պահեր կան, ուր ես ինձմէ կը վախնամ, երբ աշխարհ, մարմին և Սատանայ աւելի զօրաւոր կը թուին քան բարիին ոյժերը: Բայց հիմա աչքերս կ'ուզեմ Գեղի, որուն մէջ կը բնակի բովանդակ լիութիւնը շնորհքի, զօրութեան և փրկութեան: Օրհնեա՛լ Փրկիչ, կ'ընդունիմ որ Դուն ըլլաս նորէն իմ ապաստանս, ապաւէնս, պաշտպանութիւնս և հաստատուն բերդս թշնամիին դէմ: Լսէ զիս և օրհնէ զիս այժմ և միշտ: Ամէն: Սամուէլ Մաք Գոմ:

Մեկնարանութիւն Ծաբրուան Համար

Ա.

Եթէ աղօթքն իբր «Աստուծոյ հետ հաղորդակցութիւն» սահմանենք, բնականաբար կը համարինք զայն յարաբերութիւն մը բարեկամի մը հետ, և ըստ այնմ կը շեշտենք անոր խաղաղ երեւոյթը: Երբ Բոպէրթ Պըրնոլ ողբաց այն իրողութեան վրայ թէ «ի՛նք չէր կրնար ունէ մարդկային էակի առջև պարպել իր ներքնապոյն հոգին անվերապահօրէն՝ առանց օր մը իր վըստահութեան վրայ զղջալու,» արտայայտեց պէտք մը որ կը տեսնուի Աստուծոյ հետ ունակօրէն հաղորդակցողներու կեանքերուն մէջ: Աղօթքը կը նշանակէ խաղաղութիւն, հանդարտութիւն. մարդիկ աղօթելէ կը դառնան, ըսելով, «Եւ ես կը ժպտէի մտածելով թէ Աստուծոյ մեծութիւնը կ'ողողէ մեր անկատարութիւնը և Անոր խաղաղութիւնը՝ մեր վրդովումը:» Ճերեմի թէյլըրի բացատրութեան համաձայն, «Աղօթքը մեր հոգիին խաղաղութիւնն է, մեր խորհուրդներուն լռութիւնը, մեր յուշքերուն հանդարտութիւնը:»

Արդ, աղօթքը այս բոլորն է, բայց ոչ ոք կրնայ հա-

մարիլ զայն իբր տիրական բաղձանք, առանց նկատելու թէ դեռ աւելի ալ է: Աղօթքը ռազմադաշտ անուի է: Երբ արդարութեան անօթի ու ծարաւ մարդ մը զԱստուած դաշնակցելու կը կանչէ, կը կանչէ՝ վասն զի մղելիք պայքար մը ունի: Կրնայ իր սիրտը տիրական բաղձանքով բարութեան նուիրած ըլլալ. բայց այդ բաղձանքը կը հանդիպի թշնամիներու որոնց պէտք է յաղթել: «Ոչ ոք երբեք սուրբ եղաւ քնացած ատեն:» Գուրսէն՝ աշխարհի ազդեցութիւնները կը յարձակին անոր լաւագոյն ցանկութեանց վրայ, ներսէն՝ անոր սրտին մոլոր հակումները կը պատերազմին իր ուղիղ որոշումներուն դէմ: Ամէն բաղձացող կեանքի մէջ պայքար կը մղուի: Մարդ, երբեմն մրրկայող ծովուն մէջ տեղը ըմբոստացած նաւաստիներու դիմաց գտնուող նաւակետի մը պէս, պարտի անմիջապէս կասեցնել իր ընթացքը արտաքին փորձութեանց ճիշդ մէջտեղը և ատրճանակ մը ուղղել իր ապստամբ բաղձանքներուն զլխուն: Բարութեան նախանձախնդիր ոչ մէկը յաջողած է երբեք բարութեան գործը նկարագրել պայքարի լեզուէ տարբեր լեզուով: «Մարմինը կը ցանկայ հոգիին հակառակ, ու հոգին՝ մարմինին հակառակ» (Գաղ. Ե. 17) կ'ըսէ Պօղոս, և դարձեալ «Իմ մարմինս կը ճնշեմ ու կը նուաճեմ» (Ա. Կոր. Թ. 27):

Այս բարոյական ճակատամարտին մէջ, ինչպէս ամէն ուրիշի մէջ, կոխիլն վճռական մասը հրապարակային և ցուցադրական չէ, այլ գաղտնի: Բաց դաշտի մէջ բանակներու ընդհարումէն շատ առաջ՝ բախում տեղի կ'ունենայ արդէն զօրավարին զրատենեակին մէջ, ուր թերուղէմ կարծիքներ իրարու կը զարնուին և կը տրուին որոշումներ, որոնք արտաքին պատերազմին իւրաքանչիւր շարժումին ուղղութիւն կու տան: Նոյն իսկ դատավարութեան մէջ «գատերը կամ վճիռները խուցերու

մէջ կը շահուին» նմանապէս նկարագրի կերտումին մէջ թաքուն ռազմադաշտ մը կայ, որուն վրայ կը մղուին աշխարհի վճռական պայքարները: Մեր Տէրոջ հրապարակային քարոզչութեան ետին, որու միջոցին այնքան զմայլելի հաստատամութեամբ գործեց՝ առանց կաշառքով խոտորելու, կամ երկիւղէ կասելու, կամ յողնութենէ վնասելու, կային անապատային պայքարներ, ուր աղօթքով ձեռք բերաւ իր կեանքին վարիչ սկզբունքները: Պիղատոսի պալատին մէջ իր համբերութեան և Գողգոթայի վրայ իր հաւատարմութեան ետին կար Գեթսեմանիի պայքարը, ուր ամբողջ խնդիրը որոշուած ու լուծուած էր Աստուծոյ առջև: Բոլոր հանրային հետեւանքները ետ կ'երթան կը յանգին գաղտնի ընդհարումներու: Նախորդոն ժամերով լուռ նստաւ ու մտածեց զէպի Ռուսիա արշաւանքի հրամանն արձակելէ առաջ: Ուաշինկիթոն Վէլի Ֆորձի մէջ աղօթած ատեն հարթեց խնդիրներ որոնցմէ կախուած էր իր երկրին անկախութիւնը: Մենք պատմութեան մէջ մեծ տեսարաններու շողջողուն բեմադրութիւններէն կը խորուինք: Իրապէս մեծ տեսարանները քիչ անգամ տեսանելի են: Աշխարհի վճռական ճակատամարտները գաղտնի են, և բոլոր արսափն ընդհարումները սուկ արձագանգ են աւելի իրական և անտեսելի այն պատերազմին:

Աղօթքը, որ իր լաւագոյն ձեւին մէջ պայքար է նկարագրի համար, կրնայ, ապահովաբար, նկարագրի չլսած տալ: Որովհետեւ կարգ մը խառնուածքներ այնպէս յորինուած են որ կրնան հանդարտ խաղաղութեան բարձր աստիճան մը և երբեմն հոգեզմայլ բերկրութիւն մը զգալ Աստուծոյ հետ երկարաձգուած հարողակցութեան մէջ, միտքի քաղցր չափազանցութիւններ միշտ կարելի են: Մտած կիւյտն կ'ըսէ, «Ես շատ ախալներ գործեցի՝ չափէն աւելի տարուելով ներքին

ուրախութիւններէս:» Ոչինչ այնքան կը վրասէ հարազատ բարեպաշտութեան որքան այս անհարազատ բարեպաշտութիւնը, որ իր ծայրագոյն սահմանին մէջ կ'արտայայտուի Օրհնեալն Անճելա Փուլճինիոյի հետեւեալ խօսքերով. «Այդ ատեն և Աստուծոյ կամքով մեռաւ մայրս, որ մեծ արգելք մըն էր ինձի Աստուծոյ ճամբուն հետեւելու: Մեռաւ նոյնպէս ամուսինս, և շատ չանցած՝ մեռան նաև բոլոր զաւակներս: Եւ որովհետեւ սկսեր էի հետեւիլ վերոյիշեալ ճամբուն, և աղօթեր էի Աստուծոյ, որպէս զի զիս անոնցմէ ազատէր, անոնց մահուան համար մեծ մխիթարութիւն ունեցայ, թէեւ քիչ մըն ալ ցաւ զգացի:» Աղօթքի ամենայնոյի թշնամիներն անոնք են որոնք անոր մասին այսպէս շատ կը խօսին և անով շատ կը խրախճանան, և որոնց կեանքերը սովորական յարաբերութեանց մէջ քիչ բան ցոյց կու տան այն վստահելիութենէն, «պարտականութեան պարզ նուիրումէն,» խոհական առատաձեռնութենէն և լայնախոհութենէն, որոնք Աստուծոյ հետ ճշմարիտ հաղորդակցութեան հարազատ սրտուղներն են: Ինքն Յիսուս իր յափշտակուած աշակերտները հեռացուց Այլակերպութեան Լեռնէն, ուր կ'ուզէին երկարել իրենց լուսաշող փորձառութիւնը և զանոնք առաջնորդեց վարձազատելու համար ձորին մէջ սողացող զիւանար մը (Մատ. Ժ. 2-18): Ան առաջինը պիտի ըլլար մեզ սաստիկութեամբ, որ կ'աղօթենք «Տէ՛ր, Տէ՛ր,» և չենք կատարեր «Անոր խօսքերը» (Մատ. Է. 21): Ճշմարիտ աղօթողները, սակայն, Աստուծոյ գրգեալ կարծուած փուճ յուզմունքի մէջ չթաւալեցան այսպէս: Այլ ուղղակիներ եղան, որոնք ներքին ուղղադաշտին վրայ արդարութեան հարցերը լուծեցին իրենց դաշնակից Աստուծոյն օգնութեամբ:

Բ

Երբ մէկը աղօթող մարդոց կենսագրութեանց մէջ ջանայ գտնել թէ իրական փորձառութեան իմաստով աղօթքն իբր ուղղադաշտ ի՞նչ կը նշանակէր անոնց համար, կը տեսնէ թէ նախ աղօթքն եղած է այն վայրը, ուր վերահասակեցին անոնք հաւաստիք եւ վերահասակեցին իրենց վստահութիւնն Աստուծոյ եւ իրենց անձեռու վրայ: Հարվըրտի ուսուցիչներէն Փրոֆ. Բոյս տուած է մեզի այս վկայութիւնը բարեկամէ մը. «Երբ խնդիրներն իմ ուժերուս համար խիստ ծանր ըլլան ու ես դժբախտ զգամ եւ ամէն բան մտած ըլլայ շուրջս, բոլորովին առանձին կ'երթամ և զլուստ կը թաղեմ ձեռքերուս մէջ: Լրջօրէն կը խորհիմ թէ Աստուած զիտէ անշուշտ այդ ամէնը և կը տեսնէ թէ խնդիրներն իրապէս ի՞նչպէս են, և կը հասկնայ զիս. և ճիշդ այս կերպով միայն, այսինքն՝ զիս հասկնալով, պիտի օգնէ ինձի: Այսպէս կը ջանամ ինքզինքս ամփոփել, և այդ ըստ իմ աղօթք է:» Սբ. Փրանկիսկոս Ասիղեցի սովոր էր աղօթքի նստիլ ժամերով, սոսանց բառ մը իսկ արտասանելու բաց ի երբեմնական «Աստուած» բացազանչութենէն: Տարակոյսներ յարձակած էին թերեւս անոր հաւատքին վրայ. մարմինին ազմուկը խեղդած էր հոգիին ձայնը, իրական շփոթութիւններ խոտորցուցած էին անոր կեանքը: Ինք այս բոլորին մէջէն կ'երթար զօրացուցիչ ակնարկ մը ուղղել Յաւիտենականին: «Ինքզինք կ'ամփոփէր,» և կը վերադառնար՝ «տեսնուած բաները» աւելի մտած և «չտեսնուած բաները» աւելի յստակ տեսնելով: Արդեօք հզօր քանի՛ կեանքերու գաղտնիքն է այս. «Ինչպէս հեղեղներ օթակէզ ամբան իրենց փոսերուն մէջ կիսացամաք՝ Յանկարծ կը շարժին ու կը բարձրանան, թէեւ անամպ է դեռ երկինք համակ,

Քանզի հեռուներն եկած է անձրեւ
Անոնց սեփական ակերուն վերեւ ,

Նոյնպէս ալ սրտեր նուաղած, անկենդան ,
Յանկարծ կը յորդին խանդով մը անբաւ ,
Եւ այս դիտողներն հիացած կը մընան ,
Ինչու որ անոնք չեն գիտեր բընաւ
Թէ Աստուած հեռուն ցողած է անձրեւ
Անոնց սեփական ակերուն վերեւ :»

Այս տեսակ ներքին ինքնանուաճում մը կրնայ ու-
ժանց անգործնական թուիլ : Անոնք անոր մասին այնպէս
կ'զգան ինչպէս կրնայ զգալ մարդ մը , որ չի գիտնալով
Թէ աստեղագիտութիւնն ի'նչ ըրած է կեանքի համար՝
կ'երթայ դիտարան և կը նայի թէ աստեղագէտն ասող
կ'ուսումնասիրէ : Թէ աշխարհ պէտք ունի արօրի , ոս-
տայնանկի հորերու և վայրաշարժներու , արեւու չափ
յտտակ է : Թէ մարգոց պիտոյքը աշխարհի վրայ են և
ոչ երկինքի մէջ , այնքան ակներեւ կը թուի որ այս
պինդալուսի ողջամիտ մարդը կրնայ ապշահարիլ թէ ի'նչ
որ վարէն վեր կը նայի և երկինքը կը խուզարկէ : Բայց
իրողութիւնն այն է որ այդ աստեղագէտը կ'ուզէ ժա-
մացոյցը , որով կ'որոշենք մեր ամենապարզ գործերուն
ժամանակները : Ան է որ յօրինեց տարեցոյցը որով կը
չափենք մեր բոլոր օրերը : Մենք երբեք չի մտանք շոգե-
կառք , կամ ժամանակ չի նշանակեցինք պայմանագրու-
թեանց մէջ , ոչ ալ հասարակ ոեւէ պարտականութեան
ձեռնարկեցինք առանց աստեղագէտէն երախտաւորուե-
լու : Մարդիկ երբեք չի հասկցան այս աշխարհը մին-
չեւ որ անկէ հեռուները չի նայեցան : Աշխարհ երբեք
ճշմարտապէս չի տեսնուեցաւ մինչեւ որ իր անսահման
յարաբերութիւններով չի դիտուեցաւ : Գալիլէոս և Կո-

պերնիկոս ի գուր չի թափառեցան մարդոց պէտքերէն
հեռու անգործնական պրպտումներու մէջ : Անոնք իրենց
խուզարկութիւններով յաւէտ պայքար մղեցին աշխարհը
վերաշինող ճշմարտութեան համար : Այսպէս աղօթքը
դիտարան մըն է : Թէև մեր առանձնութիւնը նմանի
առանձնութեանն այն կնոջ , որ բնակարանին մէջ նըս-
տած՝ կ'ըսէր , «Գոգնոցս գլխուս վրայ կը նետեմ՝ երբ
առանձնութիւն ուզեմ , և այդ բաւական է ինծի ,» ա-
ղօթքը կրնայ տակաւին մեր դիտարանն ըլլալ : և հոն
ձեռք կը բերուին տեսիլներ որոնք կեանքի գնացքը
կ'ուզեն , հեռանկարներ կը պարզեն և ներդաշնակու-
թիւն կու տան , այնպէս որ առանձնական պայքարով
կ'ապահովուի առօրեայ ամենահասարակ պարտականու-
թեան կատարումը :

Վ.

Աղօրոյ մարդոյ կեանագրութիւնները մեզի կը ցու-
ցնեն նաև քիւսրոսի խաղաղութիւնները մերոց պայքար-
ները մերոսն են աղօթքի ռազմարարչին վրայ : Վերջին
գլուխին մէջ ըսինք թէ աղօթքը ա'յն ատեն միայն
իրական է , երբ կեանքի վրայ ազնիւ և մաքուր պար-
տականութիւն մը գնէ զԱստուած օգնութեան կանչելով :
Քայց այսպիսի աղօթք մը կը պահանջէ մեր մէջ բուն
այն բանը որ կը պակսի մեզի : Թող մէկը փորձէ , եթէ
կ'ուզէ , իր սիրտն արգարութեան տալ . այս բաղձան-
քը դիւրասահօրէն չընթանար : Արգելքի կը բախի , կը
կասի երբեմն փլուզումներու և խտտորնակ հոսանքներու
պատճառով : Նկարագիրներու մեծագոյն դժուարութիւ-
նը մեր մոլար ախորժակներն են : Վերջին Դատաստա-
նին օրը ներկայացնող հին պատկերին սարսափը կու գայ
ոչ այնքան որոտումէ , փայլակէ , երկրաշարժէ , փլչող

լեռներէ, ոչ ալ ուէ բանէ զոր ասոնք կը թելադրեն: Ինչ որ մեզ անպատմելի ամօթով պիտի ծածկէ՝ իրակա- նացումն է Աբ. Գրական այն սպառնալիքին թէ «Աստուած ամէն գործ՝ ամէն ծածուկ բաներու հետ դատաստանի պիտի բերէ» (Ժող. ԺԲ. 14, Հոով. Բ. 16, Ա. Կոր. Դ. 5): Ոչ ոք կրնայ հանդարտ սրտով տանիլ ասոր: Երբ մարդ խորհի այս կարելիութեան վրայ, կը հասկնայ թէ նկարագրի մէջ ամենամեծ պէտքը ուղիղ բաղձանքն է:

Արդ, աղօթքն է եղած այն ռազմադաշտը, ուր անուղիղ բաղձանքի դէմ պայքար մղուած է: Ճորճ Ատամ Սմիթն, Եէյլի Տուայթ Հոլի մէջ ըրած մէկ բանաստ- սութեան ընթացքին, կը յիշեցնէր թէ ոչ մէկը «Չի- նացի» Կորտոնի չափ անկեղծօրէն յայտնած է աղօթքի այս իբր ռազմադաշտ գործածումը բաղձանք նուաճելու համար: Իր քրոջ ուղղուած անոր նամակներուն մէջ փնտռտուք մը երևան կը բերէ ասոր ճշմարտութիւնը: «Իմ անձիս համար կրնամ ըսել,» կը գրէ ան, «թէ չարախօսութիւն և նախանձ ինծի հաճոյք կը պատճա- ոէին, և մինչև անգամ հիմա ստէպ կը մօլորցնեն զիս: Բայց աղօթքի մէջ յարատեութեան շնորհիւ Աստուած վեճ չափով մը յաղթութիւն տուաւ ինծի: Չէի ուզեր ակնկի հրաժարիլ, ուստի Աստուծմէ աղաչեցի այդ փա- փափր շնորհել ինծի. և արդարև շնորհեց. ու այնուհե- տև ունեցայ անոր կատարումին խոստումը:» Կորտոն նոյն իսկ աւելի կենդանի գոյներով երևան կը բերէ իր աղօթքի գործածումը, երբ կը խօսի Ակակի մասին, որ իր եսամոլ փառասիրութեան և հպարտութեան խոր- հրդանշանն էր: «Իմ անդու աղօթքս Ակակի դէմ է, որ անշուշտ հոս կը գտնուի, և ըստ առաջնոյն համակ- րանք կը շահի վարպետութեամբ:» «Այս առտու սոսկալի կոիւ մը ունեցայ Ակակի հետ:» «Այս առտու սոսկալի կէս ժամ մը անցուցի՝ Ակակը կտոր կտոր ընելով Տէ- րոջ առջև:»

Ո՞վ կրնայ չի տեսնել թէ ի՞նչ ըսել կ'ուզէր Կոր- տոն: Անոր մէջ կար անմաքուր բան մը, և ան Տէրոջ առջև քաշեց զայն, ու հոն սպաննեց: Աստուծոյ կամ- քին ներհակ եսամոլ փառասիրութիւն մը տարաւ ու կտոր կտոր ըրաւ Տէրոջ առջև: Աղօթքն իբր կեանքի պայքարին համար պատրաստութիւն՝ այնքան ստէպ կը յիշուի որ կ'արժէ դիտել թէ աղօթքը հոս ո՞րքան ճշմարտիւ պայքարն իսկ էր: Աղօթքը Կորտոնի համար զինավարժութիւն չէր, ուր ուշադրութիւն կ'ընծայուի ձևերու որոնք բանակին շնորհը կամ նոյն իսկ անոր ա- պագայ ազդուութիւնը կ'աւելցնեն: Աղօթքը իրական պատերազմ էր անուղիղ բաղձանքի և ուղիղ բաղձան- քի միջև, Աստուած իբր դաշնակից կանչուելով: Կոր- տոն աղօթքի կ'երթար իբր լուրջ գործի մը, Սաղմո- սերգուին հետ ըսելով, «Ով Տէր, իմ ամէն բաղձանքս քու առջևդ է» (Սաղ. ԼԸ. 9): Օրէ օր աղօթքի կը դիմէր իր անձէն դուրս նետելու համար անսուրբ տեն- չեր ու եսամոլ նպատակներ, և հաստատելու համար Աստուծոյ առջև ամէն ճշմարիտ փառասիրութիւն: Անոր կեանքին ըուն ակերը, որոնցմէ կը բխի ամէն գործ, այն աստիճան մաքրագործուեցան որ Հարթլէ Գոլրիճի ռոտանաւոր պատուէրը անոր առօրեայ կենցաղին ար- ձակը դարձաւ:

|| Կինքէն,

«Ինչ որ լաւ է բաղձալու՝ խնդրէ դուն զայն եր- Թէեւ ըլլայ ինչ որ քեզ տեսնելու յոյս իսկ չի տայ. Խնդրէ ըլլալ կատարեալ, թէև խըմօրն նիւթեղէն Թոյլ չի տայ մեր հողիին այդպէս ըլլալ երկրի վրայ. Բայց եթէ չես կրնար զայս խնդրել իղձի մը համար, Խնդրէ որ Տէրն քու սրտէդ նետէ այդ իղձն ան- կատար:»

Աղօթող մարդոց կենսագրութիւնները մեզի կը ցուցնեն նաև թէ աղօթքն այն ռազմադասակներու եր ուր անոնք պայքարելով կը վճռեն մարդկային կեանքի վրայ անհնար շատ սիրող հասկանալի շարժառիթներու կոխիկն եղիւր — աշխարհի դրուստիքը մեկ կողմէ, եւ Աստուծոյ հաւանութիւնը՝ միւս կողմէ: Բարձրագոյն հոգիներու նշանակալից մէկ յատկութիւնն է մարդոց գրուատիքն անտեսելու և Աստուծոյ հաճութեան միայն հետամուտ ըլլալու իրենց կարողութիւնը: Ահա Սոկրատի յայտարարութիւնը՝ մոլախիւղը խմելէն առաջ. «Մենք պարտաւոր ենք հնազանդիլ ոչ թէ մարդոց, այլ Աստուծոյ»: Նոյնը կը լսենք Պետրոսէ, երբ հալածանքի կը դիմադրուէր, «Առաւել Աստուծոյ հնազանդիլ պէտք է քան թէ մարդոց» (Գործ. Ե, 29): Այս մարդիկն այնքան խորապէս տեղեակ չէին երկրի հանրային կարծիքին որքան տիեզերքի Հանրային Կարծիքին, որուն առջեւ որոշած էին կայնիլ մաքուր և անբիծ: Կ'ապրէին ինչպէս Միլտոն կ'երգէր Միքայէլի մասին.

«Աշխարհներ քեզ թէև խոտոր իսկ դատէին,

Մտահոգութիւնդ ամբողջ այս էր—

Արժանանալ հաւանութեանն աստուածային:»

Ատեն ատեն կենդանի այն կերպը որով այսպիսի հոգիներ կը տեսնեն թէ ի՛նչ է Աստուծոյ կամքը իրենց նկատմամբ, և այն անյողողութիւնը որով կը կատարեն զայն հակառակ իրենց ընկերներու դատապարտումին, գերմարդկային բարձունքներու կը հասցնեն զիւցազնութիւնը: Նման դպրոցական այն տղան, որ իր կոյր հօրը մահուան յաջորդ շաբաթ օրն իր ամենալաւ գնդախաղը խաղաց, որովհետեւ, կ'ըսէր, առաջին անգամն է որ իր հայրը դիտեց իր խաղալը, այս մար-

դիկը կ'ապրին և կը գործեն «ծածուկը տեսնող Հօրը» գիտակցութեամբ: Անոնց տիրական շարժառիթն է զԱյն գոհ թողուլ:

Բայց այսպիսի կենցաղ մը կռիւով միայն կ'ըլլայ: Միայն Աստուած չէ զոր գոհ թողուլ կը ջանանք: Չարը իր ամենազգլխիչ ձեւերը կը հագնի, երբ այս նոյն շարժառիթին կը դիմէ — երբ թիւրամիտ բարեկամ մը կը խնդրէ բան մը, զոր բարի խղճմտանքը չի կրնար տալ, կամ երբ ժողովրդային ճաշակը կենցաղի տեսակը կ'ստորնացնէ և մեզի գրուատիքներ կը խոստանայ, եթէ հաւանինք երգին մասնակցիլ: Մեղքը վերացականօրէն ատելի է, բայց երբ մարդկային մարմին կը հագնի և կ'սպասէ որ մեր հաճութեան վրայ հաւանութեան ժպիտներ չուայլէ, սարսափելիօրէն հրապուրիչ կը դառնայ: Արքեպոսթիւն, պղծութիւն և ասոնց բոլոր համազգիներն ահարկու են տեսականին մէջ: Բայց երբ բարեկամի մը հրաւերով կ'զգեստաւորուին և անձի մը մէջ յանկուցիչ կերպով կը մարմնաւորուին, ի՛նչ զարհուրելի կախարդանք մը կ'ստանան: Հերովդէս միթէ Յովհաննէսը գլխատել տուած պիտի ըլլա՞ր, եթէ այդ արարքը Հերովդիայի հաճելի եղած չըլլար: Անտիպաս Յակոբոսը սպաննել և Պետրոսը բանտարկել տուած պիտի ըլլա՞ր, եթէ չի տեսնէր որ «Հրեաներուն հաճելի էր:» Կարոլոս Թ միթէ Սբ. Բարթոլոմէոսի ջարդը հրամայած պիտի ըլլա՞ր, եթէ իր մօրը բաղձանքը չըլլար այն:

Ժամանակներ կան, անշուշտ, երբ Աստուծոյ հաճելի ըլլալ և մարդկային բարեկամի մը հաճելի դառնալ համարժէք են: Ակսելով այն ատենէն, երբ մեր պարտականութեան մասին մեր միակ հնարաւոր հասկացողութիւնը կը դառնար կը կայանար մեր ծնողաց հաւանութեան արժանանալուն մէջ, մինչև հիմա

ուր մեր յարգելի բարեկամներուն զովութիւնը կեանքի երկրային ամենաբարձր վայելքն է, պարտակաճութիւնն իր ամենահրապուրիչ ձևը ստացաւ գոհացնելիք անձի մը զգեստովը ներկայանալով: Սթոփֆորա Պրուք մեզի կը պատմէ թէ մինչ Պրայթընցի Բոպէրթսընի կենսագրութեան համար նիւթեր հաւաքելու վրայ էր, Պրայթընցի գրավածատունէ մը ներս մտաւ և պատին վրայ նշմարեց Բոպէրթսընի մէկ պատկերը: «Այո,» ըսաւ գրավածառը, «ուէ ատեն որ դէշ բան մը ընել փորձուիմ, այդ դէմքին կը նայիմ, և զիս իմ լաւագոյն անձիս կը դարձնէ:»

Շատ մը կենդանի բարեկամներ այսպէս ծառայած են մեզի, և այդ բարեկամներուն մեզմէ ակնկալած գաղափարականին գոհացման մէջ կը գտնէինք ոչ թէ օրէնքի ցուրտ զգացումը, այլ անձի մը ջերմ հաճոյքը: Եւ, արդարև, ոչ ուղիղը, ոչ ալ ծուռը կը ներկայացուի յաճախ մեր ընտրութեան իբր վերացական պոռճարի: Գրեթէ միշտ մարմնաւորուած են անոնք, դէմք, ձեռք ունին, և արիւն կը շրջի անոնց ներսիցին: Մեզի կոչ կ'ընեն այն բոլոր հրապուրանքով զոր մարդկային մարմին և մարդկային ձայն կրնան տալ: Որովհետև մարդիկը դժգոհ թողուլ մեզի ամենամեծ դժբախտութիւն կը պատճառէ, և անոնց հաւանութիւնը շահիլ կեանքի ամենախոր գոհունակութիւնն է, հետեւաբար բարոյական կեանքի ամենաբուռն պայքարներէն ոմանք այս կէտին շուրջ պիտի մղուին: Եթէ Սբ. Գրոց մէջ կայ պահելու ամենադժուար պատուիրան մը, սա է այն. «Եթէ քու մօրդ տղան, քու եղբայրդ, կամ քու տղադ, կամ ազնիւդ, կամ ծոցիդ կինը, և կամ քու բարեկամդ, զոր քու անձիդ պէս կը սիրես, քեզ մոլորցնել ուզելով՝ ծածկաբար ըսէ. Երթանք և օտար աստուածներ պաշտենք... անոր հաւանութիւն չտաս, ոչ ալ անոր մտիկ ընես» (Բ Օր. ԺԳ. 6, 8):

Չասուած և զԱյն ներկայացնողները հաճեցնելու քաղձակիկ և ժախնակակից սերունդը հաճեցնելու ցանկութեան միջև միտած այս կոխը մեր Տերոց կեանքին կերտնակակից պայտառն էր, զոր ինք աղօթքով շահեցաւ: Մենք հիմա իրեն կը նայինք դարերուն մէջէն, և իր բովանդակ կեանքը մեզի կը թուի պարզապէս հետապնդում մը զԱստուած հաճեցնելու: Իր Հայրը գոհ թողուլ իր շարժառիթն էր, զայս ընելու հնարաւորութիւնը իր բերկութիւնը, և զայս ըրած ըլլալու գիտակցութիւնը՝ իր վարձատրութիւնը: Իր գերագոյն ժամերը, ինչպէս իր մկրտութիւնն ու այլակերպութիւնը, օրհնուեցան այն հաւաստիքով թէ ինք էր սիրեցեալ Որդին, որուն հաւանք էր Աստուած: Իր ամենօրեայ գործին գաղափարականը սանձանուեցաւ իր իսկ բառերով. «Ես միշտ անոր հաճելի եղած բաները կ'ընեմ» (Յովհ. Ը. 29): Եւ երբ երկինքի ու վարձատրութեան վրայ խորհէր, ոսկիով սալարկուած փողոցներու և մարգարտեայ դռներու վրայ չէր երազեր — այլ կը տեսնէր միայն հաւանութիւնն իր Հօրը, որ կ'ըսէր, «Ապրի՛ս, բարի և հաւատարիմ ծառայ:» Բայց այս կեանքը նոյն իսկ մեր Տէրոջ մօտ ներքին պատեւրազ մը ունէր իր մէջ: ԶԱստուած գոհացնել կը նշանակէր դժգոհացնել իր ընտանիքը, իր ազգին առաջնորդները, իր ժողովուրդին հաւատքին պատկառելի նախահայրերը: Կը նշանակէր լքում իր բարեկամներէն և զրպարտութիւն՝ իր թշնամիներէն: Կը նշանակէր թէ իր անեցիկներուն կողմէ յիմար պիտի նկատուէր, իր ազգին կողմէ դաւաճան և իր եկեղեցիին կողմէ հերձուածող:

Մեր Տէրոջ այս մեծ պատերազմը մղուեցաւ աղօթքով, նախ քան անոր արդիւնքներուն հանրութեան մէջ տեսնուելը: Շատ մը գաղտնի ընդհարումներով մղուեցաւ

կոխը մինչև որ Գեթսեմանիի մէջ «սաստիկ գոչումով և արցունքով աղօթք և աղաչանք մատուց անոր՝ որ կարող էր զինք մահուանէ ազատել» (Եբբ. Ե. 7)։ Այդ կերպ աղօթելը ճշմարիտ ճակատամարտ մըն է, և ոչ թէ զօրահանդէս։ Ճերեմի Թէյլըր կրնայ կոչել աղօթքը «մեր հոգիներուն խաղաղութիւնը, մեր խորհուրդներուն հանդարտութիւնը»։ Բայց երբ Տէյլիտ Պրէյնըրտ, գաղթային միսիոնար Հնդկներու մօտ, իր Գեթսեմանիներուն մէկէն կը դառնայ, ըսելով, «Յօդակապերս կը քակուէին, քրտինքը դէմքէս և մարմինէս այնպէս կը հօսէր որ կարծես պիտի լուծուէր այն», յայտնի կ'ըլլայ որ Թէյլըրի սահմանումը անյարմար է։ Աղօթքը պատկերազմ է Աստուծոյ կառնիքը տեսնելու կարողութեան և զայն գործադրելու փայտքեան հաւատ մըն։ Ոչ մէկուն կեանքը կրնայ այդ պայքարէն բոլորովին զերծ ըլլալ, եթէ ցոյց տայ վստահելի ուղղութիւն մը որ ոչ կըրնայ կաշառուիլ, ոչ ալ ահաբեկումի ենթարկուիլ։ Անկաշառ նկարագրի ամենալաւ երաշխիքը աղօթքի այս ուղղադաստն է, ուր օր քան զօր կը վճուռի այս հարցը թէ պիտի ապրինք «ոչ թէ մարդոց հաճելի ըլլալու համար, հապա Աստուծոյ՝ որ մեր սիրտերը կը քննէ» (Ա. Թես. Բ. 4)։

Ն

Աղօթքի գործածութիւնը մեծ աղօթողներու աչքին նշանակած է այս կենսական պայքարը, որու մասին բաւական խօսեցանք։ Այդ գաղտնի ուղղադաստնի վրայ հաւատք և վստահութիւն վերստին ձեռք բերուեցան, ուղիղ բաղձանքներ վերահաստատուեցան, և մարդիկ այդ դաշտէն գացին ապրիլ «Աստուծոյ առջեւ»։ Երբ մարդիկ կ'ըսեն թէ աղօթելու ժամանակ չունին, հա-

զիւ կրնան տեսած ըլլալ ճշմարտութիւնը թէ աղօթքը կեանքի այս ներքնագոյն և վճռական զբաղումն է։ Աղօթքի խոհական գործածութեան նուիրուած ժամանակը կրնայ արդարեւ երկար կամ կարճ ըլլալ։ Հուայթֆիլտ, Ուէսլէեանց մեծ ընկերը, սովոր էր օրն ի բուն երեսանկեալ աղօթել, և լուտեր իր կեանքի տագնապին մէջ ըսաւ, «Հիմա այնքան զբաղած եմ որ եթէ ամէն օր երկու երեք ժամ չանցնեմ աղօթելով, չեմ կրնար վերջացնել օրը»։ Իսկ Սքրիթթըն, նոյնքան լաւ Բրիտոնիայ մը, երկարաձգուած աղօթքի մասին խօսելով կ'ըսէր, «Ես չէի կրնար ընել այդ բանը, եթէ նոյն իսկ յաւիտենականութիւնս անկէ կախուած ըլլար։ Ասկէ զատ, եթէ ես դրամատուն մը երթամ վճարագրով մը, ի՞նչ պէտք ունիմ ժամավաճառ ըլլալով այն տեղ դեղերելու, երբ դրամս զանձած եմ արդէն»։ Ժամանակի երկարութիւնը աղօթքի մէջ վճռական խնդիրը չէ։ «Ամենաշատ աղօթած կրնանք ըլլալ ամենաքիչ ըսելով», կ'ըսէր Սքրիթթըն, «Եւ ամենաքիչ աղօթած՝ ամենաշատ ըսելով»։ Մեզմէ շատերուն մօտ պէտք է որ բաժնուած ըլլայ ժամանակը, ինչպէս է Միացեալ Նահանգներուն հողը։ Դաշնակցային կառավարութեան համար Ազգային Ժողովի տրուած փոքր երկրամասը քանակական հիմունքի նայելով՝ ամենէն անհամաչափը պիտի ըլլար։ Թէքսաս 4,430 անգամն է Գոլըմպիայի, և նոյն իսկ Բոտ Սյլէնտ քսան անգամէ աւելի պիտի պարունակէր զայն։ Այսպէս մէկը, Բրիտոնիայ մը հանդարտ աղօթքի նուիրած կարճ ժամանակը նկատելով, կրնար աղաղակել այսպիսի անհամաչափութեան մը դէմ, տեսնելով թէ ի՞նչպէս զբաղում և անհրաժեշտ հանգիստ այնքան շատ ժամեր կը գրաւեն։ Բայց պատասխանը պարզ չէ՝ արդեօք։ Երկրամասը փոքր է քանակապէս, բայց զօրաւոր է գերազանցօրէն։ Կառավարութիւնը հոյ

կը գտնուի: Այդ բոլոր նահանգներուն մէջ բացարձակապէս ոչինչ տեղի կ'ունենայ այս երկրամասին ազդեցութենէն և հակակշիռէն դուրս: Անոր հրամանները կ'իշխեն բոլոր նահանգներուն վաճառականութեան և օրէնսդրութեան վրայ, և վիճաբանուած ամէն հարց, երբ այլուր չի լուծուի, անոր Գերագոյն Ատեանին առջև կը տարուի վերջնականապէս լուծուելու համար:

Ընդունելով, ուրեմն, որ մեր հոգեւոր Գոլըմպիա երկրամասը տարածութեամբ աւելի փոքր ըլլալու է քան Թէքասս նահանգը, այդ ներքին երկրամասին ըրի՞նք արդեօք ինչ որ նախահայրերն ըրին Ամերիկեան ազգին մէջ: Մենք հանդիսաւոր կերպով ընտրեցի՞նք և սրբօրէն մեկուսացուցի՞նք զայն: Հոն զետեղեցի՞նք արդեօք կեդրոնական կառավարութիւնը, որպէս զի ամէն իշխանութիւն անկէ բխի և ամէն հարցեր հոն դառնան լուծուելու համար: Մեզ լաւագոյնս ճանչցողներուն յայտնի է արդեօք թէ մենք մեր կեանքին մէջ պիտի գիշէինք որ ուրիշ ունէ տեղ գրաւուէր թշնամիէն, բայց ոչ մեր հոգեւոր Հայրենիքին այս Մայրաքաղաքը, աղօթափայրը:

Մտածումի եւ Քննութեան Համար Թեկադորպիւններ

Ի՞նչ բան կ'որոշի թե վարդու մը բարի դիտարարութիւնները գործի պիտի յանգնին:

Բարի դիտարարութիւններն ինչո՞ւ կը ձախողին:

Մարդու մը տիրական բաղձանքին հակառակող թշնամիներն ի՞նչ են: Անոնց ոյժը ի՞նչ բանէ կախում ունի:

Ի՞նչ կը պատահի այն մարդուն որուն բարի դիտարարութիւնները սովորաբար չեն յաջողիր գործի յանգիլ:

Ի՞նչ է յացող գործի մը նախապատասխան եւ գործարարութեան հասար ժամանակի յարաբերական կարեւորութիւնը:

Կեանքի հանրային մեծ պայքարի մը մէջ տարուած յաղթանակը ո՞ր աստիճան կախում ունի թաքուն պայքարի մը մէջ ձեռք բերուած կանխագոյն յաղթանակէ:

Ճգնաժամի պահերու ուղիղ որոշումներ ո՞րչափ կախում ունին կեանքի վարիչ նպատակէն: Ո՞ւր կ'որոշուի այս նպատակը:

Ի՞նչ է գաղտնի աղօթիկ յարաբերութիւնը հանրային գործի հետ:

Մեր Տէրոջ աղօթելու ունակութեան յարաբերութիւնն ի՞նչ էր անոր կեանքին վարիչ նպատակին հետ: Փորձութեանց պատմութեան մէջ ի՞նչ թելադրութիւններ կան:

Յիսուս իր կեանքին ճգնաժամային շրջաններուն ի՞նչ տեղ կու տար աղօթքի յատուկ ժամանակին:

Ի՞նչ եղած է աղօթող մարդոց աղօթքներուն յարաբերութիւնն իրենց հանրային գործին հետ:

Կեանքի ի՞նչ մեծ խնդիրներ առանձին աղօթքի պայքարով լուծուելու են:

Առանձին աղօթքի պահն ինչո՞ւ յաղթութեան վստահութիւն կը ներշնչէ: Մարդու մը համար ի՞նչ բան անձնական կատարեալ յաղթանակ կը կազմէ իր կեանքին պայքարներուն մէջ: Ո՞րքան կախում ունի այն՝ մէկուն նպատակներն ապահովելէն:

Այս «նախապատրաստութեան աղօթքներուն» մէջ ի՞նչ է Աստուծմէ ակնկալուած պատասխանին բնոյթը:

Ո՞րչափ ճշեարիտ է թե առանձին աղօթքի ո՞րքան կար ժամանակ յսկացուի, այնքան մեծ կ'ըլլան յաղթանակները գործնական կեանքի մեջ:

ԱՂՕԹՔԻ ՄԷՋ ԱՆՇԱՀԱԽՆԴՐՈՒԹԻՒՆ

Օրակալս ընթերցուածք

Տաաներոց Գարաք, Առաջին Օր

«Եւ շուտ մը աշակերտները արտորցուց որ նաւը մտնեն, և իրմէ առաջ անդիւի կողմը անցնին, մինչև որ ինք ժողովուրդները արձակէ: Եւ ժողովուրդները արձակելէն ետքը ինք լեռը ելաւ առանձին աղօթք ընելու. ու երբ իրիկուն եղաւ, հոն մինակ էր:» Մատ. ԺԴ. 22, 23:

Մենք, ապահովաբար, իրաւունք ունինք ըսելու թէ մեր Տէրոջը կեանքին գերիշխան շարժառիթը ծառայութիւն էր: Բայց հոս կը տեսնենք որ ան կ'արձակէ ժողովուրդները, որոնցմէ ոմանց խօսելու ուրիշ առիթ մը չէր կրնար ունենալ երբեք, ու ինք լեռներուն առանձնութեան մէջ կը քաշուի աղօթելու համար: Ասիկա շահախնդրակա՞ն էր միթէ: Արդեօք ենթադրելու չե՞նք թէ ան ժողովուրդը կ'արձակէր, առանձնութիւն կը փնտռէր, աղօթքի անձնատուր կ'ըլլար անոր համար որ կը հաւատար թէ այսպէս ընելով ամենամեծ ծառայութիւնը կը մատուցանէր ուրիշներու: Չեր մաքին մէջ իրական դարձուցէք ասոր ճշմարտութիւնը: Նկատեցէք օգտակարութեան այն աճեցուն զօրութիւնը որ մեր Տէրոջ վրայ կու գար իր աղօթքի պահուն, հոգեւոր ուժաս-

պառուճէ այն կազդուրումը, և աստուածային ընկերակցութեան այն թարմ զգացումը զոր հոն իսկ կ'ստանար: Միթէ մեր ծառայութիւնն յաճախ հաքեւանցի և մեր ազդեցութիւնը մակերեսային չըլլար ճիշդ անոր համար որ բազմութենէն բաւական երկար ժամանակ խոյս չենք տար՝ առանձին անշահախնդիր աղօթքի նուիրուելու համար:

Աղօթք, Ով բարեգութ Տէր, որ մարդկային բոլոր ցեղերը մէկ արիւնէ ստեղծեցիր և մէկ Փրկանքով փրկեցիր, թոյլ մի տար երբեք որ իմ սիրտս խստանայ ինձի հետ նոյն բնութեան և նոյն փրկութեան մասնակցողներու դէմ, այլ շնորհէ ինձի ընդհանրական սէր ամէն մարդու հանդէպ: Ով Ողորմութեան Հայր, պարզեւէ ինձի սրտի այնպիսի փափկութիւն և կակղութիւն որ կարենամ խորապէս ազդուիլ իմ եղբայրներու արտաքին կամ ներքին թշուառութիւններէն և աղէտներէն, և շարունակ սիրել զանոնք: Շնորհէ որ իմ անձնական բաներս միայն չի փնտռեմ, այլ նաև ուրիշներունը: Ոհ, իցի՛ւ թէ ամէնուս մէջ ըլլար այս միտքը, որ Տէր Յիսուսի մէջ էր, որպէս զի ըլլանք «կարեկից, եղբայրասէր, ողորմած ու քաղցրաբարոյ, ջանալով Հոգւոյն միաբանութիւնը պահել խաղաղութեան կապով.» և շնորհաց, ողորմութեան ու խաղաղութեան Աստուածը բոլորիս հետ ըլլայ: Ամէն: Թովմաս Գեմբաջի (1379-1471):

Տաաներոց Գարաք, Երկրորդ Օր

«Եւ ըսաւ անոնց, Չեղմէ ո՞վ է ան, որ բարեկամ մը ունենայ, ու կէսգիշերուան մէջ երթայ անոր և ըսէ անոր, Բարեկամ, ինձի երեք նիւանակ փոխ տուր. վասն զի իմ մէկ բարեկամս ճամբայէ ինձի եկաւ, ու բան մը չունիմ անոր առջեւ դնելու: Ան ալ ներսէն»

պատասխան տայ և ըսէ. Ձիս մի յոգնեցներ, արդէն դուռը գոցուած է, ու տղաքս իմ քովս անկողինի մէջ են. չեմ կրնար ելլել ու քեզի հաց տալ: Ձեզի կ'ըսեմ, թէ և բարեկամութեան համար չելլէ տայ անոր, սակայն անոր թախանձանքին համար պիտի ելլէ ու պէտք եղածը տայ անոր:» Առկ. ԺԱ. 5-8:

Նկատի առէք մեր Տէրոջ հոս նկարագրած թելադրիչ կացութիւնը: Մէկը, որ կը խնդրէ, հաց կ'ուզէ, ոչ քե իր անձին, այլ իր բարեկամին հասնար: Ուրիշի մը պէտքը իրեն զգացուցած է իր կեանքին ազքատութիւնը. «Բան մը չունիմ անոր առջև դնելու:» Այսպիսի աղօթք ո՞րչափ շատ մատուցուելու էր — ծնողներու կողմէ որոնք իրենց զաւակներուն ամենամեծ պէտքերը գոհացնելու մէջ իրենց անբաւականութիւնը կ'զգան, բարեկամներու կողմէ որոնք փոխադարձ ծառայութեան նուրբ կարելիութիւնները լրջօրէն կ'ըմբռնեն, ամէն մէկ ուսուցիչի կամ քարոզիչի կամ բժիշկի կողմէ, որ սերտօրէն գործ ունի մարդկային կեանքերու հետ, և այն ամէնքին կողմէ որ համայնքի մը ընկերային կամ քաղաքական կեանքին մէջ պատասխանատու դիրքեր կը զբաւեն: Մեզմէ շատեր, առակին մարդուն նման, չեն տեսներ թէ մեր դարանները ո՞րքան դատարկ են՝ մինչեւ որ մեր մէկ բարեկամը «ճամբայէ մեզի գայ,» և այն ատեն մեր ամուլ անօդ տակարութիւնը, մեր պարենազուրկ միտքերը, մեր նիհար հոգիները մեզ ամօթահար կը թողուն: Ասոր նման յամառ թախանձանք յիրաւի կը պատշաճի մարդու մը որ անշահախնդրաբար կ'աղօթէ, և որուն ազազակը իր բարեկամին առջև դնելիք շատ բան ունենալու բաղձանքէն կը բխի:

Աղօթք. Ով Տէր Աստուած, շնորհէ մեզի որ զիրար անկեղծօրէն սիրենք, որովհետև ուր որ սէր կայ՝ Դուն հոն ես, և իր եղբայրը սիրողը Բեզմէ ծնած է,

և քու մէջդ կը բնակի, և Դուն անոր մէջ: Եւ ուր եղբայրներ միաձայնութեամբ Բեզ կը փառաւորեն, Դուն անոնց վրայ կը հեղուս Բու օրհնութիւնդ: Ուստի սիրէ մեզ, ով Տէր, և Բու սէրդ թափէ մեր սրտերուն մէջ, որպէս զի սիրենք Բեզ և մեր եղբայրները Բեզմով և Բեզի համար, ամէնքս իբր զաւակներդ, յանուն Յիսուսի Բրիստոսի մեր Տէրոջ: Ամէն: Անանուն (1578):

Տառներու Ծաբար, Երբորդ Օր

«Քանզի ինչպէս մարմինը մէկ է ու շատ անդամներ ունի, և այն մարմինին բոլոր անդամները որոնք շատ են, մէկ մարմին են, նոյնպէս ալ Բրիստոս: Վասն զի մենք ամէն մէկ Հոգիով մէկ մարմին ըլլալու միջրտուեցանք, թէ՛ Հրեաներ, թէ՛ հեթանոսներ, թէ՛ ծառաներ, թէ՛ ազատներ, և ամէնս ալ մէկ Հոգիէ խմեցինք: Վասն զի մարմինը մէկ անդամ չէ, հապա շատ է յետքը ըսէ, Որովհետեւ ես ձեռք չեմ՝ մարմինէն չեմ, ոչ թէ անով այն մարմինէն չէ: Եւ եթէ ականջը ըսէ, Որովհետեւ ես աչք չեմ՝ մարմինէն չեմ, ոչ թէ անով այն մարմինէն չէ: Եթէ բոլոր մարմինը աչք ըլլար, լսելիքը ո՞ւր պիտի ըլլար. և եթէ բոլորը լսելիք ըլլար, ո՞ւր պիտի ըլլար հոտոտելիքը: Բայց հիմա Աստուած անդամները դրաւ՝ անոնց ամէն մէկը մարմինին մէջ, ինչպէս ինք ուզեց: Ապա եթէ ամէնը մէկ անդամ ըլլար, մարմինը ո՞ւր պիտի ըլլար: Բայց հիմա անդամները շատ են, ու մարմինը՝ մէկ: Ձերնար աչքը ըսել ձեռքին թէ Դուն ինձի պէտք չես, և ոչ դարձեալ գլուխը ոտքերուն թէ՛ ինձի պէտք չէք... Եւ եթէ մէկ անդամը նեղութիւն կրէ, բոլոր անդամները կը նեղուին անոր հետ. և եթէ փառաւորուի մէկ անդամը, բոլոր անդամները կ'աւրախանան անոր հետ: Արդ, դուք Քրիստոսի մարմինն էք, ու մասնաւորապէս անոր անդամները:» Ա. Կոր. ԺԲ. 12-21, 26, 27:

Ո՞չ ապաքէն այն ճշմարտութիւնը, զոր Պօղոս կը ներկայացնէ հոս մարմինի և անդամներու իր դասական օրինակով, հիմն է միջնորդական աղօթքի: «Ոչ մեկ ձևորդ ակրողութիւնն է իր ակնին. իր բարեխաղկերը մնացորդն են իր ակնին:» Մարդու մը պարզ անհատականութիւնը կը նմանի աւազի փշուրի մը, որ ոտորէի մը պատեանին մէջ կը մտնէ: Բայց անոր կեանքին մարդաբիտը կը կազմուի այդ անհատականութեան շուրջ հիւսուող յարաբերութիւններէն: Թող մէկը ջանայ իր կեանքէն անջատել այն բոլոր նշանակութիւնը որ եկած է բարեկամներէ, ընտանիքէ և ընկերային յարաբերութիւններէ, և շուտով պիտի տեսնէ թէ ո՞րքան փոքր է իր անձուկ ետը, և թէ ո՞րքան իր ճշմարիտ և աւելի մեծ ետը անըմբռնելի է առանց ընկերային այն մարմինն որու անդամակցած է: «Այս տեսակ թագաւորութեան մը մէջ» կ'ըսէ երեւելի մարդ մը, այսինքն «Իրերահաղորդ անձերու գործարանական ընկերակցութեան մը մէջ, աղօթքն այնքան բնականոն գործունէութիւն է որքան ձգողութիւնը նիւթի աշխարհին մէջ: Անձնական ոգիներ կ'զգան հոգեւոր ձգողութիւնը. հոգին հոգիի կը զպչի, և սրտեր զիրար կը քաշեն: Մենք այլևս կոյր ճակատագրի ցանցին մէջ չենք, ոչ ալ անանձնական զօրութեան մը իշխանութեանը տակ: Կը գտնուինք սիրոյ դրութեան մը մէջ, ուր անդամի մը տեսչն ամբողջ խումբը կը բարձրացնէ և անդամի մը — նոյն իսկ ամենափոքրին — կարիքը կը լցուի ամբողջին, նոյն իսկ անհունին, միջոցներէն: Աստուածային-մարդկային իրական յարաբերութեան մէջ կը գտնուինք:»

Աղօթք. Ով Աստուած, ով մարդկութեան մեծ Փրկիչը, մեր սրտերը կը փափկանան երբ Քու վրադ կը խորհինք, ինչու որ մեր ցեղին բոլոր տառապանքներուն մէջ Դուն տառապեցար, և Քու ժողովուրդիդ նե-

ղութեանց մէջ Քու մարմինդ էր որ խաչուեցաւ: Դուն վիրաւորուեցար մեր օրինազանցութիւններէն և ճշմարտեցար մեր անօրէնութիւններէն, և մեր բոլոր մեղքերը վերջապէս Քու վրադ դրուեցան: Արարչութեան հառաչանքներուն մէջ մենք Քու հոգիդ երկունքի մէջ կը տեսնենք մինչեւ որ Աստուծոյ որդիները ծնին ազատութեան և սրբութեան մէջ:

Կ'աղաչենք, ով Տէր, մաքուր և սուրբ կեանքի մը շնորհները պարգևէ մեզի, որպէս զի այլևս Քու վրադ դրուած աշխարհի մեղքին մութ ծանրութիւնը չաւելցնինք, այլ Քեզի աշխատակցինք Քու փրկագործական ձեռնարկիդ մէջ: Ինչպէս չար կիրքերով ծարաւեցանք մարդոց կործանումին, հիմա լեցուր մեզ արդարութեան անօթութեամբ և ծարաւով, որպէս զի աւետիսներ տանինք աղքատներուն, և ազատ արձակենք կարօտութեան և մեղքի բանտերուն մէջ գանուղները: Քու հոգիդ զիր մեր մէջ, և մեզի ներշնչէ Քրիստոսավայել սիրոյ կիրք մը, որպէս զի մեր կեանքերը միացնենք տկարներուն և ճնշուածներուն, և ուժ տանք անոնց դատին՝ իրենց վիշտերը կրելով: Եւ եթէ չարը սպանալիքի ենթարկուելով դառնայ մեզ հարուածել ու պիտի պարտաւորուինք մեղսալից զօրութեան մութ չարութիւնը ճանչնալ, սփոփէ մեզ այն մտածումով թէ այսպէս մեր մարմինին մէջ կը կրենք Յիսուսի նշանները, և թէ անոր ճիշտ դոհաբերութեան մասնակցողները միայն պիտի զգան Քու կեանքիդ լեցունութիւնը: Օգնէ մեզի համբերութեամբ կրել Քու Օձեալիդ յաւիտենական խաչը և ուրախանալ երբ մենք ալ ցորենի հատերու պէս ցանուինք աշխարհի ակօսներուն մէջ, ինչու որ արդարներուն հոգեվարքով միայն կու գայ փրկութիւնը: Վալթըր Բաուշընպուշ:

Տասներորդ Ետար, Չարորդ Օր

«Եւ երբ աղօթք կ'ընէք, հեթանոսներուն պէս շատախօս մի ըլլաք. վասն զի կը կարծեն թէ իրենց շատ խօսելուն համար պիտի լսուին: Ուրեմն անոնց չնմանիք. վասն զի ձեր Հայրը ձեզի պէտք եղածը գիտէ՝ դեռ դուք իրմէ չխնդրած: Ուստի այսպէս աղօթք ըրէք դուք. Ով Հայր մեր որ երկինքն ես, քու անունդ սուրբ ըլլայ, քու թագաւորութիւնդ գայ. քու կամքդ ըլլայ, ինչպէս երկինքը՝ նոյնպէս երկրի վրայ. մեր ամէն օրուան հացը այսօր մեզի տուր. և մեզի ներէ մեր պարտքերը, ինչպէս մենք ալ կը ներենք մեր պարտականներուն. ու մեզ փորձութեան մի տանիր, հապա չարէն մեզ ազատէ. քանզի քուկդ է թագաւորութիւնը և զօրութիւնը ու փառքը յաւիտեանս: Ամէն: Վասն զի եթէ դուք ներէք մարդոց իրենց յանցանքները, ձեր երկնաւոր Հայրն ալ ձեզի կը ներէ: Հապա եթէ դուք չը ներէք մարդոց իրենց յանցանքները, ձեր Հայրն ալ չներեր ձեր յանցանքները:» Մատ. 9. 7-15:

«Երբ աղօթք կ'ընէք,» ըսաւ Յիսուս, «ըսե՛ք, մեր» — «Հայր մեր,» «մեր ամէն օրուան հացը,» «մեր պարտքերը,» «մեր պարտականներուն:» Նկատեցէք այն իրողութիւնը թէ այս աղօթքը տրուած է միայն հանրային գործածութեան համար երբ շատեր միասին կ'աղօթեն: Ուղղակի կցուած է սենեակը մտնելու, դուռը գոցելու և առանձին աղօթելու պատուէրին հետ (Մատ. 9. 5): Մինչեւ անգամ առանձնութեան մէջ, երբ անհատ մը Աստուծոյ հետ կը հաղորդակցի, ըսելու է ոչ թէ սոսկ ես կամ ինչ, այլ՝ մեր: Աստիճանը, որով աղօթքի մէջ այս ընկերային ոգին պիտի գրաւէ մեր անձերը, կախում ունի այն կենդանութենէն որով կ'ըմբռնենք բոլոր մարդիկն իրարու կապող սերտ յարաբերութիւնները, մինչեւ որ իւրաքանչիւր անհատ տեսնուի ոչ պարզապէս

իրը ուրոյն թել, այլ անբաժանելի տարր մը՝ մարդկային կեանքի խիտ կերպով գործուած հիւսուածքին մէջ, Լատին առած մը կ'ըսէ, «Մէկ մարդը երբեք մարդ չէ:» Ամէն մէկ ծանօթութիւն յաւէտ կենսական կապակցութիւն մըն է երկու կեանքերու միջև: Ենթադրեցէք որ մեզմէ իւրաքանչիւրը հազար ծանօթ ունենայ, և անոնց ամէն մէկը ևս հազար, և այսպէս ամբողջ աշխարհի վրայ: Այն ատեն բոլորովին իրարու հետ կը խառնուինք: Կարելի է երկու անձ որոշել մէկը Նիւ Եորք Հինգերորդ Պողոտային վրայ ապրող և միւսը՝ Սրաբիոյ դաշտագետիններուն վրայ, որոնց միջև շատ մը անուղղակի ճամբաներով կենսական կապակցութիւններ չի կարենայ գտնել այդ գործին ընդունակ թիւններ չի կարենայ գտնել այդ գործին ընդունակ միտք մը զգալի կերպով: Նուրբ ազդեցութիւններ կը հոսին իւրաքանչիւրէն, և ուշ կամ կանուխ կը հասնին ամենքին: Ոչ մէկ օրհնութիւն և ոչ մէկ աղէտ կրնայ երբեք ճիշդ ու ճիշդ առանձնական ըլլալ. հասարակաց երբեք, հասարակաց վտանգներ և հասարակաց կապէտքեր, հասարակաց վտանգներ և հասարակաց կարելիութիւններ ամբողջ մարդկութիւնն ի մի կը կապեն: «Երբ աղօթք կ'ընէք, ըսէք, Մեր:»

Աղօթք. Ով Հայր մեր, անհանգամ մըն ալ նոր օր մը մեր առջև: Մինչ մենք դուրս կ'ելլենք մարդոց մէջ մեր գործը կատարել՝ մեր ընկերներուն ձեռքերն ու կեանքերը շօշափելով, կ'ազատենք, մեզ ամբողջ աշխարհի բարեկամներն ըրէ: Զերծ պահէ մեզ ունէ սրտի թարմ ծաղիկը թարշամեցնելէ յեղակարծ զայրոյթի կամ թաժաղիկը թաղելութեան մը բոցով: Թոյլ մի տար որ ունէ քուն ատելութեան մը բոցով: Թոյլ մի տար որ ունէ արհամարհանքով կամ չարութեամբ: Օգնէ մեզի տառաարհամարհանքով կամ չարութեամբ: Օգնէ մեզի տառապելաները զուարթացնել մեր համակրանքով, վհատալները կազդուրել մեր յուսադրութեամբ, և ամէնուն մէջ զօրացնել կեանքի արժէքին և ուրախութեան առողջ գի-

ցութիւնը և մարդկային եղբայրութեան ցնծութիւնը :
 Մեզ հաստատակամ ըրէ ճշմարտութեամբ ապրիլ և ոչ սուտերով , մեր հասարակաց կեանքը արդարութեան և սիրոյ յաւիտենական հիմերուն վրայ հաստատել , և անիրաւութեան խարխուլ տունը այլևս չի պաշտպանել օրինականացած անգթութեամբ ու բռնութեամբ : Օգտէ մեզի ամենուն բարօրութիւնը մեր երկրին գերագոյն օրէնքը դարձնել , որպէս զի մեր հասարակապետութիւնը հօր և ապահով կառուցուի իր բոլոր քաղաքացիներուն սիրոյն վրայ : Կործանէ մարդոց կեանքը շարունակ ճմլող մամոնային գահը , և կանգնեցուր Քուգահը , ով Քրիստոս , ինչու որ Դուն մեռար , որպէս զի ապրին մարդիկ : Քու մոլորեալ զաւակներուդ ցուցուր վերջապէս Սիրոյ Քաղաքը տանող ճամբան , և մարդկութեան մարդաբէներուն կարօտներն իրականացուր : Ավ մեր Տէրը , անգամ մըն ալ Քու դաւանութիւնդ մեր աղօթքը կ'ընենք , « Քու թագաւորութիւնդ գայ , Քու կամքդ ըլլայ երկրիս վրայ : » Վալթըր Բաուշընպուշ :

Տասներորդ Շաբաթ, Վեցերորդ Օր

« Ճշմարիտ կ'ըսեմ ձեզի , երկրի վրայ ինչ որ կապէք , երկինքի մէջ կապուած պիտի ըլլայ : ու երկրի վրայ ինչ որ արձակէք , երկինքի մէջ արձակուած պիտի ըլլայ : Դարձեալ կ'ըսեմ ձեզի , եթէ ձեզմէ երկու հոգի երկրի վրայ միաբանին , ամէն ինչ բանի համար որ խնդրեն , պիտի ըլլայ անոնց իմ Հօրմէս որ երկինքն է : » Մատ . ԺԸ . 18, 19 :

Միաւիճակ աղօթելու մասին Յիսուսի խօսքերն այնքան զրական են որքան առանձին աղօթելու մասին իր խօսքերը : Մենք յաճախ մէջ կը բերենք այս « երկու կամ երեք » վկայութիւնը , իբր թէ հակադրութիւնը քիչուորի և շատուորի միջեւ եղած ըլլար , բայց իրօք

ընկերային և առանձին աղօթքի միջեւ է : Քրիստոսի միտքն է շեշտել այն իրողութիւնը թէ ինք մասնաւորապէս ներկայ է աղօթող խումբի մէջ : Ուրիշի մը հաւանար , մանաւանդ անբարեացակամ մարդու մը համար , աղօթելը քննական փորձ մըն է մեր անոր հետ յարաբերութեան : Բայց ուրիշի մը հետ աղօթելը — ո՛րքան աւելի մտերմական և ազգու փորձ է : Եթէ դեռ չի ներուած վիշտ կայ , կամ անզեղջ անբարեօրութիւն , կամ գաղտնի նենգութիւն , չենք կրնար ընկերովի աղօթել : Ինչպէս Յիսուս ըսաւ , պէտք է որ « միաբանինք » Աղօթքը ամենէն ազգու մաքրիչն է մեր անձնական յարաբերութեանց , երբ , օրինակի համար , ընտանեկան յարկի տակ մարդիկ կը ծնրադրեն ամենօրեայ կեանքի ընտանի տեսարաններուն մէջ : Դառն խօսքը և զանց առնուած ազնուութիւնը պիտի կուրին փոխադարձ աղօթքի հետ : Մարդիկ պարտին իրարու հանդէպ իրապէս ուղղամիտ ըլլալ , որպէս զի իրարու հետ լաւ աղօթեն : Ասիկա հիմնական պատճառներէն մէկն է հրապարակային աղօթքի համար , և ընտանեկան շրջանակի , վարժարանական խումբերու կամ եկեղեցիի մէջ անոր անկեղծ և ունակական գործածութիւնը պիտի օգնէ անոնց որոնք խկապէս կ'ըմբռնեն անոր իմաստը՝ ըսել Մեր օրհնութիւնները , մեր մեղքերը , մեր պէտքերը , և մեր Հայրը :

Աղօթք . Ով Յաւիտենական , Սուրբ և Ամենակալ , որուն անունը Սէր է , մենք հանդիսաւոր բազմութեամբ հաւաքուած ենք Քու դէմքդ փնտռել , և հողիով ու ճշմարտութեամբ Քու անունդ պաշտել : Խորին խոնարհութեամբ կու գանք , վասն զի Դուն շատ բարձր ու փառաւոր ես , և հպարտները հեռուէն կը տեսնես : Կու գանք գողոր զղջումով , վասն զի ապաշխարող սիրտը Քու միակ ընակարանդ է : Յիսուսի անունովն ու հո-

որոնք քիչ վիշտ պատճառած չէին անոր:» Ահաւասիկ անոր աղօթքը:

Աղօթք. Տէր, թէև խեղճ ու տկար արարած մըն եմ ես, շնորհքով ուխտ ունիմ Քեզի հետ, և կրնամ, կ'ուզեմ, Քեզի գալ Քու ժողովուրդիդ համար: Դուն զիս՝ թէև խիստ անարժան՝ խոնարհ գործիք մը ըրիր անոնց քիչ մը բարութիւն և Քեզի ծառայութիւնն ընելու: Անոնցմէ շատեր ինծի չափէն աւելի արժէք ընծայած են, թէև ուրիշներ իմ մասն կ'ուզեն և պիտի ուրախանան մահուանս վրայ: Տէր, Դուն ինծի համար ինչ ալ որոշես, շարունակէ անոնց բարութիւն ընելը: Ծնորհէ անոնց ուղիղ դատողութիւն, մէկ սիրտ, և փոխադարձ սէր, և շարունակէ ազատել զանոնք ու կանգուն պահել բարեկարգութեան գործը, և Յիսուսի անունը փառաւոր հանդիսացուր աշխարհի վրայ: Քու գործիքներուդ չափէն աւելի նայողներուն սորվեցուր յաւէտ Քեզի վստահիլ: Ներէ անոնց, որ խեղճ որդի մը փոշիին վրայ կոխել կը բաղձան, ինչու որ անոնք ալ Քու ժողովուրդդ են: Եւ ներէ այս համառօտ աղօթքին անմտութիւնը—դարձեալ յանուն Յիսուսի: Եւ մեզի բարի զիշեր մը շնորհէ, եթէ Քեզի հաճելի է: Օրիվըր Քրոմուէլ (1599-1658):

Մեկնաբանութիւն Ծաբբուան Համար

Տիրական բաղձանքի կերտումին ձգտող մարդկային զօրութիւններէն ոչ մէկն աւելի հզօր է քան սէրը: Ընտանեկան շրջանակի մէջ սէրը մօրը տիրական բաղձանքները իր զաւակներուն չուրջ կը կեդրոնացնէ, այնպէս որ բառեր անկարող են յայտնել թէ ան ո՛րքան աժան կը սեպէ իր կեանքը և ո՛րքան սուղ՝ անոնցը: Այսպիսի նուիրում մը ազգին մէջ հայրենասէրներ կը յարուցանէ, անոնց մէջ սպառելով անձնասիրութիւնն

ու երկիւղը, այնպէս որ հայրենիքի սիրոյն համար կը կրեն ինչ որ երբեք պիտի չկրէին իրենց համար: Երբ մէկը կենսադրութեանց մէջ թափառի՝ տեսնելու համար թէ բաղձանքն ի՞նչ նշանակութիւն ունեցած է մարդոց մէջ, կը գտնէ ոչ միայն գծուծ Աքաբը, ազահ Յուդան, անառակ Հերովդէսը, փառատենչ Փելիքսը, այլ նաև մարդիկ որոնց մէջ ժողովուրդի և ազնիւ դատերու նուիրումը բոլորովին անշահախնդիր դարձուցած է տիրական բաղձանքը: Միւլլեր անուն մատաղատի մանչ մը, որ «Զօր. Սլոքում» նաւուն հրկիզումէն յետոյ գետին հոսանքէն խլուած ազատուած էր, սա վկայութիւնը տուաւ, «Մայրս ինծի տուաւ կեանքի վկայութիւնը մը, և ատով ազատեցայ: Կարծեմ ինք իրեն պահպանակ մը, և ատով ազատեցայ: Կարծեմ ինք իրեն համար չունէր, ինչու որ չեն յաջողիր ինք գտնել:» Այս վկայութեան մէջ գտէք այդ մօր տիրական բաղձանքին ուղղութիւնը: Այսպէս աշխարհի անձնուէրներուն վարիչ բաղձանքը, մայրերէն սկսեալ մինչև մարտիրոսները, անշահախնդիր եղած է: Կորտոն ըսաւ Սուտանի մէջ, «Կը յայտարարեմ որ եթէ կարենայի գերեվաձառութիւնը դադրեցնել, յօժարութեամբ պիտի գնդակահարուէի այս գիշեր:» Ճոն Նոքս կ'աղաղակէր, «Աստուած, ինծի տուր Սկովտիան, եթէ ոչ՝ կը մեռնիմ:»

Եւ, արդարեւ, տիրական բաղձանքի ի՞նչ արտասոյտութիւն կրնար աւելի բնական ըլլալ քան Նոքսի այս աղօթքը: Աղօթելու ձգտումը գործի կը մղուի՝ ոչ միայն անհատական պէտքի տազնապնդէն, այլ և տիրական սիրոյ պահերէն: Իրենց անձերուն համար չաղօթող մարդիկ երբեմն կ'աղօթեն ուրիշներու համար: Իրենց կեանքերուն վրայ Աստուծոյ շնորհքը խնդրել չի խորհող հայրեր կը տեսնուի որ կը բացապանչեն, «Աստուած, օրհնէ իմ որդիս:» Եթէ, ինչպէս Պօղոսի մէջ, Աստուծոյ վրայ կենսական վստահութիւնը դատի մը

տալ անարդ վայելք մը: Բայց չի կրնար: Ուրիշ մէկը կայ միշտ խնդրին մէջ: Ամբողջ աշխարհը կայ խնդրին մէջ, ինչու որ մարդը բարի կեանքէ մը կը զրկէ աշխարհը և ի փոխարէն վատ կեանք մը կու տայ անոր: Մեղանչումը, նոյն իսկ իր ամենազաղտնի ձեւերուն մէջ, թոյն խառնել է հանրային ջրամբարին մէջ, և ուշ կամ կանուխ ամէն մարդ կը վնասուի այդ պղծութենէն:

Մարդ մը, ուրեմն, իր ընտրութիւնը կատարելու է երկու աղօթքներու միջև: Կամ պիտի աղօթէ իր բարեկամներուն և ընտանիքին համար, իր հետ ամուսնանալիք աղջկան և ունենալիք զաւակներուն համար, հասարակապետութեան և թագաւորութեան համար, որոնց կրնայ ինք օգնել կամ արգելք հանդիսանալ, որպէս զի յաղթէ իր փորձութեանց և ապրի երկիւղած, արդար և օգտակար կեանք մը: Կամ օր մը պիտի հարկադրուի մատուցանել հետեւեալին նման խնդիրք մը, զոր Շէյքսպիրը դրաւ Գլարէնսի Դուքսին բերանը.

«Ով Տէր, իմ ջերմ աղօթքներ
 Եթէ Բեզ չեն մեղմացներ,
 Ու զիս պատժել կը պնդես
 Իմ ամէն չար գործն ու խօսք,
 Գոնէ ցատումդ հայրապէս
 Թափէ անձիս վրայ սոսկ:»

Վերջինը յուսահատական խնդրուածք է միշտ: Աստուած չի կրնար չնորհել զայն: Ոչ մեկ մարդ երբևէ կրած է իր մեղքին բովանդակ հետեւանքները: Խաչը տիեզերական իրողութիւն է — խորհրդանիշ տառապանքի, անիրաւութիւն չի գործողներու վրայ բերուած՝ անիրաւութիւն գործողներու ձեռքով: Այս իրողութեան լոյսով, երբ մարդ իրեն համար կ'աղօթէ, անշահախնդրաբար կ'աղօթէ:

Ասկէ զատ, մինչեւ անգամ երբ որոշ մեղքի մը հետ կռիւը ուշադրութեան կեդրոնը չի գրաւեր, մարդ մը իր բարեկամներուն համար կրնայ տակաւին աղօթել ընդդէմ իր կեանքին դատարկութեան ու անպիտանութեան և ուրիշներու ըստ կարի օգտակար ըլլալու զօրութիւն փնտռել: Անշահախնդրութիւնը յայտնապէս դրդապատճառն է օրհնութեան այն աղաղակին զոր կը գտնենք վաթսուներեօթներորդ Սաղմոսին մէջ. «Աստուած ողորմի մեզի, ու օրհնէ մեզ, երեսը փայլեցնէ մեր վրայ, որպէս զի երկրի վրայ քու ճամբադ ճանչցուի, ու ամեն ազգերուն մէջ քու փրկութիւնդ:» Ուր որ ճշմարիտ բարեկամութիւն և նուիրում կը միանան, աղօթքն այս յատկութիւնը կ'ստանայ: Երբ Գուէնթին Հոկ, իր Բազմարուեստեան Հաստատութեամբ համադրաւուած, գրեց իր վերջին հիւանդութեան միջոցին, «Պիտի փափաքէի օգտակար ըլլալ տղայոցս, փոխանակ ամուլ, զօսացած, ծերացած խրտուիլակին որ եմ,» ճշմարիտ քաղցրաբարոյութեան անխուսափելի արդիւնքն այստեղ: Ըստ կարելոյն լաւ ըլլալու իր բաղձանքը «տղայոց» հանդէպ իր սէրէն կը բխէր: Հոս մեր աղօթքներուն իրական դժուարութիւնն է որ կը ցցուի մեր զիմաց: Մեր աղօթքները ցանաք կ'անցնին ոչ թէ գոհացուցիչ փոխադասարան մը պակասեմ, այլ սիրոյ պակասեմ: Մենք մարդոց և դատերու համար այնչափ փոյթ չունինք որ անոնց ի նպաստ աղօթենք: Թող մէկը իսկական նուիրումով մը զրաւուի, և ահա ի հարկէ պիտի բարձրանայ դէպ ի սիրոյ և աղօթքի այն միութիւնը, զոր Տիկին Պրատուինսկ ներկայացուց հետեւեալ տողերով:

«Երբ Աստուծոյ
 Կ'աղերսեմ ես անձիս համար, երեսանկեալ,
 Կը լսէ ան քու անունդ ալ իմինիս հետ,
 Եւ աչքերուս մէջ կը տեսնէ քո՛ւ արցունքդ ալ:»

Աղօթքի մէջ անշահախնդրութիւնը, սակայն, երբեք գոհացած չէ ու չի կրնար երբեք լիովին գոհանալ ի սէր ուրիշներու մեզի համար աղօթելով: Անիկա յատկապէս ուրիշներու համար աղօթել կ'ենթադրէ, և որքան խոր ու հարկադրիչ ըլլայ սէրը, այնքան բնական կ'ըլլայ մեր բարեկամներուն վրայ Աստուծոյ օրհնութիւնն հայցող որոշ աղերսանքը: Մեր Տէրը՝ մեզի օրինակ: Յիսուսի աղօթքները, Աւետարաններուն մէջ բառապէս արձանագրուած, թիւով չատ չեն, և խօսքով քիչ են: Բայց բարեխօսելու իր սովորութեան նշանները ճոխ են և համոզիչ: Ինք կա'ղօթէ մանուկներուն համար — «Այն ատեն մանր տղայք բերուեցան իրեն, որ անոնց վրայ ձեռք դնէ և աղօթք ընէ» (Մատ. ԺԹ. 13), հիւանդներուն համար — երբ կոյր մարդ մը կար բռնկուելէ, կը գտնենք թէ մեր Տէրը երկինք կը նայի (Մարկ. Է. 34), իր աշակերտներուն համար — «Սիմոն... ես քեզի համար աղօթք ըրի, որ քու հաւատքդ չպակսի» (Ղուկ. ԻԲ. 31, 32), իր թշուառներուն համար — «Հայր, թողութիւն տուր ատոնց, վասն զի չեն գիտեր ի՛նչ կ'ընեն» (Ղուկ. ԻԳ. 34), հունձքին մշակներուն համար, որովհետեւ ինք պէտք է գործադրած ըլլայ իր յորդորը — «Ուստի հունձքին Տէրովը աղաչեցէք, որ մշակներ հանէ իր հունձքին» (Ղուկ. Ժ. 2), և մինչև վերջը իրեն հետեւողներուն անբողջ հաւանքներուն համար ալ» (Յովհ. ԺԷ. 20): Թէ երկրի վրայ ապրող ամէնէն անշահախնդիր կեանքը աղօթքի մէջ անշահախնդիր պիտի ըլլար, կ'ակնկալուէր անշուշտ, և ապացոյցն ալ թէ այնպէս եղաւ՝ ակներև է:

Երբ մէկը, որ կը ջանայ մեր Տէրով հոգին ըմբռո-

նել, այս տեսակ աղօթքէ ակնկալուած զանազան արգասիքները նկատողութեան առնէ, անմիջապէս կը տեսնէ որ անկեղծօրէն և ունակաբար ի գործ դրուած այս տեսակ բարեխօսութիւնը նշանակելի արդիւնք կ'ունենայ աղօթողին անձին մեջ: Փոխանորդական աղօթքի մասին ո՛րքան փորձառութիւն ամփոփուած է այն համարին մէջ, որով Յոբի գիրքը կը մօտենայ իր վախճանին. «Եւ Տէրը գերութենէ ազատեց Յոբը՝ իր բարեկամներուն համար աղօթք ըրած ատենը» (Յոբ. ԽԲ. 10): Այսպիսի աղօթքը կ'ազատէ: Մարգս իր անձէն դուրս կը տանի այն: Յիշել կու տայ շատ բարեկամներու անուններն ու պէտքերը, պատրաստելով սիրտը ծառայութեան, և ընդունակ դարձնելով երեւակայութիւնը՝ այլապէս մոռցուածներուն և անտեսուածներուն օգնելու միջոցներ նշմարելու: Հոգին կը կը մաքրագործէ վրէժխնդրական արամադրութիւններէ և ամէն շնորհալի և եղբայրական ձգտում կ'արթնցնէ: Ինչպէս Ուիլիքմ Լօ կ'ըսէր, «Բարեխօսական աղօթքը ամենալաւ իրաւարարն է բոլոր տարակարծութեանց, ամենալաւ մղիչը ճշմարիտ բարեկամութեան, ամենալաւ դարմանն ու պահպանակը ամէն անբարեացակամ բարքերու, ամէն բարկութեան և ամբարտաւան կիրքերու դէմ»:

Ասկէ զատ, բարեխօսական աղօթքը յաճախ ազդեցութիւն պիտի գործէ կեանքին մէջ անոնց որոնց ի նպաստ կը մատուցուի, նոյն իսկ սա պատճառաւ թէ տեղեկութիւնը թէ բարեխօսութեան իրեն հետեւող կ'աղօթէ մեկն եւ անեկանստ իրեն հետեւող ազդեցութիւններէն, որով կրնան նեւեկ մարդ շրջապատել: Պետրոսի համար գիտնալ թէ Տէրն իրեն համար կը բարեխօսէր, ըստ ինքեան ի՛նչ աղբիւր էր կազդոյրի և զօրութեան: Կը պատմուի թէ երբ Լուտեր ինքզինք մասնաւորապէս

զօրաւոր կ'ղգար, կը բացագանչէր, «Այնպէս կ'ղգամ թէ ինծի համար աղօթք կը մատուցուի» եւ նոյն ճշմարտութիւնը լուսաբանելու համար, ձոն ձ. Փէյթըն, Նոր Հեպրիդեան կղզիներու միսիոնարը, իր ինքնակենսագրութեան մէջ կը գրէ. «Շատ երկար տարիներ յետոյ լսեցի թէ Թորթհորվալտի գիւղին ամէնազէչ կինը, սր այն ատեն անբարոյական կեանք մը կը վարէր, բայց յետոյ փոխուեցաւ Աստուծոյ շնորհքով, կը խոստովանէր հրապարակաւ թէ զինք յուսահատութենէ և ինքնասպանութեան դժօխքէն ազատող միակ բանն եղաւ սա իրողութիւնը. Երբ ինք ձմրան մութ գիշերուան մէջ հօրս պատուհանին տակ կը սողոսկէր, ընտանեկան պաշտամունքի պահուն կը լսէր անոր աղաչանքը, որպէս զի Աստուած դարձի բերէ մեղաւորը չար ճամբաներու մոլորանքէն, և փայլեցնէ զայն Փրկչին պսակին յարմար գոհարի մը պէս...: 'Կը զգայի,' կ'ըսէ կինը, 'թէ ես բեռ մըն եմ բարի մարդուն սրտին վրայ, և գիտէի թէ Աստուած անոր յոյսը ի դերեւ պիտի չի հանէ: Այդ խորհուրդը պահպանեց զիս:»

Շատ անձեր պահպանուած են իրենց համար շարունակ մատուցուած բարեխօսութեան տեղեկանալով: Եւ մարդ կը բաւէ որ քիչ մը միայն տեղեկանայ Քրիստոնեայ առաջնորդներու մասին, թէ ի'նչպէս իրենց բարեկամներուն աղօթքներուն օգնութիւնը կը խնդրեն ստիպողաբար, և անա պիտի տեսնէ թէ ի'նչ խրախոյս գտած են միշտ սա վստահութեան մէջ թէ իրենց համար աղաչանքներ կը մատուցուին: Այս կէտին մէջ տիպարական է Մելանքթոն, որ կը հրճուէր երբ պատահաբար լսէր թէ մանուկներ կ'աղօթէին Բարեկարգութեան համար: Պօղոս կը գրէ. «Եղբայրներ, աղօթք ըրէք մեզի համար» (Ա. Թ. Ես. Ե. 25), «...Մեզի համար ձեր ըրած աղօթքին օգնականութիւնով» (Բ.

Պոր. Ա. 11), «Զեղի կ'աղաչեմ, եղբայրներ... որ ինծի հետ պատերազմակից ըլլաք ձեր աղօթքներուն մէջ առ Աստուած ինծի համար» (Հռով. ԺԵ. 30): Քրոմուէլ կը գրէ իր ծովակալներուն. «Դուք ունիք, ինչպէս ստուգիւ կը հաւատամ ու համոզուած եմ, ձոխ մթերք մը աղօթքներու, որոնք ամէն օր ձեզի համար վեր կը բարձրանան այս ազգին մէջ ամենալուրջ և ամենայարգի եկեղեցականներու և Քրիստոնեաներու սրտերէն. և, հակառակ երբեմնակի վնասութեանց, հաւատքի խիստ շատ ոգորումներ տեղի կ'ունենան ձեզի համար, ինչ որ մեզի համար և, վստահ եմ, ձեզի համար ալ պիտի ըլլայ մեծ քաջալերութեան առիթ:»

†

Քրիստոնեաները, սակայն, այս երկու արդիւնքներէն զատ, շատ աւելի կենսական հետեւանք մը ակնկալած են բարեխօսութենէն: Երբ ուէ կեանքի մէջ Աստուծոյ վրայ վստահութիւն եւ մարդոց համար սէր կը գոյակցին, անոնց անխուսափելիօրէն կը յաջորդէ աղօթք ուրիշներու համար: Աստուծոյ հետ խորին մտերմութիւն, ըստ ինքեան, կրնայ արտայայտուիլ խաղաղ հաղորդակցութեամբ. մարդոց հանդէպ ծաւալուն սէրը միայն կրնայ օգտակար գործերով արտայայտուիլ: Բայց այս երկուքը չեն կրնար նոյն կեանքին մէջ միասին ապրիլ առանց երբեմն միանալու փոխանորդական աղօթքի մէջ: Արդ այսպիսի աղօթքներ միշտ մատուցուած են, ոչ իբր ձեւական արտայայտութիւն բարեացակամութեան, այլ իբր մարդոց հանդէպ Աստուծոյ բարի նպատակներուն կենսական, ստեղծագործ նպատակ մը: Իսկական բարեխօսները, որոնք իրենց անձնական սէրը Աստուծոյ սիրոյն կողքին նետած են

Թանկագին աղօթքներով և անկեղծօրէն օրհնութիւններ խնդրած են իրենց բարեկամներուն համար, զգացած են թէ իրենք խաղալիկի մը հետ չէին խաղար: այլ թէ կերպով մը անձնականութեան ստեղծագործ գորութիւնը կը գործածէին ճամբաներ բանալու համար Աստուծոյ առջև, որպէս զի ան իր կամքը գործադրէ: Անոնք համոզուած են որ իրենց բարեխօսութիւններն արդիւնաւէտ եղած են իրենց բարեկամներուն համար:

Այս դարուն մէջ, սակայն, ուր խորաթափանց կասկածներ կան և առանց գիտութեան գործելու անկեղծ դժկամակութիւն, և ուր հաւատքը առանց բանաւոր պատճառի չընդունուիր, նոյն իսկ երբ սփոփիչ պիտի ըլլայ ընդունիլ, բարեխօսութեան այս յառաջաձիգ գորութիւնը կասկածելի դարձած է շատերու աչքին: Այս կասկածին մէկ պատճառը կը գտնուի այն անբաւական եղանակին մէջ, որով ըմբռնուած ու քարոզուած է բարեխօսութիւնը: Ոմանց կը թուի թէ այն կը նշանակէ անխորհուրդ կամ դժկամակ Աստուած մը համոզել որ բան մը ընէ ուրիշի մը համար: Ժողովրդական նմանութիւն մը նպաստած է կանգուն պահել այս թիւր ըմբռնումը: Աստուած շատ եղանակներով, կ'ըսէ նմանութիւնը, կը մերժէ գործադրել իր կամքը մինչև որ մարդ մը չի գործակցի իրեն հետ: Ընտանեկան կեանքը կը մնասուի, կառավարութիւնը կ'ապականի, ոչ-Քրիստոնեայ աշխարհը Աւետարանի լոյսէն կը զրկուի, եթէ մարդիկ Աստուծոյ օգնութեան չի հասնին: Այսպէս բարեխօսական աղօթքը կրնայ ըլլալ ուրիշ եղանակ մը, որով Աստուած կ'սպասէ մեր աջակցութեան: Եթէ ինք բարեկամիս համար կարգ մը բաներ ընել չուզեր միևնջեր որ ես չի գործեմ, կրնայ ըլլալ որ չուզէ ընել ուրիշ բաներ միևնջեր որ ես չաղօթեմ:

Այս նմանութեան մէջ ճշմարտութեան տարր մը

կայ, բայց բաղդատութեան սահմանափակ կիրարկումը յայտնի է: Աստուած չի կրնար ընտանեկան կեանքս փրկել առանց իմ գործակցութեանս, ինչու որ ինք չի կրնար գրաւել իմ տեղս իբր որդի կամ իբր ամուսին կամ իբր հայր: Ինք իմ միջոցաւ գործելու է: Չի կրնար ազատել կառավարութիւնը՝ առանց մարդոց, ինչու որ չի կրնար քուէարկողին տեղը բռնել. պէճ է որ քաղաքացիներուն միջոցաւ գործէ: Եւ Չինաստանի աւետարանումին համար չի կրնար ինք իբր միսիոնար երթալ. պէտք է որ գացող մարդ մը գտնէ: Մարդկային գործակցութեան այս անհրաժեշտութեան շուրջ ոչինչ կայ արուեստական. խնդրին բնութեանը կը պատկանի այս: Բայց թէ Աստուած Չինաստան գտնուող մարդու մը բացէն կը զլանայ բան մը զոր ազատ է տալ անոր, և կը շարունակէ զլանալ մինչև որ իմ միտքս իյնայ խնդրել անոր շնորհումը, կամայական գործ կ'երեւի այդ և ապացոյց է Աստուծոյ անկատար բարութեան: Ոչ մէկ ճշմարիտ հայր իր մէկ զաւակին պիտի զլանար բարիք մը, որու իրաւուք ունի ան և զոր հայրն ազատ է տալ, պարզապէս որովհետև կ'սպասէ որ ուրիշ տղայ մը խնդրէ անոր շնորհումը: Բարեխօսութեան այսպիսի գաղափարի մը անպատեհութիւնը սուրբեան այսպիսի գաղափարի մը անպատեհութիւնը սոսկ մտաւորական չէ, այլ և բարոյական: Թէ անհատ մը, օրինակ՝ ես, պիտի ջանայ համոզել ուրիշ անհատ մը, զԱստուած, ընել երրորդ անհատի մը, բարեկամիս, համար բան մը զոր երկրորդ անհատը, Աստուած, մտքէն չէ անցուցած և կամ ուրիշ կերպ մտադրած է, և կամ քմահաճօրէն կը զլանայ մինչև որ անոր շնորհումը չի խնդրեմ ես, պարզապէս կ'ենթադրէ հեթանոսական տարրեր պարունակող մտածում մը աստուածութեան վրայ: Եւ շատեր զայս զգալով լքած են բարեխօսութիւնն իբր անբանաւոր բան:

Իրականութեան այս լքումը, սակայն, արդիւնք անոր անկատար ձեւով մը արտայայտուելուն, ուեէ խնդրի լուծում չէ երբեք: Փոխանորդական աղօթքի արժանավայել կամ անարժան մեկնութիւններով անկեղծ Քրիստոնեաներ իրենց բարեխօսութեանց մէջ լուրջ և բանաւոր գործ մը կը կատարեն, որուն ակերը խոր կը թաղուին մարդկային կեանքի պէտքերուն մէջ: Բարեխօսութեան վրայ յստակ և բանաւոր հաւատք մը պէտք է սկսի երկու ճշմարտութեամբ. նախ, Աստուծոյ նմանի Քրիստոսնեակալ Աւեստրակոյ, երկրորդ՝ անձերու աշխարհը գործարարական ակրոնոքիսն մը ընող սերս յարսքերոքիսններով:

Առաջին ճշմարտութեան գալով, Քրիստոնէից Աստուածը բովանդակ մարդկութեան բարօրութեան կը բաղձայ ամենուրեք: Անոր սէրն ընդարձակութեամբ անսահման է և կիրարկութեամբ՝ անհատական: Անոր բարի նպատակը շքեղօրէն կ'անցնի արարչութեան մէջէն, պարփակելով իր ամէն մէկ զաւակը, և աշխատելով այլափոխուած ընկերութեան մը համար երկրի վրայ և երկինքի մէջ: Այս կ'ըլլայ, ինչպէս Պօղոս կ'ըսէ, «Իր յաւիտենական նախասահմանութեանը համեմատ, զոր ըրաւ մեր Տէրը՝ Քրիստոս Յիսուսի ձեռքով» (Եփես. Գ. 11): Մարդու մը կամ ցեղին բարւոյն համար մեր բոլոր երազածներէն չի կայ բան մը, որ դպած ըլլայ վերարկուի քղանցքին այն բարւոյն զոր ինք կ'առաջադրէ և որուն համար ինք կը գործէ: Ինք հեթանոս աստուծոյ պէս անհատ մը չէ, զոր հարկ ըլլայ Բահաղի պէս քունէն արթնցնել և աղաչել որ բարի գործեր ընէ մարդոց: Այլ, մանաւանդ, մարդկութեան բարւոյն համար մեր սրտերուն ծանօթ աղօտ և պլպլացող մէն մի

բաղձանք Անոր յաւիտենական տենչանքին բուն իսկ ձեռնորդ կը վառի իր զաւակներուն փրկութեան համար, ինչպէս կ'երգէ Հովթիէր.

«Գութի մասին գիտցածս արդէն

Ծնունդէս առաջ Դուն գիտէիր:

Լաւ մըղումներս բոլոր Գուկդ են:

Սիրտըս սրտէդ լայն, սիրալիր

Լոկ աղօթքներ, իղձեր քաղեց:

Ով Տէր, գիտեմ որ ճիշդ պահուն

Միջոցներով ինձ անձանօթ

Պիտի ամէն ինչ ընես Դուն,

Երբ ըլլամ Բեզ ամենամօտ:»

Այսպէս է Քրիստոնէից Աստուածը:

Երբ մարդիկ փոխանորդական աղօթքով այսպիսի Աստուծոյ մը երթան, անոնց բարեխօսութիւնը պէտք է որ նշանակէ ձուլուիլ Հօրը յաւիտենական նպատակին հետ իր զաւակներուն համար, «զԱստուած բռնել» ոչ թէ զայն ծառայութեան հրաւիրելու համար իբր թէ ատոր պէտք ունենար, այլ Անոր հետ սարսաղ բոլոր մարդոց բարիքին ձգտող անոր բաղձանքով: Աշխարհի վրայ ոչ մէկ բանի աւելի պէտք կայ քան այսպիսի բարեխօսութեան: «Տոբթ. Մոթի բանախօսութեան խորագիրը, «Բարեխօսներ — Առաջին Պէտքը,» պարզապէս իրողութեան մը հաստատումն է: Աստուած կ'ուզէ պէս իրողութեան մը հաստատումն: Երբ մարդիկ, որոնք իրենց ներքին աղօթքով զինք բռնող մարդիկ, որոնք իրենց տիրական բաղձանքները ներդաշնակին իր բաղձանքներուն հետ, մինչև որ անոնց բարեխօսութիւնը իր կամքին իրական դաշնակիցը դառնայ: Ինչպէս բաղձաթիւ ցանցակերպ ջրուղիներով ոռոգումի դրութեան մը մէջ սահանագուռը ջրամբարին պիտի չաղաչէ որ յիշէ մարիք գործելու իր մոռցուած կարողութիւնը, այլ բարիք գործելու իր մոռցուած կարողութիւնը, այլ յաւէտ պատրաստ ջուրին ստիպումը զգալով պիտի ուզէ

բացուիլ, որպէս զի սպասող հոսանքը մուտք գտնէ բոլոր արտերուն մէջ, և ջրամբարին կամքը կատարուի — նո՛յնպէս մարդիկ աղօթելու են Աստուծոյ :

Գալով երկրորդ ճշմարտութեան, որ բարեխօսու-
թեան բանաւորութեան հիմը կը կազմէ, անձերը պար-
զապէս ուրոյն անհասկեր չեն տպրակի մը մեջ ձգուած
աւազի հասիկներու պէս, այլ, ինչպէս Պօղոս կ'ըսէ, «Իրա-
րու անդամներ են:» Ձղային գրութեան մը կծիկները հա-
զիւ աւելի սերտօրէն և աւելի միջանկախօրէն իրարու
կապակցեալ են քան մարդիկ անձնական կեանքի այս
սերտօրէն ցանցակերպ գրութեան մէջ: Փրօֆ. Էվե-
րեթ անգամ մը ըսաւ, «Մենք տերեւին կը հարցնենք,
Դուն քեզմով կատարեա՞լ ես, և տերեւը կը պատաս-
խանէ, Ոչ. իմ կեանքս ճիւղերուն մէջ է: Ճիւղին կը
հարցնենք, և ան կը պատասխանէ, Ոչ. իմ կեանքս ի-
րանին մէջ է: Իրանին կը հարցնենք, և ան կը պատաս-
խանէ, Ոչ. իմ կեանքս արմատին մէջ է: Արմատին կը
հարցնենք, և ան կը պատասխանէ, Ոչ. իմ կեանքս
իրանին, ճիւղերուն և տերեւներուն մէջ է: Մերկա-
ցուր ճիւղերս տերեւներէն և ես կը մեռնիմ: Նոյնն է
գոյութեան մեծ ծառին համար: Ոչինչ ամբողջովին և
սոսկ անհատական է:» Անձնականութեան մասին որչափ
աւելի զիտնանք, այնչափ նուազ հնարաւոր կ'ըլլայ
մեզ իրարմէ բաժնող որոշ շրջանակներ գծել մեզմէ
իւրաքանչիւրին շուրջ: Մենք ամէնքս իրարու մէջ կը
հօսինք իրարու մէջ հօսող գետակներու նման, գետնին
վրայ և տակը մեզ բոլորս իրարու կապող բաց ճամբա-
ներով: Նոյն իսկ հեռակրութիւնը կրնայ շիտակ ըլլալ:
Այնպէս որ եթէ մարդ մը կը հաւատայ Աստուծոյ, որով
աւելնը կ'ապրին, կը շարժին ու կան, հիմ մը չի կայ ու-
րանալու այն կարելիութիւնը թէ աղօթքը կրնայ նոյն
իսկ հեռուէն անձնական ազդեցութեան ճամբաներ բա-

նալ: Անձնականութիւնն իր ամենալաւ վիճակով սեղ-
ծագործ է իր խորհելուն ու գործելուն մէջ, և երբ ան-
ձերու այս սիրոյ գրութեան մէջ հողի մը իր տիրական
բաղձանքը նետէ Աստուծոյ բաղձանքին կողքին, ոչ ոք
կրնայ դիւրաւ սահման դնել այդ աղօթքին ազդեցու-
թեան:

Արդարև բարեխօսական աղօթքի որոշ երեւոյթներ
կան, ուր հետեւանքները պարզ են: Տեսութիւն մը
չէ, այլ փորձառարար ապացուցուած իրողութիւն մը
թէ, եթէ ուէ համայնքի մէջ մեծ թիւով անկեղծ Քրիս-
տոնեաներ հոգեւոր արթնութեան մը համար անձուէր
աղօթքով միանան, արթնութիւնն ապահովաբար տեղի
կ'ունենայ: Այս կրնայ փորձուիլ ուէ տեղ, ուէ ատեն,
եթէ անկեղծ այրեր և կիներ գտնուին աղօթող: Ըսել
եթէ այս արդիւնքը պարզապէս հոգեբանական է, ուրիշ
թէ այս արդիւնքը պարզապէս հոգեբանական
կերպ մըն է ըսելու թէ Աստուած հոգեբանական
օրէնքներն այնպէս սահմանած է որ խումբ մը անկեղծ
մարդոց կողմէ մատուցուած աղօթքն անշուշտ ար-
դիւնք կը բերէ: Այս իրողութիւնը, բարեխօսութեան
արժեքը բեկանելի հետո, հիւզերակալ օրեկի մը հաստ-
տութիւնը կու տայ ակնոր: Կը յիշատակէ պայմանները ո-
րոնցմով Աստուած իր ամենաազդու գործը կը կատարէ
մարդոց միջոցաւ: «Շատ տարիներ,» կ'ըսէ Տօքթ.
Մոթ, «ազդերու մէջ ճամբորդած միջոցիս, իմ գործս
եղած է ուսումնասիրել աղբիւրները հոգեւոր շարժում-
ներուն, որոնք խիստ շատ բան կ'ընեն անհատներն
ու համայնքները կենդանացնելու և այլափոխելու հա-
ու համայնքները կենդանացնելու և այլափոխելու հա-
ու: Երբեմն դժուար եղած է գտնել զազտնի աղ-
մար: Երբեմն ես ժամանակ և համբերութիւն ու-
րելու, բայց ուր ես ժամանակ և համբերութիւն ու-
նեցած եմ փնտռելու, անխուսափելիօրէն գտած եմ զայն
մեծ իրականութիւն ունեցող բարեխօսական աղօթքի
կեանքի մը մէջ:»

Մինչ մեր միտքերն անբաւական են բարեխօսութեան զօրութեան բացատրութիւնը մինչև իր վախճանը տանելու դործին, մեր փորձառութիւնը յստակ է թէ ստեղծագործ բան մը տեղի կ'ունենայ, երբ անձնական կեանքի այս միաւոր դրութեան մէջ մարդկանցին հոգիներ իրենց վրայ կ'առնեն Աստուծոյ հոգը մարդոց համար, և փոխանորդական աղօթքով կը գործակցին անոր զոհաբերական նպատակին: Փրօֆ. Գօ կ'ըսէ, «Աստուծոյ հետ միացող մարդը ապահովաբար չի թողուր տիեզերքը ուր որ էր առաջ: Ամէն բաներ միանալով միութիւն մը եղած են: Ձեռքէս խճաքար մը կը ձգեմ. գետին կ'իյնայ, բայց մեծ երկիրը վեր կ'ելլէ զայն դիմաւորելու համար: Անոնք ձգողութեան հասարակաց կեդրոն մը կը փնտռեն, որ նոյնքան ստուգիւ կը սահմանուի մէկուն, որքան միւսին զանգուածէն: Դուք չէք կրնար ունէ բան փոխել առանց ուրիշ բան մը ևս փոխելու: Աղօթող մարդը անձերու աշխարհին ձգողութեան կեդրոնը կը փոխէ: Ուրիշ անձեր, ինչպէս ինք, տարբեր պիտի ըլլան, և ինք չէր կրնար այս տարբերութիւնը ուրիշ ունէ միջոցաւ յառաջ բերել բայց միայն իր այս միութեամբ Աստուծոյ հետ:»

Բայց ոչ մէկ բացատրութիւն, որքան ալ բանաւոր, կրնայ համարժէք ըլլալ փոխանորդական աղօթքի փորձառութեան: Ատիկա զգալու համար, կեանքի դառնալու ենք, երբ մայր մը կ'աղօթէ իր խեռ որդիին համար, բռներ չեն կրնար յայտնել անոր աղաչանքներուն վառվառն իրականութիւնը: Անոր սէրը դուրս կը խուժէ թախանձագին խնդրանքով մը թէ իր որդին կորսուելու չէ: Ինք գիտէ իր որդիին արժէքը, որուն հետ ոչ մէկ արտաքին բան արժանի է բազառուելու, և անոր կարելիութիւնները, որոնց մասին ոչ մէկ մեղք տարակուսիլ կու տայ իրեն: Չի կրնար լքել

զայն: Կը հետեւի անոր իր լքումներուն մէջէն մինչև մահուան դռները. և եթէ մահուամբ կորսնցնէ որդին անդրշիրիմեան խորհուրդին մէջ, կը շարունակէ գեռ գաղտնի աղօթել անարտայայտելի բարեխօսութիւններով, որպէս զի ո՛ւր ալ գտնուի որդին բարոյական աշխարհին մէջ, Աստուած դարձի բերէ զայն: Երբ մէկը փոխանորդական աղօթքի այսպիսի փորձառութիւն մը նկատի առնէ, կը տեսնէ թէ սոսկ Աստուծոյ կամքին համակերպում մը չէ այն, այլ մեծ բաղձանքի մը ստիպողական պնդումը: Մայրը չի խորհիր իրապէս թէ ինք զԱստուած կը համոզէ իր որդիին հանդէպ բարեացակամ ըլլալ, ինչու որ աղօթքին մէջ պարզուած համարձակութիւնը վերագրելի է իր ստոյգ հաւատքին թէ Աստուած ալ կը փափաքի այդ մանչուն մեղքէ դարձին: Ինք յարէ իր արժիւ վրայ կ'առնէ նոյն բեռը՝ զոր Աստուած ունի իր արժիւ վրայ, եւ իր ինքնակրք կը միացնէ աստուածային բաղձանքին: Բարոյական աշխարհը կարող աւանական կեանքի այս դրութեան մեջ իր տեղը կը բռնէ Աստուծոյ կողմին, զոհաբերական սիրոյ սխալողական եւ ստեղծագործ արտադրողով:

Արդ, այս մայրը չի գիտեր, և չի կրնար գիտնալ, թէ ինք իր աղօթքներով ինչ կ'ընէ: Բայց մենք գիտենք թէ այսպիսի մայրեր կը փրկեն իրենց որդիները, երբ բոլոր ուրիշներ կը ձախողին: Աղօթքին յառաջածիւղ զօրութեան գաղտնիքը մեծ է: Բայց այսպիսի աղօթքներու ազդեցութեան ստուգութիւնը, մէկ կամ միւս կերպով, աւելի մեծ է կարօտ կեանքերու փրկումիւնը: Կրնայ ըլլալ որ, ինչպէս ըսինք, թիւնը գործելու մէջ: Կրնայ ըլլալ որ, ինչպէս ըսինք, Աստուած մարդկային փոխարարութեան օրէնքներն այնպէս հաստատած է որ մենք կրնանք իրարու օգնել ոչ միայն մեր գործերով, այլ նաև ուղղակի մեր խորհուրդներով, և որ անկեղծ աղօթքն այս զօրութեան գոր-

ծաղրութիւնն է իր ամենաբարձր սահմաններուն մէջ : Բայց այն մայրը , այս տեսութիւնը փառսած ըլլա՛յ կամ ոչ , դեռ կը շարունակէ աղօթել : Անոր բարեխօսութիւնն իր կեանքին արտայայտութիւնն է , սեփեփ ճնարարեաց :

Զ

Առանց աղօթքի ապրող մարդ մը , կամ մարդ մը որու համար աղօթքը մշակեալ ձգտում մը չէ , այլ սոսկ եսասիրական պէտքի մը պատահական աղաղակը , թող ինքզինք քննէ անձնուէր աղօթքի այս գաղափարականին լուսով : Ուրիշներու սիրոյն իր անձին համար աղօթել , և փոխանորդական աղաչանքով աղօթել իր բարեկամներուն , թշնամիներուն և համօրէն մարդկութեան համար — անա այս պաշտօնը ուրացած է ինք : Բարեխօսական ոգիէ իր իրական և ներքին պակասումը թող չի ծածկէ տեսականի մասին մտքի ուէ չփոթութեան ետին : Եթէ մարդ մը ուղղամտօրէն փնտոէ պատճառը թէ ինչո՞ւ զիւրաւ չերեւակայուիր իր շրթունքներուն վրայ Մովսէսի աղօթքին նման աղօթք մը . « Ո՛հ , այս ժողովուրդը մեծ մեղք գործեց . . . Բայց հիմա եթէ անոնց մեղքերը կը ներես , ներէ . եթէ ոչ՝ կ'աղաչեմ , աւրէ զիս քու գրած զիրքէդ » (Ել. ԼԲ . 31 , 32) , կը տեսնէ թէ Մովսէսի և իր անձին միջեւ տարբերութիւնը գլխաւորաբար բարոյական կիրքի տարբերութիւնն է : Մենք չունինք այն բարձր և տիրապետող բաղձանքները զորս Մովսէս ունէր : Անորինին բաղձատմամբ մեր փափաքները կազ , տկար և պզտիկ են : Եթէ մտաւորական ամէն չփոթութիւն վերցուէր , մեզի տակաւին պիտի պակասէր ոգին որմէ կը հոսին այսպիսի ինքնաբուխ աղօթքներ : Ենթադրելով թէ ճշդիւ գիտենք և լիովին կը յարգենք մեր Տէրոջ աղօթքի տեսարիւնը , կա՛յ արդեօք

մարդ մը որուն համար աղօթելու չափ հոգ ընենք , ինչպէս Յիսուս ըրաւ Պետրոսի համար : Կա՞յ դատ մը որ մեզմէ կրնայ խել անոր աղաղակը . « Ով Երուսաղէմ , Երուսաղէմ » :

Բարեխօսութեան դեմ գլխաւոր արգելները բարոյական և են : Մենք կ'ապրինք մեր ստանալ կրցածին համար . մեր տիրական բաղձանքներն անձնասիրական են : Մեր անձերուն գլխաւոր հոսանքը մեր ճղճիմ փառասիրութեանց ուղիներուն մէջ կը թափի , և ուրիշ մարդոց ու մեծ դատերու վրայ մեր խորհուրդները հոսանքին մակերեսին վրայ պատահական պտոյտքներ են լոկ : Մինչեւ անգամ երբ յաջողինք աղօթել մեր բարեկամներուն , մեր հայրենիքին , կամ Թագաւորութեան համար , յաճախ շրթունքի պաշտամունք մըն է զոր կը մտուցանենք պայմանադրականութեան : Կեանքէ մեր ստիպողաբար և միշտ պահանջածը չէ որ կ'արտայայտենք : Մեր աղօթքները կեղծաւոր են : Եթէ դատր , որուն համար կ'աղօթենք , յանկարծ մարմին առնէ և մեզի հարցնէ մեր աղերսանքին կատարումին մէջ մեր ունենալիք բաժինը , խոյս կու տանք և կը փախչինք : Ամէն այս կարգի բարեխօսութիւններ հնչող պղինձ են : Մալթայի Պապոք կ'ըսէր , « Պէտք է որ մեր աղօթքները մեզի համար նշանակութիւն մը ունենան , եթէ ուէ նշանակութիւն պիտի ունենան Աստուծոյ առջև » :

Ուստի մարդ մը , բարեխօսութենէ իր պակասումը մտաւորական չփոթութեանց վերագրելէ առաջ , կրնայ իր անձին հարցնել թէ , եթէ իր բոլոր հարցումներուն լրիւ պատասխանուէր , իր մէջ պիտի զգա՞ր այն ոգին որ փոխանորդական աղօթքով պիտի արտայայտուէր : Իր սիրտն իրապէս այնքան շատ լեցուած է թաքուն բարեպաշտութեամբ որ կ'սպասէ աղօթքով ելք մը գտնելու , անմիջապէս որ բարեխօսութեան բանաւորութիւնը

հաստատուի: Գերազանցօրէն հաւանական է յաւէտ որ, եթէ իր վերջին հարցանիշը զօրաւոր պատասխանով մը ջնջուի, ինք իր հիմա ըրածէն մազի չափ աւելի պիտի չի բարեխօսէ: Բարեխօսութիւնը վեհաճանապարհապաշտութեան արդիւնքն է եւ ոչ՝ տրանսպարանտի վերլուծումի: Երբ այսպիսի բարեպաշտութիւն գայ Աստուծոյ խորագէտ հաւատացող ունէ մարդու կեանքին մէջ, ցամաք ձորի մը մէջ բարձրացող հեղեղի մը պէս կը վերցնէ արգելքները որոնց բարձումին համար ի զուր ճգնած էր, և կը վանէ զանոնք: Տիրական բաղձանքի անշահախընդիր ազօթքը իր ուղին կը բանայ: Մենք մեր կեանքերն ուրիշ մարդոց և մեծ դատերու կը նուիրենք, և այնուհետեւ կու գան մեր ազօթքները, լեզու կու տան մեր սիրոյն, տեսութեամբ թէ առանց տեսութեան: Մենք Աստուծոյ դաշնակցութեան կը փարինք ի սէր այն մարդոց որոնց համար հոգածու ենք, և նպատակներուն՝ որոնց կը ծառայենք: Այսպէս կ'ընենք, վասն զի սէրը մեզի ընկել կու տայ, և կը շարունակենք, վասն զի մեր ազօթքին վաւերականութիւնը կ'ապացուցուի մեր փորձառութեամբ: Սբ. Անտոնիոս իրականութիւնը կը խօսէր, երբ ըսաւ, «Կ'աղօթեմք այնքան որքան կը բաղձանք, եւ կը բաղձանք այնքան որքան կը սիրենք:»

Այս կարգի բարեխօսութեան վրայ կը ճշմարտուի հետեւեալը.
 «Ազօթքն աւելի գործ է կատարած աշխարհի վրայ Գան զոր աշխարհ ինք երբեք կ'երազէ: Զայնդ հետեւաբար Գիշեր ցորեկ ինձ համար աղբիւրի պէս թող բարձրանայ: [ոչխար, Ի՞նչ բանի համար մարդիկ լաւագոյն են քան այժ, Արոնք կեանք մը կոյր իրենց ուղեղին մէջ կը սնուցանեն, եթէ ճանչնալով զԱստուած՝ ձեռամբարձ պիտի չազօթեն»

Իրենց և բոլոր բարեկամներուն համար առ Աստուած. Ինչու որ այսպէս աշխարհն ամբողջ իր ամէն մէկ կէտէն Ոսկի շղթայով Անոր ոտքերուն շուրջ կ'ըլլայ կապուած:»

Մտածումի եւ Քննութեան Համար Թեկադրութիւններ

Մարդ մը ո՞րչափ կրնայ ընկ, «Ինչ որ կ'ընեն՝ ուրիշին ի՞նչ հոգ:»

Կա՞յ արդեօք անձ մը այնքան հեռու որ ոչ մէկ գործս ազդէ անոր:

Կա՞յ արդեօք բան մը զոր անձ մը կրնայ ազօթքով խնդրել և որ միայն իրեն կը վերաբերի և ոչ ուրիշի:

Ե՞րբ կրնայ մէկը իրապէս մատուցանել Տէրունական Ազօթքը:

Ե՞րբ անշահախնդրական է անձնական պիտեքու համար անտուգուած աղօթքը:

Ի՞նչ են անշահախնդրական աղօթքի արդիւնքները:

Ի՞նչ կ'ընէ ազօթքը ազօթող անձին:

Ինչո՞ւ կ'օգնէ մարդու գիտնալ թէ ուրիշներ իրեն համար կ'ազօթեն: Անշահախնդի ազօթքի ո՞ր աստիճան բաւարար պատճառ է այս:


«Ազօթքը կրնա՞յ ազօթողէն անջատաբար ունէ գործ կատարել:» Ի՞նչ տեսակ պատասխաններ ակնկալելու իրաւունք ունինք:

Ինչո՞ւ հարկ է սիրող Աստուծոյ մը մօտ բարեխօսել մարդկային պէտքերու համար:

Բարեխօսական ազօթքով ի՞նչ կը կատարուի իրապէս:

307

100
100



« Ազգային գրադարան



NL0162428

2

